

УЗ-2

Р-33

ИБРОХИМ РАҲИМ

ТАНЛАНГАН АСАРЛАР

ФАФУР ФУЛОМ
НОМИДАГИ
БАДИЙ
АДАВИЕТ
НАШРИЕТИ
ТОШКЕНТ — 1967



—

ИБРОХИМ РАХИМ

ТАНЛАНГАН АСАРЛАР

УЧ
ТОМЛИК

БИРИНЧИ
ТОМ

ҲИҚОЯЛАР ВА ОЧЕРКЛАР





о пис.

Муҳтарам китобхон!

Таниқли ёзувчимиз Иброҳим Раҳимнинг уч томлик «Танланган асарлар»нинг биринчи китоби босмадан чиқди. Биринчи китобга ёзувчининг ҳикоя ва очерклари кирган. «Танланган асарлар»нинг иккинчи ва учинчи китоби келаси йилда босилиб чиқади.

Раҳим Иброҳим.

Танланган асарлар. З томлик. I, T.
T., Faфур Fулом номидаги бадний адабнёт нашриёти, 1967.
I. T. Ҳикоялар. Очерклар 416-бет.

Рахим И. Избранные произведения. Т. I.

Индекс 7—3—3

Уз 2

ОЛОВКОР

Узбек совет адабиёти — Улуф Октябрь социалистик революцияси нинг шонли самарасидир. У юзлаб катта ва кичик ёзувчиларининг шуури ва кўз нури билан, меҳнат ва шиҷоати билан бунёд бўлган. Улкан нахрда тўлқин кетидан тўлқин келганидек, ижод майдонига ҳам авлод кетидан авлод кириб келаверар экан. Шу маънода Ҳамза, Садриддин Айний, Абдулла Қодирий, Абдулла Авлоний, Мұҳаммадшариф Сўғизода каби ёши улуф устозларимизни бир авлод ҳисобласак, ундан кейинги тўлқинни Ойбек,Faфур Ғулом, Ҳамид Олимжон, Абдулла Қаҳор, Қомил Яшин, Үйғун, Миртемир, Шайхзода, Файратий, Собир Абдулла каби севимли адабиётаримизнинг жўшқин ижоди пайдо қилди. Денгиз тўлқини енгил туртқидан кучсиз ҳаракат сифатида пайдо бўлади-ю, қирғоқка етиб келгунча куч йигниб пўртана га айланади. Худди шунингдек адабиётимиздаги етакчи ижодкорлар соясида ва тажрибасида бундан бир неча йиллар аввал камтарона ижод машқ қила бошлаган авлод бугунги кунда ярим асрлик умр кўриб кўйди. Мен бу ўринда Зулфия, Усмон Носир, Шароф Рашидов, Мамарасул Бобоев, Ҳаким Назир, Раҳмат Файзий, Аскад Мухтор, Ҳамид Ғулом, Мирмуҳсин каби туғилган куни эътибори билан ўзаро бир-икки ёш фарқли, аммо ижод ёшига кўра бир авлодни ташкил этувчи ёзувчиларни кўзда тутаман.

Авлод кетидан авлод кириб келмоқда майдонга. Бора-бора бўғинлар шунчалик кўпайиб кетадики, адабиётшунослар бундай ҳисобдан воз кечадилар. Аммо ўшандаги ҳам мазкур авлодни Октябрь тенгдошлири деган тушунча билан ифода этиш мумкин. Ҳар ҳолда адабиётимизнинг улуф инқилоб йилларида дунёга келган авлоди ҳам ҳозир юбилей ёшига етишди. Шулардан бири, мен сарлавҳада оловкор деб айтган Иброҳим Абдураҳимовиц Раҳимовдир.

Иброҳим Раҳимнинг ҳикоя ва очеркларни, кисса ва романлари публицистик мақола ва киносценарийлари ўзбек адабиёти ва санъати ҳазинасидан ўзига муносиб ўрин эгаллаган. Улар ҳам, авторнинг номи ҳам ўкувчиларга яхши таниш. Қамини эса ушбу китоб саҳифаларидан ўқиб танишасиз. Шунинг учун ҳам мен гапни қиска ки-

либ, адабининг ўттиз йилда ортиқроқ ижодий фаолиятидаги баъзи масалалар ҳақидагина баҳс юритмоқчиман.

* * *

Иброҳим Раҳим биографияси учун характерлар ҳолатдан бири унинг ижтимоий активлигидир. 1916 йилда Фарғона области Кувадар районининг Сойкелди қишлоғида, камбағал оиласида дунёга келган адаб, аввало қишлоқ мактабида ўқиди. Уша йиллари муаллимиликни ҳавас қилди ва сўнгроқ ўқитувчилар тайёрловчи курсларни битириб, ёш авлод тарбияси билан шуғулланди ва бир қанча вақт район пионер бюросининг раиси ҳам бўлиб ишлади. Адаб ижоди учун яхшигина ҳаётий материал берган бу фаолият 1934 йилгача давом этди.

1934 йилдан то шу кунгача Иброҳим Раҳим бошқа бир ижод универсиетида машғул. Бу университетнинг номи журналистика. Бундан 32 йил аввал «Колхоз йўли» сарлавҳаси билан чиқадиган республика газетасида қаламкашлик қила бошлаган Иброҳим Раҳим совет матбуоти саҳифасида адаб сифатида шаклланди. 1939 йилдан буён шонли Коммунистик партия аъзоси бўлган ижодкор ўртоғимиз бу орада партия йўлланмаси билан матбуот соҳасида кўп хизмат қилди. У Улуғ Ватан уруши йилларида фронтда ўзбекча газета чиқаришда катнашди. Сўнгроқ республика радио комитетида эшиттиришлар тайёрлади. «Қизил Ўзбекистон» газетасининг саҳифаларида ҳам унинг анча имзоси бор. Ҳозирги кунда у «Гулистон» журналининг баш мұҳарриридир.

Узоқ йиллик журналистлик фаолияти Иброҳим Раҳимни сиёсий актуал мавзуларни топа олишга, ижодда партиявий принципиалликка, ҳаёт темпини тез тушунишга, оператив ижод қилишга ўргатди. У ижодидаги заифлик ва бўш томонларни тезроқ бартараф қилишида ҳам партия матбуотининг таъсири зўр бўлди.

Иброҳим Раҳим ҳаётининг бир кисми Совет Армияси билан борлиқ. Улуғ Ватан урушидан бир неча йил аввал қизил аскарлар сағига чақирилган адаб то 1940 йилгача Совет Армиясида ғайрат билан хизматда бўлди. Улуғ Ватан урушининг биринчи кунларидаёк Иброҳим Раҳим армия сафларида сиёсий-тарбиявий иш олиб борногда ҳисса кўшди. Ижодни ҳавас килиб кўлига қалам олганда ҳам у солдат шинелида эди. Бу гап 1938 йилларга тааллуқли.

Бизнинг ёзувчиларимиз орасида шеър ёзмаган одам йўқ деса муболаға бўлмас. Энг ўта прозаик адабларимиз ҳам бир маҳаллар кофия жуфтлаганлар. Иброҳим Раҳим ҳам шундай қилган.

Ёдимда, унинг 1939 йилда «Ўзбекистон адабиёти ва санъати» журналида босилган «Баҳодир» номли илк поэмаси муносаби тўёна бўлди. Ўзбекистоннинг ўн беш йиллиги муносабати билан республика ёзувчилар союзи уюштирган бадий асарлар конкурсида у иккин-

чи мукофотга сазовор деб топилди. Ана шундай қилиб жиілдій ижод китобининг сарлавчаси құйылған зди.

Улуғ Ватан уруши арафаларида маҳаллий газета ва журналларда Иброҳим Раҳимнинг бир неча ҳикоялари босилиб чыкди. Ҳали бадий жиҳатдан у қадар пишик бўлмаган илк ҳикоялар келажакдағи катта ижод заявкаси зди. Мазкур китобга адабнинг илк ҳикояларидан намуна сифатида «Чегарадан ўтган думсиз ит», «Шовлани ковлаганда» каби асарлари ҳам киритилган.

Улуғ Ватан уруши йилларида Иброҳим Раҳимнинг ҳам ижоди фронт оловларида пишди. Уша давр адабиётининг лейтмотиви бўлган ватанпарварлик гояси адабнинг «Партизанка» ҳикоясида ҳам, «Ўзбекистон танклари Германия юрагида» деб сарлавҳаланган очеркида ҳам ва бошка шу давр ижодига оид асарларида ҳам таъсири тасвирланган. Бу давр ҳаёт кузатишлари унинг кейинроқ ёзилган «Чин мұхаббат» сарлавҳали, ўзбек халқи фарзандларининг Улуғ Ватан уруши фронтларидаги қаҳрамонликларини улуғловчи романнiga материал бўлди.

Иброҳим Раҳимнинг бадий қобиляти Улуғ Ватан урушидан сўнгги йилларда тўла етишди ва бу даврга келиб унинг ўзига хос хусусиятлари яққолрок намоён бўла бошлади. Шу хусусиятлардан бири сифатида таъкидлаб ўтиш керакки, унинг бош темаси шу кунги ҳаёт. Иброҳим Раҳим замонавий мавзуни дикқат марказига қўйған адаб. Ана шу ижодий принцип сўз устасининг барча жанрдаги асарлари учун тааллуклийдир.

Урушдан сўнгги давр ўзбек адабиётида очерк жанриннинг ривожланишида Иброҳим Раҳимнинг хизматлари катта бўлди. Хусусан у чет элларда бўлар экан, у ерда кўрганларини ўзбек ўқувчилари билан баҳам қўришга шошилди ва Хитой, Ҳиндистон, Югославия каби мамлакат халқлари ҳақида асарлар ёзи. Шулардан намуна тарзида мазкур китобга кирган «Югославия учрашувлари» асарини кўрсатиб ўтиш мумкин.

Иброҳим Раҳим очеркнавис сифатида факат йўл очерклари билангина эмас, балки В. Овечкин, А. Калинин, Г. Тровпольскийлар каби қишлоқ хўжалиги мавзуидаги проблематик очерклари билан ҳам ўқувчилар оммасига танилган. Ушбу китобда адабнинг ўша хил асарларидан «Механизаторнинг ўйлари», «Жонкуяр» кабилар бор. Авторнинг бу асарларида унинг яна бир ижобий фазилати кўриниб турибди. У ҳам бўлса ҳаётда пайдо бўлган прогрессив янгиликни тез топа билиш ва уни ўз вактида ҳимоя қила билиш қобилятидир. Унинг 1953 йилда босилиб чиқкан очерклар китоби «Янгилик куртаклари» деб аталарди. Шу китоб юқоридаги фикримизнинг далили бўла олади.

Адабнинг ҳикоя ва очеркда орттирган ижодий тажрибалари қе-

йинрок унинг йирик эпик асарларга кўчиши учун қулайликлар яратиб берди. Айни вактда автор шуни яхши тушундиклар, кичик эпик асарлардаги конкретликларни умумлаштирмай туриб йирик асарлар ёзиш мумкин эмас. Шу борадаги қадамлар тарзида унинг ижодида публицистик мақола ва очерклар пайдо бўлди.

Иброҳим Раҳимнинг урушдан сўнгги давр ҳикоя, очерк ва публицистик мақолаларининг ҳаммаси ҳам бирдек савиядга ёзилган эмас. Улардан алғимлари ўз вақтида ҳакли танқидга ҳам учраган. Аммо шуни тўла асос билан қайд қилиш керакки, бу даврда адаб жиддий ижодий эволюцияни бошдан кечирди, ўзи ихлос кўйган ижодий жанрларнинг ички конуннятларини чуқуррок ўрганди, асарларининг тили устида қунт билан ишлади. Буларнинг ҳаммаси бир бўлиб, унинг фикрини равшанлаб, қаламини қайраб берди. Натижада Иброҳим Раҳимнинг кейинги йилларда яратган «Кўш кечик» очерки ижоддаги партиявийлик, оперативлик ва бадиийликнинг ижобий намуналари каторида қайд қилинишга сазовор.

Ҳар бир адабнинг ўзига жуда маъқул севимли ва айни вактда яхши биладиган мавзуси бўлади. Иброҳим Раҳимнинг шундай мавзуси ўзбек пахтакорларининг шу кунги ҳаётидир. У граммлардан миллион тонналарни бунёд қилувчи мард инсонларни яхши кўради, ҳикояларида ўшаларни улуғлайди. Пахтакорларнинг ҳаётдаги қийинчиликларини яхши билади, проблематик очеркларида шу муаммоларни ҳал қилишга ўз овозини кўшади. Унинг бош қаҳрамонлари Турсуной Охунова ва унинг дугоналари, унинг тасвир обьекти Жавод Кўчиев ва унинг жадвали. Унинг энг яхши асарлари «Зангори кема» капитанларига бағишланган.

Иброҳим Раҳим қишлоқ хўжалигининг ҳаётний проблемаларнiga фаол аралашади дедик. Шундай масалалардан бирин пахта терими-нинг механизациялаш масаласидир. Бу масала асносида ҳаётдаги илфор ва колоқ кучлар орасида жиддий кураш кетган йилларда адаб «Зангори кема капитани» қиссасини ёзиб, илфор кучларни бадиий образларда улуғлади.

У колхоз меҳнатини тўғри уюштириш, меҳнатга яраша ҳак тўлаш ва шу борадаги ўз мулоҳазаларини «Ҳилола» қиссасида баён қилди. Бадиий жиҳатдан анча пишик бўлган бу асарда автор колхоз бухгалтери Ҳилола билан, унинг ҳаётидаги ортиқча исрофгарчиликка аёвсиз бўлган қарашлари билан колхоз хўжалигини кўздан кечирди ва бир қанча фойдали таклифларни ўртага кўйди. Тўғри, баъзи таклифлар мунозарали, аммо бош қаҳрамоннинг ташабbusи ва шижоати, ҳаётга муносабати, принципиал ва дадиллиги, янгилик излаш хусусияти таҳсинга сазовор. Шунинг учун ҳам «Ҳилола» қиссаси шубҳасиз урушдан сўнгги давр ўзбек прозасининг муҳим ютуқларидан бирин ҳисобланади.

Иброҳим Раҳимнинг ўзбек дәҳконлари ҳәётидан кенг ҳикоя қиувчи энг йирик асари «Ҳаёт булоклари» деб аталган эди. Сўнгрок автор бу романни айтилган танқидий муроҳазалар асосида қайта ишлади ва «Ихлос» сарлавҳаси билан нашр эттиргди. Адибнинг шу мавзу бўйича олиб борган ҳәёт кузатишлари мазкур романда унинг тўлиқ ифодасинн топган. Айникса ҳәётдаги янгиликларга автор кўп эътибор берган. Асарнинг бош қаҳрамонлари район партия комитетининг секретарлари Саодат Муродова, фан кандидати ва колхоз раиси Комилжон, илғор колхозчи киз Аноҳон каби образлар шу кунги ҳәётимизнинг энг илғор намояндадаридир.

Романда колхозларни йириклаштириш жараёнидаги асосий конфликт йириклаштиришга қарши кайфиятда бўлган кишиларнинг ҳаракати туфайли пайдо бўлади ва ушбу кайфият Умарали образида умумлаштирилган. Авторнинг танқидига дуч бўлган салбий образлардан яна бирин Фози бўлиб, асар воеалари давомида автор уни изчил равишда фош килиб беради.

Асарнинг бадний хусусиятлари ҳақида ҳали ҳам баъзн танқидий фикрларни билдириш мумкину, аммо бу асар ўн-ўн уч йилдан буён ўқувчиларимиз томонидан севилиб ўқилаётгани ва адабиётимиз тарихининг мулки бўлиб қолганини асло инкор этиш мумкин эмас.

Иброҳим Раҳим — изланувчан адид. У ҳәётдаги етакчи темаларни чукур ўрганади ва уларни имкон борича тез ҳамда кенг ёритишга иштилади. Бухоро атрофида таги беҳисоб газ конларининг очишлиши ва бу ҳодисанинг республикамиз экономикасида тутган ўрни кабилар адигба катта илҳом бағишилади. У мазкур темани чукур эгаллашга киришди. Аввал айрим очерклар ёзди, публицистик маколаларида ҳам бу темани ёритди. Сўнгрок унинг «Оловкор» киссаси ўқувчиларга етиб келди. Бу асар рус тилига ҳам таржима қилиниб, адибнинг номини иттифокимиз миқёсида машҳур килди. Адид худди шу мавзуда ҳужжатли фильм яратилишида ҳам актив қатнашди. Ва ниҳоят шу тема «Такдир» романидан кенг ва атрофлича ишланди.

Қекса ва ёш авлод замондошларимизнинг тўлаконли образи яратилган бу романда ҳәёт ўйлари ҳар хил бўлса ҳам бир такдир билан тутилган совет кишилари мадҳ этилади. Худди шулар вакили бўлган Ягона, Бардош Дадашев каби образлар ҳәётний ва бадний жиҳатдан пишиқ, улар ўқувчида ўзига симпатия уйғота олади. Совет кишисининг баҳтили такдирин Сурхонбойнинг ҳәётидаги саргузашлари билан солиширилганда янада ёрқинроқ очилади.

Бу асар ўзбек совет адабиётининг ҳозирги замон жиҳдий муваффакиятларидан бирин бўлиб, у марказий нашриётлар томонидан кўп минг сонли тираж билан нашр этилгани ҳам тасодифий ҳол эмас, балки бу асар умумсовет адабиётидан ҳам эътиборга сазовор романлардан бирин эканлигини кўрсатади.

Шуларнинг барчаси Иброҳим Раҳим ўзининг энг яхши асарлари билан ўзбек совет адабиётининг иттифоқ минёсига олиб чиққан за-бардаст адилларимиздан бири деб баҳолашга асос беради.

Сўнгги йилларда Иброҳим Раҳим ижодида этик проблемалар катта ўрин эгаллай бошлади. Бу ҳол унинг «Тақдир» романидаги ҳам, катта-кичик бошқа асарларидаги ҳам кўп кўринади. Адиб Шуҳрат Аббосов билан ҳамкорликда яратган «Қалбингда қуёш» фильмида эса худди шу проблема диккат марказига қўйилган. Бир оғиз сўз билан айтганда бу фильм тилдаги эмас, дилдаги қуёш мадҳи, инсоннинг безаги — унинг виждони деган гапни шиор қилувчи картинаидир. Бу асар ҳам ўзбек санъатини иттифоқ минёсида шуҳратдор қилган экан, демак, асар ҳақидаги айтиладиган ташаккурнинг бир қисми Иброҳим Раҳимни.

* * *

Ҳақиқий меҳнат халқ томонидан ҳамиша юксак қадрланади. Иброҳим Раҳим ўттис йилдан ортиқроқ ижоди давомидаги жуда кўп меҳнат қилди. Москвада чиқадиган умумсовет адабий журналарининг конкурсида ғолиб чиқди, партия ва ҳукумат уни орден ва медаллар билан мукофотлари. Ва у энг катта мукофот — кўп минг сонли ўқувчилар оммасининг эътибор ва ҳурматига сазовор бўлди.

Хўш, бу ҳурматларнинг чин сабаби нимада? Бизнингча, сабаб ҳалол меҳнатда. Ижодий меҳнат адидан жуда катта куч талашиб килади. Адиб ҳам оддий инсон, унинг илоҳий куввати йўқ. Аммо унинг барча кучи Коммунистик партия идеалларига тамомила бағишлиланган қалбидаги жодир. Прометей — инсонларга олов келтирган қаҳрамон сифатида тарихда машҳур. Назаримда, ҳар бир адид, маълум маънода Прометейга ўхшайди, у ўқувчиларга кафтида олов келтиради. У қаҳрамонларининг қалбидаги қуёшни кутлайди. Қуёш эса ҳаёт манбаидир. Шу маънода биз бугун эллик ёшга тўлган адид Иброҳим Раҳимни, унинг ўзидан ибора қарз олиб, «Оловкор» деб атадик. Чиндан ҳам инсонлар қалбини олов билан қизитувчи, ижодкор шахс учун бу ибора жоиз, деб ўйлаймиз.

Адиб ҳозир ижодий балофат ёшида. Умрининг иккинчи ярми асрида ҳам унга ижодий муваффакиятлар тилаймиз. Аминмизки, Иброҳим Раҳим тўзал социалистик замонамиз кишиларини улуғловчи кўплаб янги асарлар ёзиб беради, актуал мавзуларда оператив ижол қиласида ва янги асарларининг гоявий-бадиий савиёси янада юксакроқ бўлади. Севимли ёзувчимизни юбилей билан кизғин олқишилар эканмиз:— Оловкор адабнинг файрат запаси Бухоро газидек бекиёс бўлсин,— деймиз.

Лазиз ҚАЮМОВ

ХИКОЯЛАР

ЧЕГАРАДАН ҮТГАН «ДУМСИЗ ИТ»

Кенг саҳрони коронғилик босди. Қатта ўрмон ва дарё ёқасида фақат икки кишининг шивирлаган овози эшитилаётир.

— Бугун ҳавога алланима бўлди, ёмғир ёғмоқда.

— Ўртоқ Миша, хушёр бўлиш керак. Бу ер «чегара», жуда нозик жой. Дарёнинг у юзида гилар худди шунаقا пайтни пойлайдилар. Жосус ўз «худоси» га ялиниб, ёмғир, шамол, бўронни тилайди. «Уларнинг кўзига қум кирсин, ёмғир зўри билан постни ташлаб кетсин» дейди. Насаси ўзидан ҳам совук.

— Бари бир, биз бўрондан ҳам, ёмғирдан ҳам қўркмаймиз. Кўзимизга кирадиган қумлар ҳали тошлар тагида босилиб ётибди. Агар тошлар ҳам қўзғалиб, қумлар кўзимизга кирадиган бўлса, бу киприклар нима қилиб турибди? Үткир киприкларимиз кўз қорачиғимизни асрай олмаса, биз уни нима учун ўстираётимиз? Сен шунга ишонки, вакти келса киприкларимиз ҳам шу нишли найзанинг хизматини бажара олади.

Эҳтимол ҳаво уларнинг ўлкамизга заҳар ташиб ўтиш учун итдай акиллаётганларини кўриб, ғазабланаётгандир.

— Тиш-ш... шарпа эшитилаётир.

Улар икки ёққа бўлиниб, шарпани таъқиб қилмокдалар. Баҳодир эмаклаганича белгили сада ёнига кетди. Миша дурбини билан ўз участкасини кўздан кечираётир. Ҳалиги шарпа тобора яқинлашмоқда. 200 метр узокдан кимдир келаётир. Мишанинг гранати ҳам, Баҳодирнинг пулемёти ҳам тайёр. Лекин ёш ватанпарварларимиз

узокдан келаётганга ўқни хайф қўриб, уни тириклай қўлга туширишнинг пайдалар.

Номаълум гавда яқинлашиб қолди. Баҳодир бор овоз билан:

- Тўхта! Ким келаётир? — деди.
- Мен, кузатувчи.
- Қимирламанг! Фамилиянгизни айтинг!
- Лейтенант Соловьев.
- Баҳодир ўз лейтенантини таниди ва жангга ҳозирлаган пулемётини ёнига олди.

— Ўртоқ начальник! Қизил аскар Баҳодир Ўсаров ва Миша Даниловлар «Н» участкада дежурлик вазифасини ўтаётнрмиз. Сменани тўла ва камчиликсиз қабул қилдик. Ҳозиргача ҳеч қандай ҳодиса рўй бергани йўқ.

Лейтенант рапортни қабул қилди:

- Хизматда давом этингиз!
- Есть! Хизматда давом этамиз.

Шамол тўхтади. Унда-бунда ёмғир томчилари тушиб турибди. Миша Баҳодирнинг беҳуда ваҳмачи эканини айтди. Баҳодир ҳам жиддий тусда гапира кетди.

— Сен одам ғазабини ҳам, табиатнинг ўжарлигини ҳам, беш панжангга ўхшата берма. Қизил аскар ҳар нарсадан ҳушёр, ҳар нарсадан ўткир, ҳар нарсадан кучли бўлиши керак. «Қизил аскар юрса агар, титрайди тоғлар», деган ашула бежиз деб ўйлайсанми? Агар кичкинагина шарпа эшитсанг ҳам, чегарага душман келаётибдимикан, деб ўйлашинг ва бирор дараҳт ёки хашакнинг бежиз қимирлашини сезсанг ҳам шу жойда қўпорувчи уя курмаганмикин, деб мулоҳаза қилишинг керак.

Сен ҳали киприклар тўғрисида гапирдинг, менинг бу сўзим соқчи кўзларига тааллуклидир. Соқчи халқимизнинг баҳтини сақлаш учун чегарага келтирилади. Соқчи постда турар экан, кўзи Ўзок Шарқдан Фарбий чегарагача, Тинч океандан Болтиқ денгизигача етиб туриши ва у ғазабланганда кўзлари душман кўксини ёриб кетадиган ўткир тифдай бўлиши керак.

Яна шарпа эшитилди: Миша дурбин билан кузатмоқда.

- Ит... жуда катта ит!

* * *

— Ўртоқ начальник, рўй берган ҳодисани айтиб беришга ижозат этинг!

— Марҳамат.

Баҳодир начальникка гапира бошлади.

— ... Уни жуда усталик билан кузата бошладик. У ёқ-бу ёқка юрди. Штабимизга тикилиб-тикилиб панжарадан ўтди-да, чинорнинг пўстлоғини ғажиб бир парчасини тишлаб кетди.

— Давом этинг, ундан сўнг нима бўлди?

— Мен яқинлашаётганимда у вайсаганича чакалакзорга кириб, қоронғилиқда ғойиб бўлди.

— Нима учун «Тўхта! Кўтар қулингни!» деб команда бермадингиз?

— Мен уни командага итоат қиласдиган ит эмас эканини билар эдим. Шеригимнинг «кет-кет» деган товуши менга кўнгилсиз туюлди.

— Сўнгра нима бўлди?— Застава начальниги безовталанар эди.

— У, қочиб кетди, излаб-излаб тополмадим. Мен унинг ҳақиқий итлигига ишонмайман. Итнинг оёғи бунчалик йўғон бўлмас эди. Қашқир десам қашқир эмас, олдинги оёғидан орқа оёқлари катта...

— Масала равшан!— деди ошиқиб начальник,— сизга кўринган нарса ит ҳам эмас, қашқир ҳам эмас. Лекин у барча йиртқич ҳайвонлардан ҳам йиртқичроқ нарса! Аблаҳларнинг куни шунга қолибди-да.

— Мен уни ушламасдан қўймайман, ўртоқ начальник.

— Ўртоқ Ўсаров, сиз постга етиб боринг! У якка эмас. Даниловга ҳам буйруғимнинг мазмунини айтинг. 100 метр оралиғида бир-бирларингиз билан алоқа боғлаб турингиз. «Н» пост кучайтирилади, оралиққа секретлар қўямиз, ўзингиз билан бирга Йўлбарсни олиб кетингиз.

— Есть! Постга қайтиб бориб, Даниловга буйруғингизни топшираман. 100 метр оралиғида қузатувчилик қиласмиз, ўзим билан Йўлбарсни олиб кетаман, дежурга ёрдамчи секретларни кутамиз.

— Жўнайверинг!

— Есть!

Улар тайинланган жойда туради. Баҳодир телефонда секретлар билан алоқа боғлаб турибди. Ана учинчи секретдан телефон қилдилар.

— Келаётир!..

Баҳодир ҳаммасига топшириқ берди ва ҳеч тўхтаб

бұлмайдын ғазаб қалтироғи остида шубҳали дараҳт-
ларга қараб жүнади.

* * *

*

Яқиндан шивир-шивир әшитилди:

— Данилов!

— Мен!

— Узоклашиб кетдинг, юз метр...

— Эшитаман!

— Ана, дараҳт остига қара!

— Күряпман, унга Йұлбарсни юбориш керак,— деди
Миша.

— Шошилма, у ҳозир құлға тушади, бизга унинг бир
үзи әмас, барча шериклари ҳам керак!

— Ҳозирча борига барака деявер, бошлиғи құлға
түшди, тамом. Башқаларининг ҳам жилови үз құлымизда
бұлади, танобидан тортсангчувалашы келишини томо-
ша қиласан.

Баҳодир унинг сұзларини бұлди.

— Тиіш-ш-ш, овозингни чиқарма, чинор остига яна би-
ри келди, тұпланаётірлар.

Баҳодир ва Миша! Йұлбарс орқасидан әргашиб бо-
рап әдилар. Йұлбарс заставанинг эң яхши ити, унинг
хүшёр ва чаққонлигига тараф йўқ. У қўлига тушган жи-
ноятчими заставага келтириш учун ёки тайинланган жой-
да сақлаб туриш учун қурол, ўқ-дори ҳам талаб қилмай-
ди. Агар у, бирон жиноятчими, коида бузувчини ушласа,
унинг жиноятини исбот килиш учун уни жиноят устида
қўлға тушган жойидан бир қарич ҳам жилдирмайди, жи-
ноятчими застава кишиларига қувонч билан билдиради.

Баҳодир Йұлбарснинг ҳаракатларини кузатиб туриб-
ди. Йұлбарс алланарсаны йўқотгандек тоқатсизланәётір.
Тўқнашмоқчи бўлган душман шу ўртадан йироқлашгани
йўқ. Факат у кўзга кўринмайди.

Хийлакорлик ва маккорликлар ўткир кўз соқчилар
ва сезгир Йұлбарс чангалидан қочиб қутулолмайди. Йұл-
барс бирдан дараҳт устига жойлашиб олган «ит»га таш-
ланди.

Йұлбарс биринчи ҳаракати учун душмандан олган
ўлжасини вожатийга топширди. Бу ўлжа жуда таажжуб-
ланадиган ҳодиса эди. Кизик, Йұлбарснинг оғзизде ит-
нинг бут-бутун думи турибди. Бирок бу думы юлинган ит
думи әмас, балкі эски пўстакдан, ясама дум экан. Сир

очилди, дараҳт остида хазондек қалтираётган «думсиз ит» қўлга тушди. Уни заставага олиб кетдилар. Баҳодир Йўлбарс билан ўз постида қолди.

Баҳодир бир қиз билан учрашиб қолди. У походга қатнашиб чарчаган кишиларга ўхшайди. Бироқ у, бемаҳалда чегарага нима учун келган? Баҳодир ундан нимадир сўрамоқчи эди, ҳадиксираган қиз ундан илгариrok сўз очди:

— Яхши йигит, менинг овчи итимни кўрмадингизми?

— Итингиз йўлда адашиб қолган экан, биз уни сақлаб турибмиз. Юринг, ўзингиз билан олиб кетинг. Баҳодир уни начальник ёнига олиб келди. Баҳодир застава ёнида Данилов олиб келаётган яна бир номаълум кишини кўрди. У киши: «Яхши йигитлар, бекорга мени йўлдан қолдираётисизлар», — деб ёлвормоқда эди. Бироқ у довулда қолган бойўғлидек шумшайган ҳолда титрар эди. Баҳодир ўзига ўзи: «бу ҳам ит қидириб юрган овчиидир» деб қўйди.

* * *

Улар ҳодисаларни чегара дафтариға ёзиб қўйишлари керак эди. Старший дежур Баҳодир Ўсаров чегара дафтарини тўлдираётib маккорларнинг қилмишларига кулар эди.

Қиз итини йўқотган эмиш, начальник ҳам тоза боплади-ку: «Итингизни танийсизми? Сизлар томонда итлар камчил бўлса керакки, одамлардан янгича итлар, сунъий равишда овчи думсиз итлар ясабсизлар...» деди, начальник. Қиз индамайди. Сизларнинг совет тупроғига овга юборган бошлиқларингиз чучварани хом санайдилар, деся ҳам қиз индамайди. Улар индамайдилар, факат ерга қарайдилар.

1939.



ОҚ ФИНЛАР ХУРУЖИ

I

Командирнинг қўл соати миллари чегара қисмларининг патруллариdek чакқон ва шиддат билан олга силжимоқда. Қоронғи туман кишининг кўзини чимакдек тушиб, ўрмон дaraohтларини сатин чимилдиқ ичига олади. Ҳаммаёқда жимжитлик бўлгандан, командир соатининг чиқиллаган овози барада эшитилмоқда. Қисмнинг жангчилари палаткалар ичидаги бир-бираига бош қўйишиб ухлаётир. Бир ҳафтадан бери финлар ўқ, замбарак отади. Кеча фин замбаракларидан отилган етти снаряд икки кичик командир ва беш жангчимизни нобуд қилди. Улар яна бугун замбарак отмоқчи, яна бир нечамизни йиқитмоқчи. Биз нимагадир жавоб қайтармаяпмиз. «Отайлик, биз ҳам отайлик!» десак «йўқ, йўқ» дейишади. Ҳамма буйруқ, фақат буйруқ кутади. Буйруқсиз ҳеч иш қилиш мумкин эмас.

Батальон жангчиларининг кеча жуда эрта уйқуга тушиб, бугун ҳам уйқуда ётиши ҳам буйруқ билан бўлди. Жангчилар кўпроқ дам олиб, илк саҳар уйғонсин, сўнгра тайёрлансин, шайлансин, деган мазмунда буйруқ келди. Кундузи билан кор кураб, йўл очиб, турли тайёргарлик кўрган жангчилар дам олмоқдалар, кўплари кўзи юмуқ ухлагандек ётишибди. Лекин кўмондон жанговар минутларни кутиб, енгил нафас олади. Одатда бундай чоғлар жангчининг уйқуси «Бисмиллодан қочган шайтондек» қочиб кетади... Ҳамма буйруқни, фақат буйруқни кутади...

— Подъём! — команда берилди. Жангчилар бутун снаряжениялари билан саф тортиб турибдилар. Комиссар кўйин фонари ёруғида буйрукни ўқиди. Ҳамманинг юзида кулдиргичлар ўйнади, кўзлари пирпираб чақмоқдек ялтираб кетди. Комиссар фонарни ўчириди. Чегарада, айниқса шундай масъулиятли минутларда ёруғ чиқариш ўзини-ўзи душманга тутиб беришдек сўз эди. Кейин комиссар меҳрибонлик билан ўз жангчиларига қаради, қисм командири ҳам қаради. Уларнинг ўткир кўзларида ватанпарвар кишиларга хос тетиклик, шодлик, бирикиш ва мушт бўлиб ғужумланаётган панжалар ва қоронгилик жимжимаси орасидан ярқираб турган садаф тишлар кўринарди.

Ана фронт. Вишка устида дурбинли Шюцкорлар туриди. Вишка атрофларида найзали кишилар, батареялар, пулемёт уялари, ўт сочувчилар отряди ва сапёrlар туриди. Улар ҳам команда кутаётирлар, биз ҳам.

Батареялар тилга кирган. Улар зарбидан осмонда момақалдироқ пайдо бўлди, ерлар ларза билан тебрана бошлади. Чегара уйларининг ойнаклари ва деразалари синиб учеб кетган эди. Оёқ остилиздан узилиб чиқаётган снарядлар олачипор ёғочларнинг орқасидан иш кўрсата бошлади. Дарахтлар синиб, барглари тўкилар, ярим музлаган кўлларнинг балчиқлари кўкларга кўтарилиб яна ерга тушарди. Ўша ёқда кўзимизга снаряд кўка кўтарган погонлар ва киши гавдалари кўринарди. Энди тонг отаётган бўлса ҳам, Фарбий ўрмон кун ботаётганда уфқда пайдо бўладиган ўлик офтоб шуъласи каби қизғиш, корли ерлари эса кулдек кора кўринарди. Артиллерия кононадаси тўхтади. Пиёда аскарлар аллақачон чегара лентасининг нариги томонида юардилар. Сапёrlар қулоқларига боғлаб олган асблоблари билан миналар қидириб, куракларида қорлар кураб борардилар. Улар очган йўл, улар тозалаган дала ва улар курган кўприклардан тинмай қизил юлдузли аскарлар, танклар ўтарди.

— Халқимиз учун олға! «Ленинград хавфсиз килинсин! Буюк Ватан учун ура... урра!..» деган товушлар қайта-қайта кўтарилилар ва жаранглаб кетарди.

Финлар — Шюцкор бандитлар сира истамай, ночор ва ночор миналил дала, балчиқли кўл, тиканли тўқай ва ўрмонларни ташлаб орқага чекинардилар. Қизил Армия қисмлари олға ва олға юардади. Уларни боши берк тор ва

қорли йүл, қорли ўрмонлар, ялмогиз балчиқзорлар кутарди. Даражтлар устидан отилаётган ўқлар ва пистирма пулемётлар кутарди. Бирок, совет азаматлари тизза буйи қор ва музламаган алдамчи балчиқларни кечар, жон олиб, жон бериб, ҳамон олға борардилар...

II

Кечаси билан тинчлик бўлмади. Ҳар қайси дараҳт ва хашакнинг остидан милтиқ товуши чиқиб, ўқлар учарди. Субҳидамда, факат субҳидамдагина дайди ўқлар фронт отишмаларига айланди. Оқ финлар кеча кечаси тарқалиб кетган рота ва қисмларини тўпламоқда. Оқ финларнинг қидириш сигнали тинмай ишлаётир. Тонготарда бошланган ҳаракат анча оғир бўлди. Торгина нокулай йўллар яна торайиб зовурларга айланиб кетган эди. Бу йўлларда совет ва фин снарядларининг воронкалари, гильзалари ётибди. Ҳар бир қадам йўл тузатилиши ва тозаланиши керак!

Қизил Армия қисмлари уч эшелонга бўлиниб бораёттир. Фронтда юзма-юз турганлар биринчи, ундан кейин гиларни иккинчи ва учинчи эшелон деб айтилади... Биринчи эшелонда борувчиларнинг кўпи инженер қисмлари, сапёрлар ва пиёдалардир. Улар ёнида ва орқасида танклар... Бу жойда хусусият бошқа урушларнинг шароитидагидек эмас эди. Шунинг учун ҳам танклар пиёдалар олдида эмас, улар орқасида ва сапёрлар кетидан борарди. Йўл бузуқ ва хавфли. Үқ визиллаб, олдинги сафдаги кишиларни аридек чақиб олмоқда. Душман пистирма бўлиб олган, отади, отади...

Жангчилар ғазабланадилар. Душманни тириклайн ушлаб сазойи қилгиси келади ва олға ташланади. Яна бир неча кишиларнинг бадани ари чаққандай бўлади, иссиқ қон оқади... Жангчилар олға силжимоқдалар... Йўлда чакалакзорли ўрмон, балчиқлик кўл ва снаряд кўйган зовурлар кўндаланг турибди.

— Сапёрлар ишга!

Милтиқ ва пистолетлар билан қуролланган, елкасига белкурак ва белига ойболта осган бир неча жангчилар келиб, лейтенант Радионовга честь беришди. Улар ишга тушдилар. Ҳар ким ўз ишини қиласи, бири ер ковлаб чукурликка ташласа, иккинчиси текислайди, учинчиси эса

устини қотиради. Сүнгра бир-бирлари билан иш алмашади. Лейтенант жуда секин ва қисқа гапиради.

— Яна беш замбар тупрок.

— Есть, яна беш...

Буйруқни такрорловчилар ҳам жуда паст товуш билан ва жуда тез гапирадилар. Бир ёқдан текисланган йўл яна иккинчи ёқдан ўйилмоқда. Оқ финларнинг снарядлари ҳеч узилмай портлаб туради.

Танклар олға қараб югуриб кетишди, орқасидан пиёдалар... Сапёрлар бўлса танкларнинг қанотига ва думларига осилиб кетаётирлар. Танклардан орқада колиши сапёрлар учун уят, сапёрларсиз олға кетиш эса, танклар учун хавф-хатар эди. Улар бир-бирларига боғлик ва жуда дўст.

Фронтнинг бошқа участкаларида биринчи эшелон қисмлари йўл-қилиш билан овора эди. Қисмлар билан ер телефон орқали сўзлашадиган ва ўзаро берилаётган маълумотларда, оқ финларнинг жуда катта қаршилик билан чекинаётгани ва қизил аскарларнинг ўқ ва оловлар орасидан йўл очиб, олға бораётгани айтиларди. Батальон, полк ва дивизия штабларига тўпланган доклад қофозларида бугун етти километргача олдинга юрилгани айтилса ҳам, ким қанча ва нималар йўқотилгани айтилмаган эди. Булар жуда қисқа айтиларди: «Талафот икки томонда ҳам бор!» Ҳар икки томоннинг кўрган талафоти ҳисобга олинмоқда...

III

Ҳамма осмонга қаради. Қизил юлдузли учар кушлар кўкда ёйилиб борарди. Учтадан, тўққизтадан ва ўттиз еттитадан... Жанговар ҳаво кемалар душман «нонуштаси» учун насибалар олиб борарди. Уч кундан бери кеча ва кундуз тепамизга душман аэропланлари келаёттир. Улар бомба ва суюқ ўт ташлайди, пулемётлардан ўқлар ёмғири куяди. Дала аэродромларида шайланиб турган киравчи самолётларда совет лочинлари кутарилгач, улар ўрмонлар орқасига қочишади. Бизникилар қувлаб Вийбурггача, Хельсинкигача узатишади. Ёки қанотига сув пуркаб ўрмонларда, зовур ва жилгаларда қолдиради. Ҳаво кемаларимизнинг штурвали Чкалов ва

Серов каби устозларнинг моҳир шогирдлари қўлида. Улар ҳарбий завод, истеҳком ва казармаларга «Ворошилов килограммлари»ни ташлайдилар. Оппоқ қор остидан қора тупроқлар ёки батареяларнинг фиддираклари кутарилиб, офицерларнинг погонлари куяётгандагина қайтадилар. Қизил Армия жангчилари арчаларнинг паналарида, тошларнинг орқасида пайт пойлаб турибди. «Бомбавоз» лардан сўнг уларининг «урра» овози ва найзаси ишга тушади. Ана: қисм командири қараб турган дурбиндан кор ва тупроқка қўшилиб кетган гавдалари инграб ётган шюцкорлар кўринаётир...

IV

Батальон Кулки Ярви қишлоғига яқинлашганда душманнинг замбараги ҳам, миномёти ҳам жим колди. Факат қоронғилик ичида буруқсиган тутун кўринарди. Кечагина бу қишлоқда оқ финларнинг икки полки ва бир миномёт батальони турган ва улар отган миналар икки танкимиз фиддирагини узиб ташлаган эди. Ўқнинг қаёқдан учиб келаётгани кўринмаса ҳам унинг гуриллаган товушидан ўқнинг қаёқдан чиқаётганини билса бўларди. Снарядлар чиқаётган томонни эса, зарбига қараб билиш мумкин. Ҳар бири одамдек келадиган оғир снарядлар ҳам учиб келаётганида киши кўзига илинмайди, фактат хаёлдек тез ва аридек фўнғиллаб ўтади. Қишлоққа киришда ҳам душман батареяси индамади, аммо пистирмадаги пулемётлар уяси бузилган чумолидек тўзий бошлиди.

Кечки пайт, қишлоққа Қизил байроқча осиб қўйиш учун шунча қидириб бутунрок бир иморат топа олмадик... Буруқсиган тутун ҳали ҳам тугагани йўқ. Қишлоқ куяётир, ёғоч уйлар уч кундан бери ўт ичида. Нега бундай? Бизнинг самолётларимиз ҳеч маҳал куйдирувчи бомбалар ташламаган, батареяларимиз қишлоққа ўт очгани ҳам йўқ. Мина ташламасданоқ нега булар ўт ичида?

Финляндиянинг 33 минг кўли бор. Агар финлар давлати 388 минг квадрат километрли майдонда бўлса, шунинг учдан бир қисми кўл, тўқайзорлик ва қолган қисми ўрмон. Одамлар қаерда яшайди? Одамлар чакалакзор ўрмонларнинг ковак кандикларида, жилға бўйларида ва кўл ёқаларида яшайдилар. У ерда одамлар ҳар турли

умр кечиради. Шаҳарда яшайдиган қишилар ҳам бор. Уларнинг кўпи буржуйлар дейилади. Бу қишлоқ Ладога кўли билан Болтиқ дengизидан оқиб турган Випурий қўйилмаси ўртасида. Бу жойнинг Каля бўйни дейдилар. Батальон командирлари қишлоқни оралаб юрибди. Кўк-қайиб кўринган мўри туйнуклари, уюлиб ётган ёғочлар ёниб кулга айланмоқда. Қапалакдек учиб тушаётган қор ёнғиннинг жаҳлига тегяпти. Олов дам корайиб, дам қизариб кетяпти.

— Эҳ, бу уй қандай чиройли экан...

Жангчилар бу гузал иморатларнинг тақдирига қанчалик ачинмасинлар ёнғинни тўхтатиб бўлмас эди. Иморатлар эса, бир-бирларига ўчакишгандек алангала-ниб ёнар эди. Кун корайиб кетди. Олдинги қатордаги урушаётган жангчиларга яна смена юбориш керак, улар уч соатдан бери окопда. Ёнаётган қишлоққа яна миномёт ўтлари тушаётир, уруш борган сари авжига чиқмоқда. Жангдан қайтувчи аскар ва командирларга иссикрок ёки қурукроқ жой керак. Улар бир неча соат қор босиб ва корга босилиб турибдилар. Окоп ҳам қорда, истеҳ-комлар ҳам қор ичида. Биқининг қор ёки балчиқка ботади, чиғаноқларинг зирқирайди, тизза кўзлари ҳам бе-зиллайди. Шуларнинг ҳаммаси қор ёки балчиқдан бўла-ди. Қор қишига тошдан қаттиқ, игнадан нишли, заҳардан аччиқ ва симобдан суюқ сезиларди. Аммо унинг яхши хусусиятлари жуда кўп. У, юзларини совуқ олган қишиларга даво ҳам бўла олади. Уч кунгача қор устида ва қор остида ётиб юрдик, қор — тўшак, қор — кўрпа эди.

Бугун қишлоққа кетдик. Тепаси ёпик, атрофи берк жойда ётиб ором олишни истайди киши. Командирлар ут ичида бутун қишлоқни кезиб чиқишиди.

— Жой топдик! — лейтенант Радионов майорга доклад қилди.

— Қанча?

— Бир уй, икки ертўла!

— Яхши, уни тозалангиз, ертўлага икки батальон, уй-га эса, уч пиёда ротаси жойлансин!

— Есть!

— Колган жангчилар учун шалашлар қилингиз.

— Есть ўртоқ майор! Майор Журавлев биринчи эшелоннинг бошлиғи эди. Дивизия ўрмон ва кўл бўйларидан қишлоққа кўчиб келгач, Кулки Ярви қишлоғининг гарни-зон бошлиғи бўлиб қолди. Кейин лейтенант Радионовни

гарнizon коменданти этиб тайинладилар. Комендантнинг иши жангчиларни гарнizonга жойлаштириш ва гарнizon мудофаасини уюштиришдан иборат эди. Радионов етти жангчи билан ёнмай қолган уйга ва топилган ертүлаларга борди. Уйнинг деразалари синдирилиб ташланган, устунлари арралаб кўйилган эди. Радионов биринчи уйга қадам кўйгани ҳамон катта эшик ағанаб тушди, уст-устига миналар портлади. Кўчадан келаётган кишилар мина ўти кўтарилиб кўкларга чиқараётган том сополларини кўрдилар. Яна уст-устига портлаш овозлари эшишилди... Портлашдан кейин жангчилар Қизил аскарларнинг жонсиз жасадларинигина топдилар.

Гарнizon коменданти эса, кўзларини юмиб, ҳушсиз ётарди...

1939

ҚАВҚАЗ

I

Финляндия жангларини тамомлаб Қавказга бормоқдамиз.

Қавказ тоғларга ва боғларга сероб жой!

Боғлар ширин-шакар меваси, хүшбүй гулу райхони, соя салқини ва сайроки булбули билан кишини ўзига қанчалар ром этса, тоғларнинг ҳам ўзига хос жозибаси борки, бир боқсангиз дилингиз боғланиб қолади.

Менинг шинавандаларга айтмоқчи бўлган еттига гапим бор. Еттови ҳам бир тоққа, у тоғ эса, еттовига боғлик. Сиз ушбу сатрлар орқасидан эргашиб бора берсангиз, улар сизни худди ўша тоққа, ўша боққа, ўша гулхан, ўша майдон, ўша саҳро ва бир тарвузни иккига бўлиб, оқу қизилга ажратиб турган қирғоқларга олиб боради!

Бизни бу ёққа катта иштиёқ — Ватан олдидаги муқаддас бурч олиб келди, биз келаётимиз.

Эшелонимиз дарё кўпригини босиб ўтиб тұхтади. Биз, йигирма яшарли казакни комиссар, комиссарни ёзувчи, ёзувчини академик қылган дарёга тикилардик. Дарё сувлари жимиirlаб вагонларимизни аллалар, гоҳи жимжимасини бузиб, сапчиб бизга ташланар, қизил юз ва юлдузларга қарап эди.

— Лўли боласимисан?

Станцияда одам жуда кўп эди. Казаклар... Лўлилар... Лўлиларнинг «балалайкаси» чилдирмадай чарсиллаб «Тинч Дон»ни ўйинга солар эди.

Улар мени лўлига, фронтга кетган лўли болаларига ўхшатибдилар. Қорли, изғиринли Қавказ, офтобли Қав-

каз... Менинг жавобимдан кейингина англадиларки, мен улар ўхшатган болалар тоифасидан эмасдим.

Поезд юриб кетди. Бизни гулга кўмган кишилар орқада қола бошладилар. Биз, кишилар берган гулларимизни совет халқининг севикли ёзувчиси Михаил Шолоховга тутдик. Ватанпарвар большевик ва руҳ инженери гулларга ўралган «Тинч Дон»ни бизга узатди:

— Қисм библиотекасига! — деди у.

— «Тинч Дон»ни ўқидик ва «Тинч Дон»ни ўз колхозимиз билан кўрдик. Аксениялар трагедияси, улуғ гражданик ва Дон тарихини яратувчи қаҳрамонлар ҳозиргига бизни кузатиб, орқамиздан гуллар отиб қолдилар.

Дон қолди! Донга ёнбошлаган Ростов ҳам қолаётир. Шаҳар ҳамон бизни кутар ва кузатар эди.

Масалан: минг-минг машиналари билан комбайн заводи орқамизда бизни узатиб келаётган бўлса, минг-минг учар отлари билан комбинати ва бир неча комбинатлар қизил байроқларини ҳилпиратиб йўлимизга чиқиб турмоқда!

Дон — биринчи отлик армиянинг туғилган, ўсган, вояга етган жойи! Семён Будённийни машҳур қилган, арфумоқ отларни етиштирган, машҳур «пўлат дивизия»га қайиқлар берган ва атаманларни домига тортиб кетган ҳам ана шу «Тинч Дон» эди.

Ўзи тинч бўлгани билан Дон ҳам кўпни кўрган.

— Ростов — Доннинг лабгардони, штаби! Дон бутучи Ростовга итоат қиласи! У 20 йилдан бери шаҳарга электр куввати беради, балиқ беради, у 315 минг гектар экинни суфоради. Қайиқ ва пароходларни елкасида кутариб юради!.. Борингки, ростовликлар нима деса ўшани қиласи.

Совет Иттифоқининг Қаҳрамони Антон Рижиков Дон балиқчиларидан. Унинг отаси 19 йил балиқ овлаб, бир қайифи иккита бўлмаганидан кейин, тутган балиқларини атаманлар олиб кўя берганидан кейин ўзини ана шу Донга ташлаб фарқ бўлган. Антон отаси ўлгандан кейин ҳам балиқчилик қилган, отасидан қолган қайиқни атаман Гайдук тортиб олгач, Дондан кетиб қолган...

У ўша... севимли ва мудҳиш Донни бир неча йилдан бери энди кўраётир.

Антон, Дондан кетиб Вөлгага борган. Қарол юриб эзилгач, азоб берган бойлардан кетиб, ўқишига кирган. У сув инженери унвонини олган. Рижиковнинг ҳарбийга

келганига ҳам 8 йил бўлди. Икки йилдан бери лейтенант. Совет Иттифоқи Қаҳрамони унвонини олганига ўттиз бир кун бўлди! У бу унвонни Финляндиянинг қорли ўрмонларида тоғни-тошга уриб юриб олди.

Поезд кетаётир. Дон дарёси Антон Рижиков олдида юзи шувут кишилардай мўлт-мўлт қилиб, орқасига қарамай оқар эди...

II

Салом Боку!

Куюқ туман шаҳарни кўмиб кетмоқчи, туман ҳаводан ёмғирлар сингари ёғилиб, булутлар каби атака қилаётир. Шаҳарнинг ҳаво ҳужумига, туманларга қарши чоралари бор. Қоронғилик атака бошлиганида ўн беш миллион лампочка бирданига «ялт» этиб туманни шаҳар зонасидан қувлаб юборди. Йиғилаётган булат шаҳар боғлариға, асфальт кўчаларга тушолмай, шаҳар устида парвоналардай айланиб юради. Тонг отганда ноилож қайтиб кетади!

Шаҳарнинг бир миллион ёши қариси ва йигит-қизлари бор. Шаҳар жуда обод! Уни кунчикардан, кунботардан баланд-баланд тоғлар тизилиб томоша қилиб турди. Жанубда бўлса, Каспий суви унинг жамолини кўрмоққа ошики бекарор бўлиб, денгиздан бўйинни чўзади, сапчиб-сапчиб чиқа олмагач, зарда қилиб ўзини портларга уради, тўлғанади, тулқинланади.

Шаҳар Ильич чироқлари билан товланиб турибди. Биз шаҳардан кўзимизни узмаймиз. Аскарлар ва сулаймонлар, гулчехралар ва осиёлар айланишиб юришибди. Бирорлар шошилиб орқа-олдига қарамай, бошқалари оҳиста ва оҳиста... яна бирорлар кўлтиқлашиб ўтаётирлар.

Шаҳарда бир миллион киши яшайди! Ана шу бир миллион киши ёш ва қариларнинг ҳаммаси бизни кўргани келибди шекилли, деб ўйладим. Улар — ишчилар, кончилар, артистлар, ёзувчилар.

— Сен мусулмонмисан? — деб сўради бир чол.

Озарбайжонлик чолнинг сўзларини тушундим, у ҳам менинг сўзларимни тушунди. Қаршимда оппоқ соқолларини силаётган чол 1916 йили мардикор бўлиб тошкентлик Рихси Додхонинг ўғли Раҳматилла эвазига... «Оренбург бориб, ўрмон ичига йўл солган» экан. Ўшандан бери

каз... Менинг жавобимдан кейингина англадиларки, мен улар ұхшатған болалар тоифасидан эмасдим.

Поезд юриб кетди. Бизни гулга күмган кишилар орқада қола бошладилар. Биз, кишилар берган гуллари мизни совет халқининг севикли ёзувчиси Михаил Шолоховга тутдик. Ватанпарвар большевик ва руҳ инженери гулларга ұралған «Тинч Дон»ни бизга узатди:

— Кисм библиотекасига! — деди у.

— «Тинч Дон»ни үқидик ва «Тинч Дон»ни үз колхозимиз билан күрдик. Аксениялар трагедияси, улуғ гражданик ва Дон тарихини яратувчи қаҳрамонлар ҳозиргина бизни кузатиб, орқамиздан гуллар отиб қолдилар.

Дон қолди! Донга ёнбошлаган Ростов ҳам қолаётир. Шаҳар ҳамон бизни кутар ва кузатар эди.

Масалан: минг-минг машиналари билан комбайн заводи орқамизда бизни узатиб келаётган бұлса, минг-минг учар отлари билан комбинати ва бир неча комбинатлар қизил байроқларини ҳилпиратиб йўлимизга чиқиб турмоқда!

Дон — биринчи отлик армиянинг туғилған, үсган, вояга етган жойи! Семён Будённийни машҳур қылған, аргумоқ отларни етиштирган, машҳур «пўлат дивизия»га қайиқлар берган ва атаманларни домига тортиб кетған ҳам ана шу «Тинч Дон» эди.

Узи тинч бўлгани билан Дон ҳам кўпни кўрган.

— Ростов — Доннинг лабғардони, штаби! Дон бутучиша Ростовга итоат қиласди! У 20 йилдан бери шаҳарга электр қуввати беради, балиқ беради, у 315 минг гектар экинни суғоради. Қайиқ ва пароходларни елкасида кўтариб юради!.. Борингки, ростовликлар нима деса үшани қиласди.

Совет Иттифоқининг Қаҳрамони Антон Рижиков Дон балиқчиларидан. Унинг отаси 19 йил балиқ овлаб, бир қайиғи иккита бўлмаганидан кейин, тутган балиқларини атаманлар олиб кўя берганидан кейин үзини ана шу Донга ташлаб ғарқ бўлған. Антон отаси үлгандан кейин ҳам балиқчилик қылған, отасидан қолган қайиқни атаман Гайдук тортиб олғач, Дондан кетиб қолған...

У үша... севимли ва мудҳиш Донни бир неча йилдан бери энди кўраётир.

Антон, Дондан кетиб Вөлгага борган. Қарол юриб эзилгач, азоб берган бойлардан кетиб, үқишига кирган. У сув инженери унвонини олган. Рижиковнинг ҳарбийга

келганига ҳам 8 йил бўлди. Икки йилдан бери лейтенант. Совет Иттифоқи Қаҳрамони унвонини олганига ўттиз бир кун бўлди! У бу унвонни Финляндиянинг қорли ўрмонларида тоғни-тошга уриб юриб олди.

Поезд кетаётир. Дон дарёси Антон Рижиков олдида юзи шувут кишилардай мўлт-мўлт қилиб, орқасига қарамай оқар эди...

II

Салом Боку!

Куюқ туман шаҳарни кўмиб кетмоқчи, туман ҳаводан ёмғирлар сингари ёғилиб, булутлар каби атака қилаётир. Шаҳарнинг ҳаво ҳужумига, туманларга қарши чоралари бор. Қоронғилик атака бошлаганида ўн беш миллион лампочка бирданига «ялт» этиб туманни шаҳар зонасидан қувлаб юборди. Йигилаётган булут шаҳар боғларига, асфальт кўчаларга тушолмай, шаҳар устида парвоналардай айланиб юради. Тонг отганда ноилож қайтиб кетади!

Шаҳарнинг бир миллион ёши қариси ва йигит-қизлари бор. Шаҳар жуда обод! Уни кунчиқардан, кунботардан баланд-баланд тоғлар тизилиб томоша қилиб туради. Жанубда бўлса, Каспий суви унинг жамолини кўрмоққа ошиқи бекарор бўлиб, денгиздан бўйини чўзади, сапчиб-сапчиб чиқа олмагач, зарда қилиб ўзини портларга уради, тўлғанади, тўлқинланади.

Шаҳар Ильич чироқлари билан товланиб туриди. Биз шаҳардан кўзимизни узмаймиз. Аскарлар ва сулаймонлар, гулчеҳралар ва осиёлар айланишиб юришибди. Бирорлар шошилиб орқа-олдига қарамай, бошқалари оҳиста ва оҳиста... яна бирорлар қўлтиқлашиб ўтаётілар.

Шаҳарда бир миллион киши яшайди! Ана шу бир миллион киши ёш ва қариларнинг ҳаммаси бизни кўргани келибди шекилли, деб ўйладим. Улар — ишчилар, кончилар, артистлар, ёзувчилар.

— Сен мусулмонмисан? — деб сўради бир чол.

Озарбайжонлик чолнинг сўзларини тушундим, у ҳам менинг сўзларимни тушунди. Қаршимда оппоқ соқолларини силаётган чол 1916 йили мардикор бўлиб тошкентлик Рихси Додхонинг ўғли Раҳматилла эвазига... «Оренбург бориб, ўрмон ичига йўл солган» экан. Ушандан бери

Тошкентни кўрмаган эмиш. «Рихси Додҳо қаёқда экан?» деб сўрайди у. Чол менинг жавобимни эшигтгач, соколларини қимирлатиб кулди, кула бериб кўзларидан ёш чикиб кетди...

Ишчилар, кон ишчилари ва уларнинг болалари улар билан цистернада нефть ва бензин олиб келибдилар.

— Танклар, машиналар, самолётлар учун!

Шаҳар қора олтинлар шаҳри, нефтлар шаҳри, факат қора олтинларнинггина шаҳри эмас, балки оқ олтинларнинг ҳам, маданиятнинг ҳам, Низомий ва Охундовларнинг ҳам шаҳри! Революционер шаҳар, йигирма олти комиссарни яратган, ўз бағрида яна бир неча комиссарни етиштирган шаҳар!

— Сизлар бору бизлар бор! — Улар Қизил Армиядан хурсанд.

— Агар... кечаги самолётлар...

Нефтчиларнинг олдида ошқовоқнинг ёғини олган авлиёлар ҳам ип эшолмайди... Нефть ишчиси Оллоёров ниша учун учта орден тақиб юрибди? У ҳар парма согланида ернинг киндигини сугуриб олгандай бўлади! Ахир мамлакатга керакли бўлган нефтнинг учдан икки қисми ни улгуриб бериш осон ишми? Оллоёров ва оллоёровчилар бўлмаса Қавказ тоғлари бирорга нефть беради дейсизми?

Нефть бўлмаса машиналар, тракторлар, танклар ҳам юрмайди. Нефть бўлмаса самолёт учмайди, пароход сузмайди, паровоз қимирламайди! У ўлик темирга жон киргизади, тил киргизади, қўл, оёқ, қанот беради, ҳар хил ҳунар ва ҳаракатга солади.

Мана нефтнинг кучи!

Шу кучни асраш, тежаш ва сақлаш керак. Бегона ва биринчи бегона самолёт пайдо бўлганида нефтчилар нималар қилмайдилар? Ҳар бир парма зенит, ҳар бир ишчи зенитчи ва пулемётчи!..

Каспий сувлари денгиз қирғоқларига бўй ҷўзиб, бизни томоша қилмоқчи, шаҳрига тўйиб оқмоқни истайди. Бизни кўргиси келса, нефтларга тўйиб олгиси келса, майли кўрсин... Аммо буни аллакимларга айтиб қўймаса бўлди. Майли айтса айта берсин! Шундай десинки, Совет Кавкази — нефть! Нефть — олтин! Олтини эса одамлар десин.

Ундан жанубий портлардаги шляпали кишилар сурасалар, майли айтсан, айтсанки, Боку — бу нефть! Нефть

эса харакат! Ҳаракатлар эса, душман учун зенит ва ка-
софат!

Поездимиз ашула айтиб, ғилдираклари бўлса чилдир-
ма, дўмбиралар чалгандай жўнаб кетди.

— Хайр, Боку!

III

Паровоз бу хилда ҳеч қачон тез юрмаган эди, учиб
кетаётир, учиб! Бокуда бир неча тонна запас нефть ғам-
лаб олгани учун ҳам унинг оёғи илдам. Икки томонимиз-
ни дозорлардай қуршаб олган тоғлар кўзимизга лента-
лардай кўринаётир. Нима бўлди? Кўзимиз қамашдими?
Тоғлар ҳам учиб кетаётир, паровоз олдинга, тоғлар орқа-
га... Баъзи бир майда-чуйда дараҳтлар у ёнда турсин,
катта-катта чинорлар, симёочлар ҳам кўзга илашмаёт-
тибди.

— Мана нефтнинг кучи! — дер эдик.

Озарбайжон қолиб кетди. Энди грузин қишлоқлари;
паст-баланд уйлар тизилиб ўтаётир. Ана грузин қизлари
билакларига мис кўзалар солиб, булоқларга сувга кетаёт-
тирлар. Уларнинг сочи иккитадан қилиб ўрилган ва ор-
қасига ташланган. Ана йигитлар ҳам, болалар ҳам сувга
кетаётирлар. Уларнинг орқасида мис ва сопол кўзалар,
чилвир билан боғлаб олганлар...

Тарихий ва қадимий жойлар кўз олдимиздан ўтаёт-
тири. Ана Гурий шаҳрига кетадиган йўл ҳам ленталардай
чўзилиб ётибди.

Бу жойлар қадимги ва мўъжизали жойлардир. Бу
жойлар етти юз йиллик тарихнинг эгаси «Йўлбарс тери-
сидаги паҳлавон» ларнинг юрти, Тариел, Афтандил ва
Шомиллар кезган жойлардир. Оржоникидзе, Царетели
ва Арсенлар ўсган водийлардир. Бу жойлар Шота Руставелини яратган, буюк Маяковскийни ўстириб ва сай-
ратган, Пушкинлар, Лермонтовларга илҳом берган жой-
лардир!

Кўзларимизни катта очиб карасак ҳам тарихий жой-
ларнинг ҳамма ҳаммасини кўришга улгуролмас эдик.

Ана, лимонлар, апельсинлар... Улар шу жойда пишиб
шу жойдан мамлакатга тарқалади! Шундай мамлакатни
яратганлардан айлансанг ҳам оз!

Тбилиси кўчаларини айланиб чиқкан киши дафъатан
«оффарин!» дейди ва ёқасини ушлайди. Шундай! Тасанно
колади... Шота Руставели проспекти акация дараҳтлари,

асфальт, скверлар, революция сквери... Борингки, шашармисан-шаҳар!

Уни «Тифлис» дер эдилар. Улуғ Октябрь революциясигача халқлар турмасининг бирин эди! Ўша «Тифлис» йигирма уч йилдан бери Ленин байроғидан шуълаланиб, ўзига зеб берган. Қандини урсин ўша «Тифлис», ҳозирги Тбилиси!

У Қавказнинг орқасида Казбекнинг бикинида бўлгани билан Қавказнинг гули, гулнинг булбули, булбулнинг лирикаси бўлиб мавж уриб, гуркираб турибди.

Феникилёр — бу шаҳарнинг ҳусни жамоли! Унга осма трамвай билан чиқилади, 700 метр баландликка чиқилади! Чиқаётуб, орқангга қарасанг, шаҳар ажойиб бўлиб қўринади, кишига завқ беради... Унг томонингга қарасанг уч қабр... Бири Царетели... Бири Грибоедов... яна бири...

Буюк демократ, революцион шоир Царетели! У ва улар шу кунларни, факат шундай ёруғ кунларни истабгина, подшоҳ ва буржуазияга қарши курашган ва курашларда курбон бўлган.

Эронда кора кучлар томонидан ўлдирилган буюк ёзувчи Грибоедовни ҳам шу жойга қўйганлар.

Боққа — боғларга, музейларга кирдик. Шота Руставели бўлимидаги қиз, Катюша: «...Бу инглизчаси, бу француздаси, бу ўзбекчаси...» дейди. Бизга «Йўлбарс терисини ёпинган паҳлавон»нинг турли тиллар таржимасида чиқкан нусхаларини кўрсатди.

Юбилейга келганларида,— дейди қиз,— худди шу жойда ўзбек шоирлари шеър ўқиган эдилар. Ўзбек тили жуда ширин, мулојим тараалган эди шунда.

Унинг сўзи қисқа эди:

— Халқлар дўстлигига нима ҳам етсин!

IV

Икки ёғимиз тоғ! Аарат тоғи, яна бири Алагес!

Улар паровозимизнинг йўлини тўсмоқчи, шахтини қайтармоқчилар. Паровоз эса, дам устидан ҳатлаб, дам туннеллари остидан эмаклаб ўтиб кетаётир. Аарат тоғи темир йўлни юз ёққа буриб, жилғаларга яшириб ҳам унда қилмас эди. Паровоз эгилиб-букилиб бўлса ҳам уни топиб олаётир!

Бу йўл, XIX асрнинг бошларида ёзувчи Грибоедовнинг жасади олиб келинган йўл, Степан-Иван — Форси йўли... У орқамизда қолиб кетаётир.

... Тұртта буқа құшилған аравада ёзувчининг жасади. Александр Сергеевич Пушкин қора от устида құзини ёзувчи мурдасидан узмай қараб турибди. У хаёл сураёт тир. Эҳтимолки сургун қилинган «Қавказ асири» бұлған дохий шоир асирик кишанларини узиш-йұлларини үйлаётгандир. Билолмадим — хотира ҳайкалининг ёзувины үқиёлмадим.

Ана тоғлар...

Ааратда тарих излари... Бу үтмишда Ҳусайн хонлигининг қамчисидан томган қон излари!.. Шундай!

Бу ерни Сардоробод дейди. Яъни XIX асрнинг бошида Ереванның сұнгги сардори Ҳусайнхон Ааратнинг чүққисига шаҳар солиб, қалъалар куриб, уни «Сардоробод» деб атаган, карнай, сурнайлар чалдирған. Кимки у чүққини «Сардоробод» демаса, уни қамчи билан қирқ бир мартаба уришга буюрган! Жаллодлар одамларни ҳұлланмаган қамчи билан урган, жаллодларни эса, хоннинг ўзи урган!

Әнг аввал у қалъа қурған. Сұнгра Ереван шоирларини чақыртирган.

— Қани... шеър үқинглар! «Сардоробод» деб үқинглар... — деган хон.

Шоирлар ерга қараганлар...

— Үқи! — деб хон шоир Нажонни қийин-қистовға олғанида шоир атрофларига ва хоннинг калтакесақдай юзига қараб бир сұз деган.

Шоир қалтираганча турған холос! Бу қалтироқ ғазаб әди! Ғазаб эса, фақат уники эмас, бутун халқники әди!

Хон, шоирни бутунича ва тиригича тошлар остига бостириб юбортырган!

Ана текислик, чақыр-чукур ва «занги зұр» лар... Булар эрамиздан VII аср илгариги Урарту подшоҳи Аргиштий I нинг ковлатған ҳовузлари, құшхоналар, кудуклар, ертұлалар... Урарту давлатининг бошлиғи бир маҳаллар Аарат тоғларыда яшайдын қабилаларнинг сардори әди. Урартунинг сұнгги подшоҳларидан бири Гайка подшоҳ тоғ қабилаларига дарё қаздиріб, дарёға невараси Эрастаннинг номини қўйған. Дарё лабига тушған саройларни эса, үзиннинг номига «Арманис» деб атаган, сұнгги тарихларда «Армавир» деб аталған бу жойлар ҳозир ҳам архивлардай турибди.

Ўша дарё — ўша «Эрастахўм» ҳозир ҳам оқаётир, тарихлар каби сира тўхтамай оқаётир!

Мана Октемберён водийси. Бу жойлар йигирма йилдан бери бу ном билан аталади. Бу жойлар сизга маълум бўлган ўша Сардорободдир. Энди уни танимайсиз, ишонмайсиз....

Бу район Аарат устидаги текислик, яъни тоғ устида ги хирмон! Хирмон бўлиб ҳомаки хирмонлардан эмас, балки йигирма йилдан бери 5 минг 487 гектар ердан ўрик, олма, беҳи, нок ва узум тўплётган мева хирмони, Совет Арманистонининг макони, жонажони!

Ҳаммага маълум «Наргил» суви ҳам шу жойдан чиқиб, шу жойдан тарқалади.

Асал ноклар консерваси шу жойда бўлади. Шириншакар бақлажон консервалари бунда фарам ва фарам!

«Шакарблар» яъни бир неча мевалар йиғиндиси ҳам Октемберён консерва заводида тайёрланади.

Вино... винолар бунда йигирма тўрт хил! У ёғини ўзингиз топиб олаверинг!

Винони узумдан қиласидар. Узумларни айтмайсизми... Октемберёнда 248 гектар узум!

Ана Октемберён канали. У бор бўйича тоғ тагида чўзилиб, лимиллаб оқмоқда.

—... Агар фарғоналиклар эсимизга солмаса, бу канал ҳам йўқ эди! — дейишади армани оғайнилар.

Энди бу канал 5 минг гектар ерни суроради, янги боғлар очади, кон беради, жон беради! Сал кунда бу каналдан шарбатлар, винолар ва давлатлар оқади! Гап уларни йиғишириб олишда қолди. Каналда бойлик оқади, мана каналнинг хусусияти.

Октемберён райони даласида бундан бир аср илгари арман ҳалқи яшар эди! Бу жойлар боғ-роғ эди! Қейин арманларни бу жойдан рус самодержавияси кувиб юборган. Советлар ҳукумати тузилгандан кейин, арман ҳалқи бу жойларнинг ҳақиқий эгаси бўлди.

Арман — турклар пичоқбозлиги, бошкесарлиги... эҳ! Юракларим орқамга тортиб кетади! Мен ёзмасаму сизлар ўқимасангиз экан дейман. Нимага денг? Нимага десангиз хонасаллот бўлиб кетган минглаб армани оғайниларга, етим болаларга раҳмингиз келади.

— ... Менинг бурнимни кесиб ташладилар! Хайриятки, бу билан қутулиб қолдим... — дейди Саксанян.

У кексайиб қолган. Унинг кўзлари жуда катта! Шун-

дай бўлса ҳам ундаги алам ва ғазаблар ўша кўзларга сифмаётибди. Ўша кўзлар ғазаб билан қизариб, Ааратнинг нариги юзларига қарайди!..

Унинг бурнини кесган кишилар Ааратнинг нарёғида! Унинг кўзлари тоғии кесиб кетаётир. Рост айтаман, у кексайган сари кучга, муҳаббатга ва ғазабга тўлаётир, элликка кириб эр йигит бўлаётир!

Ўша бош кесди бўлган кунларда арманлар бу жойларни ташлаб кетганлар. Қадимги арман маданияти ва адабиётининг мерослари тошлар остига, тоғлар орасига кириб кетишга мажбур бўлган. Аарат тоғининг ҳар жилғаси ва ҳар бир тоши арман халқининг ўз мустақиллиги, озодлиги учун қилган курашларини айтиб беради. Халқ шомиллар жангномасини ва «Довуд Сосунли»ларни ёдакасига билади! Тўғри гап, билади!

Ўша замоннинг шоири Нажон шундай деб ёзади:

«Қани менинг она юртим
Қани ўғлонлар?..
Қани булбул, қани гулим
Хеш-акраболар?
Сабил қолди Сардоробод
Бунга кимлар шод?

Инглиз археологи ва буюк рассом Роберт Керфорд XIX асрда бу жойларни кезиб чиқиб «ух...» тортган ва «қани одамзод?» деган.

«...Яшагўчини, ўсимликни, ҳаётни кўрмадим! Ўлик картиналар... мурда водийлар...» деб ёзган ва буни инглиз журналлари босиб чиқарганлар.

Арманлар бу жойларга яна қайтиб келганлар. Уларни Октябрь революцияси олиб келган. Уй-жойли, молмукли, хотин, бола-чақали қилган. Армани оғайнилар бўлса унинг эвазига бу жойларда биҳиш яратдилар. Бу Совет Арманистонининг йигирма йиллигига кўрмана!

Ана улар! Емиши ёғи-ижман, ичиши сут, қатик, қимиз ва кўлбола винолар... кийиши эса, ипак, ипак ва ипак!

V

У чолни яна учратсан албатта най чалдирап ва ўша эшитганларимни яна такрорлатар эдим. Эҳ, қандай мөҳир чол. Агар уста рассом бўлганимда унинг ўша туриши — най тешикларини тўсиб ўрмалаётган кекса қўлларини ва бу ажойиб найга ёпишган лабларини, юзидағи ҳиссиётни ҳаммасини расмга чизар эдим-да, газеталарга

берар ёки моҳир композитор бўлсам, унинг лирик машқларини нотага олар эдим, ўкувчи ўз кўзи билан кўрар әди, тингларди, завқланарди. Лекин мен журналист. Лирик оҳанглар ҳақида гапира ва ёза оламан, холос. Чол ва най қиссаси мана шундай:

Тоғ! У бизнинг тепамизда турибди... Тоғ устида тоғлар... У тоғлар устида-чи, кўк кўйлакка ёйилган қўйлар, кўзилар... Ажриклар белга чиқади. Ажаб, ажриқ ҳам шундай бўладими? Еқангни ушлайсан киши. Бу ерни Алагес дейдилар, Алагес! У ёғини ўзингиз топиб олаверинг! Эрта баҳордан бошлаб бу ерда ёмғир ёға бошлайди. Ёмғир шу қадар ўжарки, муз бўлиб дўллар ташлайди. Ер бетида дўл доналари оқ бодроқлардай ўрмалаб юради... Булутлар тоғ устида каламушлардай чопиб юради. Кўйчивон булутларни ҳам севади, ҳам ёмон кўради! Нимага? Нимагаки, қуйган сел унинг қўйларига ажриқ беради! Булутлар ташлаган дўл янги туғма қўзиларни калтаклаб бемор қиласди. Шундай, унинг икки хислати бор. Биз Алагесга келганимизда, энди кўтарилиб кетаётган булутларни кўрдик. Лирик най навоси эшитилди, у бизни ўзига жалб этар эди. Кўйчивон яна най чалди. Жилғалар ичидан, катта тошлар орасидан югуришиб чикаётган кўй ва қўзиларни кўрдим. Уларни соқоли тиззасига тушган оқ серка бошлаб чиқаётир.

«Ағоян чўққиси бир зумда кўй ва қўзилардан либос кийиб олди. Биз тепаликка эшак миниб чиқдик, ишимиз бор эди.— Ҳорманг, бор бўлинг! Кўйчивоннинг ҳикоясини эшийтдик»—...«Бомбавозлар келганда тревога... чаламан — кўйлар жилғаларга, қўзилар эса кўйлар қанотига кириб кетадилар...»— Биз қизиқиб яна савол бердик. «Кейин нима булади?»— Кейин: «Отбой...» Улар қайтиб чиқадилар. Чол бомбавоз деб булутларни айтадилар. У үзининг подасига шундай таълим берибдики, улар сигнал билан ўтлаб, сигнал билан сув ичар ва ухлар экан! Ҳарбий интизом?

— Ҳарбий интизом!

— Ҳа, шундай, ўртоқ командир, шундай! Мен уларни ҳар қандай ҳодисаларга тайёр килиб кўйдим,— дейди чол,— бўрилардан ўзларини-ўзлари сақлайдилар. Тўғри, уларга итлар ёрдам берадилар! Аммо ҳаво ҳужуми бўлса, бунга қарши ит ҳам ҳеч нарса қила олмайди. Шунинг учун мен уларга ўргатдим, улар қаёққа яширинишларини биладилар.

Яйловда ажриқ белга чиқади! Бунда қўй-қўзилар, сигир ва бузоклар пода-пода бўлиб юришади. Йилқиларни айтмайсизми, колхоз йилқилари ҳам ўтлаб юрибди. «Йўқ!» деганимизга қўймай бизни таклиф қилдилар.

— Ичинг! Бир коса ичинг!

Кимиз жуда кучли эди, маст бўлиб қолиш мумкин.

— Бир коса ичинг!

— Кабобдан енг!

— Ҳеч бўлмаса жигарини олингиз!

Подачилар бизни шу қадар меҳмон қилдиларки, у ёғини қўяверинг! Айтгандек подачилар деганим учун менинг кечирингиз, колхозчилар! «Шаумян» колхозининг аъзолари!

Туркия ёзувчиси Шуотхоним 1937 йили «Тонг» газетасининг мухбири сифатида СССР га келиб, Алогес тофлари, қўйлар, қўзилар, пода ва йилқиларга, колхоз юртларига, янги одамларга қараб ҳаваси келган ва «бу ер менинг юртим бўлса! Ёки менинг юртим шу ерлар бўлсал!» деган! Машҳур турк химиғи Дарвиш подшонинг невараси, Стамбул университетининг профессори Исмоил Дарвишнинг қизи ва демократик ёзувчи номи билан танилган Шуотхоним 1939 йили Бутуниттифоқ қишлоқ хўжалиги виставкасини кўргани Москвага келганда, энг аввал Арманистон павильонига кирган. Ҳозирги арманлар, Совет Арманистонининг «Шаумян» каби колхозларини, боғларини ва колхоз қишлоқларини «Шарқ биҳиши!»... деган иборалар билан «Тонг» газетасида очерклар ёзган. Шуотхоним 1939 йили Стамбулда энг биринчи бўлиб арманларни ҳимоя қилган, нутқ сўзлаган, фельетон, мақола, повестлар ёзган. «Арманлар ҳам инсон ва ҳалқ! Уларга озор бермангиз!» деб турк ва арман бошкесарлиги, қара-ма-қаршилигини қаттиқ қоралаган. Ана ўша арманларни Шуотхоним ўз кўзи билан кўрди. Улар бой ва бадавлат, улар СССРнинг граждани! Кўйларни қўзилатган, қўзиларни яшатган, ўтлатган ва уларга интизом ўргатган найчи чол асти стамбуллик. «У 21 йилдан бери, туғилган ва баҳтсиз ёшлигини ўтказган она шаҳрини кўргани йўқ. Уни ўша зайдилда ва ўша тузумда кўргани унда қўз ҳам йўқ!..»

У чол ўша Шуотхонимни танийди. Лекин Шуотхоним уни асло таниёлмайди. У ўзгариб кетган! Совет йигити бўлиб, ёшариб кетган!

ИККИ ҮҚНИНГ АЛАНГАСИДА

Ватан ҳимоячилари ўртасида эрталабки салом ўрнига «Хуш, сен қанча фашистни ўлдирдинг?» деган саволни бериш одат бўлиб кетди. Ҳатто дараҳтларга ана шу сўзлар ёзиб кўйилган. Фронтнинг ҳар бир иштирокчиси бу саволга тегишли жавоб қиласди. Аммо фашистни кўп ўлдириб, фахрланиш даражасига етмаганлар бу савол қаршисида уялинқираб қолади, шу билан бирликда ўзига яраша хулоса ҳам чиқариб олади.

Мели Йўлдошев шу саволга бир қанча вақтгача ботиниб жавоб бера олмай юрди, бу оғир хижолатдан тезроқ қутулиш ҳақида жиддий бош қотирадиган бўлиб қолди. У уч кунгача Угра дарёси бўйига фашист овига чиқди, аммо ови бароридан келмади. Бу ҳам Мелига катта сабоқ бўлди, ўзича қизаринди. Ғазаб ва ҳаяжон ичидан озор чекди. У фашистларнинг яқиндан келаётган ўзаро уруш ва жанжалларини; талаш ва тортишувларини бемалол эшитса-да, бадбаҳтларнинг қораси кўринмайди.

Бир куни фашистларнинг қаерда чуфурлашаётганини аниқлади-ю, лекин уларга қаратса битта ҳам ўқ уза олмади. Кейин рота миномётчиларини ёрдамга чакирди. Миномётчилар учун душманнинг ўзи эмас, шарпаси кўринса ҳам кифоя. Бир неча залпдан кейин бояги жойдаги фашистлар вангиллай бошлайдилар, кўплари ер тишлаб қолди... Шундай қилиб, бу сафар ҳам Мели ўз қўли билан фашистни ўлдиролмади. Аммо катта иш қилди.

Йўлдошев взводга келгач, командирига рапорт берди.
— Мен кўрсатиб бердим, улар отишиди...

— Раҳмат,— деди младший лейтенант.

— Энди немисларни топсам миномётчиларга ҳам, тўпчиларга ҳам айтмайман, ўзим билиб ишимни қила-ман,— деди у.

* * *

Урмон ичи зим-зиё қоронғи, компаси бўлмаган киши ҳар қадамда адашиши мумкин. Ҳамма йўл ўйдим-чукур, снарядларнинг воронкаси, окоп, траншеялар ва мина майдонлари... Ҳар бир қадамингни ўлаб босасан. Мели Йўлдошев кундузи билан бу жойларнинг танобини тортиб чиқди. Қўзини чирт юмиб, кўр юриши ҳам қилиб кўрди. Мана энди у тим қоронғида ўз ўртоқлари билан жанговар вазифани дадил ва чакқон бажараётир.

Мели бу жойга яна ўзи билан уч жангчини олиб келган эди. У ҳаммасига иш тақсимлаб берди. Қизил аскар Фани Каримовни чақириб:

— Бир кучоқ қуруқ ўтин келтир,— деди. Каримов бир қучоқ ўтин келтирди. Каримов бу ўтинни нимага кераклигини билмас эди. Кечаси олдинги линияда ўт ёқиб бўлмайди. Агар ўт ёқилса, бунинг учун фашистлар ҳам, ўзимизниклар ҳам жазолайди. Сунгра Йўлдошев команда бера бошлади:

— Ориентир № 1, ҳу, анави дарахт қорасини жўяпсанми?

— Қани, ҳа жўяпман.

— Ўтинни ўша ёққа олиб борасан.

— Энди сен ўртоқ Власов, Каримовнинг орқасидан бориб, қўлингдаги учала шишани ўтин устига кўясан. Вазифа мана шу. Тушундиларингми?

— Тушундик!

— Орқамдан юринг,— деди сержант Мели. Улар ўрмоннинг сўқмоқ йўли билан ариқ томонга юрдилар. Фашистлар ракета отганда дарахт панасига ўтиб, ўқ отганда ерга ётиб, эмаклаб юриш билан Угра бўйига етдилар. Энг олдин Мели ечинди ва кийимларини камарига боғлаб, бўйнига осиб олди. Каримов билан Власовлар ҳам кийимлари ва ўт шишаларни елкаларига қўйиб, дарёга тушдилар. Қоронғи кечада уларни фашист пистирмаси кўрмас эди.

Фашистлар зонасига ўтгандан кейин, учаласи уч ёққа бўлиниб кетди. Йўлдошев разведка қилди; Каримов

билин Власовлар фашистларнинг чўққиликдаги блинда-
жи рўпарасига бир кучоқ ўтин билан ўзидан-ўзи порт-
ловчи шишаларни жойлаб қайтишди. Тўртинчи киши
Муса Эргашев бўлса, ҳамон автомат билан бу уч оғай-
нининг сафари бехатар бўлсин учун дарё ёқасида куз-
тиб турарди. Мели Йўлдошев жангчиларни чақириб,
дарё ёқасидаги стратегия жиҳатидан кулай бир тепалик-
ка жойлади. Бу ерда бир кўл пулемёти, бир автомат ва
тўққиз бешотар билан бутун отделение ётарди. Сержант
команда берди:

Кизил аскар Муса Эргашев, ориентир 1, ҳу, оқариб
турган шишаларни кўряпсанми?

— Кўряпман, ўртоқ командир!

— Ёндирувчи ўқ билан шишага ўқ уз!

— Хўп!

Мерган Эргашев снайпер милтиғи билан бир кучоқ
утин тепасидаги шишаларга қараб ўқ узди. Биринчи ўқ
тегмади, иккинчиси бир шишага тегди ва шишалар бир-
данига портлаб, фашистларнинг блиндажлари олдида
қўқисдан катта алнга ҳосил қилди. Кутимаган дара-
жада бўлган алнгадан талвасага тушган фрицлар тре-
вога кўтардилар, ваҳима билан яланг оёқ, яланг бош
чумолидек тўзиб қолдилар. Фашистларнинг васвасага
тушиб тўзиб юриши ўт алнгасида bemalol кўриниб ту-
рарди.

— Отделение, огоны!

— Йўлдошев, Власов, Каримов, Эргашев, Тожибоев
ва бутун отделение ўз бешотарларидан, кўл пулемёти ва
автоматларидан гала-гала юрган фашистларга қараб
ёппасига даҳшатли ўт очдилар. Блиндажлардан кочиб
чиккан фашистларнинг ҳаммаси ерга ёта бошладилар.
Тил тортмай ўлганлар чўзилиб ётар, ярадорлар фақат
ингран эди.

Ниҳоят қисқа вақтли жанг натижасида тўққизинчи
рота қаршисидаги фашистларнинг 41 фрицлик гарнизо-
ни батамом кириб ташланди.

Рота командирининг полк командирига ёзадиган кун-
далик жанговар маълумоти Мели Йўлдошевнинг жангово-
вар хизматларига бағишлиланган эди. Подполковник Мар-
кин тўққизинчи ротага келди. Йўлдошевларнинг шу куни
кечаси кўрсатган ҳарбий найранг, эпчиллик, усталик ва
ботирликларига катта баҳо берди.

Кизил аскарнинг фронтдаги иши фақат милтиқ отиш,

найза санчиш ёки граната ташлашдан иборат эмас, у ҳарбий ижод ҳам қилиши — Йўлдошевдай ҳарбий маҳорат кўрсатиши керак.

— СССР Олий Совети Президиуми номидан сержант Йўлдошевни «Жасурлик учун» медали билан, бутун отделение жангчиларини «Жанговар хизматлари учун» медаллари билан мукофотлайман! — деди подполковник Маркин.

Мели командирлигидаги отделение жангчилари ўша ернинг ўзидаёқ подполковник келтирган медалларни тақиб олишди.

— Бу... Икки ўқнинг алангаси эди, — деди сержант, — юзлаб ўклар ўтини, ғазаб ўтлари алангасини эртанги ҳужумда кўрсатамиз!

1944.

ИККИ МИНУТ ТАРИХИ

Майор Юрьев ертүладан чиқди. Хариталарга тикила бериб чарчаган күзлари билан атрофга қаради. Үрмөн тим коронғи. Юлдуссиз осмон сира күринмайды. Тұп үқлари пайхон қылған ердаги қор балчиққа түкилған сутдек ним оқариб күринмоқда. Атрофдаги кечки отишмалар ҳам аста-секин тинмокда. Разведкачи самолёттар факат коронғилик ва булатни ёриб күкда юрибди. Онда-сонда замбараклар чақмоқ чақадилар. Юрьев оппок либосларга бурканиб олган арча дараҳтларига, илон изи бўлиб кетган йўлларга кўз ташлайди.

Юрьевнинг ташвиши зўр. Унга жуда масъулиятли иш топширилган. Кўпдан бери фарб йўлига ғов бўлиб турған «119» тепалигини у ўз полки билан ишғол қилиши ва қўшинларимизга шу томондан фарб дарвозасини очиб бериши керак. Полк командири Юрьев ана шу муаммони осон ва кам қурбон билан ҳал қилиш учун беш кундан бери кеча-кундуз ҳозирлик кўрмоқда.

Оғир пиймалар остида қор фирчиллади ва Юрьев кўз ташлаб турған йўлакчалар томондан оқ кийимли бир неча киши кела бошлади.

— Тўхта! Ким у?

— Биз,—деди кимдир ва чинор остидаги посбонга шу кунги паролни айтди.

Полк командири уларни таниди.

— Чакирганингиз учун ҳузурингизга келдик,—деди ва «ефрейтор Нормат Жабборов» деб ўзини танитди.

— Ўтиринг,—деди майор.

Ефрейтор Нормат ва унинг ихтиёридаги икки жанг-

чи — Медведев ва .Фози оға үғли курсиларга ўтиришди. Ертұла торгина ва жуда иссиқ әди. Қичкина ясама стол устида жинчироқ липиллаб ёнмокда. Полк командири ишчи хариталарни жинчироқ олдига ёйди:

— Сизларга әнг оғир ва әнг фахрли вазифа бор,— деди майор ва гапида давом этди. Мен сизларни яхши биламан. Вактинге чекиниш давридаги баҳодирона жангларингиздан бери биламан. Бу вазифани сизлар улдалай оласизлар.

— Бажаришга ҳозирман,— деди ефрейтор Нормат.

— Энди биз вактинге ташлаб келган тупроғимизни қайтариб олиш учун ғарбға қараб юрамиз. Құмандонлик буйруқ қилди. Бутун Қызыл Армия оекқа турди, ғарбға юз үғирди. Бизнинг томонда фашист жоқиллік ва қайсағарлық қилаётір. «119» тепалиги бизнинг ҳужум йүлемизни түсіб турибди. Биз шу ердан дарвоза очишимиз зарур. Эрта тонгда, соат бешде жанг бошланади. Бизнинг полк ана шу тепаликка ҳужум қиласы. Сизлар тепаликдаги үт очиш нұкталарининг овозини үчиришиңгиз керак. Сизлардан иккى минутлик иш кутаман.

— Бу вазифани жон-дил билан адо этамиз,— дейишиди жангчилар.

— Оқ йұл,— деди майор.

* * *

Полкнинг әнг довюрак ва журъатли кишилари ефрейтор Нормат Жабборов, қызыл аскар Медведев ҳамда Фози оға үғиллари автомат билан елкаларига сирли халта-хуржунларини ортмоқлаб чакалакзорларга, майор Юрьев айтған ишга равона бұлдилар. Уларни иккى разведкачи фронт линиясидан үтказиб қўйди. Улар тепаликка яширин йўллар орқали шарпасиз боришли. Бу сўқмок йўллар Норматга таниш әди. Ҳар томондан фашистларнинг бўғиқ овозлари эшитилмокда. Йўлакчаларда автомат ушлаб патруллар юрибди. Ракеталар отилмокда. Бричкаларда тинмай ўқ-дори ташилмокда. Эмаклаб юрган Норматнинг оқ халати баҳорда эриб битмаган кордек сарғайиб кетган әди. Агар фашистлар яна бир марта ракета отиб, шу томонга синчиклаб қарапаса, Норматларни кўриб қолишлари мумкин. Норматлар фашист ўрови ичидә, унинг мудофааси ичидә худди бир океанда пайдо бўлган қайиқчадек сузиб юришардилар.

Бир оздан кейин ҳужум бошланиши керак. Нормат ҳаракат қиларкан, ана шу ҳужум ҳақида ўйлади, ўйлади-ю, яна атрофлариға қарайди, «шошилишим керак»—дейди. У «119» тепалигидаги дзотга яқин борганда, дзот гарнizonи пакирға күмір солиб, күмирни чұғ қилиб, исинмокда әди. Уч үғлон, дзотнинг орқа томонидан келиб, елкаларидаги қопчиқларини икки дзотнинг орқа тешигига ўрнаштируди ва боғланган чилвирни тортиб, яна орқага қайтди.

Хамма ишлар тайёр, аммо ҳали ҳужум бошланганича йұқ әди. Улар чакалакзорда кор окопи ичиде ўтириб, шарқ шамолини күтмоқдалар. Урушда кутиш ва күз тутишнинг ҳар бир дақикаси йилларга teng бұлади. Бу дақиқалар ичиде кишининг бир неча ёшга кириши, қаріб кетиши ёки бутунлай оламдан ўтиши мүмкін. Ахир бир дақика орасыда Нормат дори күйган дзотдаги станокли пулемёт мұлжал билан саксонга яқин ўқ узиши мүмкін, бир рота ёппасига ўқ ёғдириб, кишилар тепасига юз килограммлаб металл ташлаши мүмкін, ана шундан кейин Норматларнинг хизматлари ҳам пучга чиқиш әхтимоли бор әди.

Полк командири майор Юрьев айтган соат, айтган минут ва айтган секундда иш бошланди. Аввало полк артиллерияси фашистларнинг бетига қараб ўқ билан тушира бошлади; кейин миномётлар, кейин пулемётлар... 18 минут деганда тұпларнинг ўқи «119» тепалигини шудгор қилди. Норматлар бунинг ҳаммасини күриб турдилар, ертұлага кочиб кираётган, йиқилиб, яна туриб, яна йиқилаётган фрицларни, осмонга совирилаётган блиндаж тұсынларини, ҳаммасини ва ҳаммасини күриб турдилар.

Полк атакага ўтиши олдидан, ҳужумнинг 19 минут ва 20 секундида Нормат белига боғлаб юрган чилвирни тортди. «119» тепалигидаги қопчиқ портлаб, икки дзот ер билан яксон бўлди. Дзотлар ичига беркинган 14 фрицдан иборат гарнizon яксон бўлганини кўргач, Нормат ерга ётди ва теварак атрофидан, тепасидан ҳуштак чалиб ўтаётган оқ, оққизил ўқларни кўрди. Тонг ёришиб қолса ҳам ҳаво снаряд ва миналарнинг тутуни ичиде қоп-коронги, туман әди. Норматлар порох иси билан нафас олар эилар.

Майор Юрьев буюрган ишлар асосан тамом бўлди: душманнинг муҳим позициялари, ўт очиш нүкталари ўт очишдан тұхтатилди. Бирок фашистлар у муҳим участ-

каларга яна пулемётлар судраб келишиб, овози ўчган ўт очиш нұқталаридан ота бошладилар. Ҳужум қилиб келәётган бизнинг полк «119» тепалигига яна душман пулемётларининг ўқига дуч келиб қолди. Бир взводдан уч киши ўлди ва етти киши ярадор бўлди... Бу жуда оғир йўқотиш эди. Майор Юрьев бу хабарни эшигач, ўтирган жойидан туриб кетди. «Қани Норматжон? Қани Медведев», «улар нима қилишаптилар?»— Майор Юрьев газбланди. Муҳим топшириқ билан борган кишилар кўрқоқлик қилиб, бирор жойда пусиб ётибдимикин, деб ўйлади.

— Норматлар билан алоқа боғладингизми?— деди майор штаб бошлигини чакириб.

— Улар икки марта сигнал беришди. Топшириқ бажарилди, деб сигнал беришди.

— Қани топшириқнинг бажарилгани? «119» тепалиги бир взводнинг ўн кишисини ишдан чиқарди. Норматларни қидиринг, тепаликдаги ўт очиш нұқталарининг овози учирисин!

— Хўп булади!

Жанг борган сари даҳшатли тус олмоқда, тепаликдан юз метр пастда ерга ётиб олган полкни қўтариш қийин, ўқлар ёмғирдай ёғилаётир.

— Менга икки минутлик тинч вақт керак, икки минут...— дер эди Юрьев. Агар икки минут фашист дзотининг овози учиб турса, марра бизники.

* * *

Полк штабидан келган разведкачилар шунча сигнал берсалар ҳам Норматлардан сира жавоб бўлмади. Улар жангларда кутулиш мумкин бўлган ўзгаришни кутиб ҳаяллаган ва бу ўзгаришдан фойдаланиш учун ўз постларида қолган эдилар.

Нормат, Медведев ва Фози ўғиллари тепаликда яна тилга кирган пулемётларни битириш учун эмаклаб боришиди. Юкоридан отилган ўқлар ва якинда ёрилган миналарнинг парчалари исказ топар пашшадай ғинғиллар ва гўё уларни қидириб юради, ўқлар дам чапдан, дам ўнгдан ва бош устидан ўтиб кетарди.

Уларнинг қўлларида автомат, чўнтакларида эса гранаталар. Улар қўпорган дзот чукурлигига яна ўрнатил-

ган станокли фашист пулемёти олдида иккита автоматчи ўтирибди. Нормат билан Медведев пулемёт ўрнашган ернинг чап томонидан эмаклаб келишди. Фози Оға ўғли уларнинг орқасидан кузатиб турди. Биринчи гранатани ташлашлари билан пулемёт Норматлар томонига бурилди ва олакарғадай қафиллай бошлади. Қизил аскар Фози Оға ўғли ҳалок бўлди. Дўлдай ёғилаётган ўқлар Нормат беркиниб олган тошга келиб тегар ва тошдан чиқаётган чақмоқ бирмунча ерни ёритиб юборар эди. Фашист пулемёти Нормат билан овора бўлиб турганида, майор Юрьев тўққизинчি ротанинг учинчи взводини жангга бошлади... Взвод «ура!» деди. Душман пулемётлари яна взводга қаратилди, взвод яна ётиб олди...

— Менга яна бир ярим минутлик қулай фурсат керак,— дер эди полк командири. Аммо буни Норматлар эшитмас эдилар. Нормат ҳал қилувчи дақиқалар келиб қолганини тушунар ва шу дақиқаларнинг ҳар бири юзлаб кишининг қони ва жонига teng эканини англар эди. У, ўрнидан туриб Медведевни туртди: «Туринг, яна борайлик» деди. Медведевлар ер тишлаб ётар ва унинг ўқ алангасида куйиб кетган шинелидан кўланса ҳид келарди. Шундай масъулиятли дақиқада Норматнинг иш кўрсатиши зарур бўлиб қолди.

Нормат фашист пулемёти томон юра бошлади. Пулемёт яна чап томонга — Норматга қаратилди. Норматнинг ҳаёти унинг олдидаги терилган тош ва қордан қилинган окопнинг паноҳида эди. Агар у тошдан бир оз жилар экан ёки тошдан айриларкан, ёмғирдай ёғилиб турган ўқлар полкка жуда керак бўлган Норматни нобуд киласди.

Тош жуда оғир эди. Уни ётган ўрнидан кимирлатишнинг ўзи анча куч ва ҳаракатни талаб этарди. Аммо ўзини ва биринчи галда полк ҳаётини сақлаш жуда зарур эди. Шунинг учун Нормат буйруқни бажариш йўлида ҳеч қандай куч ва кувватини аямайди. Нормат каскали бoshини тошга тираб, бу тошни икки қули билан олдинга суриб, кор уюмларини ёриб, тепаликка ўрмалаб чиқа бошлади. Пулемёт ўқлари тошни орқага, пастга қараб итарарди. Фашистлар бутун кучларини уларга қарши думалаб келаётган тошга қарши ташладилар, аммо пулемётнинг ўқлари кор қилмаяпти, тўп отиб бўлмайди, миёнмёт отиб бўлмайди... фашистлар узун гранаталарни ишга солдилар. Биринчи граната ташланди, ёрилмади,

иккинчи граната ташланди, у тошдан нарирокда ёрилди ва парчалари келиб тегди-ю, тошни қимирлата олмади. Учинчи граната портлади... гранатанинг майда парчалари Норматнинг шинели ва оқ халатига ёпишди. Унинг баданларидан иссиқ қон оқа бошлади. Аммо ефрейтор Нормат буни сира сезмас эди. Бошлари ўйилиб, соchlари ишқалиб, юлиниб, миясидан ва тепасидан қора қон тизғиб чиқа бошласа ҳам Нормат тошни думалатиб илгариға силжиди. Қаричма-қарич юриб, охири, қўйнидаги гранатани душманга ирғитди. У торсиллаб ёрилди, иккинчиси ва учинчиси ҳам... Пулемётларнинг овози учди..

Полк командири, айтгандан бир ярим-икки минут кечикилган эди. Шу маҳал олдинги взвод, рота ва бутун полк атакага кўтарилди. Полк жадаллик билан «ural» деб тепаликка ташланди. Нормат ҳам уларнинг даҳшатли овозига қўшилмоқчи бўлди, аммо у дармонсиз эди. «119» тепалиги немислардан тозаланди. Оғир вазифа кам курбон билан ўз вақтида бажарилди.

Майор Юрьев санитар замбилида ётган, юзлари куйиб, боши ёрилган ефрейтор Нормат Жабборовни оталардек бағрига босди.

1945.

АИРИЛМАС ДУСТЛИК

Кўкда бир гала юлдузни бошлаб саёҳат қилаётган ой кўчаларда чўзилиб ётган қочоқлар тепасига келиб тұхтади. Ой шуъласида қаторлашиб ва ҳар томонга қарашиб ётган кексалар, аёллар ва гўдаклар юзига сепкил бўлиб тушган уруш дөғи, неча кунлик азоб-уқубат, кочкоч ғамгинлиги кўриниб туарди.

Қишлоқнинг кун ботиш томонидаги ўрмон бурчагидан икки марта оқ мушак отилди. Қаёқдандир душман аэропланлари пайдо бўлиб, қишлоққа чодир тикиб ётган қочоқлар тепасида айлана бошлади. Қишлоқ катта ваҳима ичидა қолди. Кочоқлар яна бомбалар даҳшатига учрадилар. Биринчи бомба колхоз отхонасига тушди. Катта отхона куйиб, алангаси қишлоқни ёрита бошлади. Иккинчи, учинчи бомбалар колхозчиларнинг уйларига тушди. Бир неча уй ер билан яксон бўлди. Бомбалар бирин-кетин портлашиб, қишлоқни ларзага келтирди. Қишлоқ ёнаётир. Ярадорлар инграмоқда. Паррандалар ва ит-мушуклар атрофга сочилмоқда. Фарбдан келаётган шабада тутаган жун, куйган гүшт, суюк ҳидларини кўтариб узок-узокларга таратмоқда. Колхоз отхонасидаги 18 та от, фермадаги сигир ва бузоқлар тириклайн куйиб ётардилар. Улар маърашар, чўпонлардан ва эгаларидан ёрдам сўрагандек нидо чиқарап эдилар.

Марш ротасининг жангчилари, йўлни қишлоққа буриб, ёрдам беришга югурдилар.

Катта уч хонали ёғоч уйни сира таниб бўлмайди. Ёғочлари куйиб кул бўлган уй ичидан куйган буғдой иси чиқмоқда. Ертўла тагидаги картошкалар тутамоқда.

— Ердам қилинглар! — деган нидо эшитилди. Бу оқ сочли бир қочоқ хотиннинг кизи Марусяниг товуши эди. Қизил аскар Маърифжон овоз чиқсан томонга юурди. Икки хотин инграб ётарди. Жингалак соchlари кўзларини тўсиб турган бир жажжи қиз, кекса хотин қўксига қўлла-ри билан ёпишиб, йиғлаб ўтиради. Маърифжон оқ сочли хотиннинг қонсиз ва тиришган юзларига қаради. Унинг ўнг бетидаги холи ўз онаси Ражабону холанинг холига ўхшаб кетди. Маърифжон сесканиб тушди. «Бу хотиннинг нима гуноҳи бор?» деб ўйлади.

Маърифжон кўз ёшлари оқиб оппоқ ва қонсиз юзлари ювилаётган қизга қаради:

— Сизнинг онангизми?

— Менинг меҳрибон онам,— деди киз бўғиқ товуш билан ва яна қизарган кўзларидан ёш оқизди.

Маърифжон чўнтағидан олган бинтлар билан хотиннинг яраларини боғлади, уни аравага солиб ҳарбий тиббий пунктга юборди. Маърифжон қизнинг кийим-бош соглан тугунларини ҳам аравага ташлади.

Арава орқасидан эргашиб кетаётган Маруся ёшга тўлиб ярқираётган ҳаво ранг кўзлари билан Маърифжонга миннатдорчилик изҳор этиб қаради. Йигитнинг узун бўйи, қорача юзлари ва эндиғина ўсиб чиқаётган мўйловлари қизнинг кўз ўнгидага ўчмас бўлиб қолди. Маърифжон марш ротаси билан замбаракларнинг овози чиқаётган томонга жунади.

* * *

*

Қонсираб ётган Маърифжон юзларига мулойим кўл ва лабларига соч қиллари тегаётганини сезди. Кимdir унинг яраларини қайтадан боғлар ва пешаналаридан силаб уйғотар эди. Маърифжон кўзини очди. Унинг кўзлари нозик ва шабадага чиқарилган шамчироқдек милтиллар эди. Унинг нурсиз кўзлари ва қонсиз юзлари алла-қандай миннатдорчилик билан йигит бошида парвона бўлган раҳмдил қизга бокардилар.

— Маруся... — йигит кизни таниди.

— Маърифжон, Маърифжон.— Маруся унинг пешаналарини силади. Ярасига малҳам кўйгандек, жонига ором бергандек бўлди.

Маърифжон ҳушига кела бошлади. У атрофига кўз

ташлади. Ўрмон хафа кўринар ва севганидан жудо бўлган келиндеқ қора чодир ичида эди. Жанг тугаган, аммо унинг оқибатлари Маърифжонга маълум эмас.

— Бизниkilар қани? — Маърифжоннинг маъюс овози зўрға эшитилар эди.

— Кетишди... — Марусянинг овозидан йифи оҳанги келарди.

— Сиз қаёқдан билдингиз? Фашистлар қани?

Маърифжоннинг бу саволига қиз аллақанча вактгача жавоб бера олмади. Унинг кўнгли яrim ва ўша яrim кўнгли ҳам ғазаб билан тўла эди. Безгак тутган кишидек қалтириарди қиз. Унинг тишлари бир-бирига уришиб тақиллар эди.

— Мен ўрмонда эдим,— деди Маруся.

Маърифжон чап қўли билан тиралиб, ўрнидан турмокчи бўлди. Марусянинг ёрдами билан суюниб ўтириди.

Қиз Маърифжонни қучиб, юзларини силарди. Тонг ота бошлади. Ёруғлик арча кокилларини ёриб, ўрмон ичига кира бошлади. Узок-узоклардан артиллерия отишмалари эшитилмоқда. Ўрмонда, яқин атрофларда нотаниш сўз ва бегона овозлар шовқини келаётir.

— Бу жойдан кетиш керак,— деди Маърифжон.

Маруся уни кувватлади:

— Кетамиз.

* *

*

Қўлтиқлаб суюб келган ярадорни катта дарахт олдида қолдириб кимнидир чакирди:

— Максим амаки. Амаки...

Катта қарағай дарахт остидаги капа ичидан чиқкан узун бўйли ингичка киши сўради:

— Нима гапинг бор?

— Сизга бир ярадор келтирдим,— деди партизан қиз.

Табиб Максим ярадорнинг билакларини ушлаб кўрди. Унинг билак томирлари кўм-кўк кўкариб турар, баданлари заъфарон эди. Қишлоқда ўттиз йил табиблик қилган, кейинги йилларда колхоз амбулаториясида ишлаган Максим ярадор Маърифжонга кон қўйди, сут ичирди, қўймоқ пишириб берди. Гулхан ёнига ўтқазиб исинтириди. Қўл-оёқларини уқалади, бошини силади. Пе-

шанаси чит дурра билан танғилган Маруся ёғоч сүри ва похол түшак устида ётган Маърифжон ёнига келди:

— Энди айтинг, нима ҳодисалар бўлди?

Маърифжон Марусянинг саволига оҳиста, хаста овоз билан жавоб қилди:

— Биз маҳсус топшириқ билан душман орқасида қолган ва «партизанлар ўлкасини» қўриқлаб юрган эдик. Немислар бизга жазо отряди юборди, уч кун оғир жанг бўлди. Уч кечак ю уч кундуз атака қилди. Танклар, замбараклар ва аэропланлар билан ҳужум қилди. Ильич қишлоғи ҳар куни уч-тўрт марталаб кўлдан-кўлга ўтди. Кейин бизнинг эскадрон фашистлар дарё бўйида нима ишлар қилаётганини билиш учун разведкага борди. Шу кеча кўприк олдида эдик. Фашистлар бизни қуршаб олишди. Биз тегишли маълумотларни олиб, орқага қайтдик. Ўрмонда пистирмага учраб қолдик. Яна жанглар бўлди. Мен яраландим, йиқилдим. Яраларимни боғлаб, ўзимни чуқурликка олдим. Бошқа ҳеч нарсани билмайман. Кейин сизни кўрдим...

— Сиз қайдан келдингиз? Онангиз соғайдими?

Киз йиғлаб юборди. «Онамнинг қони ва жони фашистларга керак экан», деди киз.

— Нима бўлди?

— Онам йўлда жон берди... Онами Лев Толстой қишлоғига кўмдим. Сизлар кетгандан кейин қишлоққа фашистлар келди. Улар аҳолига қаттиқ зулм қилди. Бомбардимондан зўрға сақлаб қолган бор бисотни ҳам талаб кетди. Қаршилик курсатган кишиларни тикка отиб ташладилар. Одамлар бу зулмга чидамади. Бошини олиб қишлоқдан чикиб кетди. Эркаклар партизан бўлиб кетишиди. Уларни колхоз раиси Никитин олиб кетди. Ўсмир болалар ва қизларнинг кўпчилиги Қизил Армия қисмлари билан бирга жўнадилар. Хотинлар тугунларини кўлтиқлашиб ўрмонга кўчиб кетишиди. Энди уларнинг кулбалари ўрмон капалари бўлиб қолди. Кочолмаганлар фашист қопқонига тушдилар. Мен комсомол ташкилотининг топшириғи билан душман орқасига ўтган эдим. «Отахон» отрядида хизмат қилиб турибман. Кечаси бўлган жанглар вактида ўрмонда эдим. Жанглар тўхтагач, яна Ильич қишлоғига қайтиб келаётib сизни учратдим...

— Бизникилар каерда?

— Ильич қишлоғида.

— Фашистлар-чи?

— Улар биз турган ўрмоннинг нариги четида...

— Энди мен Ильич қишлоғига, эскадронга, дўстлар ёнига боришим керак,— деди Маърифжон.

Марусянинг юzlари жиддийлашди. У ўз қарорини айтди:

— Йўқ, сиз бормайсиз. Уларнинг ўzlари шу ёққа келишади.

Табиб Максим тунука чойнакда чой ва ўчоқ тандирда ёпилган булка ноn билан бир сиқим майиз ҳам келтирди.

— Буни бизга совға қилиб аэропландан ташладилар.

Маърифжон илжайиб кулди. Шу маҳал гўзал Фарғонанинг мевазор боғлари кўз олдига келди.

— Бу майизлар бизнинг томонда битади,— деди Маърифжон мароқ билан.

Маруся қизиқиб сўради:

— Сиз қаерликсиз?

— Мен Ўзбекистоннинг Фарғона водийсиданман. Қишлоғимизнинг табиати шу ўрмон каби жуда соз ва ёқимли. Мен ўрмонларга қарасам, кўз ўнгимдан қишлоғим ўтади.

... Юқорида кўк баҳмалга ўранган Фарғона тоғлари, қир остида ўйноки ва қўшиқчи анҳор, анҳор бўйларида эса колхоз боғлари, боғларда гуллар, гул шоҳларида булбуллар... Фарғона тоғларидан баҳаво шабада ўрмалаб келади ва анҳорнинг тиник сувларида чўмилиб, атиргулларнинг хушбўй ҳидларини кўтариб боғларда ўтирган кишиларга илтифот қиласи. Уларнинг юzlарини силяб, соchlарини тараб, кучига-куч қўшади. Халқ эса меҳнаткаш. Бир йилда неча марталаб ҳосил олади, тўқ яшайди. Мана, уруш бўлгандан бери ўша боғларнинг шафтоли, ўрик, гилос, нок, бодом ва анор каби роҳатижон мевалари жангчиларга ҳам келяпти. Бу майиз ҳам ўша боғларда пишгандир эҳтимол.

— Илгари ҳам шу томонларда бўлганмисиз?— деди Маруся.

— Йўқ. Мен бу ерларни харитада кўрганман. Қардош республикалар билан китоб орқали танишганмиз. Бизга қурилиш материаллари, машиналар ва техника қуроллари шу ёқлардан борар эди. Биз бу томонлардан узоқда бўлсан ҳам бу ерни ўз томорқамиздек билар эдик.

— Русчани яхши гапирияпсиз-ку?

— Рус оғаларимдан ўргандим. Улар бошимиздан

куллик балосини олиб ташлашда бизга ёрдам қилдилар. Биз ҳаммамиз бир ёқадан бош чиқариб ишлаб яшнамоқда эдик. Фашист босқинчилари бизнинг иссиқ ўрнимизни совутмоқчи бўлди, юртимизга чанг солди. Биз оёқка турдик. Рус оғаларимиз, бутун халқларимиз фарзандларни билан ўзбек ўғлонлари ҳам Ватанини ҳимоя қилгани шу ёкларга келди.

Унинг ҳикоясини ўрмон коронфилигини ёриб келаётган икки отлик кишининг товуши бузди. Улар қаршисига чиқкан Марусядан сўрадилар.

— Ярадор кизил аскар шу ердами?

— Шу ерда,— деди Маруся.

— Уни олиб кетгани келдик. Генерал Белов юборди.

Маърифжон маҳсус чанага тушиб ўз қисмига кетаёттиб партизан Марусянинг ҳаво ранг кўзларига ва оқиш юзларига зўр миннатдорчилик билан қаради.

1946.

— Улар биз турган ўрмоннинг нариги четида...

— Энди мен Ильич қишлоғига, эскадронга, дўстлар ёнига боришим керак,— деди Маърифжон.

Марусянинг юзлари жиддийлашди. У ўз қарорини айтди:

— Йўқ, сиз бормайсиз. Уларнинг ўзлари шу ёқка келишади.

Табиб Максим тунука чойнакда чой ва ўчок тандирда ёпилган булка нон билан бир сиким майиз ҳам келтирди.

— Буни бизга совға қилиб аэропландан ташладилар.

Маърифжон илжайиб кулди. Шу маҳал гўзал Фарғонанинг мевазор боғлари кўз олдига келди.

— Бу майизлар бизнинг томонда битади,— деди Маърифжон мароқ билан.

Маруся қизиқиб сўради:

— Сиз қаерликсиз?

— Мен Ўзбекистоннинг Фарғона водийсиданман. Қишлоғимизнинг табиати шу ўрмон каби жуда соз ва ёқимли. Мен ўрмонларга қарасам, кўз ўнгимдан қишлоғим ўтади.

... Юқорида кўк баҳмалга ўранган Фарғона тоғлари, кир остида ўйноқи ва қўшиқчи анҳор, анҳор бўйларида эса колхоз боғлари, боғларда гуллар, гул шоҳларида булбуллар... Фарғона тоғларидан баҳаво шабада ўрмалаб келади ва анҳорнинг тиниқ сувларида чўмилиб, атиргулларнинг хушбўй ҳидларини кўтариб боғларда ўтирган кишиларга илтифот қиласди. Уларнинг юзларини сираб, соchlаринн тараб, кучига-куч қўшади. Халқ эса меҳнаткаш. Бир йилда неча марталаб ҳосил олади, тўқ яшайди. Мана, уруш бўлгандан бери ўша боғларнинг шафтоли, ўрик, гилос, нок, бодом ва анор каби роҳатижон мевалари жангчиларга ҳам келяпти. Бу майиз ҳам ўша боғларда пишгандир эҳтимол.

— Илгари ҳам шу томонларда бўлганмисиз?— деди Маруся.

— Йўқ. Мен бу ерларни харитада кўрганман. Кардош республикалар билан китоб орқали танишганмиз. Бизга қурилиш материаллари, машиналар ва техника куроллари шу ёқлардан борар эди. Биз бу томонлардан узокда бўлсан ҳам бу ерни ўз томорқамиздек билар эдик.

— Русчани яхши гапирияпсиз-ку?

— Рус оғаларимдан ургандим. Улар бошимиздан

куллик балосини олиб ташлашда бизга ёрдам қилдилар. Биз ҳаммамиз бир ёқадан бош чиқариб ишлаб яшнамокда эдик. Фашист босқинчилари бизнинг иссиқ ўрнимизни совутмоқчи бўлди, юртимизга чанг солди. Биз оёққа турдик. Рус оғаларимиз, бутун халқларимиз фарзандлари билан ўзбек ўғлонлари ҳам Ватанини ҳимоя қилгани шу ёқларга келди.

Унинг ҳикоясини ўрмон қоронғилигини ёриб келаётган икки отлик кишининг товуши бузди. Улар қархисига чиққан Марусядан сўрадилар.

— Ярадор кизил аскар шу ердами?

— Шу ерда,— деди Маруся.

— Уни олиб кетгани келдик. Генерал Белов юборди.

Маърифжон маҳсус чанага тушиб ўз кисмига кетаётуб партизан Марусянинг ҳаво ранг кўзларига ва оқиш юзларига зўр миннатдорчилик билан қаради.

1946.

БАРНО

Кўпларни саросимага солган бу воқеа Баронинг бир оғиз гапидан бошланган эди.

Аввало Баронинг ўзи тўғрисида. Барно жийдакапалик обрўли қолхозчининг ёлғиз фарзанди бўлиб, эрка ўсган ўз сўзли қиз. Мактабда ўқиб юрганда ҳам ўзига алам етадиган, гап тегадиган иш қилмас, қолаверса, бирорвга сўзини бермасди. Ёмон ҳам эмас, аъло ҳам эмас, яхши ўқир эди. Ўн йилликни битириш олдида комсомол ташкилотининг: «Қайси ўкув юртига борасан?» деган анкетасига: «Ўқишига бормайман» деб қисқа жавоб берди. Бундан ҳар ким ҳар хил маъно чиқарди. Баъзи дугоналари «Барно эрга тегармиш» деди, баъзилари, «Барно конкурсдан қўрқяпти» деган миш-миш тарқатди.

Шу орада Баронинг дугоналаридан кўни ўқишига кетди, баъзилари ишга кирди. Барно эса, тусатдан Москвага жўнади-кетди, ўзининг бу сафари ҳақида ҳеч кимга ҳеч нима демади. Дугоналари уни Москвадан қўтиричоқдай башанг келганинигина кўрдилар. Бу ҳақда ҳам ҳар хил тахминлар тўқилди. Аммо дугоналаридан ҳеч бири бу сирнинг тагига етолмади. Барно бўлса йигитларнинг кўзини куйдириб, қизларнинг рашигини қўзғаб, кунига турли-туман капрон ва нейлонларга безаниб юраверди.

Бу сирдан фақат зоотехник Обиджон хабардор эди. У ҳам бўлса тасодифан кўзи тушган бир хат туфайли килинган тахмин ва фараз эди. Кунцево районидаги «Ильич васияти» колхозининг сутчилик фермасидан «Жийдакапа» фермасига, Барно Ботировага тегсин» де-

ган хат келди. Обиджон бу ферма ҳақида кўп яхши гаплар эшитган. Ўқиб юрган вақтида Барнонинг Қунцеводаги мактаб болалари билан хат ёзишиб туришини, айниқса бир қиз билан орқаворатдан иноқлашиб кетганини сезиб юрарди. Барно ўн йилликни битириб, ферма ишига кирган уша қизга меҳмон бўлиб, ҳунар ўрганиб келибди.

Кейинча бу тахмин ҳақиқат бўлиб чикди.

1959 йил 1 август куни эрталаб Барно сутчилик фермасининг остонасидан ҳатлаб, донгдор сут софувчи Қандолатга йўлиқди.

— Келдим...

Қандолатхон Барнони яхши билар эди: ёлғиз усган, қақажон қиз. Ясан-тусани, пардоз-андозига қараганда фермада ишлайдиган жойи йўқ. Қўғирчоқдай кийиниб юрса бўлади. Сочи икки ўрим, учи қўнғирок. Шундай олифта қиз сигирлар тепкисига чидаб, молхона шалтоғини тозалармикин? Қандолат: «Бор, қўлингдан келадиган ишни қил!» деб уни молхонадан ҳайдаб юборгиси келди-ю, охирини ўйлаб колди. Бу қизга бирор гап айтгандан тил тишлаган яхширок...

— Ишонаверинг,— деди Барно Қандолатнинг авзойини кўриб.— Сут софувчи бўламан деб аҳд қилганман. Тўппа-тўғри ишга тушгани келдим!

Қандолат Барнонинг оёғидан бошигача, бошидан оёғигача яна бир бор синчиклаб қараб чикди-да, кўзига тикилиб қолди. Унинг қопқора кўзлари тинимсиз ўйнаб, корачиглари учқунлаб турибди; қатъийлиги ва айни вақтда шўхлиги, қандайдир ғайрат, шижоатдан далолат берарди. Шу сабабданми ёки қизнинг юзидан ўтолмаганиданми, «йўқ» дегиси келмади. Аммо синамоқ учунми, молхонада ағдарилиб ётган ифлос челякни олиб келишни буюрди. Барно буни дастлабки жанговар топшириқ деб тушунди-да, оёғи олти бўлиб кетди. Қандолатнинг назарида қиз гўё ерни пуллаб босаётгандай, сигирлар бир газ нарида пашласини кўриб дум силкитса ҳам тегиб кетармикин, деб ҳадиксирагандай, эгнига заррача чанг юқтиргиси йўқдай...

— Ростини айтайми,— деди Қандолат авзойи бузилиб.— Молхона сендай қизларнинг жойи эмас. Бундай ясан-тусанлар билан идораларда ишлаган маъқул.

— Кийимимдан хавотир бўлманг, опажон!— Барно шу оннинг ўзида кўздан ғойиб бўлиб, бир зумда молхонадан бутунлай бошқача бўлиб чикди. Эгнида кўк штапель

пижама, узун шарвар, оёғида босаножка, юришлари чақон.

Қандолат ҳайрон бўлиб қолди.

Шундай қилиб, Барно соғувчи бўлиб олди. Дастрлаб унга битта сигир бердилар. Барно унга «Олмахон» деб ном кўйди. «Олмахон» ётсирадими ёки янги ўргамчик бармоқлар пишмаганиданми, биринчи кун одатдагидан икки літр кам сут берди. Эртасига, индинига ҳам шундай. Тўртинчи кунга ўтганда соғувчилар, «сигирни ўзинг эмиб қўйяпсанми?» деб уни мазах қила бошладилар.

Барно ўша кезлари гап уқмас кар, сўз қотмас соқов бўлиб олди. Кун чиқар-чиқмас қулида чамадончаси билан фермага келади-да, кийимини алмаштириб, «Олмахон» ёнига боради. Кун бўйи нима қилгани билан биронинг иши йўқ. Кечкурун уни душ олдида учратадилар ёки ясан-тусани билан майдада қадам ташлаб уйига қайтаётганини кўриб қоладилар. Ана шундай кезларда Барнонинг ташқи кўринишига ғаши келиб юрган соғувчилардан бири: «Сатанг соғувчимизга қараб қўйинглар — юриши хон юришу, соғиши бир сигир» деди. Шундан кейин баъзилар истеҳзо билан ёки ҳазиломуз уни «Сатанг соғувчи» дейдиган бўлдилар. Барно, бу хил заҳарханда гаплардан вужудига титрок кирса ҳам, тишини тишига қўйиб юраверди. Унинг қалбida катта мақсад пишиб етилмоқда эди.

Ҳамма ҳайрон: ўзига гард юқтирмайдиган, гап тегизмайдиган абжир қиз негадир шунча мазахларга чидаб, индамай юрибди? Мактабнинг тарбиясими ёки балофат таъсирими?

Бу ҳаммадан кўпроқ зоотехник Обиджонни қизиқтирап эди. Обиджон юмалоқ, калта бўйин йигит бўлиб, ёшлиқдан шўх, гапдон ва тегишқоқ ўсан. Ўн йиллик мактабни Барнодан икки йил аввал тамомлаб, Тошкентда зоотехниклар тайёрлаш курсида ўқиб келган. У ҳам фермага биринчи келишида Барнога ўшаб ясаниб келган ва эртасига ёки янги кийимлари кир тоғарага солинган. Бу қиз эса ҳар куни молхонага оҳори тўкилмаган кийимда келади...

Обиджон бир куни эрталаб унинг йўлини пойлади, кўзи кўзига тушгач, тегажаклик қилди:

— Кинога кетяпсизми, яхши қиз?

«Яхши қиз» Обиджонга дарҳол бокди-да, ачитиб, жавоб қилди:

— Зоотехниклик илмини билиб келган десам, киноя билимини ўрганиб келган экансиз-да...

Обиджон бўйнигача қизариб, лол бўлиб қолди. Унинг назарида Барнога бир гап етарли, икки гап ортиқча эди. Обиджон қизарган юзларини яшириш учунми, ветпунктга кириб кетганича ўша куни фермада қорасини курсатмади. Шу ҳодисадан кейин Обиджон Барно түфрисида кўп ўйлайдиган бўлиб қолди. Унинг пичинги ёдига тушаверди. Унинг табассумими, қўзидағи жозиба ўтларими, ёки хушбичим кийимларнинг ўзига ярашифими, абжирлигими, хуллас, нимасидир Обиджонга ёқиб қолди. Уни кўргиси, у билан гаплашгиси келаверди.

Барнонинг бу юришига «отинчаси» Қандолат ҳам ҳайрон. Қандолатхон колхоз қурилишидан аввал Жийдака-пада камбағал, якка деҳқон оиласида туғилган. Сутдан қаймоқ, қаймоқдан сариёғ чиқарган, қатиқ увитиб, айрон шопириб кун ўтказган. Қандолатнинг ўша кезларда кўзи пишган эди. «Такдир экан», унинг ўзи ҳам чорвардорлар оиласига келин бўлди. Мана энди Ҳамдамжоннинг сутчилик фермасига мудир бўлганига ва Қандолатхоннинг соғувчилик қилаётганига ҳам ўн беш йил бўлай деб қолди. Қандолат соғувчи бўлган йили сигирлар по-дада бокилиб, уларнинг учдан бири соғиларди. Соғилганда ҳам эрталаб, кечқурун бармоқлаб соғиларди...

Шу бинолар, автосугориш, автосоғиш, автоовкатлантириш сингари «авто-авто»лар яқиндагина Қандолатнинг кўз олдида қурилган. Унинг донгдор соғувчи бўлганлиги ҳам ферманинг шу тез ўзгарган даврига хос. Аммо Қандолат Барноларнинг тутумини тутиб, кийимини кийган эмас. Ёш қизга фермада ясаниб юриш нимаси? Қандолат бир куни шу ҳақда тўппа-тўғри унинг юзига айтмоқчи бўлиб, энди оғиз жуфтлаганда, хаёлига бошқа гап келиб: «Шундок фермада ясанса нима бўлиби? Эплаб кийса кияверсин!» деб кўя қолди.

Бора-бора Барнонинг бу одатига бошқалар ҳам кўни-киб кетдилар. Шу орада шогирд ҳам ўн-ўн беш сигир соғадиган бўлиб олди, қулоғи очилиб, тили чиқа бошлиди, яъни ўзи ҳақидаги заррача гапни дарҳол оғзидан илиб, ёқасига ёпиширадиган бўлди. Бу ҳам ҳолва! Барно 1960 йилнинг 7 март куни тонг отарда фермага келиб, қалбида пишиб етилган бир гап билан ҳамма ёқни ағдар-тўнтар қилиб юборди:

— Сигирлар озодликка чиқарилсин!

Бу гап шу қиздан чиққанига ҳеч кимнинг ишонгиси келмади. Ахир у, молларни боғлаб бокищдан, уларни автосуғоргичда суғориш, автоовқатлантиришдан воз ке-чишни талаб қилмоқда. Автосоғиши системаси ҳам йўқол-син, демаса эди ҳали. Буларнинг ҳаммаси йўқолса, молни ким бокади, уни ким, нимада соғади? Буларга эриш-гунча Ҳамдамжоннинг соқоли, Қандолатхоннинг сочи оқарган-ку. Фермани механизациялаштиришга озмунча меҳнат ва маблағ сарф бўлдими? Бунча автоматлар осонлик билан топилибдими! «Намунали ферма» деб бу ҳақда ёзмаган газета колмаган эди-ку! Нусха олгани келиб кетган кишилар оз бўлдими! Шундок ферма усул-тартибини она сути оғзидан кетмаган қизча бузаман деб турса-я!

Бу «исён»дан ферма мудирининг тепа сочи тик бўлди:

— Ферма мактаб партаси эмаски, болалар у ёқдан-бу ёққа кўтариб юрсалар. Сатанг қиз тушини сувга айт-син!— деди жаҳл билан.

— Ҳамдам ака,— деди Барно табиатига хилоф бо-сиқлик билан,— бундок ўйлаб кўринг, шу ишимиз тўғри-ми? Ҳисоблаб чиқсан, иккита сигирга бир одам пар-вона!..

Ҳамдамжон гап тополмай, тили ғулдураб қолди. Қандолат бўлса шундай қизни шогирд қилиб «оғримаган бошига олтин таёқ» ортирганидан эри олдида юзи шу-вит, сочини битта-битта хуноб, Обиджон ҳайрон.

Барно тобора авж

да:

— ... Ҳайвонни б...
сут олишми?
ринг. Бечор;
қолибди. Кў.
дингизми?

ашдан максад кўп
мок»дан чиқа-
а ем тушиб
ингсин. Бил-

Ҳамдамжон унинг оу танларини ўзича тушунди-да, хўмрайди.

— Мол бокиш қийин бўлса, енгилрок ишга ўтиб ол!

— Мол боқиб, сигир соғиш оғир ишми?

— Жуда оғир, ишни енгил қилайлик, иш кам, сут кўп бўлсин деяпман. Ҳайвон ҳайвонлигида туради, одам одамлигига!

— Мен сенинг ўрнингда бўлсан, гўнгхонада ивири-май, тирноғимга лак суркаб, бетимни упага бўяб юрар-дим.

Обиджон шу киноядан Барнонинг тутақиб, чўғ пур-

каб юборишини кутган эди. Йўқ, қиз тутақмади, босик, лекин қатъий жавоб қилди:

— Пардоз қилишга фермада ҳам улгуравераман.

— Соғувчи бўлсанг сигирингга қара, пардоз-андозга вакт қани!

— Вактни ўзим топаман,— деди Барно ва сумкасидан хийла эскириб, анча ғижим бўлиб қолган газетани олиб, Ҳамдамжонга узатди.— Мана шунда айтилган ишлар бизда ҳам амалга оширилса, ҳамма нарса ўз жойига тушади. «Ильич васияти»да ўз кўзим билан кўриб келганман.

Ҳамдамжон газетани олди, у ёқ-бу ёғига қаради, аммо нимани қидираётганини билмай, кўзи тинди. Оқ коғоз бетидаги қора ҳарфлар унинг кўз ўнгидага чумолидай ўрмаламокда.

— Эски газета экан, нима бўлибди?

Барно газетани қайтариб олди:

— Кўзингиз хиралашиб қолибди.

Обиджон газетанинг биринчи саҳифасида катта ҳарфлар билан терилган сарлавҳани кўриб қолди. Аллақандай тажриба ҳақида ёзилган эди. Олиб ўқигиси келди-ю, сўрашга ботинолмади. Баронинг ўт пуркаб юборишидан қўрқди. Унинг бетараф туриши ферма мудирига ёқмади.

— Одам деган шундай ҳам лапашанг бўладими?— деди Ҳамдамжон зоотехникка аччик қилиб,— айтсанг бўлмайдими!

— Бу киши нимани айтарди?— деди Барно унинг гапини оғзидан илиб.— Обиджон ҳақиқий мол доктори бўлса, сигирнинг дилини билар эди. Диалини билган одам унинг тилини авточўмичга боғлаб қўярмиди.

Обиджон ферма мудирига қараб, бу нимаси, дегандай елкасини қисди.

— Ўзингизни соддаликка солманг, Обиджон aka!— Барно гапида давом этди.— Сигирлар темир чўмичларга тумшук тикишга безиллайдиган бўлиб копти-ку. «Олмахон»нинг тилини кўрдингизми? Гўшт бўлиб кетибди. Жонивор водопровод қувурининг зангини ичавериб ичаги кирлаб кетибди-ку... Автосуғоргични йўқотиш керак.

Бу гапдан Ҳамдамжоннинг шу қадар жаҳли чикдикি, ҳозир ўзини зўрға босди: «У дейди, бу дейди, нима балога йўлни қидим мен!»

Бу зоотехникнинг соҳасига хос бўлгани учун Обиджон сўради.

— Бу гап кимдан чикди, Барнохон?

— Сигирлардан чикди. Ишонмасангиз, ўзларидан сўранг,— деди-да, қиз молхонага кириб, «Олмахон»нинг бошбоғини ечиб юборди.

Ола сигир қафасдан кутулган қушдай силкиниб, думини баланд кўтарганича, ўйноқлаб молхона эшигидан чикди ва Барнога миннатдор бокиб кўйди-да, ферма саҳнидан оқиб ўтадиган ариқча томон югурди. «Олмахон» оқин сувни шу қадар завқ билан симирдики, иложи бўлса, бир қатрасини ўтказиб юбормаса...

— Кўрдингизми?— деди Барно ўз сўзини исботлагандай.

Ҳамдамжон билан Обиджон, автосуғоргичда сув қолмадимикин, дегандай суғоргичларни қўл билан босиб кўрдилар. Занг аралаш сув Обиджоннинг юзига сачради, бир неча томчиси лабига тегди. Ундан хлор тами келди. Туфлаб ташлади. Барно қаҳқаҳлаб кулиб юборди.

— Қалай, ширин эканми?

Обиджон гап қайтармади, аксинча, у яхши қизнинг яхши хислат, яхши ниятларини кўз олдига келтириб, унга мулоим қараб қўйди.

Шу воқеадан кейин Барнонинг бағри тоғдай кўтарилиди. Аммо Ҳамдамжон унинг таклифларидан бирортасини маъқул топмади. Унинг назарида бу таклифлар «чорвачилик маданияти» деб аталган методни бекор қилиб, катта қийинчиликлар билан ўрнатилган тартибни йўқقا чиқаар эди. Шу сабабдан у, Барнога «Овора бўлма, ҳеч ким ферма механизациясини бузмайди» деб қатъий ҳукм чиқариб айтди.

Барно ферма мудири худди шундай жавоб қилишини кутган эди. Чунки колхозда кейинги вактда гўшт-сутни кўпайтириш учун ҳеч нимани аямас эдилар. Юз гектар ҳисобига гўштнинг тоннаси, сутнинг килограмми кўпайса бас, унинг нималар эвазига кўпайиб, неча пулга тушаётганини ҳисоблаш йўқ. Барнонинг хомчўтига кура ферма одамларини bemalol беш ҳисса камайтириш мумкин. Энг муҳими — сут билан гўшт, ёғ кўпаяди ва арzonлашади. Маъмурчиликнинг калити шу-да!

Барно уз фикрларини баён қилиш учун правлениега йўл олди. Албатта, ферма эшигидан чиқишидан аввал кийимларини алмаштириб олишни унутмади. У, аждаҳолар расми солинган хитойча зонтини соябон қилганича, раис кабинетига кириб келди. Колхоз раиси Жалилов фермадаги воқеадан хабардор эди. Унга молхонадаги машмашани аллақачон бирига икки қўшиб етказган эдилар. Шундан кейин унда «оқ сутни қора деган ким? Албатта, Барно!» деган фикр туғилиб қолган эди. Шу важдан Жалилов уни ҳўмрайиб кутиб олди:

— Тўйдан келяпсанми, бозорданми?

— Фермадан,— деди қулимсираб Барно.

Жалилов унинг кийимларига кўз ташлаб олгач, яна пичинг қилди.

— Фермада ҳам соябон билан ишлайпсанми?

— Нега унда дейсиз?

Жалилов қаттиқрок ҳўмрайиб, Барнонинг қўлидаги ярим ёпиқ зонтга қаради.

Барно «кечирасиз» деди-да, зонтни ёпди. Жалиловнинг ёнидаги стулга ўтириб, жиддий оҳангда гап бошлади. Жалилов унинг маслаҳатига зор эмасдай тескари қаради. Барнонинг назарида Жалилов бамисоли бўёқчининг нилига тушиб чиқсан аркондай ўзгариб кетибди. Азалдан хушфеъл одам нос элитган кишидай қовоини осилтириб, лунжини дурдайтириб ўтирибди.

— Йўқ десангиз ҳам майли, аммо гапимга қулок солсангиз бас,— деди қиз.— Мени фермадан ҳайдаб юборсангиз ҳам розиман, гапимни тингланг!..

— Гапиравер, қулоғим сенда.

Барно гап бошлади. Дастрлаб эътиборсиз, ғижиниб ўтирган Жалилов бора-бора жаҳлидан тушиб, унинг оғзига тикилиб қолди. Унинг қўлидаги газетани олиб, қошларини чимириб ўқишга тутинди. Буни Барно ўзининг ярим ғалабаси, деб билди-да, стулни раисга яқинроқ жилдириб, унинг кўзларига тикилиб олди:

— Бизнинг колхозда ҳам шундай қилса бўлмайдими! Уз кўзим билан кўриб, тартиби ўрганиб келганман, жуда кам чиқим иш! Мана тажрибаси...

Жалилов газетадан кўзини олиб, «қақажон қиз»га қараб қўйди. Бу қарап Барнога бежороқ туюлди. «Екмадимикан? Шундоқ иш нега ёқмади?»

Жалилов керакли нарсаларни аллақачон үқиб ва уқиб олган эди. Уни таажжублантирган нарса Барнонинг журъати... Жалилов ўйга толди: қишлоқда «сатанг» деб ном чиқарган қизнинг аввало фермага бориб ишланиши, қолаверса, мана бундок журъат қилиш — унинг юришини кўрган кўзга ғализ, таърифини эшигтан қулокка эриш, ақл бовар қилмайди... Шундай париллаган қиз озода молхонани ёпиб, гўнг кечишдан кўрқмай қўрада юрмоқчи. Ўн беш сигирни зўрға эплаган соғувчи — юз эллик говмушни соғармиш. Колхозбоп гапларни топибди. Ким ўзгартди бу қизни? Ниманинг кучи бу?.. Хўш, хўш, ферманни бино қилишга озмунча пул кетдими? Кечаги янгилик бугун эскирди қолдими? Ўзига-ку, ишонмаса бўлади, аммо мана бу газетада ёзилган гапларга ишонмаслик қийин, ҳа, қийин...

Жалиловнинг хаёлидан ўтган нарсалар Барнога сир эди. Бироннинг ичидагини бирор қаёқдан билсин. Шу орада Барнонинг нафаси пуфакдай тарсиллаб кетди: «Бепарволик ҳам эвида-да!»

Нихоят, орадан бир ош пишгундай вақт ўтгач, Жалилов газетани столга қўйди. Барно бунга Жалиловда пайдо бўлган муносабатни унинг сўзидан эмас, балки ушбу газетани столга қўйишидан сезди. Жалилов газетани ижирғаниб қўлга олган эди, үқиб бўлгач, тахламай, букламай, беозор стол ойнаси тагига аста ёзиб қўйди. Бутун бошлиқ саҳифа — сарлавҳаларидан то охирги ундов белгиларигача барака кўриниб турибди. Демак, раисга ҳам маъқул: мана энди ишлар чакқон юришиб кетади. Барно бутун вужуди билан Жалиловнинг оғзини пойлади. Аммо Жалиловнинг «бисмилло» си қизнинг қалбида йилтираган қувонч учқунларини ўчирди:

— Хўш, шу билан менга нима демокчисан?

Жалилов бутун оғирлигини столга ташлаб, тирсаклари билан ойнадаги газетанинг сарлавҳаларини ёпиб олди. Барнонинг назарида бу оғир тирсаклар унинг ташаббусини эзиз, мажақлаб ташлагандай эди, у тўсатдан сергўшт тирсаклар остидан бир учи чиқиб турган газетани тортқилай бошлади. Афсуски, газетанинг бир бурдасигина узилиб чиқди. Барно, бир кўзи раисда, бир кўзи йиртиқ газетада, ҳанг-манг туриб қолди.

— Нега анқаясан, елимни олиб ке, ямаб кўямиз! — деди Жалилов йиртиқ газетани қўлига олиб.

Елим саҳифани бутлагач, Жалилов уни столининг тортмасига ташлаб кўйди.

— Правлениеда ишлаб чиқамиз. Кўпчилик нима деса шу!

Барно Жалиловнинг одатини яхши билар эди. У, яримта гап айтмайди, иккита гапни ёмон куради. Шу боисдан Барно «хайр» дейишдан бўлак гапни ўзига ортиқча билди. У, зонтни боши оша тутиб катта кўчадан эмас, одатдагидек сўқмоқдан юрди. Правление маъкуллармикин? Борди·ю, «йўқ!» деб жавоб қилса. Барно яна қайси эшикни чертади?

III

Ҳамдамжон ферма ходимларини тўплаб, нималарни дир маъкуллатиб ўтирган аснода Барно пайдо бўлди. Барча бирдан унинг ўйчан юзига бокди. Қарашлари ўзгача. Қандолатхон эрининг гапини тарозига солаётган бўлса керак, ер чизиб ўтирибди. Мол бокувчилар «подачи камайса сут қўпаяди» дегандек мамнун ўтирибдилар. Обиджон дам Ҳамдамжонга, дам Барнога қарайди. Агар унинг кўз ҳаракатларида дилидаги гаплардан бир ишора бўлса — Барнонинг гапи маъкул дейди у. Фақат Ҳамдамжон Барнони ҳозирнинг ўзидаёқ фермадан ҳайдаб юборишга тайёр. Буш келса бели синишини тушунган Барно дарҳол кийимларини алмаштириб, шарпа сезмаган одамдай одатдаги юмушига тутинди.

Кечкурун соғувчилар уй-уйларига жўнади. Ҳар кечда Барнони кутиб турадиган Қандолат бу оқшом унга индамай эри билан бошлашиб кетаверди. Бундан Обиджон хабардор эди. У шафтолизорда «яхши қиз»нинг ўлини тўсади:

— Бирга кетсам майлими?

— Йўлимиз бир бўлса майли.

Обиджон сезгири йигитлардан бўлгани учун унинг нима демоқчи эканини дарҳол пайқади, «йўлимиз бир» дегандек унга маънодор қаради. Унинг бу караши аввалиги бефарқ қарашлардан мутлако бўлакча эди. Барнонинг назарида унинг кўзлари «буюр яхши қиз, кулинг бўлай!» дерди.

Улар бир-бирларига сукланиб тикилганича, шафтолизорда узок қолишли. Боғ корая-корая қалин ўрмон туслига кирди. Йўловчилар ҳам тинди. Далалар, боғлар, куш-

лар ҳам ухлади. Күкдаги ой, ерда ёнма-ён турган икки ёш юрак сергак, холос. Боф күриқчиси йўталавериб безовта килмаса, улар яна ҳам узок гаплашарди. Обиджоннинг тили байрон...

Барно кўз ўйнатиб бокди-да:

— Хушомадми? — деди.

— Йўк, йўк! Ишонинг, юракдан севаман!

Шу билан уларнинг бу галги учрашуви тугади. Қиз ҳовлисига кириб, дараҳтлар соясига кўмилгач, йигит изига қайтди. Барнонинг сунгги гаплари унинг учун тенгсиз жумбоқ эди. Обиджон ҳам унинг тагига етмагунча ором сезмади. Бу жумбоқ тонг отар чоғи, Барно шафтолизор сўқмоғидан ферма томон шошилиб ўтаётган дақиқаларда ечилди: «узини севган киши унинг ҳулқини ҳам севиши керак...» Шундай демоқчи. Ҳа, шундай...

Обиджон адашмаган эди. Правление мажлисидан кейин буни айникса яхши англади. Мажлис тугаб ҳамма уй-уйига қайтганда, улар яна шафтолизорда учрашдилар. Барно қувноқ ва миннатдор:

— Бошимни осмонга етказдингиз. Раҳмат. Йулимиз бир экан...

— Шу йўлда доим биргамиз.

Бу кучли завқ, жўшиб-тошиш қаёқдан келди? Буни Обиджоннинг ўзи ҳам билмайди. У қизни маҳкам қучоқлаб олди.

— Эртага совчи юборсам майлими? — деди кўзини қиз кўзига қадаб.

Гапдон қизнинг тилига калима келмай қолди. Унинг кучли билаклар ҳалқасидан кутулиши ҳам осон бўлмади. Уриниш ортиқча эди. Ҳалқанинг қулфи чин ваъда калитига очилади.

— Майли... — деди Барно табассум билан. — Лекин эртага эмас... Обиджон.

— Қачон?

— Ишларимиз бир ёқлик бўлсин. Кейинроқ...

IV

Обиджон кутган, Барно ўйлаган қайта куриш ишлари ҳадеганда бошланавермади. Бу орада Барно ҳам ҳузур-ҳаловатини йўқотди. Жалилов «эрта кел, индин кел, бафуржа ҳал қиласиз» дейишини кўймади. Барно правлениега қатнашдан зерикмади. Узокқа чўзилаётган бу

сансалорлик илларини Обиджоннинг журъати узиб юборди. У сигирларни шартта ечиб юбориб, молбоқарлар билан автосуғоргичларни кўчира бошлади.

Барно устахона механикларини бошлаб келди. Схемалар таҳт эди.

— «Арча» ферма ясаб берасизлар,— деди Барно,— чертёжларни бераркан.— Мана бу схема Москва областидаги «Ленин васияти» колхозининг «Арча» фермасидан кўчирма.

Механиклар, слесарлар чертёжларни титкилаб-титкилаб «қўлимиздан келмайди» деб кетиб қолишиди. Уларни қайтариб келгунча Барононинг она сути оғзига келаёзди. Чунки бу орада кимлардир раиснинг тўнини тескари кийдириб қўйибди.

Фигони чиқиб, Жалиловнинг ўзи етиб келди.

— Раис тирик эди-ку!

— Биз правление қарорини бажардик,— деди Барно пинагини бузмай.

— Ва тўғри иш қилдик,— деди Обиджон ҳам.

Жалиловнинг жағи титради:

— Тўғрими, эгрими, ўзингни судда оқлайсан!

Албатта, иш Жалилов айтган судгача бориб етмади, аммо осонликча ҳам кўчмади. Агар бу ишга район партия комитети аралашиб, Жалиловни ҳовуридан туширмаганда «Арча» ферма бунчалик тез битмасди. Бир ҳафта деганда материаллар ҳам топилди, траншеялар атрофида арча тахлит соғиш аппаратлари ускуналанди.

Барча ишлар маромига етгач, Жалилов фермага бир тўда кишини бошлаб келди.

— Калай, кўнглинг ўрнига тушдими?

Барононинг юз-кўзи, бутун вужуди кулди.

Ферма саройидаги кўраларда хилларга ажратилган сигирлар охурдан кўкпоя, яшил йўнғичқаларни еб, бир-бирови билан ким ўзарга кавшашмоқда. Баъзилари қатордан чиқиб, цемент ҳовуздаги тиник сувни ичмоқда, бир неча сигир кавш қайтариб, салқинда ётибди. Жалилов сигирларнинг мамнун дум қимирлатишларига қараб: «Ҳайвон ҳам ўз шароити, ўз майшати билан тирик экан» деб қўйди.

Кундуз соат иккига борганда қўнғироқ жаранглади. Сигирлар оппоқ бино томонга шошилди ва траншеяларнинг икки томонига тизилиб олди. Биринчи хонада ўн икки сигир арча шохларидай ярим кўндаланг тизилиб ем

емокда. Барно траншеяда, электродоилкалар ишламоқда. Елинлар бұшагач, ем ҳам тугади. Соғылған сигирлар үрнини бошқаларига бұшатди. Эшик олдида яна үн икки сигир навбат кутиб турибди.

«Айтганидан зиёда. Уч юз сигирга икки соғувчи киғоя, деб үйлади Жалилов.— Кам меңнат, сердаромад. Колхоз бол иш экан!»

Барно мағрур кулиб турибди. Қандолатнинг қовоғи ҳам очилиб, суратта тушаётган дугоналардай Барнонинг елкасига елкасини қўйиб бўйсара турибди. Ҳамдамжон андак ғамгин: уни «беш молбоқар билан үн уч соғувчига расчёт бериш» ташвиши эзмокда. Обиджон севинчидан бўйнигача кизариб кетган, боғдаги ваъданни эслатиб, вафосини кутаётгандай қора қошлари остидан Барнога кўзини тикиб турарди.

1960

ПЕНСИОНЕР

I

Маҳкам Мусаевни коллектив тантана билан пенсияга узатди. Унинг олтмиш ёшга кириши, қирқ йиллик меҳнати нишонланди. Машинасозларнинг дам олиш уйидагатта зиёфат берилди.

Катта-кичик, таниш-билиш, уста ва шогирдларнинг ҳаммаси Маҳкам акани қутлагани келди. Бири унга гулдаста узатса, бири эсадалик сурати тутди. Яна бири шампанскоени кўпиклатиб турибди. Борингки, қирқ йиллик ўртоқлар ўйлаб топмаган совға йўқ деса, лофт эмас. Маҳкам аканинг хотини — Манзура опа ҳам совға саранжомлаб чарчади. Маҳкам Мусаев шарафига айтилган илиқ сўзлар эллик йилда тўкилган тер билан, заҳмат ва машаққатни унуттириб юборди.

Олтмиш яшар чол үзининг шу қадар қадр-қимматли одам эканини бу сафар яна ҳам яққол ўз кўзи билан кўриб, қалбидан сезиб, кувониб кетди. Аввал кўзидан ёш томди, сўнгра даврага кириб ўйин бошлаб юборди. У, тонг отгунча ўйнаб, бошқаларни ҳам шунча ўйнатишга тайёр эди. Бироқ, эртага иш... Ярим кечага етмай йиғин тугади, аммо тантана тугамади. Ҳамма ўлан айтиб, Маҳкам акани ўз уйига кузатиб кўйди.

Маҳкам ака уларга эргашиб орқага қайтмоқчи бўлувди, уни хотини қайтариб қолди.

— Сиз энди пенсияга чиқдингиз. Ётиб дам оладиган даврингиз келди...

У эртадан бошлаб бекорчи. Саҳар туриб трамвай кутмайди, ишга кечикиб қолиш ташвиши ҳам йўқ. Энди тўйиб-тўйиб ухлайди, шошилмай туради, шошилмай

күйинади, маҳалла чоллари сингари бемалол нонушта килиб истаган жойида кун ўтказади. Энди у бамисоли капитар: хоҳласа донлайди, хоҳласа боши оқсан томонга парвоз қиласи. Ҳеч нарсадан ғами йўқ, ҳеч кимдан қарзи ҳам йўқ.

Ўша кеча қувончданми, хурсандчиликданми, туни бўйи ухламай Манзура билан гурунглашиб чиқди. Тонг отарга яқин уйку босиб, кўзи юмилар-юмилмас, кимдир: «тур, ишга кечикдинг!» деб уйғотиб юборди. Маҳкам aka шошилинч кийиниб, йўл тараддутига тушган эди, хотини:

— Қаёққа? — деди таажжубланиб. — Кеча пенсияга чиқиб, бугун намозхон бўлиб қолдингизми?

Маҳкам aka қулиб юборди.

— Ҳаёлимда йўқ, хотин, кексалик қурсин... — деди-да, ечиниб қайтиб ўрнига ётди.

Тонг уйқуси уни оғушига олди. Куёш кўтарилиб ток новдалари орасидан сўрига тушди. Куёш тифи кўзини тирнамаганда чол-кампир тушгача мириқиб ухлар эди. Улар эриниб уйғондилар, аста кийиниб, шошилмай чой ичдилар. Кун ярим бўлгунча Маҳкам aka уйга кириб, эшикка чиқиб ивирсиб юрди. Куннинг иккинчи ярмида ҳам ҳовлининг икир-чикирига уриниб, вакт ўтказди. Кечкурун телевизор овунчоқ бўлди. Эртасига ҳам тўйиб ухлади. Кундузи узок-яқинларини бориб кўрди, қариндош-уругларни йўқлаб қайтди. Бешинчи кун деганда унинг борадиган жойи тугади — уйда ўтириб қолди.

— Дикқинафаслик қурсин, бўғилиб кетдим, — деди чол хотинига.

— Бир бозор-учар қилиб келсангиз-чи, куёвлар келармиш, — деди хотини.

Маҳкам aka бозорга борди. Бозор бутун бир шаҳар бўлиб кетибди. Янгича тим, янгича расталар. Маъмурчиликни айтмайсизми. Давлат қанораларида гўшт-ёғ осилиб турибди. Сабзавот сероб. Раста-растада дўконлар лиқ тўла мол. Арzonчилик. Маҳкам aka харид қилиб, оғзи қулогида уйга қайтди, куёвлари, невараларига зиёфат берди.

Бу куйманчик ҳам узокка чўзилмади. Сал ўтмай Маҳкам аканинг юраги сиқила бошлади. Ишлаб юрган вақтида бундай инжиқ дардларнинг гарди ҳам йўқ эди. Энди ҳаммаси уни исқаб топардек қидириб келяпти, шекилли.

— Сиқилиб кетяпман, хотин, — деди чол ҳасратомуз

ижирғаниб,— бу тор жойда юрагим ҳам торайиб кетяпти...

— Эл-юрга қүшилинг, чойхонага чиқинг,— деди хотини.— Энди сиз ҳам оқсоқол бўлиб қолдингиз.

Шу чокқача у олтмиш ёшга кираётганини бирорга билдирамган эди. Мучал суриштирадиганларга ҳам мужмал гап қилиб ўта қоларди. Куни заводда ўтган, кечаси рўзгор икир-чикири, гоҳда неваралар гурунгидан бошқа ишларга кўл бўшамаган. Энди вақти бор. Энди у ҳам кимсан, Маҳкам оқсоқол.

Маҳкам оқсоқол тўнини елкасига солиб, Тахтапулга ўйл олди. Қариялар чойхонаси мактаганларича ҳам бор экан. Сой бўйида, калин дараҳтлар қаноти остида, гулзорлар куршовида чоллар чой ҳўплаб ўтиришибди, бекорчининг жойи, эринмаснинг чойи...

Бу ерга келадиган маълум ва машҳур чойхўрлар қаторига янги хўранда қўшилди. Янги улфатни эски жўралар қувониб қарши олдилар. Унга дарҳол зифир ёғдай куюқ, аччик чой узатдилар. У кўпдан бери бундай суҳбат кўрмаган эди. Олди-сотди, нарх-наво, тўй-томушалардан, боғдан-тоғдан дегандек, қўйди-чиқидан тортиб, бирорнинг ошхўрлиги, бирорнинг мошхўрлигигача муҳокамадан ўтди. Охири чойхона олдидан ўтган-кетганинг қадам ташлашигача оғизга олинди. «Менинг жойим эмас экан» деб ўйлади Маҳкам aka бу гаплардан зерикиб. Кечкириб, кош қорайиб қолаётган бўлса ҳам давра бузилмади. Маҳкам aka бир-икки бор кўзғалган эди, уни чоллар ушлаб қолишиди.

— Боядан бери оғзингизни пойлаймиз, лом демайсиз...

— Нима дейишим керак эди?

— Энди сиз ҳам пайғамбар ёшига яқинлаб қолдингиз,— деб гап бошлади қарияларнинг бири.— Ҳукуматнинг пенсиясини босиб еб ётаверасизми? Аzonга ошдамлатинг, сизни ҳам юрга қўшиб олайлик.

— Хўп!— деди Маҳкам aka.

Эртасига бир қозон ош дамлаб маҳалла мўйсафидларини чорлади. Шу кундан бошлаб қаерда қаъда-қарри, тўй-маърака бўлса, Маҳкам оқсоқолни чакирадиган бўлишиди. У баъзиларига борди, баъзиларига бормади. Борган ерида гап ёқмади, бормаган еридан гапга қолди. Ана шундай йигинлардан уйига баъзан хафа, баъзан тажанг қайтадиган бўлди. Ўзидан-ўзи камгап бўлиб ваз-

минлаша борди. Кучи ҳам қайтиб, кулгиси ҳам учиб, ҳатто уйқуси қочди. Унинг соchlари оқариб бораётганини Манзура опа ҳам сеза бошлади. «Қаріб қоляпти чолим» деб ўйлади-ю, буни эридан сир тутди. Маҳкам ака ўйчан «үх» тортадиган одат чиқарди.

Бунинг ҳам сабаби бор эди.

Бир куни құчада зерикіб турған эди, Ҳайитвой оқсоқол деб номи чиқкан бозор оқсоқоли уни уйига бошлаб кетди. Чойхұрлық қилиб ўтириб, гапдан гап чиқди-да, Ҳайитбой оқсоқол ажал келиб оёғини узатса, ҳеч кимга оғирлиги тушмаслигини айтиб мақтанди. Ұлимликларини сандикқа босиб қўйган экан, бир-бир олиб кўрсатди. Ок сурпдан кафан бичириб қўйибди. Шайх Зайниддин бува мозоридан үзига қабр ковлатиб қўйган эмиш. «Қўзимнинг тириклигига гўрков билан ювғичнинг розилигини ҳам олиб қўйдим», деди оқсоқол. Маҳкам ака тирик мурда ваҳимасидан уҳ тортиб юборган эди, оқсоқол уришиб берди.

— Қарияларга қўшилсангиз қаріб қоласиз укам,— деди у ҳазиллашиб.— Одам қариганда андак вас-vas бўлиб қолади. Улфатни ёшлардан танланг. Уҳ тортишдан узоқ юрасиз. Ёшларда ғам йўқ.

«Тўғри айтади бу оқсоқол» деб ўйлади Маҳкам ва тезгина куёвникига борадиган бўлди. Қизининг бир ўғил, бир қизи бор. Ўғли мактабда, қизи боғчада. Невараларининг тиллари бийрон. Бориб қолса «оппоқ дадажон» деб бўйнидан тушмайдилар. Аммо бу хил овуниш ҳам доим лаззат беравермайди. Невараларни уйда учратиш учун ё қош қорайганда бориш керак. Уларни гоҳ уйқуда, гоҳ йўлда учратади. Гўдаклар ҳам бекорчи эмас, үзига яраша машки бор. Маҳалла болалари ҳам шу зайлда, ёшлар эса ишда, ўқишида, клубда, кўчада улфат кам. «Подадан ажралган бузоқ бўлиб қолибман», деб ўйлади Маҳкам ака ва бехосдан яна уҳ тортиб юборди.

— Нега уҳ тортасиз?— деб сўради хотини ташвишланиб.— Нима камчилигингиз бор? Ейишдан, ичишдан, кийишданми? Ҳаммаси муҳайё-ку!

— Э, хотин...— деб гап бошлади эр.— Заводда кўпчилик билан тирик эканман. Энди оёқларим мени гўрга судраб кетяпти...

Бу гапдан Манзурунинг илиги зирқиради, аммо у ўзини босиб чолининг кўнглини кўтармоқчи бўлди.

— Яхши ният қилинг бобоси. Олтмишга кириб, оғманг, ҳали отдаій йигитсиз...

— Отдаій бұлсам қанорада эмас, қүшда бұлишим керак!

— Иш — ёшларга, ош — кексаларга! Эндиги замон ёшларники, дадаси...

— Қари билғанни пари билмайди. Цехни ёшларга ташлаб кетдим. Мұхым ишни барбод беришиб қўйишмайды. Пахтакорлар сен билан мени танийди. Гўримга фишт ташиётгандир улар.

— Янги машина ҳали ҳам ишга тушмабдими?

— Тушмабди. Айб Эргашевда әмиш. Бир оёғини тоққа, бир оёғини бокқа қўйиб олибди. На горизонтал машина, на вертикал. Үн бешинчи цех оросатда қолибди. Лобархон хуноб бўлиб юрибди.

— Ўрнингиз йўқланиб қолибди-да.

— Йўқланиб қолибди.

Эр хотиннинг гапи авжига чиқиб бораётган паллада кимдир дарвозани тарақлатиб қолди.

— Ким у? — деди Манзура.

— Биз...

Дарвоза олдида уч-тўрт саллали киши туарди. Кўлларида ҳасса.

— Маҳкам оқсоқолни чақириб қўйинг, жанозага чиқсинлар... Бир йўла намоз жума ўқиб қайтамиз.

Маҳкам ака уларнинг нима учун келганликларини эшитиб хотинига: «Ўлимни ёмон кўришимни билмасмидинг? Мачитма мачит юриб намоз ўқиганимни қачон кўргансан?» деб ушқирди.

Кўшни маҳаллада Вали ака исмли одам бор эди. Маҳкам ака у билан доим трамвай тұхташ жойида учрашар, шу сабабдан улар яхши ҳамсуҳбат бўлиб қолган әдилар. Вали аканинг пенсияга чикқанига бир йилча бўлди. Шу давр ичиде улар кам учрашдилар. Тасодифан учрашиб қолган кезларида Вали «ишдан кетдиму, кучдан кетдим, одамлар ушлаб турган экан мени» деб нолиди. Якиндағина тўр халта ушлаб, магазинга кетаётган экан, Маҳкам аканинг йўлини түсисиб анча ҳасрат қилған эди. «Бекорчилик белимни ҳам букди... ҳамма ишда, неваралар ўқишида, ўзимни қаерга кўяримни билмайман, тарс ёрилиб кетаёздим» деди-ю, кўзларидан ёш томди. Орадан ҳеч қанча вакт ўтгани йўқ эдики, «касал бўлиб ётиб қолибди» деб хабар келди. Мана бугун жанозаси

эмиш... Бу бекорчилик Маҳкам Мусаевнинг ҳам белини синдирилгаса гўрга эди. Бекорчилик, ёлғизлик шунча ёмонми?

Дарвоза яна тақиллаб қолди.

— Бор, кўчадагиларга ўзинг жавоб қил, мени кутиш масин.

Манзура уйига қайтиб кирса, эри иш кийимларини кийиб олибди.

— Буниси нимаси,— деди хотини таажжубланиб.— Оппоциналарини киймайсизми?

Эр киска жавоб қилди:

— Мачитга эмас, заводга.

II

Чоршанба куни эрталаб соат саккизларда Маҳкам ака «Пахта комбайнлари заводи» остановкасида трамвайдан тушди. Жимжитлик. Ҳамма ишда. Маҳмуд вахтёр кепкасини тескари кийиб, қўлида милтиқ, эснаб ўтирибди. У эски танишини кўриб қувониб кетди.

— Камнамо бўлиб кетдингиз, оксоқол. Пенсия лаззатига мазаҳўрак бўлиб, дўстларни ҳам унутиб юбордигиз,— дейман.

Маҳкам ака вахтёр билан қуюқ кўришиб, одатдагидек ичкари киришга шошилди.

— Пропуск!— деди вахтёр, ҳаммага айтадиган сўзини такрорлаб.

Маҳкам ака ёнидан «Доимий пропуска» сини одатдагидай катта очиб кўрсатди. Вахтёр дафтарчага кўзи тушар-тушмас, бу ҳужжатингиз ўтмас бўлиб қолибди, деди

Маҳкам ака қизариб кетди.

— Мени бу эшикдан қайтиб кирмайдиган қилиб чиқарганмисизлар, а?

— Жоним билан кўйиб юборар эдим, аммо ҳаққим йўқ. Инструкция қатъий...

— Илгари бундай эмас эдинг-ку, Маҳмуд, нима ўзгартирди сени?

Вахтёр Маҳкам аканинг қулоғига шивирлади.

— Ўғлингиз туфайли Эргашев шунаقا қилиб кўйди.

Маҳкам аканинг ҳеч нарсадан хабари йўқ эди.

— Ўғлим нима қилибди? Машинага келди-ю, кетди.

Вахтёр янада секин шивирлади.

— Азиз билан Лобархон заводда тунаган эмиш, Яширинча янги машина ясамоқчимиш. Құлға тушиб қолишибди.

— Бекор гап!— деди Маҳкам ака ғазабланиб.— Эргашев билан үзим гаплашаман. Маҳкам Мусаевнинг авлоди үзига гард юқтирмайды!

Маҳкам ака жаҳл билан ер депсиб пропуск бюросига борди, у ёқ-бу ёққа телефон килиб, пропуск ёздиріб келди. «Мана ҳужжат» деди заҳархандалик билан. Вахтёр «Мана энди марҳамат» деди-да, ичкарига қўйиб юборди. Биринчи сменадагилар нонуштага чиқа бошлиди. Ҳар бир ишчи унинг кўзига ўтдай кўриниб кетди. Ҳаммасини бир-бир қучоқлаб олгиси келди. Аммо ҳамма үзи билан үзи овора, бири ошхонага, бири кабобхонага, баъзилар кассадан навбат олгани шошилмокда. Лекин ҳеч ким уни четлаб ўтгани йўқ. Ёшлар узокдан «Салом, оксоқол!» деб таъзим бериб ўтмоқдалар, қўл бериб кўришган, қучоқлашиб сўрашганлар ҳам оз эмас. Айниқса кекса ишчилар ундан пенсионерликнинг нашъу намоси ҳақида қизиқиб гап сўрай бошладилар.

— Ҳавас қилманглар!— деди Маҳкам ака кўл силтаб,— бекорчидан барча безор деганича бор экан. Үзим ҳам безор бўлдим.

— Ношукур банда экансиз,— деб ҳазиллашди дўстларидан бири.— Текин маблағ, қалин кўрпа, оёқни узатиб ётавермайсизми? Қариганда цехда ковжирашни ким қўйибди сизга!

Маҳкам ака ҳазилга ҳазил билан жавоб қилди:

— Оёғим узалиб, жағим осилиб тушишга бир баҳя қолди, ўрток. Меҳнатда тирик эканман. Эргашевдан иш сурагани келяпман. Ҳали сен билан беллашиб кўрамиз!

— Беллашадиган бўлсангиз, белни маҳкам боғланг. Иш кўпайиб қолган.

Маҳкам ака үзини яна дўстлар орасида, цехда, вахтада сезгандай шахдам кадам ташлаб бормокда. Эргашев унинг аризасига қўл қўйиб берса бас, у яна жанговар сафда. Афсуски, унинг бу кувончи ҳам узокка чўзилмади. Завод партия комитетининг учётчиси унинг кайфини бузди. Маҳкам акани завод коммунистлари ҳисобидан чиқариб, қариялар чойхонаси ташкилотига юборишиган эмиш.

Маҳкам ака умрида бунча ғазабланган эмасди.

— Қонун кўтарса, қорнингга тепардим,— деди у ха-

барчига.— Чикарадиганнинг жони нечта? Минг жони бўлса ҳам суғуриб оламан. Мен шу ерда партияга кирганман, жоним чиққанда ҳам, бу ернинг ҳисобидан чикмайман!

Можаро устига ўн бешинчи цех бошлиги Лобархон етиб келди.

— Жуда менга зарур эдингиз, ота! Уйингизга бормоқчи эдим.

— Мени ҳам йўқладиганлар борми, қизим? Унутиб юбордиларингизми, деб ӯкиниб юрибман. Қалай, ишларинг юришиб кетдими?

Лобархон бошини чайқади.

— Мушкуллашиб кетди, ота...

Маҳкам ака Лобархоннинг ташвишини яхши тушунар эди. Шу хусусда Эргашев билан неча бор чўқилашиб ҳам слган. Агар Эргашев ўз оғзи билан ваъда қилмаганда эди, Маҳкам ака заводдан осонликча жилмас эди. Афсуски, «ўзи йўқнинг кўзи йўқ» килибдилар.

— Яна Эргашев килиқ чиқаряптими?— деб сўради Маҳкам ака юзини буриштириб.

Киз хомуш жавоб қилди:

— Ҳа, ўша киши... Қилдан қийик қидиряпти...

— У билан ўзим гаплашаман,— деди-да, Эргашевнинг кабинетига кириб кетди.

Қабулхонада одам кўп эди. Ҳатто бошқа республикалардан, колхозлардан келган вакиллар навбат кутиб ўтиришибди.

Директор Зафар Эргашев бугунги почтани ўқиб ўтирган эди, ижозатсиз эшик очган ким бўлди, деб караши билан Маҳкам акага кўзи тушди.

— Хизрни йўқласам бўлмасми,— деди унга Эргашев.

У одатдагидек бегам ва беозор кўринди. Маҳкам аканнинг заводга қайтиши уни ҳам севинтирганга ўшади. Шу сабабдан Маҳкам ака ўзининг эски мавқеи билан, шу коллективнинг бир жонкуяридай эркин гап бошлади:

— Хизрни йўқлагунча, қабулхонадагиларни йўқлатсанг бўлмайдими!

— Ҳали ҳам ана шуларнинг ғамида ўтирибман,— деди Эргашев кўзойнагини қулига олиб.

Унинг ана шундай одати бор эди. Кувнаб турган чорида ҳам, қоринни ушлаб котиб-котиб кулаётган вақтида ҳам кулоққа ёқмас бирор гап эшитиб қолса, кўзой-

нагини кўлига олиб, рўмолчаси билан артиб қўярди. Унга гап ўтгани, ўтмагани, жаҳли чиққани ёки чиқмаганини Маҳкам ака доим унинг кўзойнаги қаерда туришидан биларди. Ҳозир унинг кўзойнаги жилиб қолди. Айтадиган гапни айтиб олиш керак.

— Ана шуларнинг фамида ўтирибман, дейсан, ҳеч фам тортганга үхшамайсан-ку. Қарзини тўламаганинг эшигини тақиллатиб келадилар. Эшигингни тақиллатиб келгунча, оғзингни очиб ўтиравердингми? «Бўстон» ликларни-ку, ўзимникисан, деб ҳайдабсан, энди буларга нима жавоб қиласан?

Эргашев ҳамсуҳбатининг одатини яхши билар эди. Бу одам кам гапирар, гапирганда ҳам ачитиб гапирар, аммо беўрин, бесабаб оғиз очмас эди. Унинг тұсатдан заводда пайдо булиши ва энг нозик жойдан тишлаб гапириши бежиз эмас. Уни Лобар бошлаб келган. Демак, Лобар одамларни директорга карши қўзғаб юрибди. Тили узунларнинг тилини қайраяпти, деб гезариб олди. Лекин ўзини тутишга мажбур эди...

Сунъий ҳолат унга ярашмас экан. Доим кулимсираб гапирадиган одам, ҳозир мажбуран тиржайиб турибди. Шу сабабданми, унинг чўзинчоқдан келган юзи буришиб, пешанаси тиришиб кетялти. Овози дўриллаб қолибди.

Эргашев Маҳкам акани яхши билар эди. Ҳақиқатан Маҳкам ака қуюлган одам. Етти ёшидан етим қолган, саккиз ёшидаёқ қўли қаварган. Ўша вактдан бери меҳнатдан нон еб келаётган одам. Заводда ишлаётганига ҳам ўттиз йилдан ошди. Эргашевнинг уни кўрмаганига уч ойча булиб колган эди. Шу орада анча ўзгарибди. Тўғриси, андак сўлибди. Юрагида дарди кўпга ўхшайди. Асабдан лаби кимирламокда.

— Максадингизни айта қолинг, Маҳкам ака,— деди андак юмшаб Эргашев.

Бу гапдан Маҳкам ака ҳам юмшади.

— Заводга қайтсан,— деб келдим...

Эргашев чайналиб қолди.

— Н... Ниятингиз яхши. Совет ишчиси бекор туролмайди. Лекин сиз бол иш қолмади-да.

— Ўзимнинг цехимга қайтаравер, иш топиб оламан.

— Ишни ёшлар қилаверсин, сиз пенсиянинг лаззатини суринг, оқсоқол.

Маҳкам ака унинг гапини ёқтиргандаи тескари қараб олди ва юзини ўгириб гап ташлади:

— Ёшлар, ёшлар дейсану, қани ёшларга йүл берганинг? Ҳаммасини эшитиб юрибман.

— Чакимчиларнинг гапига ишонманг.

— Чакимчи эмас, жонкуяр кишилар ишлари юришмаганидан куйиниб кетяптилар. Эсхеэмларга ёпишиб олиб ХВС ларни тұхтатиб қўйибсан... Кучинг етмаётган бўлса, ёрдамчи чақир. Қўлинг тегмаётган бўлса, менга топшир.

Эргашев кўзойнагини қўлига олди. Унинг пешанаси тиркишдай тиришиб кетди.

— Инвалид-пенсионерларсиз ҳам қилиб оламиз.

— Оғзингга қараб гапир, Зафар!— деди Маҳкам ака қўлини арра қилиб.— Энди одам бўлиб қолдингми? Ўтган кунларингни унутдингми? Ўзингни одам қилганни одамгарчиликдан чиқармокчимисан? Менсиз ишинг юришиб кетмабди-ку. Ойига тўрттадан бераман деган машиналаринг қани? Йўқ ва бўлмайди ҳам.

— Нега бўлмайди?

— Негаки, энг яхши кекса мутахассисларни тарқатиб юбординг. Лобархонга ўҳшаган ёшларга кўмак йўк.

Эргашевнинг пешанаси яна баттарроқ тиришиб, кўзлари жовдираб қолди. Маҳкам ака сухбатнинг шу зайлда жиддийлашиб кетишини кутмаган эди. Заводга келишдан мақсад ҳам бу эмас. У, директорнинг олдига иш сўраб келган. «Тиланиб келган одамнинг тили шакар, дер эдилар, сен, Маҳкам, тилингда заҳаринг билан кирдинг, нима ҳақинг бор!» У, бир оз пастлаб, тактикасини ўзгартиришга тайёрланиб турган эди, Эргашевнинг ўринсиз бир гапи унинг ўтини чиқарди:

— Лобархон сизни ревизорликка олиб келдими?— деди Эргашев заҳарханда қилиб.

— Нега тўнингни тескари кийиб олдинг. Лобархоннинг айтганини қилганингда, деҳқонлардан бунча таънага қолмас эдик. Мана бу хатни ўқи! Мени мана шу аччиқ таъна олиб келди бу ерга.

Эргашев хатни қўлига олди.

Бу хат Зафар Эргашев туғилиб ўсган «Бўстон» қишлоқ активларидан бўлиб, Маҳкам ака номига юборилган эди. Хатда завод ваъда қилган терим машиналари, запас қисмлар ҳали ҳам қўлга тегмагани, бу йил яна машина терими барбод бўлиш хавфи туғилгани айтилган, бунинг учун ҳамқишлоқларга даъвомиз қаита, деб ёзилган эди. Маҳкам акани вафосизликда айбласинлару, жим ўтириш

синми! Йўк. Маҳкам Мусаев бундай даъвога бардош бераб уйда жим ётадиган одам эмас. Эл олдида Эргашевнинг ўзи жавоб берсин. Эргашев хатни ўқиб бир оз жим турди, пешанасининг тириши маромидан ошгач, заҳрини яна Лобарга сочди:

— Бу ҳам Лобарнинг иши...

— Лобархонга тил тегизма!— деди Маҳкам ака.— Яххиси, унинг ишини тұғрилаб бер. Кучинг етмаса, менга айт, мен бош қүшай ишга.

Зафар Эргашев ўрнидан туриб күзойнагини арта бошлади.

— Кунимиз пенсионерга қолгани йўк, дедим-ку, уйингизга бориб, оёқ узатиб ётганингиз маъқул.

Маҳкам ака ноилож ўрнидан турди.

— Қабинетдан ҳайдасанг ҳам, заводдан ҳайдаёлмайсан!

III

Одамнинг кўнгли нозик. Уни хурсанд қилишдан кўра хафа қилиш осон. Маҳкам акадан қиёс. У, Эргашевнинг бир оғиз сўзидан озор топиб, ўзини қўярга жой тополмай юрди. Кечки овқат ҳам томоқдан ўтмади, нимадир тошдай бўғзига ботиб тураверди. Шу сабабдан уйку ҳам кочди. Бу азобдан кутулиш чораси битта эди: кимгadir ёрилиш керак, нима қилса ҳам ўша Эргашевга ҳиқиқат қаёқда эканлигини бир бор кўрсатиб қўйиш лозим. Эрининг азобланалётганини Манзура ҳам сезиб турибди, аммо сўрашга тили бормайди. Чунки у эрининг феълинин билади, жаҳли чикқанда унга гап ташлаб бўлмайди, ўзи ёрилмагунча, унинг оғзини очиш хавфли. У пишириб келган таомлари қолаётганига ачинмоқда. Чучвара деса мукка тушадиган одам шундай мазали чучварага қайрилиб ҳам қарагани йўк. «Ўҳ» деса оғзидан ҳовур чикяпти.

— Ҳа, дадаси, мунча бўғиласиз? Иш бермаса бермас, ўйнаб кулиб юравермайсизми!— деди, ниҳоят, хотини журъат килиб.

Маҳкам ака кўзини чақчайтириб қаради:

— Сен ҳам ўшанинг гапини қиляпсанми, мен у билан гаплашадиган жойимда гаплашаман,— деди-да, хайлига нимадир келди шекилли, ўрнидан туриб кўчага отилди.

— Бемаҳалда қаёққа борасиз, дадаси?— деганича хотини дарвоза олдида қолди.

Маҳкам ака катта күчани кесиб ўтиб, күшни күчага кириб кетди.

Манзуранинг билишича унинг чоли Жаҳонгировнинг олдига кетди. Жаҳонгиров «Терим комбайнлари заводи» да Маҳкам ака билан кўп йиллар бирга ишлаган одам, ҳозир эса партия комитетининг секретари.

Жаҳонгиров уйда, болалари қуршовида телевизор кўриб ўтирган экан, қўнғироқ чалиниши билан дарвозага чиқди.

— Э, Маҳкам Мусаевич, марҳамат, марҳамат! Қандай шамол учирди?

— Шамол эмас, бўрон,— деди Маҳкам ака ҳазиломуз. Лекин унинг овози негадир алам оҳангида дўриллади.

Улар ичкари кириши билан телевизор томошаси ҳам тугади. Болалар хона-хоналарига тарқалдилар, уй бекаси чой қўйгани кетди. Холи гаплашиш учун бундан ортиқ кулайлик туғилмайди.

— Ашраф Аъзамович,— деб гап бошлади Маҳкам ака,— Эргашев билан бўлиб ўтган ҳангомани эшитгандирсиз...

— Ҳа, эшитдим.

— Эшитган бўлсангиз гап ана шу. Сиздан умидим катта эди. Аммо чақиртириб бир оғиз гап сўрашга ярамадингиз. Ўзим келдим. Сиз билан уришгани келдим.

— Уришгани? Йўғ-э, нима гуноҳ килиб кўйибман.

— Мана мен айтиб бераман. Коммунизмга ҳар бир киши нима бериши кераклиги ҳақида лом-мим... Бир ўйлаб кўринг: коммунизм ўзидан-ўзи осмондан тушиб қоладими? Йўқ, тушмайди!

Жаҳонгиров саранжом ўтириб олди:

— Тўгри, осмондан тушмайди. У сиз билан бизнинг, барча совет кишиларининг меҳнатидан яралади.

— Ҳа, балли. Бас шундай экан, сиз «олма пиш, оғзимга туш», деб оғзини очиб ўтирадиганларга йўл берманг. Буниси бирламчи. Негаки, улар «социализм куриб олдик, бир илож қилиб коммунизмга ҳам етиб оламиз, ана у ёғи жаннат...» деб соя-салқинда юрибдилар. Ана уларга «катта дастурхондан нон ейман десанг, қаторга кир, аравани баравар торт!» денг. Асаларича бўлолмаймизми? Уясига кираётган ҳар бир арининг оғзини ҳидлаб ўтказар экан. Коммунизм дастурхонига чордана қураётганлардан ҳам: «Ҳув, азamatлар, эҳтиёжга яраса

ошамоқ, истаганча яшамоқ учун тўкинга қанақа ҳисса кўшдинг?» деб сўраб турмоқ керак!

Иккиламчи, мен ҳам умум ишига ўз ҳиссамни қушувни давом эттирмоқчиман. Қудратим ва курбим етади. Бунга ҳам йўқ десаларингиз, ўзингиз бош бўлиб, мени Чифатойдаги коммунистлар мозорига тириклай қумиб кела қолинг...

Жаҳонгиров сермулоҳаза одам эди. Эргашевнинг кабинетида юз берган воқеани эшитгач, Мусаевни партучётдан чиқаришни тўхтатиб қўйган ва унинг эътиrozларини ўз кулоги билан тингламоқчи эди. Маҳкам Мусаевичнинг ўзи келиб колгани жуда кўл келди. Унинг авзойидан, гапининг маромидан маълумки, ҳозир у билан мунозара қилиш ортиқча, бунинг устига у жуда маъқул гапларни айтяпти. Шу сабабдан унинг кўнглидаги гапни топиб гапириши керак.

— Сиз жуда керакли одамсиз, Маҳкам ака. Заводга қайтганингиз маъқул,— деди Жаҳонгиров уни кувонтириб.— Биргаллашиб ишлаймиз. Аммо битта лекини бор...

Маҳкам ака «лекини нимаси тағин» дегандай унинг оғзини пойлади.

— Лекини шуки,— деди Жаҳонгиров сўзини аниқлаб.— Ойлиги йўқ. Партиявий иш. Сиз бол иш.

— Э, ойлигига муҳтоҷ эмасман, ойликни деб қайтяпманми? Эр-хотин пенсия оламиз. Үғлим, қизимдан ҳам ойида бир перевод... Ишнинг номини айтиб, жойини курсатсангиз бас, эртадан енг шимариб киришганим бўлсин.

— Жуда соз! Ишнинг номи контроль комиссия. Жойи ўзингиз билган завод. Аниқроги халқ контроль комиссиясининг раиси бўласиз... Бамисоли асалари уясининг эшигига турасиз...

Маҳкам ака жонланиб кетди.

— Э, бўлди, бўлди, чиндан ҳам одам зерикмайдиган иш.

Шундай қилиб, уч кундан кейин комитетнинг умумий йиғилишида маъмуриятнинг хўжалик фаолиятини назорат қилиб турадиган халқ контроль комиссияси тузилди, унинг раислигига кекса коммунист Маҳкам Мусаевнинг номзоди кўрсатилди.

— Бу лавозимда холис киши туриши лозим,— деди Эргашев унга қарши гапириб.— Мусаев заводдан кетган, бунинг устига, у маъмуриятга холис қарамайди.

— Мусаевдан бошқа номзодимиз йўқ! — деди коммунистлардан бири.

Эргашев яна сўз олди.

— Эътиrozning сабаби шуки, бу ишга заводнинг ўзишиларидан сайлашимиз керак. Такрор айтаманки, Маҳкам ака заводда эмас...

— Дирекциянинг рўйхатида бўлмаса, партиянинг рўйхатида,— деди ёш коммунист Лобархон.— Сирасини айтганда, Маҳкам ака заводга бегона эмас...

Маҳкам Мусаев сўз берилмаса ҳам ўрнидан туриб кетди:

— Дарровда бегона бўлиб қолдимми? — деди у, Эргашевга чақчайиб.— Заводнинг ветерани, гвардиячисисиз, демабидинг? Оламдан ўтиб кетсан ҳам номим ўн бешинчи цехнинг рўйхатида колади. Ҳеч қаёққа кетмайман!

Одамлар гуриллаб юбориши. Ҳамма Маҳкам аканинг сўзини маъқуллаётган кўринади. Кўпчилик овози орасида Эргашевнинг гапи йўқолиб кетди. Эргашев ўзининг бошқа мулоҳазаларини айтиб улгуролмагани ва Мусаевнинг номзоди бу ишга нолойклигини исботлаб беролмагани учун афсусланганича йиғилишдан чиқиб кетди.

IV

Маҳкам ака уйига хурсанд қайтди. Хотини палов дамлаб ўтирган экан. Эрининг шодлигидан қувонибми, палов билан бирга дастурхонга лимон солинган график ва чиннида шакароб келтириб қўйди. Маҳкам ака графикни қўлига олиб, чайқаб-чайқаб хотинига қайтариб берди.

— Олиб кириб қўй, эртага ишга бораман, оғзимдан ароқ иси келса ярашмайди.

Манзурахон бундай хизматдан севинмай нимадан севинсин. Биринчидан, эрининг қовоғи очилиб, чеҳраси кулиб қолибди, иккинчидан, сўнгги кунлари юз граммсиз овқат ўтмаган томоқ, энди уни ичиш уят деяпти.

— Қаёқдан кун чиқди?

Маҳкам ака ўзига хос салмоқ билан жавоб қилди:

— Катта ишни топшириб қўйишди. Партиянинг кўзкулого бўласан, дейишди.

Овқат тамом бўлгунча ҳам Маҳкам аканинг гапи та-

мом бўлмади. Эрининг бунча сергаплигини хотини биринчи марта кўряпти. «Ҳар қалай чолимни хурсанд килишибди, унинг қувончи — менинг қувончим» деди-ла, унинг гапини маъқуллаб ўтирди. Ўртага чой келгач, сергап эр тўсатдан ўзгариб, гўё бутунлай соқов ва кар қулоқ булиб қолди. На гап тинглайди, на гапга жавоб беради. Чойни пуфлаб, унинг тиник жимирилашига тикилгани-тикилган. Унинг кўзига негадир асалари уяси, болташувчи ариларгина кўринмоқда эди...

— Сизга нима бўлди, дадаси, нондай пиёлага чўкиб қолдингиз? — деб сўради хотини.

Эр индамади. Вакт ўтятпи. Бирор ёқмайдиган гап гапириб қўйдимми, деб ўйлади хотини ва эрининг қош-ковогига тикилиб, тарс ёрилгундай бўлиб сўради:

— Жойингизни солиб берайми?

— Жой солиб бергунча маслаҳат бер,— деди эри тўсатдан тилга кириб.— Ишни нимадан бошлишим керак? Эргашевнинг фаолиятини тафтиш ва назорат қилишим лозим экан. Ҳали гугурт чақилмай туриб «портлаб кетдим» деб юрибди. Бежанжал иш бормайдиганга ўхшайди. Бошим қотиб қолди.

Манзура эрининг одатини билар эди. Шу чоққача хотинига кам маслаҳат солган. Хотинининг гапини бирор марта қайтармаган бўлса ҳам, ундан: «Нима қиласай?» деб сўрамаган. Унинг тўсатдан ўртага шундай муҳим масала ташлаши, Манзурани бир оз саросимага солиб қўйди. «Қариликданми, қадрдонликданми? Еки бошқа маслаҳатчи топилмадими? Ҳар ҳолда сенинг ёрдаминга муҳтоҷ бўлмаса оғиз очмас эди...» Манзура ўйлаб, бу жумбокни ечишни Жаҳонгировга ҳавола қилди.

— Ўша кишидан сўрай қолинг. Минг қилса кўпни кўрган одам...

Бу маслаҳат Маҳкам акага ҳам маъқул тушди шекилли, пиёлани бўшатиб, тишини ковлаганича йўлга тушди.

— Чолга яна ғайрат кириб қолди, тинч қўймайди энди,— деди Жаҳонгиров, хотинига қараб, эшикни очгани борар экан,— ўзимга яхши ёрдамчи топиб олдим. Ишлар чақкон юришиб кетди.

Маҳкам aka бундан уч кун илгари кирган пенсионер чолга сира ўхшамас эди. Соқолини тараашлаб, мўйловини кириб олибди. Юриши чақкон, кўзлари серҳаракат, овозлари ҳам ўзгача жаранглаб турибди. Унинг бу ташки

жасорати Жаҳонгировни ҳам дадил қилиб юборди. У дарҳол сўради:

— Хўш, қандай хизмат, Маҳкам Мусаевич?

— Сизнингча эртаги ишни нимадан бошласак экан, Ашраф Аъзамович?— деди маслаҳатомуз.— Июль пленумининг қарорини ўқидим. Топшириқ катта. Ҳаммаси муҳим!

Жаҳонгиров тўсатдан бундай савол тушишини кутмаган ёки дарҳол жавоб қилгани фикри пишмаган эди шекилли, ўйланиб қолди. Маҳкам ака ҳам у билан келишиб оладиган фикрларини жамлаб, бармоқларини ўйнатиб ўтирибди. Шу зайлда бир неча минут ўтди.

Партия ташкилоти ҳаётида бу янги, ҳали тажрибадан ўтмаган иш эди. Шу сабабдан унинг иш усуслари ҳам янгича, у қадам-бақадам яралиб, кундан-кунга, иш устида такомиллашадиган нарса, нусха кўчирадиган жой ҳам йўқ. Бундай комиссиялар июль Пленумидан кейин ҳамма жойда баравар туғиляпти. Бас, шундай экан, биринчи қадамни ўйлаб босмоқ керак. Уларни ана шу тўнфич қадам, дастлабки сўқмоқ ҳақидаги хаёл қуршаб олган эди.

— Менимча,— деди ниҳоят, Жаҳонгиров жимликни бузиб,— энг асосий ишдан бошлаш керак. Йил охирида Ўзбекистон коммунистлари партияга ҳисоб беради. Ана ушанда партия биз машинасозлардан «ваъда қилган терим машиналарингиз қани?» деб сўрайди. Хўш, нима деб жавоб берамиз? У ерга бутун партия қаймоклари тўпланади. Озарбайжонлар, туркманлар қистовга олиб қолишлари мумкин. Тожиклар ҳам «қўйнимдан тўкилса қўнжимга қилиб ётибсизларми?» десалар ким деган одам бўламиз...

Маҳкам аканинг хаёлида ҳам худди шу фикр пишиб этилаётган эди. Жаҳонгировнинг бу гапи унга қанот ато қилгандай бўлди.

— Қўлни беринг!— деди Маҳкам ака ўрнидан туриб.— Гапимиз бир жойдан чиқди.

Эргашев билан Маҳкам ака ўртасидаги можаро даставвал янги терим машинасини ишлаб чиқаришга жорий қилиш хусусида бошланган эди. Маҳкам Мусаев XBC типидаги машиналарнинг тажриба нусхаларини тайёрлашда иштирок этган ва уни конвейерга қўйишни ёқлаб чиқкан кишилардан бири эди. Бу масалада заводдан ташқарида ҳам катта тортишувлар давом этди. Кўп йил-

лик мунозаралар натижасида уни конвейерга қўйиладиган бўлди. Аммо, ҳадеганда иш юришавермади. Маҳкам Мусаев буни Эргашевнинг тарҳашлигидан кўрди. Чунки у, ХСС ни СХМ га ёнма-ён қўйишни истамаётган кишиларнинг ўнг кўли эди. «Лобархоннинг қўлини боғлаб турган одам ҳам Эргашевнинг ўзи» деб ўйлаган Маҳкам Мусаев комиссия ишини ана шундан бошлади.

Текшириш натижаси комиссиянинг биринчи сон акти билан завод партия комитетига ва бир нусхаси «завод директори ўртоқ Эргашевга» юборилди. Эргашев актни ўқигач, «Хусумат!» деди-да, Маҳкам Мусаев билан Лобархонни чақиртириб келди.

— Акт тузишдан аввал ўзимдан сўрасаларинг бўлмасмиди?

— Иллат топилди, даволаш сиздан,— деди Маҳкам Мусаев.

Хиёл эсанкираган Эргашев ўзини тутиб олмоқ учунми, бир стакан сувни шимириб, беихтиёр елпинди-да, гинахонликка тушди.

— Пенсияга чиқариб ҳам қутулмадим. Бутун завод тантана билан кузатди. Катта тўй қилиб берсам ҳам рози бўлмабсиз. Неча кундан бери тинчлик йўқ... «Умримнинг teng ярмини қирқиб ташладинг» деб ўтакамни ёрдингиз. Заводга қайтишингизга кўндим. Яхшиликка ёмонлик деганлари шу экан-да.

— Файратига чидамаганидан қиласди,— Лобархон луқма ташлади.— Ўзингиз яхши билар эдингиз-ку!

Зафар Эргашев чайналиб жавоб қилди:

— Билар эдим. Файратли, шижаотли, аммо бунча шошқалоқ эмас эди. У заводда энг таъсирчан одам бўлган, лекин бунча ҳукмрон эмас эди...

Гапга яна Лобар аралашди:

— Маҳкам акани биз ҳам яхши биламиш: у виждонли, инсофли одам, аммо бефарқ эмас! Ҳаққоний, лекин муросачи эмас!

Эргашевнинг жаҳли чиқди шекилли, Лобархонга ўшқирди:

— Мен уни муросачи бўлсин деяётганим йўқ. Биз у билан ота мерос талашаётганимиз ҳам йўқ!

— Бунисини биз ҳам биламиш, аммо можаронинг сабабини билмаймиз. Маҳкам ака заводнинг фидирағи эди...

Зафар Эргашевнинг кўзойнакни тез-тез артиб тури-

шидан Лобар ҳам безовталаниб қолди. «Ҳужум»ни бүшаштирмаслик зарур эди:— Бизга техника керак. Техника бўлганда ҳам юксакларнинг юксаги лозим! Сиз бўлсангиз янги машинани ишга солишга солиб қўйиб, қанотини икки оёқлаб босиб турибсиз,— деди киз.

Маҳкам Мусаев жим. Унинг у туриши атакага ташланадиган солдатнинг кутиш позициясидаги ҳолатини эслатар эди. Лобархонга янги фикр келиб қолди шекилли, блокнотига нималарнидир ёза бошлади.

Шундан кейин Зафар Эргашев Лобархоннинг ёзишмаларини топдириб, ўн бешинчи цехга керакли нарсаларни дарҳол етказиб беришни буюрди. Тўхтаб қолган тегирмон тош ўрнидан кўчди.

Биринчи машина йигилаётган куни Лобархон эрта тонгда нақ цехга келиб олди. Ҳар бир қисм, ҳар бир детални кўздан кечириб, гўё уларга ўз қалбини қушиб монтаж қилаётгандай дастгоҳма-дастгоҳ парвона булиб юради.

Лобархоннинг янги машинага бу қадар меҳр қўйиб, унинг яратилиши устида шунчалик жон куйдириши монтажчиларнинг эътиборини ўзига тортмай қўймади. Баъзилар «бу машина кўрманага қўйилармиш» деса, баъзилар «тўппа-тўғри Москваға, Пленумга юборилармиш» деб ўйлади. Шунинг учунми ишчилар ҳам қулидан келганча, ҳунари етганча уни соз ва пухта қилиб тиклай бошладилар.

V

Орадан бир ойча ўтгач, яна бир тўқнашув бўлди. Бу воқеа Душанбадан келган телеграммадан бошланиб, «Бўстон» совхозига юборилган машина муаммосига чатишиб кетди.

Маҳкам aka партия комитетига хат ёзиб «маҳаллий-чиликка йўл қўйган Эргашевга қатъий жазо» берилишини талаб қилди. Бунинг учун у бир неча асос келтирди. Биринчи асос, унинг фикрича, Эргашев заводдан чиққан машинани пешма-пеш «қўйнидан тўкилса қўнжига» тарзида республикадан нари чиқармаган. Ахир, бу завод бир хонадоннинг тандири эмаски, иссик нонни пешма-пеш узиб, ўз болаларига улашаверса. Иккинчидан, Эргашевнинг эрка областлари бор — ой чикса ҳам ўшаларга,

кун чиқса ҳам. «Нон пишгунча кулчаси куйиб битаверадими, ҳаммасини бир кўзда кўрсинг-да!» Қолаверса Эргашев ўзбекистонликларнинг қардош халқлар олдидаги бурчини нотўғри тушунади. Душанбадан шу хил телеграмма келишининг сабаби, озарбайжонликларни безовта қилаётган нарса, туркманларнинг турткиси — буларнинг жами Эргашевнинг калтабинлигидан. Ҳамма бармоқ бир томирдан сув ичиб, битта қўлга хизмат қилиди... Бармоқнинг қайси бири лат емасин, кўргиликни қўл тортади. Бас, шундай экан, ҳамма республика таъминланиши керак. Эргашевнинг айблари... Эргашевнинг гуноҳлари...

Комитет муҳокамасига қўйишдан олдин бу ҳужжатни Эргашевга ўқитиб олдилар. Эргашев уни ўқиб чиққунча, кўзойнагини неча марта қўлига олиб, неча марта тақди.

— Туҳмат! — деди у Жаҳонгировга. — Маҳкам ака комиссияга ярамаслигини бошда айтган эдим. Курти фивирласа Эргашевга ёпишаверади.

Жаҳонгиров жимгина тинглаб, сиполик билан деди:

— Тўғри бўлса тан олинг, туҳмат бўлса асослаб беринг.

— Асосларим кўп, — деди Эргашев, асабдан қўллари қалтираб.

У бир бошдан, шошилмай, ипидан нинасигача санаб берди.

Унинг асослари қуидагича эди: у, Маҳкам Мусаев, шунча мағзавани шу чоққача тўплаб нима қиласи? Чин коммунист бўлса, ўз жойида, ўз вактида айтмасмиди? Файирлиги бўлмаса, энг аввал, ўзимга айтмасмиди? Цехдан чиққан машиналарни пешма-пеш ғизиллатиб жўнатишни Маҳкам Мусаевнинг ўзи айтган. Фаразсиз одам бўлса, ўз айбини бирорга тўнкармиди. Менинг эрка обастим йўқ, узининг эркатоий бор. Кардош пахтакорларга аталган етмишинчи машина унинг ўғлига берилди. Қайтар десам, амалидан фойдаланиб буйруғимни халқ контролъ комиссиясининг ўзи рад этди. Қолаверса, комиссия маъмуриятнинг ишига аралашиб, қонунсизликка йўл очяпти. Узбошимчалик! Буларнинг барисига Маҳкам Мусаев айбдор. У, ёш коммунистларни ҳам йўлдан уряпти. Масалан, Лобархон нимани билсин, кечга партияга кирди, бугун комиссияда. Бунинг устига, келин қилиб олмоқчи...

Жаҳонгиров унга ҳеч нарса демади, аммо Маҳкам

Мусаев билан юзма-юз қилиш зарур, деган хulosага келди. Маҳкам Мусаевни чақириб келдилар. У, бир ўзи эмас, икки киши бўлиб комиссия аъзоси Лобархон билан бирга кирди. Бу ҳол Эргашевни саросимага солиб кўйди. У қўзойнагини артавериб рўмолчасини йиртаёди.

— Мана энди, бақамти гаплашайлик,— деди Жаҳонгиров.— Эргашевнинг эътиrozлари катта. Баъзилари ҳақконий, баъзилари диққатга сазовор, айримларини аниглаш керак.

— Аввало нимани аниглаш керак?— деб сўради Маҳкам ака.

— Үн бешинчи цехдан чиққан машинани пешма-пеш областларга юбортир деганмисиз?

— Деганман, аммо «областларга» деган сўзни айтмаганман.

— Қардош паҳтакорларга аталган етмишинчи машинани нима қилдингиз?

Маҳкам ака «мағзава тозаям тўпланиб қолибдику», дегандай қараган эди, Лобархон гапга аралашиб кетди:

— Бунга мен жавоб бераман,— деди у зўрлик билан.— Бунинг тарихи катта. Ўртоқ Эргашев ифво қиляпти. Ҳамма гап ана шунда...

Жаҳонгиров «бунга нима дейсиз?» маъносига Эргашевга қараб кўйди. Эргашев «булар тил бириктириб келишган кўринади» деб кўнглидан ўтказди.

— Завод яхшилансин, деб шу ишни тутяпмиз. Ахир, заводимизда заҳар бўлса заҳар ютамиз, шакар бўлса шакар. Бу одамнинг ўзидан шубҳаси бўлмаса шу гапларни айтадими.

— Айниманг, Маҳкам ака, айниманг.

— Айниш эмас, тўғри гап. Айбинг бўлмаса мунча жириллайсан!

— Завод ҳалқ контролнинг вазифаси,— деди Эргашев,— дирекциянинг обрўсини тўкишдан иборатми? Вазифаларингизни биласизларми ўзи?

Ғазабдан Маҳкам Мусаевнинг қўзига кон қуилиб кетаёди. Лобархон «қандай шармандалик...» деб бошини ушлаганича колди.

— Майда гапни қўйинглар,— деди Жаҳонгиров, қатъий,— Эргашевда ҳам камчилик бор, Маҳкам Мусаев, сизда ҳам шошқалоқлик йўқ эмас. Эргашевга муддат берайлик, у ёқ-бу ёғига қараб олсин.

— Муроса килайликми? — деди Маҳкам ака киноя аралаш.

Жаҳонгиров «сен нима дейсан» маъносида Лобархонга қаради. Лобархон масаланинг ойдинлашуви тарафдори эди. У муросасозликка ҳам, тарабгузарликка ҳам қарши. Шу важдан у, «бу масала комитетда муҳокама қилинсин, унгача Эргашев ҳам, комиссия ҳам ўз фикрларини очик-ойдин баён қилиб берсин» деган холис таклиф қилди.

— Бу — айни муддао, бунга мен ҳам қушиламан, — деди Маҳкам ака. — Менинг Эргашевга даъволарим кўп ва салмоқли даъволар. Барисини баён қилиб бераман.

— Мен ҳам, — деди Эргашев.

Жаҳонгиров ўз-ўзига «зўр жанг бўлади шекилли, бу жангда иш вайрон бўлмаса бас» деб қўйди. Лобархон эса «мана энди ошкора гаплашиб оламиз, ҳамма нарса ўз ўрнига тушади» деб үйлади.

Эргашевни жўнатгач, Жаҳонгиров «бир пиёла чой ичинг» деган баҳона билан Маҳкам акани кабинетда олиб қолди. Гап орасида:

— Комиссиямизнинг вазифаси жиноятчи қидириш эмас, одамларни жиноят қилишдан қутқариб қолиш, — деди. — Энг муҳими, омманинг ижодий ташаббусини кучайтириш. Ҳар бир ишчи заводга давлат кўзи билан қарайдиган бўлса, ишимиз барака топади.

Маҳкам ака кунда цехма-цех юрарди. Ўн бешинчи цехдаги тартибни кўриб, кувониб кетди. Цех бутунлай ўзгариб кетибди.

Маҳкам ака чиройли бир шиор ёпиштириди. Уни Лобархон баланд овоз билан ҳаммага ўқиб берди:

«Сен бугун етти йилликка нима ҳисса қўшдинг?»

— Ҳар куни ҳар бирингдан ана шуни сўрайман, — деди Маҳкам ака қатъий.

— Қўчкор семирса эгасини сузади, дегани шуми? — деб ҳазил қилди унинг дўстларидан бири.

— Ўзларинг сайнладинг, ўзларинг итоат қиласан. Тафтишни қадрдон цехдан бошлайман.

— Аввал идорадан бошласангиз бўларди.

— Идора кочмайди...

— Бўлмаса мана, бугунги ишимизни чамалаб кўрингчи... — деди тегишқоқ йигит олтмиш еттинчи машинани кўрсатиб.

Маҳкам ака ярақлаб турган зангори агрегатга қараб маннун кулиб қўйди.

— Ҳаммасини шундай ҳавас билан, шунчалик созласаларингиз эди, юзимиз доим ёруғ бўларди,— деди.

— Бунинг учун Лобархон цехга бутунлай кўчиб келиши керак,— деди ишчиларнинг бири ҳазилкашлик қилиб.

— Керак бўлса кўчини ўзим келтириб бераман,— деди Маҳкам ака ҳам кулгига олиб.

Ишчилар кулиб юбориши. Гап келиб қолди шекилли, шпиндель винтини бураб турган бир ишчи бошини кўтарди, қалин ва узун сочи қошига тушиб, кўзини тўсиб қолди, у соchlарини кепкасининг тагига бостириб кўиди-да:

— Кўчини цех бу ёқда қолиб «Бўстон» совхозига жўнатиб юборманг тағин...—деди.

Қараса асия зўрайиб кетадиган, шу сабабданми, ёки Лобархонни гапдан кутқариш учунми, Маҳкам ака цехдан четлашишга шошилди.

— Жўнатиш пунктига бормасам бўлмайди, ишим зарур.

Маҳкам аканинг қораси йўқолиши билан яна унинг ҳакида гап қўзғалди. Гапни ина ўша шпиндель винтловчи бошлаб берди.

— Тинчимас одам. Оғримаган бошига олтин таёқ ортириб, кексайганда кўринган билан ёқалашиб юриши нимаси экан?..

— Фийбат қилма!— деди кекса ишчилардан бири унга танбек бериб.

— Фийбати эмас, сифати.

— Сифатини айтадиган бўлсанг, илмоқсиз айтавер. Заводга битта шунақа қамчи керак бўлиб қолди.

— Пенсионернинг қамчилагани қаерга бораради...

— Пенсионер эмас, халқ контроли! Билдингми?

Халқ контроли— Маҳкам акага ишчилар ана шундай ном қўйиб олдилар. Бу ном уни бутун заводга машҳур қилиб қўйди. Уни кутадиган, унга арз қиласидиган, баъзилар ҳатто ундан ҳайикадиган ҳам бўлиб қолдилар. Айниқса Эргашев... У партбюорда юз берган воқеадан кейин унинг қадамини кадрлаб, сўзини сийлайдиган бўлиб қолди.

Жўнатиш пунктидаги можаронинг чиқишига ҳам Эргашевнинг ўзи сабабчи эди. Ахир шундай долзарбда шун-

ча машинани бурчакка териб қўйгани яхшими? Юзтазадан кизил карвон қилиб жўнатармиш. Намойишни мунча яхши кўради бу Зафар! Далада битта терим машинаси анқога шафе. Пахтакор билан механизатор ҳар бир янги машинанинг бошидан сув ўгириб ичгудай. Бас, шундай экан, сиртини силамай тайёрини пешма-пеш жўнатган афзал-ку!

Маҳкам ака комиссия аъзоларидан Лобархон билан яна икки кишини чақириб келиб биринчи сон актга қўйдирди.

— Бу нима деган гап? — деди Маҳкам ака партия комитетига келиб. — Жиноят эмасми? Совхозлардан, колхозлардан одамлар келиб турибди. Областлардан телеграмма устига телеграмма. Пахтанинг чанги чиқаётган эмиш. Бу акам бўлса намойишни кутиб ётибдилар. Комитетнинг мажлисини чақирайлик. Тез муҳокама қилиб кўрайлик.

Жаҳонгиров ҳамма гапни тинглаб бўлгач, қаламини ўйнатиб туриб сўради:

— Ўзи билан гаплашдингизми?

— Ёнига бориб бўлмайди. Чўф бўлиб юрибди. Гап ташласанг жаз этиб кетадиган феъли бор.

Жаҳонгиров Эргашевнинг гапларини эслаб «ростдан ҳам ўт билан сувни рўбарў қилиб қўйимиз шекилли» деб ўйлади-да:

— Ҳар ҳолда ўзидан сўраб кўринг. Коида шунақа,— деди.

Маҳкам ака бир оз бўшашгандай чаккасини қашиб қўйди:

— Коида шунақа бўлса қоидалик қиласи.

Икковлон завод бошқармасига келишди. Бошқармада машинисткадан бўлак ҳеч ким йўқ. Эргашевни сўрашган эди, у, «юқ ортиш майдончасига кетди» деди.

— Бу комиссиянинг таъсири! — деди Жаҳонгиров, Маҳкам аканинг қўлини сиқиб.— Комитетнинг мажлисиз ҳам иш юришиб кетибди.

Бунга Маҳкам ака ҳам ўз қўзи билан кўриб ишонди. Партия комиссиянинг майдончада текшириш ўтказгани, нима қилгани ва нима қилмоқчи бўлгани окмай-томмай Эргашевга этиб борган эди. Эргашев бу ҳодисанинг оқибатлари нима бўлишини пайқаб, Давлат комиссиясидан ўтган машиналарни шошилинч жўнатишга тушди. Бир кечада майдонча шипшийдам бўлди-қолди.

— Иложи бўлса кундагисини кунда жўнатиб туришимиш керак,— деди Маҳкам ака ҳорғин қадам ташлаб бораётган директории йўлда учратиб.

— Давлаткомдан ўтганини тўхтатмаймиз,— деди Эргашев ҳам унинг таклифини маъкуллаб.

Маҳкам ака ўзининг бугунги ишидан мамнун қайтар экан, деворлардаги ёзувлардан яна бирига кўзи тушиб қолди.

«Етти йиллик омборига бугун сен нима тўқдинг?»

«Бу ҳам Жаҳонгировнинг иши... Бугун нима қилганимни ўзи курди-ку, шундай бўлса ҳам сўраяпти. Нима қилардим, далага олтмиш бешта комбайн юбордим. Ўшаларнинг хирмонга тўkkани — менинг етти йиллик омборига тўkkаним» деб ўзи билан ўзи гаплашиб бораркан, хаёlda дарвозага бошини уриб олишга оз қолди.

— Кеч қолибсиз-ку!— деди вахтёр Маҳмуд унга.

— Э... ҳа, иш кўпайиб кетди,— деди Маҳкам ака йўлидан тўхтаб.— Хумор бўлиб кетдим, битта чексам майлими?

— Чекинг, майли, оқсоқол. Жуда қовуриб ташлаётган эмишсиз, деб эшилдим.

— Қовурилмаса, коринни оғритеди. Миш-мишларга қулоқ солма ука, ишингни билиб қиласкер.

— Ҳали ҳам ишимни билиб қилиб юрибман. Одамларнинг оғзидағи гапни айтдим-да, оқсоқол.

«Одамларнинг оғзидағи» деган иборадан Маҳкам аканинг ёдига бир фикр келиб қолди. Дарвозабон ҳар бир ишчини эрталаб кутиб олиб, кечқурун кузатиб қўядиган одам. Бамисоли асаларининг подшоси. Кирганни ҳам, чиққанни ҳам текшириб туради.

Дарвозабон Маҳмуд ака Маҳкам акани ҳар куни хуррам кутиб олар, мамнун бўлиб кузатиб қоларди.

МАРЖОНХОН

Маржонхонни товуқбокар қилиб күйдилар. Бундан онаси Хосият холанинг боши осмонга етди. Етти хазинанинг бирини сенга берибдилар, мартабанг баланд бўлибди, болам. Ишлагин, одамнинг обрўси — меҳнат!

Колхознинг элликта товуғи бўлиб, ҳаммаси идора қоровулининг қарамида эди. Орадан икки йил ўтди, аммо товуқларнинг сони кирим дафтарига қандай тиркалган бўлса, шундайича турибди — кўпайгани ҳам, озайгани ҳам йўқ. Чорвачилик бўйича бухгалтер Ёкубжон колхознинг мулкини биринчи шахс зиммасидан иккинчи шахс масъулиятига ўtkазиши керак бўлиб қолди. Ёкубжон бу ишга алоқадор бўлган колхоз қоровули билан Маржонни ўз ҳузурига чакирди. Унинг олдига аввало Маржонхон кирди. Бокишлари ўтли, жиддий. Ўнг ёноғидаги бир дона тимқора холи буғдой ранг юзига жуда ярашиб тушган. Ёкубжон қиздан кўз узолмай қолди. Нега илгари эътибор бермаган экан-а?

— Товуқбокар бўлдингизми?

— Ҳа.

Ёкубжон унга тикилиб қаради ва бир оз ўйлаб тургач:

— Сизга бир яхшилик қиласай,— деди,— товуқбокарлик хунар эмас. Ҳўп, десангиз бухгалтериямизга ҳисобчи қилиб қўяй.— Ёкубжон энди ҳамма вақт Маржонхоннинг ёнида бўлишни истар эди.

Бу гап Маржонхонга қаттиқ ботди. Ахир у кўнглидагини айтиб турибди-ю, бу йигит бўлса...

— Ҳисобчилик ҳам иш бўлибдими?..— деди қиз жаҳл билан.

— Ҳм... — йигитнинг тили ғулдураб қолди, — шундай қилиб товук боқаман денг?

Маржонхон бошини силкиб тасдиқлади.

Сўзи ўтмаган Ёкубжон Маржонхонга роппа-роса эллик паррандани санаб бериб, дафтарга қўл қўйдириб олди. Кейин яна унинг юзига тикилиб деди:

— Товук бошига икки юзтадан тухум олиб, йил охирiga ўн минг тухум санаб топширасиз...

Киз қовоғини солди. Йигит ҳам хўмрайган бўлди.

...Маржонхон бир сиким дон сепиб, товуқларни фужлади, уларнинг қўрқа-қўрқа донлашига бирпас қараб турди-да, сўнгра тилхат олган бухгалтернинг олдига кирди. Унинг қархисига ўтиради-да, мosh ранг қўзига қараб:

— Икки юзтадан тухумни қаердан оламан? — деди.

— Товуқдан оласиз-да.

— Қайси товуқдан?

— Санаб олдингиз-ку, ўшалардан...

Маржонхон кулиб юборди.

— Элликта паррандадан тўққизтасигина товук, колгани хўроуз-ку!

— Ундей эмасдиров.

— Ишонмасангиз ўзингиз бориб кўринг.

Ёкубжон қизни мот қиласман деб, ўзи мот бўлиб қолди. Лекин сир бой бериб бўладими?

— Ахир, хўроуз ҳам керак-да, — деди у чайналиб, — парранда гўштига хўроузни тортамиз қўямиз.

— Тухум-чи?

— Тухум ҳам керак.

— Ундей бўлса, хўроузларни сотиб, товук олиб беринг!

Якшанба куниёқ ўтиз хўроуз ўрнига элликта товук келтирилди ва шу кундан эътиборан «товук ферма очилди», деб эълон қилинди. Аммо ферманинг на иморати, на аслаҳаси бор эди. Ҳатто дони ҳам йўқ, сметада «товук еми» курсатилмаган экан.

Маржонхон дон ёздириб олишга кирганда Ёкубжон унга кенг далани кўрсатди:

— ^ дала тўла дон!

Товуқларни пода каби далада бокиб бўлди. Подачилик товуқбоқарга қўл зуқлар дайди бўлиб кетди.

Парни ўзига ўргатиб олиши керак эди, гакларини ҳар куни донга тўлдириб ке-

шу

лади-да, «ту-ту» лаб сочиб юборади. Ранго-ранг товуқлар ўқдай отилиб келишади, тезда ғужланишади-ю, шоша-пиша донлашга тушишади.

Товуқлар тез орада Маржонхонга ўрганиб қолишиди. Унинг қорасини кўришса, бир чақирим наридан бўлса ҳам учиб келишади, атрофига жам бўлиб, қўлига қараб талпинишади.

Товуқни «етти хазинанинг бири» деганларича ҳам бор экан, тез орада ҳаммаси тухумга кирди. Махсус жойлар йўқлигидан товуқлар дуч келган ерга тухумлай бошлади. Маржонхоннинг қули қўлига, оёғи оёғига тегмай қолди. У гоҳ пахтазорда, гоҳ олмазорда тухумлаётган товуқларнинг кетидан юрди. Шунча товуқнинг қайси бирини кузатиб улгуриш мумкин?

Баъзилари эса, одам топмас жойларга яшириниб тухумлайди.

Шу орада дафтарини қўлтиқлаб, ферманинг ишини кўргани Ёкубжон келиб қолди. Маржонхонни учратиб:

— Тафтиш килгани келдим,— деди.

— Нимани тафтиш қиласиз?

Ёкубжоннинг димоғида ош пишгудай.

— Тухумламаётган товуқларни кўрсатинг.

Маржонхон жиддий ва беғам.

— Топшираётган тухумларингизнинг сони мўлжалдан кам. Хўш, ҳалиги... баъзи товуқлар кунора тухумлайди деганимизда ҳам, барибир кам... Икки кун муҳлат сизга: топсангиз топдингиз, бўлмасам правлениега ёзиб бераман,— деди-ю, кетди.

Маржонхон ҳайрон: нимага асосланиб тухум кам деяпти бу йигит? Ҳеч тушуниб бўлмайди унга. Дўқини қаранг, тикилишини қаранг, неға бунақа қарайди менга ҳар вақт?

Маржонхон товуқларнинг ҳар қадамини кузатадиган бўлди. Бир вақт қай кўз билан кўрсинки, икки товуқ четлаб-четлаб, бири идора коровули ётадиган чердакка чиқиб кетди, иккинчиси Ёкубжоннинг кабинетига кириб ғойиб бўлди. Маржонхон деразадан қаради: товуқ печканинг ўтхонасига кириб, тухумлаб чиқди. Ёкубжон ҳали котиб улгурмаган тухумни олди-да, тортмасига солиб кўйди.

Ана шундан кейин Ёкубжон билан Маржонхон ўртасида қуйидагича ҳангома бўлиб ўтди:

— Топдингизми?

- Йўк.
— Ёзib бераверайми правлениега? Сизга жабр бўла-
ди деб кўрқяпман.
Маржонхон индамади.
— Сизга ачиняпман,— деди Ёқубжон,— майли, бу са-
фар мен ёрдамлашиб юборай.— У тортмани очиб, ўттизта
тухумни санаб берди.

Аммо Ёқубжоннинг кутгани бўлмади. Маржонхон ту-
хумларни авайлаб рўмолчасига тугди-да, чақон жў-
нади. Ёқубжон энтикиб кетди:

— Қаёқка?

Маржонхон қиё бокди-да, кинояомуз деди:

— Қолган тухумларни топгани...

Ёқубжон бақрайиб деди:

— Қаердан топасиз?

Маржонхон жавоб ўрнига бош бармоғи билан чердак-
ни кўрсатди. Ёқубжон бу сирдан хабардор бўлгани учун
кулиб юборди.

— Қойилман, Маржонхон, қойилман. Лекин айтиб
қўяй: товуқларингизни тийиб олинг, бир жойда тухум-
лайдиган бўлишсин.

Маржонхон ярқ этиб, қайрилиб қаради:

— Сиз ҳам ферма жониворини бир кафт дон билан
йўлдан урманг.

Шундан кейин Маржонхон раис ҳузурига кириб ма-
салани қатъий қўйди:

— Товуқхона қуриб бермасангиз, мени бўшатиб қў-
йинг!

Бу масала правление мажлисида кўриб чиқилди-ю,
унинг қарори билан тез орада кўп хонали катта бино қу-
рилди. Бисотдаги бор товуқлар унинг бир хонасида ҳам
яйраб яшнайдиган бўлди. Маржонхон ҳамма хонани то-
вуқ билан тўлдириш пайига тушди, тиним билмади. Ба-
ҳор кириб, бутун жонли табиат уйғонаётган чоғларда
Маржонхоннинг товуқлари курк бўлиб, патларини тўзи-
тишга тушди. Маржонхон мамнуният билан ҳамма тову-
ғига тухум бостириб қўйди...

Авжи давлатга тухум топшириладиган кезларда Мар-
жонхоннинг фермаси тақатак ёпилиб қолгани Ёқубжон-
нинг товуқ фермасига қатнаб қолишига баҳона бўлди. У
кунига дафтарини қўлтиқлаб келади-да, «тухум» деган
варақанинг оппоқ жойини кўрсатиб, Маржонхоннинг жи-
ғига тегади.

— Бутун бошлиқ, товук фермамиз туриб, давлатга бозордан тухум олиб берайликми-а, Маржонхон? — деди у бу сафар.

— Шошилманг, фермамиздан топширамиз.

— Қачон топширасиз?

— Сабр қилинг.

Йигит күзларини қизга қадади.

Кизнинг юзларига қизиллик югурди. Иккови сўзсиз туриб қолишиди. «Тавба,— ўйлади Маржонхон, Ёкубжон кетгач.— Мунча тикилади бу одам?»

Киз Ёкубжонни хаёлидан ҳайдамоқчи бўлди. Йўқ, бўлмади, табассумли кўзлар қизнинг кўз олдидан кетмайман, дерди.

Шундан кейин уларнинг ҳар иккаласи ҳам дийдор куришга баҳона қидирадиган бўлиб қолди. Маржонхон ҳар эрта Ёкубжоннинг идорасида: «Дон ёздиргани келдим»... Йигит ҳар кеч қизнинг фермасида: «Тафтиш қилгани келдим...»

Ҳар гал улар узок-узок сўзсиз ўтиришади, кейинча үртадаги муносабат қуюқлашиб йигит қизни фермагача кузатадиган, истаганча сўзлашиш учун гап ҳам топиладиган бўлди.

Мана, товуклар бирин-кетин патирлашиб жўжа очиб чиқди, жўжалар чийиллашиб,чувалашиб, бодроқ сепгандай ер бетини қоплади. Маржонхоннинг қўли қўлига, оёғи ерга тегмайди. Оғизда ҳам тиним йўқ, «чиپ, чип, жўжаларим, чип, чип...»

Донни ҳам Ёкубжоннинг ўзи ёзиб, фермага ўзи келтирадиган бўлди. Жўжалар катта бўлиб, тухумга киргач, Маржонхоннинг Ёкубжон билан гаплашишга ҳам вакти қолмади. Шунча товукни эплаш, шунча тухумни саранжомлаш осонми?! Ёкубжон Маржонхонсиз, Маржонхон Ёкубжонсиз туролармиди? «Яшикни қутаришворинг... Тухумларни санашворинг...» Йигитнинг кўнглидаги иш. Илтимосга илтифот сўзи доим тайёр:

— Бош устига! Жоним билан!

Ферма тобора кенгая борди. Маржонхон елди, югурди, одамларга сўзини ўтказди, охири фермада ўрдак вағоз бўлимлари ҳам ташкил қилиб олди. Энди катта холодильниклар қўйдириб олса эди...

Навбатдаги правление йиғилишида бу масала ҳам Маржонхон фойдасига ҳал бўлди. Холодильник зарур эканлигини исботлаб правление мажлисида Ёкубжон

канча алангали нутқ сўзламади дейсиз. Энди фермани ҳақиқий ферма деса бўлади. Қиз беҳад хурсанд.

Фермада Ёқубжон пайдо бўлди:

— Ишлар қалай, Маржонхон?

— Мендан нима қиласиз сўраб. Яхшиси ўз кўзингиз билан кўринг кўйинг-да.

Бухгалтер фермани айланиб чиқди:

— Оббо сиз-е. Дуруст, дуруст. Ишиңгиз жуда яхши, Маржонхон. Бу дейман, товуқбокарликнинг устаси бўлибсиз-а? Бу касб ҳам кўп гўзал касб-да, Маржонхон!

Қиз ялт этиб Ёқубжонга қаради.

— Шундай денг. Бир кун бир дўстим калтабинлиги тутиб «товуқбокарлик ҳам ҳунарми?» деган эди.

— Эски гапни эсга соласиз-а, Маржонхон. Бир айтилган гап-да. Мана, ўша дўстингиз ҳам нима қилсану, фермангизга ўтсан деб югуриб юрибди. Ўзлари рози бўлармиканлар?

— Бухгалтерликни ташлаб-а? — кинояли сўради қиз.

— Кўйинг энди шу бухгалтерликни. Чўт билан гаплашавериб, дафтарга тикилавериб, зерикиб кетдим, Маржонхон. У кексалар боп иш.

Қизнинг кўзлари порлади, лабларида табассум ўйнади.

— Правлениенинг қарори шундайми?

— Шундай Маржонхон!

— Ундей бўлса синов муддати билан қабул қила-ман...

1961.

Д У М Б У Л

Думбулдан дур чиққанини эшигтганмисиз?

... Нақшон мактабида эртага түй деган куни кечқурун ўнинчи «А» синф болалари түпланди. Юмалоқ юзли Яйра сүз олиб, қалин қошларини чимирди:

— Бутун синф янги фермага ишга борамиз!

Зал жонланиб кетди. Болалар суюнганлариданми, ҳаяжонданми гурунг бошладилар. Шу чоқ: «Яйра бекор айтяпти», деган овоз эшитилиб қолди. Бу — Холдор эди.

— Бу нима деганинг?

— Ҳаммамиз бир институтга борамиз, деб юрган ким эди?!

Фала-ғовур күтарили. Яйра сапчиб турди. Холдорга хўмрайиб қаради: «Қароримиз шул» деди-да, яна ўтириб олди.

— Майли, Холдор ўқиса ўқиб келсин,— деди болалардан бири.— Колхозга агроном ҳам, зоотехник ҳам керак.

Қўлини совуқ сувга урмаган одамдан агроном, ё зоотехник чиқармиди?

Холдорнинг бир-бирига чиппа ёпишган лаби титради:

— Ҳа, аълочи бўлолмаганингга алам қиляптими?— деди Яйрага чақчайиб.

Яйранинг жаҳли чиқди, ранги оқариб, тескари бурилиб олди:

— Борса бораверсин...

Холдор муқим «аълочи»лигига маҳлиё бўлиб, вақти дарс ёдлаш билан ўтди. Уй иши, дала юмушига унча қизиқмади.

Ўзини Нақшон «гули» деб билган Холдор Тошкент-

нинг «меваси» бўлиб етилиб келишига ишонган ҳолда институтга жўнади.

Нақшон катта қишлоқ эмасми, унинг бир эмас, учта ўрта мактаби бор. Шу сабабдан нақшонликлар бу йил Холдор билан ўн саккиз кишини олий ўкув юртларига жўнатдилар. Улар Тошкентга келиб, турли институтларга тарқалиб кетишли.

Холдорнинг куни дарс тайёрлаш, имтиҳон топшириш ташвиши билан ўтди. Нақшонликлар аҳён-аҳёнда Навоий майдонидаги «Пахта чаноғи» фонтани атрофида учрашадиган бўлдилар. Ҳар галги учрашувларда Холдор навбатдаги синовдан қули баланд ўтганлиги ҳакида димодор гаплар қиласди.

Нима бўлди-ю, синовлар тугамасдан Холдорнинг ҳужжатларини қўлига қайтариб бердилар.

Холдор энди фаҳмлади: институт у тасаввур этган, ҳамма оқар сув келиб жой олаверадиган денгиз эмас, дөвор-дарвозали, қулф-калитли, унча-мунча Холдорлар остонасида кўлмаклаб қоладиган даргоҳ экан. Қабул шартлари тўсатдан ва бутунлай ўзгариб кетибди: қишлоқ мактабида ўқиб юрганда Холдор нимага эътибор бермаган бўлса, ундан шуни кўпроқ сўрадилар. У дикқат бўлди, ҳайрон қолди.

Холдорнинг ҳеч бир қофози, қоп-қоп ваъдалари инобатга ўтмади. «Икки йиллик тажриба олиб келсанг, сўнгра дарвозани очамиз», деб туриб олдилар. Ётоқхона комendantи шу оқшомдаёқ унинг каравотини бошқа болага бериб юборди. Меҳмонхоналар банд экан. У Сассикховуз чойхонасида тунаб юришга мажбур бўлди. Унинг қатнамаган институти қолмади. Ҳамма жойда бир ўринга ўн беш ариза. Олтин медалликлар ҳам беҳисоб. Қейин институтлардан умидини узиб, техникумларга қатнашга тушди. Қўчадаги афишалар, газеталардаги эълонларга қараганда бутун мамлакат ўкув юртларидан иборатдай туюлади-ю, аммо ҳеч каерда нақшонлик Холдор сифадиган жой йўқ. Техникумларда ҳам одам минди-минди...

Бир ҳафта ўтди, Холдорнинг ҳамёни бўшади. Нақшондан телеграф орқали чақиртириб олган пули ҳам кўча юриши, чойхона турмушига бардош бермади... Холдор ишга кириш пайида уч-тўрт ерга учради. Ҳамма жойда уни жуда хушмуомала кутиб олиб, совуқ кузатиб қолдилар. Ҳаммасининг гапи бир: «Ҳунарсизлар қора ишдан бошлайдилар...»

Нима, Холдор ҳаммоллик қилсинми? Йўқ, у ўн йил ҳаммол бўлишга ўқибиди!..

Шу орада нақшонлик болаларнинг кўплари ўқишга кириб олди. Баъзилари конкурсдан ўтолмай колишиди. Холдор эса, ўйиндан ҳам зерикди. Қишлоққа қайси юз билан боради? Шаҳарда қаерга сифади?..

Кунлар ўтаверди. Холдор чўп бўлиб кетди. Шу орада неча марта «қаерда юриб, нима қиляпсан» деган шамалар ҳам эшилди. Кунларнинг бирида чойхоначи «кўрпангни кўтар, тагингни супураман» деди. Шу гапдан кейин кўзига жикқа ёш олиб кўрпасини орқалаганича поездга чиқди...

Нақшонга қайтиб келди, ота-онасига касалликни баҳона қилди. Аммо синфдошларига, айниқса Яйра билан раис Болта Бадаличга ишонтирадиган баҳона қидириб тополмади. Уни кўргани синфдошларининг ўзлари келишиди. Бири қаймок, бири пишлок, кимдир сариёф олиб келибди. Яйра эса силосга ўрилган маккажӯхоридан бир жуфт думбул келтирибди. Холдорнинг назарида улар бояги-бояги синфдошлари, ҳатто Яйра ҳам ҳеч нарса кўрмаган, ҳеч гап эшилмагандай ўтирибди. Холдор ҳаммадан кўра кўпроқ Яйранинг таънасидан кўрқар, «Яйранинг тили ёй» деб унга рўпара келишдан безиллар эди. Яйранинг жим ўтириши, дарёнинг остки оқимидаи шубҳали эди. У заҳарини ташига чиқармаса ҳам ичида: «Холлинг шуми?» деяётгандай туюлди. Агар шу чок Болта Бадалич кириб колмаганида, Холдор «кўзларингни мендан нарига ол, Яйра!» деб қичқирмоқчи эди. Болта Бадалич одатдагидай қувнаб: «Кабоби отангдан, қимизи мендан», деб оғир бутилни ўртага қўйди. Хушчақчақлик яна давом этди. Холдорнинг бошидан кечирганлари ҳакида у ҳам оғиз очмади.

— Ўқиши қочмайди,— деди Болта Бадалич,— бир йилга отпуска қил, ишга киритиб қўяй. Янаги ёзга отнинг қалласидай меҳнат характеристикасини белбоққа туғиб, ўқишга йўл оласан.

Касал кўрпасида ётган Холдор чордана қуриб ўтириб олди. Ҳамма чиқиб кетгандан кейин эса, Яйра ташлаб кетган думбулни кўлига олиб: «Бунда бирор гап йўқмин?» дегандай синчиллаб қаради. Думбул доналарига бармоғи ботгач, портиллаб сути отилиб кетди. Яйранинг думбул олиб келиши унга жумбоқ эди. Ўйланиб ўйига етолмай, чорбоғ айланишга тушди: «Нима қилсан экан?..»

Унинг тилига шу уч сўздан бошқа ибора келмади. Хаёлни «ҳолва» деб адашган экан. Хаёл шу қадар беоромми? Холдор тун бўйи хаёлда ўртаниб чиқди. Ниҳоят, но нуштадан кейин синфдошларим олдига бораман, деб кетганича ой чиққанда келди.

Эртасига яна эрталабдан ғойиб бўлди. Аввало янги ташкил қилинган гўшт-сут фермасининг ҳамма хўжаликларини кўришга тўғри келди. Бирга ўқиб, бирга ўсган одамларнинг ёнма-ён ишлашига нима етсин. Аммо фермада «штат йўқ», деб унинг тарвузини қўлтиғидан туширдилар. У яна уч кун уйда ётиб олди.

Тўртингчи кун дегандা, Болта Бадалич дарвозанинг ҳалқасини тақиллатди:

— Холдорвой, қани юр, дам олганинг етар энди.

Холдор, раис мени чеканкага солса керак, деб ўйлади-да, бир йўла эски кийимларини кийиб чиқди. Остонаяндан ҳатлаган кездан янги ферма дарвозасига етгунча раиснинг гапини тинглаб борди. Болта Бадалич нуқул гўшт-сутдан гапирди. Ферма биноси ёнига келгач, тусатдан чўчқа ҳақида гапира бошлади. «Энг тез кўпаядиган», «энг сердаромад», «энг... энг... ва энг... энг...» лардан кейин у Холдорга: «Шу чўчқалар сенинг тасарруфингда бўлади», деди.

Холдор ҳанг-манг бўлиб қолди. Кейин ўтириб олиб бош қашлашга тушди. Болта Бадалич Холдорнинг устози эди. У Нақшон мактабида биологиядан дарс берган, ўсимликлар институтида фанлар кандидатлигига диссертация ёқлаб келгандан бери «Нақшон» колхозига раис. Мактабда уни ҳамма Болта Бадалич, дер эди. Колхозда ҳам уни шу ном билан улуғлашади. Шундай устознинг гапини икки қилиб булармикин?.. Холдор ўйлаб ўйига етолмай, «хўп, майли» деб юборганини ўзи ҳам сезмади.

Нақшонликлар азалдан чўчқани ёқтирмайдилар, тўғриси, ёмон кўрадилар. Шу сабабдан чўчқа фермасига сира сон кирмади. Ёлланма бир чўчқабоқар бор эди. У ҳам кетиб қолди. Мана энди умид ёшлардан. Болта Бадалич худди шундай деди: «Умид ёшлардан».

Холдор ноилож чўчқабоқар бўлиб қолди. Ота-оналигига «фермага ишга кирдим» деди-ю, ҳунарининг номини тилга олмади. Лекин шу куниёқ «кимсан, Эрмат ҳисобчининг ўғли Холдорнинг чўчқабоқар бўлгани» Нақшонга дув-дув гап бўлиб кетди. Шундан кейин ота-она ҳам ундан жирканадиган бўлиб қолишиди. Онаси икки гап-

нинг бирида: «Кунимиз чўчқабоқарликка қолганмиди, ота касбини қилсанг бўлмасмиди!» деб верди. Бусиз ҳам нотаниш касб Холдорнинг жонига теккан эди. «Шу ҳунарингни ташлаб қоч!» деди шайтон унга. «Қаёққа борасан, нима ҳунар тутасан? Ҳеч бўлмаса, икки йил ишлади, деган ҳужжатни қўлга киритгунча чида», деди унинг бошини қотирган хаёл.

Болта Бадалични юз-хотир қилмаганида, синфдошлигининг дашномидан қўрқмаганида, Холдор аллақачон фермани ташлаб кетгудай эди. Болта Бадалич ҳам, Холдорнинг кайфиятини яхши билганидан унинг кўнглига далда бериш ва ишига кўмаклашишдан зерикмади. Гарчи, бу соҳа зоотехникка қарашли бўлса ҳам, Болта Бадалич уни шахсан тасарруфига олди. Кун ора, ҳар куни, гоҳо эрта-кеч уни чўчқа фермасида Холдор билан суҳбатда учратадиган бўлдилар. Одамлар раиснинг кунига чўчқа-хонага қатнашини ёқтирасалар ҳам, ҳар ҳолда, Болта Бадалич «Холдорни одам қилмоқчи» деб севинар эдилар. Яйра эса уларнинг шу қадар ҳамжиҳат бўлиб кетганини «раис думбул қовуряпти» деб атади.

Холдор ҳам нима гапи бўлса «шахсан Болта Бадаличга» айтадиган бўлиб қолди. Аста-секин у чўчқачилик ҳунарига кўника бошлади. Аммо Яиранинг тили... У атайлаб чўчқаҳона олдидан йўталиб ўтади. Бир куни кўзи кўзига тушганида, тилини бурро қилиб, «Ҳорманг, аълочи!» деб қўйди. Яиранинг бу ёйи Холдорнинг миясига кириб, товонидан тешиб чиқди. У ўзини факир сезди, «факир киши панада», деган мақолни эслаб, кўрпа-тўшагини чўчқаҳонага келтириб олди. Шундан кейин унинг кулоги тинса ҳам ўзи тинчимади.

Бу гаплар ҳам ҳолва экан. Гапнинг энг йўғони чўчқаларнинг ўзидан чиқиб қолди. Бир куни эрталаб Болта Бадалични фермадан кузатиб қўйгач, ичкари киаркан, кўзи қинидан чиқди-ю, қўлидан тогораси тушиб кетди. Ҳамма чўчқа думсиз бўлиб қолибди...

«Чўчқа думи кимга керак экан?— деб ўйлади Холдор энсаси қотиб,— кимнинг иши бу?»

Жониворлар ҳуриллашиб, чўлтоқ думини бири-биридан яширгандай гир айланмоқда. Кишининг раҳми келади. «Фанимнинг иши бу» деб ўйлади Холдор. Кимdir кечаси фермага киргану жониворларнинг думини шартта-шартта кесиб кетган. «Холдорнинг шурини қуритишдан кимга фойда? Уни ким таъқиб қиласпти?»

Холдор бу ҳодисани дарҳол Болта Бадаличга етказмоқчи бўлди, лекин оёғи тортмади. «Ғаниминг ким? Гумонинг кимда?» деб сўраши турган гап. Аввало сирнинг тагига етнш керак эди. Катакларга қулф тушди. «Ғаним топилмагунча катакларга бироннинг қадами етмайди!» деди-да, қидиувга тушди. Энг аввал сўқим бўлмасига кирди. Бу ерда унинг синфдошлари сўқимга қўйган новвосчалар, ҳўқизларнинг семизликдан сағри йилтиллаб турибди. Ҳаммасининг ҳамма ёғи — ҳатто думлари ҳам жойида.

Синфдошлар қўли-қўлига тегмай, замбилғалтакларда силос ташишмоқда. Улардан бири Холдорни кўрди-ю: «Келинг, мусобақадош!» деганича ғалтагини ғилдиратиб кетаверди. Бошқа болалар ҳам узокдан саломлашдилар, аммо «бу ерда нима қилиб юрибсан, ҳолинг қалай?» дейдигани топилмади. Юриш-туришларига қараганда Холдорнинг ғамидан мутлақо бехабар. Кейин у сутчилик фермасига кирди. У ерда ҳам соғувчи қизлар оёғи ерга тегмай югуриб юришибди. Синфдош қизлар ўғил болаларга қараганда зийракроқ экан. Холдорни ўраб олишди.

— Ишингиз юришмаяптими? Нимадан хафасиз?— деб сўради Яйра унинг авзойига разм солиб.

Холдор нима деб жавоб қилишини билмади, аммо жим туришни ҳам эп кўрмади. Қизларга қараб олди-да, Яйрадан ўсмоқчилаб сўради:

— Чўчқаҳонага бирор киши кирганига кўзинг тушмадими?

— Йўқ, нима бўлди?

Қизлар ташвишланиб, унинг оғзига тикилиб қолдилар. Холдор нима қилиб қўйганини сезиб, дарҳол ақли ҳушини йифиб олди.

Мусобақадошларимдан бирортаси борган бўлса, мени тополмай қайтганмикин, деб келувдим...

Қизлар бир-бирларига қарашди, сўнгра негадир ҳаммасининг кўзи Яйрага қадалиб қолди. Яйра шунча кўзга бардош беролмаганиданми ёки энг биринчи бўлиб гап очгани уларни иштибоҳга соганиданми, қизларга тик қараёлмади, бора-бора қип-қизариб кетди.

Қизлар «чўчқаҳонадаги бегона из Яйранинг изи экан» деб ўйладилар. Холдор ҳам унинг юзидағи ўзгаришларни «ғанимининг ўз-ўзидан фош бўлиши», деб тушунди. Аммо бирор сўз айтишдан тилини тийди, гап бўлиб кетишдан кўркди.

Күёш найзага келганды «сўқим бўлмаси»нинг йигитлари кўриниб қолди. Холдор дарҳол катакларни қулфлаб, калитини кўрпасининг тагига яшириб қўйди.

— Узаро текширишга келдик,— деди синфдошлар.

— Хуш келибсизлар,— деди Холдор.— Қани, сўрига ўтиинглар, мусобақадошларни аввал тўйдириб зиёфат қиласидилар... Нима билан сийлай? Афсуски, чўчқаларим сут-қаймок бермайди...

Болалар «бизга ўша сут-қаймок бермайдиган чўчқаларингни кўрсат» деб туриб олдилар. Шубҳа музи унинг бошига чиқди: «Бирор нарсанинг ҳидини билиб қолдилармикин? Ёки қилар ишни қилиб қўйиб, энди томоша кўрсатмоқчиларми?»

Холдор калит қўйилган жойга вазмин ўтириб олди. —

— Ҳазил кетмайди!

— Ҳазил эмас, мусобака. Узаро текширув...

— Сизларга кўрсатадиган чўчқам йўқ!

Шу пайт ичкаридан дупур-дупур аралаш чўчқаларнинг чийиллаган овози эшитилиб қолди.

— Ана, эшитяпсизларми,— деб баҳона қилди Холдор,— чўчқалар болалаяпти, бундай пайтда ҳеч кимни киритиб бўлмайди. Ишонмасанглар, мана қулланмаси...

Холдор ёстиқ тагидан иккита китобчани олиб кўрсатди. Шу билан бугунги «ўзаро текшириш» тугади. Аммо Холдорнинг ташвиши битмади. Ростдан ҳам унинг бир она чўчқаси болалади. Бир эмас, ўн саккизта, оппок, арчилган тухумдай, ҳуштак чалиб ётиди. Китобчанинг маслаҳати билан Холдор уларни ювиб-тараб, йўргаклаб бўлгач, атала қоргани кетди. Чойдиш қайнагудай вақт ўтганича йўқ, қайтиб келса иккитаси «учирма» бўлибди. Холдорнинг кўзи чақнаб кетди. «Изимга тушган одамлар бор экан,— деб ўйлади.— Бу ҳам Яйранинг ишимикин?..»

Агар она чўчқанинг оғзидағи қони, ердаги туёқчаларни кўриб қолмаганида, Холдор Яйранинг ёқасидан ушламокчи эди. Ўз боласини ёриб еган ҳайвон «мана, мени жазола» деб пишқириб турибди. Холдорнинг ҳоли қуриди. Ўтириб ўйлашга тушди. Ташлаб қочсинми? Истеъро берсинми?..

— Уддалашим керак! Уддалашим керак! Уддалашим керак!— деди Холдор болалик одати билан ўз-ўзига далда берниб, Ярослав Чиж бунга қандай тадбир кўрсатар-

кин деб ўйлаб қолди-да, бир хат ва бир телеграмма ёзди...

У, машхур чўчқабоқар Чиж ва Султоновлар билан ҳам мусобақадош эди. Холдор чўчқабоқарликни тамом бўйнига олгандан кейин уларга хат ёзиб, «Келинглар, мусобақалашамиз», деган. Улардан: «Чақириғингизни қабул қиласман, мусобақалашишга тайёрман», деган жавоб келган эди.

Бу гапни эшитиб нақшонликлар ҳайрон бўладилар. Холдор киму, Ярослав Чиж ким? Холдор қайда-ю, Султонов қайда! Шундок баланд дорга осилиб нима қиласди! Накшонликларни ерга қаратмоқчими бу читтак!

Ким нима деса деяверсин, аммо Холдор донгдор чўчқабоқарларни ўз фермаси манфаатларига ишлатишни кўзлаб, ана шу «баланд дорга осилган» эди. Энг муҳими шу бўлдики, Холдор илғор чўчқабоқарлар билан мустаҳкам алоқа ўрнатиб «тажриба» алмашадиган бўлиб қолди. Нимага муҳтоҷ бўлса, нимага ақли етмаса узокдаги мусобақадошларига ёзадиган бўлди. «Фалон нарса сизларда қандок? Пистон нарса-чи?» Улар ҳам канда қилмай, ҳар бир хатга ўз вактида батафсил жавоб юбориб турдилар. Холдор қофоздаги ҳар бир тажрибани фермага нусха қилиб кўчираверди ва яна янги-янги масалалар ҳакида «Сизларда қандок?» деб сўраб турди.

Холдор Ярослав Чижга ёзилган бу галги хатни: «Сизда ҳам думсиз чўчқалар борми? Ўз боласини ўзи еб кўядиганлари ҳам борми?» деб бошлади-ю, шу жойда тўхтаб қолди. Болта Бадалич келаётган эди. Саросимага тушган Холдор ўзини ичкарига урди. Болта Бадалич ёзилиб битмаган бир парча қофоз билан чўчқа катакларига кириб келди ва салом ўрнига:

— Чўчқаларнинг думи қани? — деб сўради.

Тўсатдан берилган бу савол Холдорни гангиратиб қўйди. Қўлидаги чеълакларни ерга қўйди, кўзлари жовдирраб, оғзига келган жавобни берди:

— Сал кунда думларини ҳам тўлаб бераман...

— Онаси еган болаларини-чи?

Холдор жовдирраб қолди.

— Ким айтди сизга?..

— Ярослав Чиж айтди...

Холдор раиснинг қўлидаги қофозни таниди. Дарди ичиди қолди.

— Бу хатни мен ёзган эдим...

— Чүчқаҳонада нимага карантин эълон қилганингга энди тушундим. Қасални яширсанг иситмаси ошкор қиласи. Дарҳол олдини олмасанг, бу чүчқалар бир-бирини еб бўлиб, кейин ўзингни ейишга тушади.

Холдорнинг оғзи очилиб қолди.

— Китобчаларни яхширок ўқиб ол, демабмидим. Ўқибсан-ку, уқмабсан. Жониворларнинг бу дардини ўзим ҳам унутибман...

Холдорнинг кўзи пирпирай бошлади.

— Жониворлар тузсираб қолишибди,— деди Болта Бадалич сўзида давом этиб,— яъни уларга ер тузи — минерал тузлар етишмай қолибди. Балиқ сув билан тирик бўлганидай, жониворлар ҳам лой билан тирик. Биз уларни «иззат-икром» билан сиркорли, ойнавон уйларга киритиб қўйибмизу, тумшуғи билан ер титиб турмаса кутубриб кетишини унутибмиз...

— Энди нима қиласиз?

— Битта йўли бор.

— Масалан? — Холдор энтикиб сўради.

— Масалан, анови бир гектарлик картошкапоя сеники, уни чўчка яйлови қилиб ол. Ердагини еб бўлгандан кейин озуқаларни ҳам ердан териб ейдиган қиласан. Қолганини зоотехникдан сўра.

Холдор «ҳазилми, чин» дегандай кўзларини пирпираб сўзсиз турибди. Унинг ҳолатини сезган Болта Бадалич аста елкасига уриб кўйди.

— Тузукми?

— Тузук,— деди Холдор ҳам беихтиёр. Сўнгра Болта Бадалич унинг Чижга ёзган хатини қайтариб берди.

— Эгасига етмай қолгани яхши бўлибди... Бундан кейинги шу хил хатларингни кўзи ўткир кишиларга кўрсатиб олсанг ёмон бўлмайди.

Холдор хатни майда-майда қилиб йиртиб ташлади. Шамолда оқ парчалар капалак кордай атрофга таралиб кетди...

Орадан уч ой ўтгандан кейин Холдор Ярослав Чижга ёзган навбатдаги хатини Болта Бадаличга кўрсатди. Болта Бадалич қайта-қайта ўқиди, бош бухгалтерни чақириб, ракамларини такқослаб чиқди, кейин «мақтанчоқ бўлма!» деди-да, хатнинг баъзи жойларини учирив ташлади.

Холдорнинг бу хати ҳам Накшондан нари кетмади. Орадан яна уч ой вақт ўтгандан кейин «Ҳурматли Ярос-

лав Чижга» навбатдаги мактуб ёзилди. Бир нусхаси са-
марқандлик Султоновга атаб күчирилди. Бу хатни Бол-
та Бадалич зоотехникка үқитиб эшиттириди-да, қалай,
дегандай бош бухгалтерга қаради.

— Юборса бўлади,— деди бош бухгалтер,— сўнгги
сафар давлатга килограмми икки сўм қирқ тийинданга
гўшт тортди. Энди икки сўмданга тортишга ваъда қи-
лиди.

— Ҳали ҳам қиммат, ҳали ҳам оз,— деди зоотех-
ник.— Бу йил чўчқанинг ўзидан икки йиллик гўшт тортса
бўлади...

— Муваффақият тилаймиз!— деди Болта Бадалич.

Шундан кейин Холдор қаддини анча ростлаб олди.
Унинг номини мажлисларда тилга олиб, газеталарда ёза
бошлидилар, чорвадорларга бериладиган кундузги кон-
цертлар олдидан уни ҳам мақтайдилар. Нақшонликлар
ҳам уни қаторга кўшадиган, ҳатто тўйларда тўрга ўтқа-
задиган бўлиб қолдилар.

Жазирама офтоб кунларининг биринда Болта Бадалич
фермани айланиб чиқди-да, пешана терини артар экан,
Холдорга бокди:

— Фермани икки-уч баравар кенгайтирамиз. Ўқиш-
га бор. Нақшонга зоотехник ҳам керак.

Холдорнинг кўзи ўйнаб кетди. У энди бундан икки
йил аввалги Холдор эмас... Энди унинг ташвиши ҳам
бошқа — биринчи сентябрда тўй...

Яна бир йил ишласаммикин...

Суҳбат асносида пайдо бўлган Яира гапни илиб
кетди.

— Мени юборинг ўқишга! Холдор акам сиртқига кир-
са ҳам бўлади.

Яйранинг кузи ялиниб турибди. Холдор хижолат...
Болта Бадалич уларга бир-бир қараб олди-да, Холдор-
дан сўради:

— Ўқишга ҳафсала қолмадими?

— Ҳафсала-ку бор-а,— деди Холдор нималарнидир
эслаб,— аммо ўйлаб қарасам, думбул эканман, пишгу-
нимча шоширманг.

— Демак, сен борасан, Яира?

— Бораман! Икки йил ишладим.

Болта Бадалич икковига меҳрибон бокди, кейин:

— Иккаланг ҳам муроди мақсадингга ет!— деди.

МАДАМИНЖОННИНГ ОРЗУСИ

Мадаминжоннинг «бу нима?» деб тили чиққан эди. Кейинча бу унга одат бўлиб колди. Нимаики кўрса «бу нима?» деб сўрарди, ҳатто ўзича бирор иш килиб қўйиб ҳам, «бу нима?» деб кулиб қаарди. Бошини болалар боғчасининг деворига уриб олиб «бу нима?» деб йиғлагани кўпгина болаларнинг ҳали-ҳали ёдида...

Мадаминжон қишлоқда ўсмокда. Ота-онаси колхозчи. Уларнинг колхози гўзал Фарғонани куршаган яшил тоғларнинг этагида. Уларнинг ҳовлиси водийнинг шундок ёқасида, мисоли бир тумадай оқариб туради. Унинг икки деразаси тоғларга қараган. Ойнасидан яқин-узоқ далалар, жуда олис тоғлар кўриниб туради. Деразадан қуёш мўралаганда Мадаминжон худди кичик Ньютон бўлиб «Нега қуёш баландда?», «Нега у ҳар тонгда шу дераза рўпарасидан чиқади?», «Нега ер пастда?», «Нима учун дараҳт кўкаради-ю, тош кўкармайди?..» «Нега?» «Нима учун?..» деган минг хил саволларга жавоб қидиради.

Кенжа ўғилнинг саволлари тобора кўпайиб, унинг қизиқиши доираси кенгая боргач, колхозчи ота-она унга жавоб тополмай қолишиди, уларнинг баъзи жавоби эса, болани қаноатлантирумай қўйди.

— Мактабга борганингда муаллимлар ўргатадилар...

Ўқишдан бўшаган вактларида Мадаминжон далага чиқар, гоҳ ота-онасига кўмаклашар, ота-она касбини эгаллаш орзусида ёнарди.

Бир кун отаси уни эркалаб ўтириб:

— Ота касбини эгаллаш яхши ният, болам, лекин

отангнинг ҳунари сенга иш бермайди, кетмонни ташладик, тракторни ўрганганим йўқ. Энди сен ҳунарни ўзинг танла. Деҳқон бўлсанг майли, аммо ҳунар танла,— деб қолди.

Мадаминжон колхоз ишлаб чиқаришида ишловчи кишиларнинг ҳунарини эслади: агроном бўлайми?— пахта ҳосилини оширади. Тракторчи бўлайми?— ер бағрини қўпориб ҳайдайди. Монтёр бўлайми?— ҳамманинг кўзи сенинг лампочкангда бўлади. Ким бўлай экан?

Мактабда ҳам болалар худди шундай масалани қўзгадилар: «Катта бўлсанг, ким бўласан?»

Ҳар ким ўз истагини айта кетди. Бири, «катта одамларни даволайдиган врач», бири, «отларни хўп деса, тик туришга ўргатадиган циркчи», бири, «булутларнинг устида учадиган учувчи», яна бири, ердан қуёшга катнайдиган фазокор бўлмоқчи. Мадаминжонга навбат келганда эса, у секингина «колхозчи бўламан», деди. Исройл деган бола кулиб юборди.

— Нега куласан?— деди Мадаминжон ғазабланиб. Унинг кўзи катта очилиб, қошлари чимирилиб кетди.— Нима, колхозчилик ҳунар эмасми?

— Коммунизмда колхоз бўлмасмиш-ку...

Мадаминжон шошилиб қолди:

— Бу нима? Нега? Ким айтди?

— Шундоқмиш. Дадам айтдилар. Программада шундоқ ёзилган эмиш...— деди Исройл,

Мадаминжон унинг кўлидан ушлаб: «Юр даданга борамиз, ҳаммасини билиб оламиз», деди. Улар Исройлнинг дадаси Ибод аканинг олдига бордилар. Ибод ака колхозда парторг, яъни «ҳаммадан кўп нарсани биладиган одам». эди.

— Келинглар шоввозлар, келинглар,— деди Ибод ака икки ўғлонни қаршилаб,— хўш, қандай хизмат?

Болалар бир-бирларига қараб қўйдилар. Сўзни Исройл бошлади:

— Бу бола колхозчи бўламан, деяпти. Колхозлар йўқолади-ку, десам ишонмаяпти...

Мадаминжон кўзларини олазарак қилди.

Ибод ака кулди-да, унинг елкасига уриб қўйди.

— Колхозчи бўлмоқчимисан. Ота касбини эгалламоқчи бўлибсан-да, а? Яхши ният қилибсан... Отанг энг илфор колхозчи, звено бошлиғи. Каҳрамон. Ота касбини эгалласанг, ёмон бўлмайсан.

— Колхоз йўқолармиш-ку, нега? Нима учун?

— Э, ҳали сизлар бош қотирадиган гап эмас бу. Колхоз коммунизм даврида ҳам бўлади. Коммунизм даврида ҳам колхозчи керак. Колхоз — деҳқонлар учун коммунизм мактаби-ку.

Мадаминжон «кўрдингми?», дегандай ярқ этиб Исройла қаради. Исройл ўз ўртоғи олдида уялиб қолишдан кўркиб, дадасига «ҳужум» бошлади.

— Программада шундок дебди-ку, ўзингиз айтмаб-мидингиз?

— Ҳа, ҳа, айтиб эдим, аммо сенга айтганим йўқ эди.

— Агитаторларга айтганингизни эшишиб олувдим. Ўша гапингизни яна бир айтинг. Мадаминжон ҳам эшигин...

Ибод ака кулди.

— Ундей бўлса айта қолай.

Болалар стулларга ўтириб, Ибод ақанинг оғзига тикилдилар.

— Москвада партиямизнинг съезди бўлди. Ана шу йигирма иккинчи съезд коммунизм куриш программасини тасдиқлади. Ана шу программада қишлоқнинг коммунизмга ўтиш йўллари ҳам айтилган...

Исройл бетоқат. Унинг дадаси тезроқ колхозлар тақдири тўғрисидаги гапини айта қолса эди. Маданимжон жим. Аммо унинг юраги дукур-дукур уради: нега колхоз йўқолади? Нима учун йўқолади?..

Ибод ака давом этди:

— Программада қишлоқ тўғрисида катта гаплар айтилган. Қишлоқ деҳқонлари ҳам шаҳар ишчилари сингари бўлишлари керак. Меҳнатда ҳам, роҳатда ҳам, ишчиларга тенглашадилар. Ҳозирча ундоқ эмас. Шаҳар саноатидаги мулк битта қўлда — давлат қўлида. Қишлоқда мулк — учта қўлда. Саноатда бир хўжайин, қишлоқда уч хўжайин. Ана шу фарқлар йўқолса, яъни ҳамма жойдаги мулк битта хўжайин қўлига — умумхалқ қўлига ўтса, коммунизм курилади.

Мадаминжон тек туролмади, сўради:

— Қишлоқда уч хўжайин дедингиз, нега? Нима учун?

Ибод ака стулга куляйроқ ўтириб олди-да, тушунтира кетди.— Чунки қишлоқда икки хил мулк, уч хил манфаат бор. Ер, сув давлатники. Ишлаб чиқаришнинг бошқа хил куроллари колективники. Ердан, чорвадан олинган соф даромад шахсларга, колхозчиларга меҳнатига

яраша тақсимланади. Мана шунинг учун қишлоқ ишлаб чиқаришида уч манфаатдор бор. Давлат, кооператив, колхозчи.

Қишлоқда ҳам давлат хўжалиги бор. Уни совхоз дейдилар. Совхоз даромади бутунлай давлат омборига тушади. Унинг ўзи қишлоқ учун намунали хўжалик ҳисобланади.

Мадаминжоннинг хаёлига бир нарса келди шекилли, дарҳол сўради:

— Колхоз яхшими, совхоз?

— Иккаласи ҳам,— деди Ибод ака.

— Нега?

— Ҳар иккаласи бири-бирини тўлдиради. Масалан, совхоз мулк шакли жиҳатидан коммунизмга яқин. Яъни унинг мулки умумхалқники. Аммо бошқариш жиҳатидан коммунизм принципидан ҳали анча узок... Совхозни тайинлаб қўйилган директор бошқаради. Бошқариш борасида коммунизмга колхоз анча яқин. Уни колектив сайлаган правление бошқаради, правление оммага ҳисоб бериб туради. Аммо колхоз мулки ҳали умумхалқники эмас, кооперативники... Шу сабабдан колхоз ҳам, совхоз ҳам қўлинни қўлга бериб, коммунизмга киради.

Мадаминжон қувнаб кетди.

— Ана, коммунизмда ҳам колхоз бўларкан-ку.

Исроилнинг қовоғи осилиб тушди.

— Коммунизмда колхоз бўлмайди, деб адамнинг ўзлари айтган эдилар... Ибод ака ўғлининг бурнини чимчилаб қўйди.

— Шунга ҳам зарда қиласанми, Исроилжон, қаноат қил, сенинг гапинг ҳам тўғри чиқиб қолади.

Исроилжоннинг қовоғи кўтарилди, кўзи ярқиради, кутди. Мадаминжон ҳам жиддийлашди. Ибод ака гапини давом эттиради.

— Маълум давргача совхоз билан колхоз қушничликда яшагач, ҳар иккаласи ҳам етилиб пишади-да, битта мулк — коммунистик мулк бўлиб, қоришиб кетади. Бу жуда катта масала бўлгани учун уни сизлар тушунишинглар оғир, шундай бўлса ҳам гапиряпман.

— Коммунизм давридаги колхоз қанақа бўлади?

— Колхоз билан совхоз қандай қоришиб кетади?

Уларни ким қориштиради?

Ибод ака бошини қашлади.

— Ўҳ-ҳў, сизлар жуда назариячи чиқиб қолдилари-

нгиз-ку. Ҳа, майли, билганимча айтаман. Менинг гапим об-ҳаво маълумотига ўхшаш тахминий гап бўлади, ча-ласини катта бўлгач, ўз кўзларингиз билан кўриб, билиб оласизлар. Хўп-ми?

— Хўп.

— Коммунизм даврида ҳам колхоз ўз формасини сақлаб қолса эҳтимол. Аммо колхозчи билан унинг қуроли бутунлай ўзгаради. Буниси аниқ. Қўл иши машина гарданига юкланди. Қишлоқликлар ҳам шаҳарликка ўхшаб барча маданий-маиший қулайликка эга бўлади. Ҳар жиҳатидан колхозчи билан совхозчи ўртасида тафовут қолмайди. Умумманфаат орасида совхоз билан колхознинг фарқи аста-аста йўқолади. Уларнинг ери ерига, йўли йўлига, заводи заводига, манфаати манфаатига қоришиб кетади...

— Колхозчи бўлаверайми?

— Бўлавер!

1961.

ПИР

Бу воқеани Сурхондарё сафарндан қайтиб келган рассом дўстим айтиб берди.

Пешров қишлоғида яшовчи Рузвонбибини қоронги тунларнинг бирида даҳшатли овоз ширин уйқудан уйғотди:

— Faфлат босиб ётаверасанми? Нега арвоҳларни унутдинг?

Рузвонбибининг юраги бўғзига тикилиб қолаёзди.

— Ким бу? Ё алҳазар, ким? — деди у базур кўзларини очиб.

Мўридан даҳшатли товуш эшитилди.

— Тур ўрнингдан, чироғингни ёк!

Рузвонбиби мўридан кўзини узмай тили қалдираб, кули қалтираб, ўтириб қолди. Ўчоқ бошида оппоқ соқоли кўксига тушган, жулдур-жулдур пўстин кийган қилтириқ чол ўтиради. «Ўнгимми, тушим? Ажинами, алвастими?» дер эди аллақачон уйғониб кетган Рузвонбиби.

— Чироғингни ёк, деяпман!

Рузвонбиби чироқни ёқди.

— Калима келтир, мен сенинг пириңгман.

Рузвонбибининг кўзи тинди, боши айланди, кўрласига мук тушди. Мулла Исроилнинг айтганлари келди. Воқеа Рузвонбибининг эсида. Тунов куни йўлда учраб, икки оғиз гап қилганди. Қишлоқда масжид бўлмаса ҳам имомнинг ўрнида турган, жанозага юрадиган, куръон тушириб турадиган бу «обрўли одам» у билан куюқ саломлашди.

— Кўпдан бери сизга бир гап айтмоқчи бўлиб юрувдим, фурсати энди келди шекилли...

— Айтинг, мулла ака, қулоғим сизда.
— Бу ерда айтадиган гап эмас курғур.
— Айтаверинг, ҳеч ким йүк атрофда.

Мулла Истроил чаккасини қашиб у ёқ-бу ёққа аланг-лагач, деди:

— Арвоҳлар сиздан норози күринаиди...

— Вой үлмасам, топганимни арвоҳларнинг йўлига сарфлаяпман-ку...

— Билмадим, ҳарнечук бошингизда қора булат минган бургутни кўряпман...— деганди.

«Нега ўзимни чиллаёсин қилдириб юбормадим? Нега садака қилмадим? Садака — радди бало, дер эдилар-ку. Ростдан ҳам куним битдими?»

«Тур!» деди кучли овоз. Рузронбиби беихтиёр ўрнидан турди, калима келтира бошлади.

— Бас қил,— деди пир,— арвоҳларни чийиллатиб қўйибсан, хайр-эҳсонни унутибсан...

Рузронбиби ниманидир пичирлар, аммо нима деяётганини ўзи ҳам эшитмасди.

— Унутганим йўқ... Рӯза энди кирди... Ифторлик қиласиз, питиррӯза бераман, жонлик сўяман. Пули ҳам тайёр...

— Кечикдинг. Жонинг кекирдагингда турибди. Ё молингдан кеч, ё жонингдан...

Рузронбиби ғалати бўлиб кетди-ю, ёстигини йиртиб, ичидан икки юз сўмни чиқариб пирининг кўлига берди.

— Ҳаммасини бер.

— Ўйимда бори шу...

Пир пулни қўлига олди, фотиҳа ўқиди.

— Учир чироғингни, қолган-қутганини эртага берасан. Билиб қўй, бирорга оғиз очдингми, тил тортмай ўласан.

Чирок ўчди. Обрез бўшади. Қозон тараклади. Мўри шитирлади, сўнгра ҳамма ёқ жимиб колди. Аёл дағ-дағ титрар эди. Кўз ўнгига зангори пилдироқчалар, қора тугмачалар ғимирлади, юраги кўксини ёриб чиқкудай бўлса ҳам ўрнидан кимирлаёлмади.

Тонг отди. Қуёш нурлари деразалар оша қизил шолчаларга ёйилиб кетди.

Рузронбибининг мурисидан бу саҳар тутун чиқмади. Ҷунки унинг саҳарлик қилишга иштаҳаси ҳам, хоҳиши ҳам бўлмади. Қолаверса, пирининг пойлари теккан учокка ўт ёқиб, у тушиб чиқсан мўрини тутатгиси келмади.

Бир оз тиззасини кучоклаб ўтиргач, омонат кассага йўл олди.

— Пулимни беринг! — деди Рузвонбиби касса мудири Хожархоннинг олдига кириб.

Хожархон Рузвонбиибининг оқариб кетган юзига ва киртайиб қолган кўзига қараб, ҳайрон бўлди.

— Қанча оласиз?

— Икки юз сўм беринг...

Фашликдан кўнгли озган, уйқусизликдан кўзи толган, очликдан ҳоли қуриган аёл кунини кўрпача устида юмалаб ўтказди. Кечкурун ҳам унинг мўрисидан тутун чиқмади. Гузардан эллик тийинлик нишолда ва иккита нон келтириб, дастурхон ёзди, танҳо ифторга ўтиреди. Бир кечаю бир кундуз туз тотмаган бўлишига қарамай, томоғидан таом ўтмади.

Яна тун чўқди, атроф зими斯顿. Рузвонбиби чироғини ҳам ўчирмай, бошини ёстиққа қўйди, лекин тинчигани йўқ: даҳшатнинг ҳамма қабиласи тушига кирди, босинкиради, жавради, васваса тутди. Кўзи очилиши ҳамон яна кечаги пирни кўрди. Пир бир нарса деб улгурмай ҳам Рузвонбиби ёстиғини ёриб, пулинин олди-да, икки қўллаб унга тутди:

— Эрта яна келаман даргоҳингга,— деди пир. Чирок ўчди. Қозон тарақлади. Мўри шитирлади. Том гурсиллади, нимадир гупиллади, сўнгра ҳамма ёқ жимиidi қолди. Рузвонбиибининг кўзи шипга тикилди, борлигини даҳшат чулғади...

Бу саҳар ҳам унинг мўрисидан тутун чиқмади, бутонгда ҳам Рузвонбиби роппа-роса соат тўққизда яна омонат касса олдида пайдо бўлди.

— Яна икки юз сўм ёзиб беринг.

Хожархон омонатчи хотиннинг озғин юзи, ҳориган кўзига қараб-қараб қўйди-да, жимгина талабини ижро қилди. Эртасига ҳам, индинга ҳам шу ҳодиса такрорла-навергач, Хожархон бунинг сирини билмоқчи бўлди.

Хожархон бу аёлни танир эди. Рузвонбиибининг тул қолганига бир йил бўлган. Эрининг вафотидан кейин уни «Темир қадам» колхозининг янги қурилган марказий қишлоғига кўчириб кетмоқчи бўлдилар. Рузвонбиби чолимнинг арвоҳлари келиб турадиган жойдан қаёққа кетаман, деб кўнмади. Ҳамма гувала уйлар бузилиб, ойнакорли ғишт уйлар қурилаётганда ҳам, ота-онамдан қолган биттаю-битта ёдгорликдан маҳрум қилманглар, деб

туриб олди. Унга аталган уйни бошқа колхозчига бердилар. Рузвонбиби ўз кулбасида бир ўзи яшайверди. Кундузи далада, кечқурун уйда. Кунига беш маҳал номозини канда қилгани йўқ. Яна Рисолада буюрилган урфодат, расм-русумлар ҳам ундан рози. Кексайган сари унинг бидъатга, хурофотга эътиқоди янада кучайди, «нариги дунё»ни кўзлайдиган, арвоҳлардан сўзлайдиган бўлиб қолди. Колхоздан аванс олган куни ёки даромад тақсимотидан пул чиққанида мулла Исройл акасига хатми-куръон ўқитар, баъзан «бусешанба» ўтказар, «мушкулкүшод» ўқитар, эртасига уйи қуппа-куруқ қоларди.

Ўтган йилги даромад тақсимотидан теккан маблағ ҳам ана шундай тарзда ҳавога учди. Ақлу ҳушини йиғиб, мундоқ ўйлаб қараса, бисотида ўзига ўлимлик ҳам қолмабди. Куйиниб, жифи-бийрони чиқиб юрган кезларда бир бахтли ҳодиса юз бериб, унинг ўттиз тийинлик лотерея билетига минг сўм ютуқ чиқиб қолди.

— Ўлигимнинг обрусини ҳам тангрининг ўзи етказди,— деди Рузвонбиби шодланиб ва икки юз сўмини ўзида қолдириб, бошқасини «Хожархоннинг омонат кассаси»га топшириб кўйди.

— Ҳар куни шунча пулни олиб, нима қиляпсиз?— сўради Хожархон.

Рузвонбиби оғир уҳ тортди.

— Сиз сўраманг, мен айтмайин.

Хожархон бирор сир ўтганини сезиб турарди.

— Айтаверинг, она, ўз қизингизмиз.

Аёлнинг тили қалдираб, жағи қалтиради.

— Пиримга беряпман...

Нима деб қўйганини ўзи ҳам сезмай қолди Рузвонбиби.

— Пирингиз? Бу нимаси?— У кассани қулфлаб, тўппа-тўғри колхоз правлениесига борди. Кўплашиб, Рузвонбибига кўмаклашиш режасини туздилар.

Бу ишни ёшларга топширишди. Ёшлар айтилган вактда белгиланган ерга жойлашиб олдилар.

...Тун. Уйнинг чирофи учди. Зимиstonлик чўкди. Эл уйқуда эди. Дараҳтларни панараб бирор келди-да, томорқада, девор остида тұхтади. Атрофга қаради. Сўнг томга тирмашди. Туйнукка чўкди.

Бир оздан кейин ҳўқиз овоз товуш эшитилди:

— Қани узат, қолган назириингни олгани келдим...

Чарақлаб чироқ ёнди. «Пир» билан Рузвонбиби юзма-

юз турибди. Рузвонбиби пул узатмоқда. «Пир» оляпти.
Шу чоқ устма-уст момақалдироқ гуриллагандай бўлди.

— Ташла жандангни! Йирт никобингни!

«Пир» пуст ташлади... Рузвонбибининг олдида таниш одам безрайиб турарди. Бу ҳар тунда кираётган «пир» мулла Исройл эди. Рузвонбибининг бутун қаҳри оғзига йифилди, ҳамма заҳрини унинг юзига пуркади:

— Одам бўлмай ўл-э! Сендай фирибгарга туф!

1963.

ОЧЕРКЛАР

УЗБЕК ХАЛҚИННИГ СОДИҚ ФАРЗАНДИ

Ўзбек халқининг содиқ фарзанди генерал-майор Собир Раҳимов қурбон бўлгандан кейин мен армия қўмондони генерал-полковник П. И. Батов билан учрашдим. Ундан ўз армияси составида жанг қилган ўзбек генерали ҳакида батафсил гапириб беришни сўрадим.

Генерал Батов менинг илтимосимни бажону дил қабул этди. Генералнинг айтганларини қаламга олиб, унинг номидан рисола босиб чиқардим:

1944 йилнинг баҳор фасли. Қўшинларимиз катта ва ҳал қилувчи операцияларга тайёрланмоқда эди. Ташаббус Қизил Армия қўлида бўлиб, у буюк фронтнинг ҳамма участкаларида ўз хукмини ўтказиб турар эди.

Навбатдаги зарба Бобруйск атрофида, немислар бизни кутмаган томондан берилиши керак эди. Штаблар душман кучларини ҳисобга ола ва унинг феъли атвори-ни ўргана бошладилар. Катта-кичик ва турли унвондаги барча командирлар бўлғуси жанг районларини пухта ўргана ва жангнинг энг икир-чикирларини ҳам олдиндан ҳисобга ола бошладилар.

Кор эриб, баъзи жойларда «қўллар» пайдо бўлди. Белоруссия ботқоқликлари ҳам тирила бошлади. Операциянинг мақсадига кўра, биз душман устига катта йўллар билан эмас, балки ботқоқликлар ва «қўллар» билан боришимиз лозим эди. Ботқоқликлар шу фаслларда, ботқоқлик эмас, одамхўр бўлиб кетган, оёқ қўйдингми ўзига тортади, ютиб юборади. Армиямиздаги ҳамма пешқадам кишилар бу энг оғир вазифани ҳал қилиш устида аскарларни, тўпларни ботқоқликлардан ўтказиш, яширин йўл-

лар билан бориб, душманга тусатдан қаттың зарба етка-
зиш масаласи устида бош қотирар әдилар.

Ана шундай оғир вактларда бизга янги командир келди. Мен у билан құмандон кабинетиде, Ҳарбий Со-
ветда ёки генераллар блиндажида эмас, балки бүлғуси
жанг майдонида — Ипа дарёси бүйіда учрашдим. Биз
солдат ва офицерлар билан жуда оғир түсікларни кесиб
үтиш муаммосини ҳал қилаётган әднік.

— Генерал Раҳимов Собир Умар үғли! — деб янги
командир үзини танитди ва бундан кейинги хизматни шу
жойда үташ учун келганини айтди.

Биз у билан саломлашдык. Генерал Раҳимов ақлли,
журъатли, жуда камтар одам күринди. Менда яхши таас-
сурот қолдирди. У ортиқча гапирмади, одоб сақлаб
турдн.

Мен Раҳимовни ишлаши керак бүлган күшилма офи-
церлари билан таништирдим. Раҳимов шу ондаёқ биз-
нинг ишимиизга фаол қатнаша бошлади ва орадан бир
неча кун үтмай, бизнинг оғир یшларимизни енгиллатади-
ган таклифлар қилди.

Генерал Раҳимов солдат ва офицерларимизни «чан-
ғига» миндиришни таклиф этди. Езининг бошида ва қу-
турған ботқоқлик жойларда кишиларга чанғи кийди-
риш... Бу даставвал хаёлий бир гапга ўхшаб күринди.
Аммо бу жуда маъкул фикр әди.

Ёғоч ва новдаларни әгіб, чилвир, хипчин билан боғ-
ланған «Раҳимов чанғилари»ни кийған жангчилар бот-
қоқликларда лойға ботмай бемалол юра бошладилар.

Мен бу муваффакият учун Раҳимовни табриклаган
әдим, у:

— Бу ҳали оз! — деди, — энди тұпларни ҳам ботқоқ-
дан ўз оёғи билан үтказиш керак, ё бүлмаса уларға қа-
нот үйлаб чиқариш керак бүллади.

Оғир тұпларни ботқоқликлардан олиб үтиш сира мум-
кин эмас ва уларсиз душманга ҳужум қилиш ҳам мүмкін
эмас әди. Ботқоқлик жойларға йўл, күпприк солиши амри
маҳол, қайқлар қуриб ҳам бүлмаслиги сабабли бошқа
чора излаш зарур әди.

1944 йил май ойи, Бобруйск операциялари бошланиши
күнлари Раҳимов оғир тұпларни ҳам «чанғига» үткізді.
Армиямизнинг ботир үглонлари уларни ботқоқликлардан
үтказиб, душманга рупарадан отиши позицияларига қўй-
дилар. Бизнинг даҳшатли кучлар билан душман кутма-

ган ва сира утиб бүлмайдиган ботқоклик томонда тұсатдан пайдо бўлиб қолишимиз жанглар тақдирини ҳал этиб кўйди. Биз оз қурбон билан катта ғалаба қозондик.

* * *

Бир кун маршал Рокоссовскийга катта операцияда ҳал қилувчи роль ўйнайдиган қўшилмага командир этиб тайинлаш учун журъатли абжир ва шу соҳада тажрибали киши даркор бўлиб қолди. Маршал Рокоссовскийга жуда кўп номзодларни тақдим этдилар, мен бўлсан генерал Раҳимов номини айтдим:

— У жуда муносиб киши! — дедим.
— Яхши генерал,— деди маршал, сўзимни маъқуллаб.

Раҳимов топширилган муҳим вазифани моҳирлик ва садоқат билан адо этди.

* * *

Биз Висла дарёси бўйидаги катта жангларга ҳозирлана бошладик. Менга генерал Раҳимовдай қаттиққўл, жураътли киши керак эди. Мен уни сўрадим. Маршал Рокоссовский генерал Раҳимовни яна менинг ихтиёrimга қайтарди. Раҳимовга Сталинград номидаги гвардиячи, икки орденли машҳур дивизияни топширдим.

1944 йил 31 декабрдаги янги йил қечаси сира хаёлимдан кетмайди... ўн беш кундан кейин тарихий Висла операцияси бошланиши керак эди. Бу операцияда генерал Раҳимовнинг гвардиячи дивизияси жуда муҳим ва жуда масъулиятли вазифа бажариши лозим эди. Мен генерал Раҳимов олдига бордим, мақсад: бу муҳим вазифани бажариш учун унинг штаби ва унинг кишилари нима ишлар қилаётганини кўздан кечирмоқ, жанговар ишлар учун дивизияга берилган орденин топширмоқ эди. Мен Раҳимовни оддий кишилар, солдатлар орасида учратдим. Унинг устида Қанада пўстини, бошида қоракўл телпаги бор эди. У ўзининг қоракўл телпагини жуда севар, бу телпакни Ўзбекистон қоракўлчилари унга совға қилгани ва қандай қилиб телпак тикишиб берганликларини мароқ билан айтиб юрар эди.

Солдатлар Раҳимовга жуда кўп саволлар ташлар, Раҳимов эса уларга севимли ҳассасини ўйнаб туриб аниқ,

қониқарли жавоб берарди. Солдатларнинг генералга муомаласи, унинг сўзларини қандай дикқат ва эътибор билан тинглашлари, хилма-хил саволлар ташлашларига қараганда улар ўз генералларини жуда севадилар, унга ишонадилар, деган фикрга келдим. Солдатларда тушунчанинг юксаклиги, бўлғуси жангларга ҳозирлигига аниқ ишондим.

Бундай кишилар ҳеч маҳал юзимизни шамгин қилмайдилар, деган фикрга келдим.

Шунда солдатлар:

— Ишончни оқлаймиз! Дивизиямиз шуҳратига шуҳрат кўшамиз! — дейишди.

Зарур ишларни тугатгач, сапёрлар ҳавас билан командирлар учун қилган ясама стол атрофига ўтирик. Атрофда ўрмон, йиқилган, қирқилган ва синиб ётган дарахтлар, ҳамма ёқда бўлиб ўтган жангларнинг изи... Онда-сонда отишмалар бўлиб турибди, ерга тушиб ёрилган снарядларнинг бўғиқ товушлари, мерганларнинг якка ўқ овозлари, пулемётларнинг қисқа-қисқа очредлари эшитилмоқда. Биз эски йил, даҳшатли жанглар йили, буюк муваффакиятлар ва душман устидан ғалабалар йили билан хайрлашиш ҳамда 1945 янги йил, янги жанглар, янги ғалабалар ва Ёвропани Гитлер зулмидан, одамзодни эса «олий ирқ» вабосидан кутқазиш йилини кутиб олиш дастурхони атрофига ўтирик.

— Отахон! — деди Раҳимов (у мени шундай деб чакирап эди). — Ватанин жуда қаттиқ севаман, ҳамма нарсадан ҳам, жондан ҳам азиз биламан. Айниқса шу кунлари, шу соатларда, ўрмонлар ичидаги мана шу тинчлик фурсатларида ҳаддан ортиқ даражада севяпман.

Шундай қилиб, биринчи қадаҳни ҳаммамизга севимли бўлган азиз Ватан учун кўтардик. Қизил Армия учун, бўлғуси жанглардаги ғалабалар учун, яшнаётган Ўзбекистон учун қайта-қайта қадаҳлар бўшатилди.

Палов билан кабоб Раҳимовнинг энг яхши кўрган таоми эди. Қабобни сихга тортиб зира-пиёз билан пиширди, сўнгра қип-қизил палов дамлади. Ўзбек элининг бу энг севимли таоми менга жуда ёқди. Мен уни зўр иштача билан едим.

Биз шу куни узок суҳбатлашдик. Ҳар хил ва ҳамма нарсалар тўғрисида сўзлашдик. Гапимизнинг кўпи бўлғуси жанглар тўғрисида борди.

Раҳимов менга ўзининг бўлғуси жанглардаги операция планини айтиб берди. Душманга қаердан ва қандай қилиб асосий зарба бериш йўлларини баён этди. Шундан кейин менда Раҳимов дивизиясини қўшинларимнинг зарба берувчи энг муҳим қанотига қўйиш фикри туғилди.

* * *

1945 йилнинг 14 январь куни эрталаб кўпдан бери кутилган жиддий жанглар бошланди. Бизнинг кудратли артиллериямиз фашистлар истеҳкомларини толқон, иншоотларини ва жонли кучларини ер билан яксон қила бошлади. Уруш худосининг қудратли ишидан кейин душман бошига шавкатли пиёда қўшинлар ташландилар. Жанглар жуда даҳшатли бўлди, ҳар бир дараҳт, ҳар бир парча ер учун жон олиб, жон берилди, немис қони дарё бўлиб оқди. Немислар фронтнинг шу участкасида тўрт ойлаб истеҳком курди, тўрт ойлаб окоп қазиб, траншеялар ковлаб, дот ва дзотлар қурди, эскарплар, танкка қарши ғовлар қилди. Олдинги позицияларга келадиган ҳамма йўллар, очиқ жойларни уч-тўрт қатор тиканли симлар билан тўсди ва шу жойларни миналар билан тўлдирди. Душманнинг асосий мудофаа майдони — ҳар бир қишлоқ мустаҳкам қалъага айлантирилган эди. Бизнинг ҳужум қилувчи қисмларимизга душманнинг учта ўқчи дивизияси, танк бригадаси, ҳужум қилувчи бригадаси, миномёт полклари ва Баш қўмондонликнинг бир неча артиллерия полклари қарши турарди. Мудофаа майдонларига энг катта мортиralар ҳам ўрнатилган эди. Душман ўжарлик билан қаршилик кўрсата бошлади. У бутун уруш майдонини ўққа тутиб, ҳар бир қарич ерга ўқ, снаряд, мина ёғдира бошлади. Ҳамма ёқ порох, тутун ва ўт ичиди кўмилиб қолди. Асло олдинга юриш мумкин эмас эди. Аммо бизнинг кишилар, совет солдатлари кишилик кудратидан ҳам юкори даражадаги шиддат ва жасорат билан олдинга юрдилар. Саккиз соатлик қонли жанглардан кейин душманнинг биринчи, иккинчи траншеяларини ишғол қилдилар, аммо олдинга юриш яна ҳам қийинлашиб кетди.

Қулай пайт келиб қолди. Мен генерал Раҳимовнинг гвардиячи дивизиясини жангга киритиб юбордим.

Раҳимовчилар кутгандан ҳам зиёда жанг қилдилар. Гвардиячилар фашистларнинг энг сараланган солдатла-

ри билан окоп ва траншеяларда, дот ва дзотларда, очик майдонларда юзма-юз, яккама-якка жанг қилдилар. Немис траншеялари одам қонига тұлиб кетди. Раҳимовчилар бир қаричлаб, бир қадамлаб олдинга силжидилар. Винница қишлоғи... Винница останасыда бүлган жангларни ҳеч ким унуга олмайды. Немислар жуда мустаҳкамланған Винницада биздан қасос олмоқчи бүлган әдилар. Бу жойға икки дивизия, бир танк бригадаси ва бир неча резерв полклар тұплаган душман кеча-кундуз ором олмай урушда юрган раҳимовчиларға қарши қаттың жанг бошлади. Шуҳратли гвардиячилар душман бошиға тұхтөсіз от солдилар, Раҳимов жанговар сафларнинг олдинги қаторида борар әди. Узоқ ва қаттың жанглар бүлди. Дивизия командири Раҳимов жангни үз вактида зұрайтириб, ривожлантириб мұваффакият қозонди. Винница гарнизонининг битирилиши билан катта ва тарихий жанглар бизнинг фойдамизга ҳал бүлди.

* * *

Душманни мұваффакиятли равишда қувиб бораётган менинг қүшинларим 16 январь куни Висла дарёси бүйідеги Грауденц деган шаҳар останасына етиб борди. Немислар шаҳар бұсағасыда жуда катта қаршилик күрсата бошладилар. Немис құмандонлари бу шаҳарнинг мудофаасына катта эътибор берди, чунки бу шаҳар құлдан кетсе үша кунларғача ишлаб турған икки авиация заводи, қурол-аслақ завоиди, резина ва газ заводлари құлдан кетген бүлди. У вактда немис Висланинг шарқий томонидаги плацдармдан маҳрум бүлар, ҳамда Қизил Армия учун гарб дарвозаси очилиши аник әди. Шу сабабли немислар шаҳарни ва шаҳар бұсағасини инженерлік техникасининг әнг сұнгги санъати билан уч қатор истеҳком қуриб мустаҳкамлаган әдилар. Барча тепалик, жарлықтар, ариқ, зовур ва каналлар, ақоли яшайдын пунктлар, алоқида бинолар мудофаа құрғонига айлантирилған, бу уюшған истеҳкомнинг маркази Грауденц қалъаси әди. Ана шундай мустаҳкамланған шаҳарни бирданига босиб олиш сира мүмкін әмас. Бу ердаги жанглар узоқ давом этиб кетди. Фурсатни үтказиб бүлмас, шошилиш зарур әди. Генерал Раҳимовни чақырдым, унга Грауденцни қамал қилиб, усталик билан жанглар

қилиб, шаҳарни немислардан тозалаш, қалъани ишғол қилиб, унинг гаризонини тор-мор келтиришни буюрдим. Ўзим бошқа қисмлар билан Висла дарёсини кечиб утиб, гарбга Германия кўксига қараб юрдим.

Менинг қўшинларим Висла дарёсини жанглар билан тез фурсатда кечиб ўтгач, немисларни қувиб Германия ерларига кирди. Маршал Рокоссовский буйруғи билан фашистларнинг Данцигдаги тўда қисмларини қуршаб, уни янчиб ташлаш жангларига киришди.

— Отахон! Шаҳарни тозалаяпман, қалъага дадил от соляпман,— биздан анча узокда бўлса ҳам Раҳимов менга тез-тез ана шундай доклад қилиб туради.

Раҳимов гвардиячилари Грауденц учун кирк кун жанг қилди. Кирк кун деганда немис мудофаасини емириб, қадимги қалъанинг кекса деворларини қўпориб ташлашди. Раҳимов бу жангларда Сталинградда орттирган тажрибаларини ишлатди. Ҳар бир бино, ҳар бир уй ва хона учун конли тортишувлар бўлди. Ўн-ўн беш кишидан иборат кичик ҳужум қилувчи автоматчилар тўдаси кечаю кундуз шаҳар қўчаларига ҳужум қилиб, хона устига хона, бино устига бинолар эгаллаб, катта-катта кварталларни ишғол қила бошладилар.

Генерал Раҳимов команда пунктида ўтиришни ёмон кўрар, у ҳар маҳал жангчилар орасида, қизғин жанглар ичидаги бўлишга интилар эди.

Гвардиячи дивизиянинг полкларида солдат ҳам офицерлар ҳозиргача генерал Раҳимовнинг кандай қилиб тамаки фабрикасини ишғол қилганини ҳикоя қилиб юришади.

Бу шундай бўлган эди: Грауденц мудофаасига жуда катта эътибор берган Гитлер, бу шаҳарни ҳимоя қилиш учун ўзининг энг сара қисмларини юборган эди, бир момотех дивизия, генерал Фрикэ бошлиқ «Герман Геринг» СС бригадаси ва бир неча каллакесар фашист қисмлари Раҳимов дивизиясига қарши ҳаракат қила бошлади. Немислар факат қаршилик кўрсатиш билан кифояланмай, бой берган позицияларни қайтариб олиш учун Раҳимов қисмларига қарши атака бошлади. Тамаки фабрикаси районида немислар Раҳимовнинг бир батальонига қарши тўсатдан, қаттиқ ҳужум бошладилар. Вактнинг жуда зик келган, аҳволнинг энг оғир бир пайтида Раҳимов ўн беш кишилик мардона автоматчилар тўдасини бошлаб, ҳужум қилувчи немисларнинг чап биқинига ташланди. Кутил-

маган бу ҳолатдан ўзларини йўқотиб қўйган немислар ҳужумдан мудофаага ўтишга мажбур бўлади. Раҳимовнинг чаққон, мардона йигитлари жадал, ғазабли ҳаракатлар билан тамаки фабрикасини эгаллаб, унинг гарнизонини бутунлай қириб ташладилар.

Генерал Раҳимов ҳаётида бундай мардона ҳаракатлар, катта муваффакиятлар билан тугаган рейдлар жуда кўп бўлган.

Кечак ва кундуз шу тарзда жанглар бўлиб турди. Ўраб олинган шаҳар бўйин эгмади, қамалдаги қалъа сукут қилмади. Раҳимов кўча ва қалъа жангига турларини ўзгартириб, янгидан-янги методлар ишлатиб душманга бирдақиқа ҳам тинчлик бермади. Раҳимовнинг штурмчи тўдалари шаҳарни тозалаб, онда-сонда қолган немисларни ҳам қалъага қараб ҳайдади. Жанглар қалъа дарвозаси ва деворлари остида давом эта бошлади. Гвардиячиларнинг қаҳру ғазабли зарбасига чидаш беролмаган немислар еттинчи март куни эрталаб соат саккизда генерал Раҳимов ҳузурига элчи юборди.

— Биз енгилдик, генерал,— дейиши әлчилар,— раҳм қилинг, шафқат этинг, капитуляциямизни қабул этинг...

— Агар душман ўзи таслим бўлмаса, уни янчиб ташлайдилар! Армиямизнинг қонуни шу. Таслим бўлаверингиз, куролларни оёқ остилизга ташлангиз,— деб генерал буйрук берди.

Қалъанинг кўп сонли гарнizonи Раҳимовга бош эгди, таслим бўлди. Шаҳар немислардан тозаланди. Қалъа эгалланди. Гвардиячи дивизия ғалаба қилди. Бу катта тантана улуғ шуҳрат яратди.

— Отахон! Грауденц бизники, қалъа ўз қўнимизда!— деб Раҳимов менга хабар қилди.— Сизлар томонга боряпман, янги жанглар сари боряпман.

* * *

*

Собир Раҳимов эски кавалерист бўлгани учун ҳам душман бошига дадил босиб бориш, уни қириб ташлашни яхши кўрар ва менинг тақиқ қилишимга қарамай кўпинча батальонлар билан атакаларга борар, кўпинча ўз ҳаётини хавф остида қолдиради.

— Менинг юрагим бор,— деди у,— юрагимда севги ва ғазаб бор. Ватан севгиси мени шу ёқларга келтирди.

Душманга бўлган ғазаб мени шу ёкларга келтирди. Аблаҳ немисларни пора-пора қилгим келади!

У ватанпарвар, олижаноб киши эди. У кўрқоқлардан қаттиқ ғазабланар эди.

— Кўрқоқда юрак йўк. Кўрқоқ ҳамма нарсадан маҳрум, юракдан ҳам, виждондан ҳам маҳрум. Кўрқоқда севги ҳам, ғазаб ҳам бўлмайди,— у бир васвасачи тўғрисида гапириб, ана шундай деган эди.

Солдатлар уни тўғри сўзли, ғайратли, ғамхўр, айтганини қила оладиган мард киши бўлгани учун жуда севар эдилар. Яхши солдат — унинг ҳам дўсти, ҳам биродари эди.

Раҳимов вактичоғлик қилиш, землянкаларда ялла айтишни севарди. Бир куни Ўзбекистон Ҳукуматидан Советлар Ўзбекистонининг йигирма йиллик тантанасига иштирок этиш учун чақириб юборган телеграммани олгач, шундай севиндики, ҳатто шу маҳалдаёқ яшнаётган республикасига бағишлаб ўзи ашула тўқиб, айта бошлади.

Биз оғир, ҳал қилувчи ва кундан-кунга кучайиб бораётган жангларда эдик. Раҳимов ўз полкларини жангдан-жангга, ғалабадан-ғалабага олиб бораётган, ўша кунлари Германия ерларида фашистларни депсиб юрган эди. У тезроқ Гитлер Германиясини енгиш ва Берлинга ғала-ба байроғи ўрнатиш фикрида эди. Шу сабабли ҳам у Советлар Ўзбекистонининг йигирма йиллик тантанасига меҳмон бўлиб боролмади. Тантана минбарида туриб ўз халқига буюк ғалабамизнинг яқинлаб қолгани, ўзбек халқининг йигитлари душман шаҳарларида қасос олаётгани тўғрисида ва ғалаба кунларига оз вакт қолгани тўғрисида рапорт беролмади. У бир оз ачинди ва бармоқларини ўйнатиб, мунгли овоз билан ўзбек композиторларининг нафис оҳангларини кўйлай бошлади.

Раҳимовдан менга «Отахон! Республикамнинг 20 йиллигига бағишланган кеча ўтказяпман, меҳмон бўлиб кeling!» деган телеграмма келди.

Мен бу кечада иштирок қилолмадим. Раҳимов назорат пунктининг кичкина блиндажига сўнгги жангларда иш курсатган ўз жанговар ўртоқлари — солдат ва офицерларни тўплабди. Ўзбек халқининг йигирма йил ичida эришган ғалabalарини, республика ютуқларини айтиб берибди.

— Менинг халқим ғалабани кутаётир. У менга душманни раҳмсизлик билан яксон қил,— деб буюраётир.

Менинг танамда жоним, қалбимда қоним бор экан, мен душман учун жуда хавфли кишиман, халқимга қасамёд этаманки, мен ишончни оқлайман, сўзимнинг устидан чиқаман!

Дивизия жангчилари ва офицерлари Советлар Ўзбекистонининг йигирма йиллигини жанговар иш билан нишонлашга қарор қилдилар. Эрта тонгда душман бошига ҳужум бошладилар. Ҳужум натижали бўлди. Генерал Раҳимов қисмлари фарбга қараб олдинга юрди. Шу бўйича немис қисмларини қуршаб, мажақлаб Данцигга-ча борди.

* * *

*

Энг катта порт шаҳари бўлган Данциг учун, Шарқий Пруссия, Болтиқ бўйи ва Помераниядан сурилиб келган миллионли немис армиясини тор-мор қилиш учун жанглар бормоқда эди. Данциг бўсағасида қуруқликдаги ҳаво ва денгиз ҳарбий кучларининг қатнашуви билан тинимсиз, даҳшатли жанглар бўлди. Немис қўмондонлиги ўз ўлимини орқага суриш учун Данцигга ёпишиб олди. Бизнинг ҳужум қилаётган қўшинларимизни денгиз бўйи тўплари, ҳарбий пароходлар тўпга тута бошладилар. Душманнинг танклари, пиёда қўшинлари — ҳаво кучлари ва артиллерия ёрдами билан қайта-қайта атакага қарши ҳужум қилиб туради, жанглар бир минут ҳам тиним топмади, ҳар бир қарич ер қон ва жон қурбони билан қўлга киритилди.

Данциг қалъасини тезроқ қамал қилиш, душман қўшинларини вақтироқ йўқ қилиб ташлаш учун шошилар эдик. Биз фарбга, Берлинга қараб юришга шошилар ва Германия пойтахтига ғалаба байроби ўрнатиш учун интилар, ҳамда башариятга тинч-омонлик, осойишталик бериш учун шошилар эдик. Кечакундуз, об-ҳавонинг турли шароитларида тинмай ҳужум, жанглар қилдик.

Қўшинларимнинг чап қанотида генерал Раҳимовнинг гвардиячи полклари ҳужум қилиб борар эди. Мен ўтган галгидек бу сафар ҳам Раҳимовга энг оғир участкани топширган эдим. Раҳимов душман қаршилигини синдириб, ўз қисмларини маҳорат билан танклар, дала тўплари, денгиз бўйи замбараклари ва пиёда қисмларга қарши ҳужум жангига олиб борди. Осмонда моторларнинг шовқини узилмас, ерда эса снаряд ва миналарнинг портлаши

бир дақиқа ҳам тұхтамас, ҳаммаёқ тутун билан қопланған зди.

Раҳимовнинг олдинги полки Бринтау қишлоғига кирди. Шаҳаргача уч километр қолди... Яна бир неча жанглар, яна бир неча интилиш... Генерал Раҳимов үз қисмларининг олдинги сафида зди. Шаҳар күриниб турибди, фабрика, заводларнинг трубалари, баракадалар күриниб турибди. Сапчиб чиқаётган денгиз суви ва порт қирғоқлари каби ғалаба ҳам барада күриниб қолған зди. Раҳимов севинчига сиғмай үз-үзича құшиқлар айттар, завқланиб үйинга тушар, әнг бахтли соатларни кечираётган кишилардек үзида йүк даражада қувонар зди. Унинг үтли күздари катта-катта очилар, куни туни иш ва уруш билан өрнекшілдегі өзләренде оңайлы болады. Унда бахт күлдиргичлари үйнар зди.

— Үрмон қирғоғига чиқдим. Шаҳар күрінмокда!—
у эфир орқали ана шундай хабар юборди.

Яраланған йиртқич қаҳр-ғазаб билан олиша бошлади. Жанг майдонининг ҳар бир қаричига ёмғирсимон үк ёғдира бошлади, портлашлар, порох тутуни ва кишиларнинг оху ноласи ер-күкни тебратады. Раҳимовчилар ажал ғовларидан ҳатлаб қадам-бақадам олдинга, шаҳар томонга юра бошладилар.

* * *

— Командиримиз бизнинг орамиздан кетди!

1945 йил 26 март куни худди соат 15 да, жанг майдонидан ана шундай совук хабар келди. Мен бунга ишонмадим. Энг яхши гвардиячи дивизиянинг командири доно ва жанговар генерал нобуд бўлди?!

Мен ҳалокат рўй берган жойга, жанг бўлиб турган ва Данциг масаласи ҳал этиладиган майдонга етиб бордим.

Йўлда мен бир аравакаш йигитни учратдим, у термос идишларда нималарнидир ортиб олган ва нимагадир, ёш боладек йиғлаб борар зди. У ярадор бўлса керак, деб ўйладим.

— Тўхта, ўртоқ жангчи, тўхта!— дедим. У тўхтади ва мени танигач, яна бақириб, йиғлаб юборди.

— Сенга нима бўлди?

— Отахонимиз нобуд бўлди! Командиримиз оламдан ўтди...

Мен бошимни экканимча ҳалокат юз берган ва жанглар бўлаётган томонга бордим.

У чўзилиб ётибди... Унинг пустини ва қоракул телпаги қизил конга бўялиб кетибди... У боши билан Данцирга қараб, бутун борлиги билан олдинга интилаётгандек ажойиб тарзда ётибди. Унинг қўллари чўзилиб, атака объектларини кўрсатаётганга ўхшар, аммо у, жонсиз эди.

Қадрли дўстлар жанг майдонида, севимли генерал ҳалок бўлган жойда тўпланишдилар. Улар саф тортиб сукунатда, автоматларини маҳкам ушлаганларича қаҳрғазаб ва қасос ўтида ёниб туар эдилар. Уларнинг кўзлари ўч олиш учун янги жанглар сари чақнаб туар эди.

Мен охирги видолашиб нутқини сўзладим. Мендан сўнг солдат ва офицерлар ҳам гапирдилар. Ҳаммасининг ҳам гапи бир эди, нияти қасос олиш учун газотга бориш эди.

Шу ондаёқ Данцирга ҳужум бошланди. Қучли гвардия душман бошига ўт солди. Унинг даҳшатли юришини ҳеч ким ва ҳеч нарса тўхтата олмади. Штурмнинг биринчи соатиёқ ғалаба келтирди. Қисқа, лекин қонли йўлда, немисларнинг юзлаб мурдалари чўзилиб ва уюлиб ётар эди. Гвардиячилар немис ўликларининг устидан юриб шаҳарга кирдилар, Данциг таслим бўлди...

Генерал Раҳимовнинг содик солдатлари ўз генерали учун немислардан ана шундай қасос олдилар.

* * *

Менинг қўшинларим даҳшатли жанглар билан бир неча минг чақирим йўл юри ва Сталинграддан то Германия юрагигача борди. 268 минг 240 фашист солдат ва офицерини қириб, 84 минг 312 фашистни асир олди ва немислар томонидан кул қилинган миллионлаб кишиларни ёруғликка чиқарди, турмалардан озод қилиб, ўлимдан куткарди, шон-шавкат қозонди. Қўшинларимнинг бу жанговар тарихи ўзбек халқининг содик фарзанди генерал Собир Раҳимовнинг ҳам жанговар тарихидир.

1946.

«СОВЕТ УЗБЕҚИСТОНИНИНГ 20 ИИЛЛИГИ» ТАНҚЛАРИ

Фарбга ҳам баҳор келди. Қорлар эриб ариқчаларга сувлар тўлиб оқа бошлади. Шарқдан шамол эсмоқда. Бу ёққа баҳорни совет қўшинлари олиб келди. Эшелон-эшелон бўлиб, сира кети узилмайдиган пиёда аскарлар колоннаси ўтаётир. Улар жадал билан фарбга бораётирлар. Улар Берлинга ғалаба байроғи тикиш учун шошилмоқда ва жанглардан чиқиб, яна жангларга кирмоқдалар.

Танк қўшинлари генерал-лейтенант Панфиловнинг қисмлари танкистлар томонидан яқинда озод қилинган Польшанинг кичкинагина бир шаҳарчасида тўхтади. Ёндирилган бинолар куйиб битаётир. Ҳали порохларнинг ҳиди кўтарилигани йўқ. Ҳамма ер бу жойда зўр жанг бўлганидан дарак бериб турибди.

Фронт бу ердан анча узоклаб кетди. Генерал Панфилов қисмлари шу жойда тўхтаб қолдилар. Уларни Москвадан келган телеграмма тўхтатиб туради.

Станцияга эшелон келиб тўхтади. Эшелонда жуда кўп танк ва ўзи юрар тўплар келди. Шу қадар вайрон қилинган темир йўлнинг бунчалик тез тузатилиши ҳеч кимнинг хаёлида ҳам йўқ эди. Бунинг сири кейинроқ кетма-кет келган эшелонларнинг вагонлари бушатилаётганда маълум бўлди. Эшелонлар 400 дан ортиқ танкка ўзи юрар тўп, бронетранспортёр ва броневиклар олиб келди. Бу пўлат отлар ўзбек халқининг фронтдаги азamat танкистларга юборган совғаси эди. Узбекистон пахтакорлари ўз пешана тери пулларига сотиб олган бу 400 дан ортиқ жанговар машиналарни энг ботир танкистларга юборилишини истаган эдилар. Кўмондонлик бу танкларни генерал

Панфилов гвардиячилариға юборди. Танклар юкланган биринчи эшелон гвардиячилар орқасидан қувлаб кетди. Эшелон Белоруссия — Польша чегарасига келиб тұхтади. Нарига үтиш учун йұл бузук әди. Темир йұл батальон ва полклари дарқол Польшанинг тор йұлини тузатиш ишига киришдилар. Польша ишчилари, деңқонлари ва партизанлари ёрдамға келишди. Улар беш кеке ауылда беш кундуз хизмат қылдилар, семофор очилди. Үзбек халқыннинг мұносиб совғалари тайинланған жойға үз вактида етиб келди.

Бутун қүшилма ҳаракатта келди. Танк ҳайдовчи мемлекеттік инженерлер ва техниклар танкларни вагонлардан тушириб олиш учун кетишиди. Қисмларда қолғанларнинг ҳаммаси жанговар машиналарни қабул қилиб олиш маросимига тайёрлана бошладилар. Жангчилар бузилған майдонни курак, болта ва метинлар билан текислади, сапёрлар майдон үртасига чиройли минбар куришиди. Сиёсий ходимлар шиорлар ёзишиди, фронт рассомлари майдонни қаҳрамонларимизнинг суратлари ва ҳар түрли ажайиб расмлар билан безадилар, тиббий ходимлар ва алоқачи қыздар минбарни ҳар хил қоғозлардан қилинған гуллар билан ясатдилар. Кечагина уруш жойи бұлған майдон байрам тусини олди.

Раста-растада бұлған алматы саф тортиб «Үттиз тұрт» маркалы танклар ва үзінорар тұплар кела бошлади.

Гвардиячилар майдонга тұпландилар. Уларнинг шамолдан тарам-тарам бұлған кетған юзлари, қаҳр-ғазабға тұлған күзлари жанговар ишлардан, жанглар ва саноксиз юришлардан хабар беріб турады.

Генерал Панфилов минбарға чыкды. Гвардиячилар уни зүр дикқат ва катта иштиёқ билан тингладилар.

— Бизни Ватан үстірди ва фронтта юборди. Халқ бизга қурол ва аслақа берди. Партия бизни тарбия қилди ва мәрдликка үргатди.

Сизлар паҳлавонлардек жанг қилаётисизлар ва асrimiznинг тарихини яратада ишсизлар. Шунинг учун ҳам үзбек халқы әхтимол әнг сүнгги чақасини ҳам аямай, ушбу дақшатли танкларни сотиб олибди ва бизга ишониб юборибди.

Бу зүр ғамхұрлық, ажайиб ватанпарварлық ва катта ишонч учун үзбек халқына чексиз раҳматтар!

Үзбек мәжнаткашларининг пұлат отлари ишончли кишиларға, иродали ва мададкор құлларға келиб тегди.

Бу танкларни пешана тери пуллариға сотиб олган ўзбек меҳнаткашлари ушбу тантанага кела олмадилар. Улар фабрика ва завод станокларида ўқ-дори ва яроғаслача чикармоқдалар, улар пахта далаларида бир миллион тонна «оқ олтин» учун жанг қилиб, ғалаба негизини ҳозирламоқдалар.

Ўзбек халқига, ушбу танкларнинг эгаларига қасамёд этамизки, биз бу пўлат отларда душманни моҳирлик билан янчамиз ва фашист босқинчиларини батамом яксон этамиз!

Танкларни қабул қилиш маросими гвардия тўйига айланиб кетди. Гвардиячи бригаданинг командири полковник Урванов, жангларда шон-шуҳратга тўлган ва жанго-вар орденлар билан безалган гвардия байроби остида тиз чўкиб, гвардия қасамини ўқий бошлади. Гвардиячилар ҳам тиз чўкиб овозининг борича ва чин юракдан қасамёд эта бошладилар. Улар ҳукуматимизга ва ўзбек халқига «Совет Ўзбекистонининг йигирма йиллиги» танклар колоннасини шараф билан ғалабадан ғала-бага олиб бориш учун қасамёд этдилар.

Танк ҳайдовчи Азимов минбарга чиқди:

— Мен ўзбек халқининг ўғлимани,— деди у.— Мен, бу ҳал қилувчи жангларга «Совет Ўзбекистонининг 20 йиллиги» танки билан кираётганим учун ўзимни жуда баҳтли ҳис қилаётиман!

Менинг овозимни ота-онам, ёр-биродарларим ва барча ҳамшаҳарларим эшитсингларки, мен уларнинг қимматли танкини эҳтиёт қиласман ва даҳшатли жангларда ишончларини оқлайман. Мен совет дәжонлари олдидаги бурчимни ҳалол адо этман.

Жуда кўп кишилар сўзладилар. Гвардиячилар ҳар хил ва ҳар турли тилларда гапирдилар, аммо уларнинг сўзлари фақат ўзбек халқининг танкларида қилинадиган, бўлғуси жангларда ютиб чиқиш ва албатта ғалаба қилиш ҳақида борди.

Биринчи машина старшина Тимофеевга топширилди. Экипажнинг ҳар бир аъзоси, танк ҳайдовчи механик, ўқчи-радист, тўп ўқловчиси ва тўп командири танкни қабул қилаётib қасамёд этишиди. Биринчи ўзиюрар тўп ўзбек халқининг фарзанди лейтенант Комил Умаровга берилди. У ҳам чин юракдан қасамёд этди. У ушбу машина билан бутун Германияни кезиб ўтиш ва бу машинани моҳирлик билан миниб жангларда катта шавкат қозон-

гани тұғрисида үз халқыга рапорт беражагини изҳор этди.

Митингдан кейин менинг олдимга старшина Тимофеев келди:

— Сизга мурожаат қилиш учун рухсат этинг,— деди у.

— Марҳамат!

— Танк тұпининг стволидан мана шу хатни топдым,— деди у ва менга сарғайыб кетган қофозни берди.— Ҳарфлари бизнигиң үхшайды, аммо бошқача ёзилған. Таржима қилиб беришингизни сұрайман.

Мен тұп стволидан топилған хатни үқидим. У катақ дафтарчаниң бир варағига қалам билан ёзилған, үзбекча әди.

— Ассалому алайкум, үртөк танкист!— деб бошланар әди хат,— машинани қай вактда олишингизни билмайман: кундузими, кечасими... Агар кундузи олсанғиз бу мактубчани күрарсиз, кечкүрун олсанғиз күрмай қоларсиз. Балки менинг сұзларимни ҳам снарядлар билан бирга душман бошига отиб юборарсиз! Бу менинг танким. Мен буни сизга, нотаниш танкистга юборяпман. Фашистни янчинг, мажақланғ! Менинг танким жуда ажойиб танк! Бу танк учун биз, үзбек деңқонлари, пешана тери билан пул тұпладик. Буни Урал ишчиларининг раҳбарлығы остида үзимиз курдик. Бу танк узок умрли, пишиқ ва дағшатли бұлсин!

Менинг танким қандай урушаётгани ҳақида менга хат ёзинг! Үзингизнинг муваффакиятларингиз ҳақида ҳам ёзіб туриңг.

Муваффакияттар тилайман. Баҳт-саодаттар тилайман.

Трудармеец Карим Нурматов.

Кейинроқ аён бўлишича, танклар колоннаси қуриш, маблағ тұплаш ташаббусчиси, атоқли паҳтакор Карим Нурматов партия чакириғи билан күплаб колхозчилар қатори Уралга келибди. Уралда үзбек деңқонлари машинасозлик ҳунарига ўргана бошлабдилар. Урал заводлари «Совет Үзбекистонининг 20 йиллигиги» деган танклар колоннаси қуриш ҳақида буюртма олған чоқда Карим Нурматов стахановчи Глотов деган ишчиди шогирд бўлиб ишлар экан. Карим Нурматов үзи пул тұлаган танклар колоннасини заводда ҳам үз қули билан қуриш шарафи-

га эга бўлибди. «Совет Ўзбекистонининг 20 йиллиги» танклари битиб, фронтга жўнатилаётганда Карим Нурматов ўз танкида жанг қилиш учун шу колонна билан фронтга юборилишини талаб қилди. Заводга ишчи куч зарур эди. Уни фронтга юбормадилар. Худди колонна фронтга жўнаб кетаётган чоғда Карим Нурматов унинг танкини жангга миниб борувчи нотаниш танкистга шу хатни ёзиб уни танк тўпининг стволига сукіб юборган экан.

* * *

Тимофеев Хаммерштайн шаҳри яқинидаги ўрмонликда жангга кирди. Уч кундан бери кеча-кундуз жанглар бўлиб турган эди. Гвардиячи ўқчи дивизиялар, немисларнинг жуда мустаҳкамланган мудофаасини емириб, учинчи куни биринчи траншеяларни эгалладилар. Қўмондон бронларида «Совет Ўзбекистонининг 20 йиллиги» тамфаси ярқираб турган танкларни жангга қўйиб юборди. Танклар даҳшат билан душман бошига ташландилар. Улар душман артиллерияси, ўзиюрар тўплар ва ерга кўмиб пистирма қилинган «йўлбарс», пантера ҳамда «фус»лар билан жанг қилиб, кечкурун дорхонликка чиқдилар.

Бир «йўлбарс» ва полк замбарагини ҳамма одамлари билан бирга эзиз ташлаган старшина Тимофеев «Олға!» деб команда берди. Унинг танки олға ташланди. Бизнинг даҳшатли танклар ўрмонлар, ботқоқликлар, хутор ва қишлоқлар оралаб, душманинг катта қўшилмалари, танклар, ўзиюрар артиллерияси, самолётлари, зирҳли поездлари ва пиёда аскарлари билан оғир жанг қила бошлидилар. Яна олдинга силжиш, яна муваффакиятлар... Фронтни ёриб ўтгандан бери уч кун мобайнида «Совет Ўзбекистонининг 20 йиллиги» танклари жанговар марш ва катта олишувлар билан 200 километр йўл юриб, Помераниянинг катта порти Кёзлин шаҳрига келди. Кёзлин дарҳол ишғол қилинди ва немисларнинг Кольберг билан Данциг ўргасидаги катта қўшин тўдалари «қоп» ичига тушиб қолди.

Старшина Тимофеев ўз хотира дафтарчасида: «Машҳур пахтакор Карим Нурматовнинг танкида катта муваффакиятларга эришдим. Душманинг икки танк ва

бир замбарагини мажақлаб, юзлаб солдатларини янчид ташладим ва ўзим омон қолдим»,— деб ёзиб күйди.

Лейтенант Комил Умаров ҳарбий газета саҳифасида: «Менинг жанговар ҳисобимда иккита ёндирилган ўзиюрар тұп ва битта «пантера» танки бор»,— деб рапорт берди.

29 февралда фашист құмандонлиги катта резервлар тұплаб жуда ичкарилаб ва асосий кучлардан узокиб кетген гвардиячи танклар корпусини мажақлаб ташлаш учун орқа ва ён томондан ҳаракат қила бошладилар. Немис самолётлари бир кечао бир кундуз бомба ташлади. 30 февраль куни әрталаб душманнинг күргина танклари, ўзиюрар артиллерияси ва катта пиёда қисмлари полковник Куцнинг қисмiga ҳужум бошлади. Икки соат тинимсиз ва дақшатли жанг бұлды. Фашистлар қисм штаби турған бинога яқынлашиб қолдилар. Полковник Куц бир неча мard йигитларни қақырди. Үн кишилик күнгиллилар орасыда гвардиячи старший сержант Азимов ҳам бор эди. Командирнинг муҳим топшириқларини тушунғанларидан кейин мard йигитлар ўз танкларини охиста-охиста жангга чиқардилар ва душманга билинтирмай үрмонаға кириб кетдилар.

Младший лейтенант Никитченко құмандонлигидеги уч танк қарши ҳужум қилувчи немислар орқасига ўтиб олди. Старший сержант Азимов душман танкларига тұсатдан ўқ узиб, бир «пантера»ни ёндириди. Бу ҳодисадан үчиб кетген фашистлар атаканы тұхтатиб, бутун кучни ўз орқасыда пайдо бўлган азаматларни битиришга ташлади.

Душманнинг үн бир танки ва бешта ўзиюрар тұпты учала қаҳрамонлар устига ташланди. Гвардиячилар оғир жангга киришдилар ва биқинидан отиб, яна уч танкни ёндиридилар. Тұрт томондан куршаб олинған гвардиячилар ўз жонларини аямай жасурлик билан урушдилар. Фашистлар Воробьев танкini ёндириб юборди. Азимов танки шикастланди.

Младший лейтенант Никитченко яраланған танкни жангдан олиб чиқди. Воробьев танкida снарядлар портлай бошлади. Воробьев әкипажи танк билан ёниб кетса ҳам душманга таслим бўлмади. Никитченконинг жангдан чиқишини душманлардан қўриқлаб турған Азимов фашист танклари билан «фаус» гранаталари қуршовида қолди.

— Рюсь, таслим бул! — дейиши фашистлар. Азимовлар танк қопқогини ёпиб яраланган танк ичиде ўтира бердилар.

Фашистлар танк рациясининг антеннасини олиб күйиши ва уларни, совет танкистларини, ўз штаби билан алоқа боғлашдан маҳрум қилди. Фашист солдатлари танк башнясини болғалар билан тақиллатиб: агар таслим бўлмаса экипажни танк билан бирга ёндириб юбормокчи бўлиб дўқ уришди. Лекин гвардиячилар таслим бўлмадилар. Ўрмон қирғоғида қаттиқ жанглар бошланди. Гвардиячилар уларга мадад келаётганини сезиб, танк ичиде дадил ўтира бердилар.

— Қайсарларни Руммельсбургга олиб боринг! — деб буюрди бир фашист офицери.

Фашист солдатлари бир шатакчи машина келтириб «Совет Ўзбекистонининг 20 йиллиги» танкини шатакка олди ва шаҳарга қараб судраб қолди. Азимов ричагни босди ва чорасиз машинани ерга чўқтира бошлади. Фашист машинаси бор кучи билан интилди, тортди, ер бағирлаб ўрмалади, пишқира бошлади... Бироқ «Бир юз йигирма тўққизинчи» машина бўйин эгмади, фашист машинаси орқасидан эргашмай ер бағирлаб туриб олди. Яна бир тортувчи машинани қўшишди ва совет танкини ўйдим-чукур ерлар билан фон Дичэга кўрсатиш учун судраб кетишиди.

«Бир юз йигирма тўққизинчи» танк генерал фон Диҷэ олдига етмади. Душманга даҳшат соглан «Совет Ўзбекистонининг 20 йиллиги» танки фашист ҳайвонлари учун томоша булиши номус эди. Шатакчи машиналар Миуна кўпригидан ўтаётганда Азимов зарб билан танки чапга буриб юборди, танк бир шатакчи машинани ўзи билан судраб, дарёга тушиб кетди. Фашистнинг иккинчи машинаси ҳам кўприкдан сувга йиқилди.

«Совет Ўзбекистонининг 20 йиллиги» танклари қувғинига учраган фашистлар таслим бўлмаган совет танкини ва ўзларининг машиналарини ташлаб қочиб қолдилар.

Бизнинг танклар кўприк устига келганда полковник Куц «йўқотилган» «бир юз йигирма тўққизинчи» танкини кўриб қолди ва буйруқ қилди:

— Танки сувдан чиқарилсин ва тездан тузатилсин!

Совет танкистлари «бир юз йигирма тўққизинчи» танки сувдан чиқардилар. Танкнинг Азимов бошлиқ

экипажи ёруғлиққа чиқди. Генерал-лейтенант Панфилов бу қаҳрамонларни орденлар билан күтлади.

Совет танклари қочаётган фашистларни қувиб, куршовда қолған душман қўшинларига қарши жангларга равонада бўлдилар.

Штолъп шаҳри учун туни бўйи жанглар бўлди. Гвардиячилар эрталаб кўчалари тор, уйлари баланд, жуда кўп костёл майдонлари бўлган шаҳарга кирдилар. Баланд костёл ёнидаги бузук кўприк олдида «Совет Ўзбекистонининг 20 йиллиги» деган жуда кўп танклар тўпланиб қолди. Костёл ертўласидан бир кекса хотин чиқди ва бир солдат олдига югуриб келди.

— Катталаринг ким? — шундай савол ташлади-ю, жавоб ҳам кутиб ўтирмай солдатни қучоқлаб, ўпа бошлиди. Унинг кўз ёшлари қувонч дурдоналарида ёғилар эди.

Танкистлар бу хотинга генерал Панфиловни кўрсатдилар.

— Ана, кўприк устида турган киши!

У хотин кўз ёшларини тўкиб, генерал олдига келди, қулликдан озод қилингани учун генералга, солдатларга ва бутун Совет Армиясига ташаккур айтди. У шундай деди:

— Мана бу ерда... ариқ бўйида... Костёл қархисида тиригича кўмилган ўн бир жангчининг мурдаси ётади. Фашистлар уларни қаёқдандир олиб келишди ва азобукубатларга солиб тириклиайн кўмиб юборишиди.

Генерал қабр олдига келди. Гвардиячилар курак ва метинлар келтиришиб қабрни очдилар... Азобланган ўн бир кишининг мурдаси устма-уст бўлиб ётибди. Руслар, қозоқлар, ўзбеклар... Юзлари шишган, қонсиз ва сарғиш, кўзлари ўч олишга чакираётгандек катта очилган эди. Улар уч кунгача зах ер остида нафас ололмай азобланибдилар. Немис коровуллари ҳеч кимни ўлим зовурига яқин келтирмабди.

Ўлим зовури атрофига жуда кўп танкистлар тўпландилар. Шу чоққача жуда кўп ўлимни кўрган кишилар ҳеч маҳал ҳозирдагидек, ер остига тириклиайн кўмилган ва азобланиб ўлган кишилар жасади устидагидек қаҳруғазабга тўлмаган эдилар.

— Гвардиячилар, «Совет Ўзбекистонининг 20 йиллиги» танкларининг экипажлари,— деди генерал-лейтенант Панфилов танкистларга мурожаат қилиб,— ярадор

булиб құлға тушган үн бир десантчини қутурған немис-лар тирикрай күміб юборибди. Булар орасыда бизга ғалаба келтирған танкларнинг эгаси — узбек халқининг ҳам фарзандлари бор. Үлдирилған йигитлар руҳи учун қасамёд қиласыз, биз душманга бир минут ҳам омон-лик бермаймиз ва қутурған фашистларни раҳмсиз қириб ташлаймиз!

Танкистлар шаҳар үртасидаги майдонга гүр ковлаб, фашист йиртқичларининг қурбони бұлған йигитларни ҳарбий расм-руслы билан қабрга қўйдилар. Шу шаҳар учун жангларда илма-тешик булиб кетған ва жуда кўп жанговар хизмат кўрсатған «Совет Ўзбекистонининг 20 йиллиги» номли 70-танкни қасос ва ғалаба символи сифатида гўристон устига тиклаб қўйилди. 70-танк, стволини баланд кутариб, душман юрагига даҳшат солиб ҳозир ҳам Штолъп шаҳридаги «Ғалаба» майдонида турибди.

* * *

Тимофеев ўз танкини кечагина немис кемаси якорда турған ва немис қирғоқ артиллерияси ўз пиёда аскарларига ёрдам қилиб бизни тўпга тутаётган жойда тұхтатди. Бу жойда мажақланған тўпларнинг катта стволлари ва товук парлари орасыда, ботқоқ ва кўлмакларда фашист солдатларининг ўликлари ётар эди.

Тимофеев танкининг экипажи шлёмларида денгиз сувидан ёғ бочкасига куя бошладилар. Тимофеев денгиз водийсига қаради: узокда немис қайиқлари ва кемалари сузиб юрибди. Ўнг томонда Данциг, чап томонда Гдиня... У ёкда жанг бораётир.

Тимофеев ўз қисмiga қайтди ва тўғри генералнинг кузатув пунктига кетди.

Гвардиячи старшина доклад қилди:

— Биз денгиз бўйига чиқдик.

— Энди душман кўшинлари яна иккига бўлинди,— деди генерал ва суюнди.

— Сизга совға олиб келдик,— деди старшина.

— Қанақа совға?

— Денгиз суви.

Генерал жанговар экипажни муваффакиятлар билан табриклиди.

Гвардиячилар севинчига сиғмай кетдилар. Бу жойда

Ун кундан бери даҳшатли жанглар борар эди. Ун кечаю ун кундуздан бери танкларимиз душман катерлари, кемалари, танк ва самолётлари билан жанг қилдилар. Ҳар бир метр ер учун қонли жанглар бўлди, кононадалар бир минут ҳам тинмади. Куни-туни отишмалар, ёрилган снарядларнинг бўғиқ овозлари, моторларнинг хунук товушлари тўхтамас, порох тутуни ҳамма ёқни босиб кетган эди. Тинимсиз атака ва қарши атакалар... Қўп танклар ишдан чиқди. Мана бугун, 25 марта, фашист қўшинларини яна иккига бўлиб ташланди. Гвардиячилар шуниг учун ҳам хурсанд эдилар.

Тимофеев ва унинг экипажи Қизил Юлдуз ордени билан тақдирланди.

— Карим Нурматовга хат ёзайлик,— деди танк ҳайдовчи Ҳамроев.

— Яхши маслаҳат,— деди танк командири.

— Ҳамроев, сиз ёзинг!

— Қўлларим оғриқ, ёзолмайман.

— Сен ёз, Медведев!

— Жоним билан, аммо бундай хатларни ёзолмайман.

Ўзингиз ёзинг, биз қўл қўямиз.

Тимофеев қўлига қофоз, қалам олиб, ёзишга ўтири. Қандай ва нималар ҳақида ёзиш керак, деб ўйлади. Қандай бошлаш керак? У денгиз бўйига чиққани ва орден олганликлари ҳақида ёзишга қарор қилди. Хат ёзилиб, бутун экипаж томонидан имзоланиб бўлгандан кейин Ҳамроев яна таклиф қилди:

— Хатда ёзган ишларимизни гувоҳлиги учун денгиз сувидан ҳам юбориш керак.

— Тўғри айтади,— деди Медведев.

— Ола, биродар,— деди Тимофеев Ҳамроевга тегишиб,— сувини қандай жўнатиш мумкин? Бундай посылкани почта олмайди!

Ҳамроев ўз таклифини тасдиқлаб шундай деди:

— Посилканинг нима кераги бор? Кечаги «Трёхгорка» фабрикасининг қизларидан келган совға атири шишаға қуямиз, атирини ҳозир ўзимизга сепамиз... Шишасини хат билан ўраймиз, конвертга соламиз, вассалом!

Шундай қарор қилишди. Тимофеев сумкасидан атири олиб экипаж аъзоларининг кийимларига ва юзларига сепди... Денгиздан келган шабада атирининг хушбўй ҳидини узокларга олиб кетди. Бўшаган шишачага Болтиқ денгизининг шўртак суви куйнлди.

Тимофеев сумкасини титкилаб битта ҳам конверт тополмади, танк ҳайдовчи ўтирадиган жой, рация кутиси ва бутун танк ичини қидириб ҳам тополмади. Кейин генералнинг адъютанти олдига кириб, конверт олиб чиқди.

Энди адресини ёзиш керак эди. Улар «Карим Нурматов» деган исм ва фамилияни ва унинг Урал танк заводида ишлаётганини билар эдилар, холос. Қайси заводда экани номаълум. Уралда заводдан кўпи йўқ, унинг мактубида ҳам ҳеч қандай адрес ёзилмаган эди.

Ўйлаб-ўйлаб, охири шундай ёзишди:

«Ўзбекистон КП(б) Марказий Комитетининг секретари Усмон Юсуповга».

— У албатта Карим Нурматовни топади ва бу хатни икки қўллаб топширади,— деди Ҳамроев.

— 16187 сонли дала почтаси мактуб ва денгиз суви солинган кўк конвертни Ватанимиз ичкарисига, узок Ўзбекистонга олиб кетди.

Данциг таслим бўлди. «Совет Ўзбекистони 20 йиллиги» танклари Одер дарёсидан ўтди ва Германия юрагида юра бошлади, қайиқчилар танкларни тез фурсатда дарёдан ўtkазиб ишни жуда қойил қилдилар. Уларни ҳеч нарса тўхтата олмади. Ўққа тутишлар, ҳаво бомбардимонлари ва «Миссершмидт»ларнинг ҳужумлари ҳам танкларнинг даҳшатли юришларига халақит беролмади.

... Яна самолётлар. Улар танкларимизни катта йўлда учратди, бомба ташламоқда. Бир неча бўлак бўлиб ёриладиган қутилар ташламоқда. Танклар пулемётлардан ўт очиб, самолётларга карши кураш бошлади. Танкистлар душман ҳаво кучларига қарши курашишга ўрганиб колганликларини курсатдилар.

Ярим кечада Принцлау шаҳрига кирдик. Мана, авиация заводи, мана, аэродромлар... Мана шу жойда курилган самолётлар бизнинг тепамизга шу ердан учеб борар эдилар. Энди завод ўлик, аэродром вайрон эди...

Бу ерда, кулликка ҳайдаб келинган ва асир қилинган кишилар — солдатларимиз билан учрашув жуда таъсирили бўлди:

Асиrlар қоронғи ертўлага қамаб қўйилган эди. Солдатларимиз қулфларни синдириб дарвозаларни катта очди ва минглаб совет гражданларини озодликка чикарди. Улар бизга севинч ёшларини тўкиб миннатдорчиликларини баён этдилар.

Танкистлар шаҳарга келадиган барча йўлларни тўсиб олдилар. Автоматчилар шаҳарни беркиниб ётган гитлерчилардан тозалашга тушдилар.

Принцлаунинг шимолий кўчасини ўз машинаси билан тўсиб турган лейтенант Қомил Умаров шаҳар чеккасида бўшқа давлатлардан тушган кўп асирларни учратди. Асирларнинг кўплари ўзларини иттифоқчи давлатларнинг генераллари ва офицерлари эканликларини баён этганлар... ҳарбий асирлар учун қилинган лагерда, фашистларга қарши қурашган Бельгия, Голландия ва Франция генераллари банди бўлиб ётар эканлар.

— Мен Бельгия Олий штабининг бошлиғиман,— деди бир узун бўйлик ва қотма киши,— булар менинг ҳамроҳларим, мамлакатим куролли кучларининг генераллари.

Совет Армияси шарафига жуда кўп оташин миннатдорлик сўзлар айтилди.

Генераллар ўзбек халқининг танклар колоннаси тарихини жуда диккат ва зўр қизиқиш билан тингладилар. Улар ўзбек халқининг бу ҳимматига ҳайрон колдилар ва ҳавас билан хотира дафтарчаларига ёзиб олдилар.

Кейинроқ ўша озод қилинган генераллар уларни ўзбек халқининг танклари озод қилганлигини, уларни биринчи бўлиб Узбекистон фарзанди, лейтенант Қомил Умаров учратгани ва лагердан чиқарганлигини матбуот вакилларига ҳикоя қилиб бердилар.

* * *

*

«Совет Ўзбекистонининг 20 йиллиги» танклари 1945 йил 2 май кечкурун Макленбург вилоятидаги Висмер шаҳрига кирди. Шаҳар танкистларимизни қизил, йўл-йўл оқ-қизил юлдузлик кўк ва оқ байроқлар билан қарши олди. Германия коммунистлари қизил байроқ остида келдилар ва озод қилувчиларни катта қувонч билан кутиб олдилар. Инглиз ҳамда американклар ўз давлатларнинг байроқларини кўтариб чиқдилар. Бирок, кўчаларда оқ байроқдан кўпи йўқ эди. Ҳамма ёқда оқ байроқ, ҳамманинг билагида оқ латта... Бу немисларнинг таслим бўлиш тамғаси эди. Эндиликда немисларнинг давлат байроғи — оқ байроқ бўлиб қолди.

Висмер шаҳрида фельдмаршал Монтгомери кўмон-донлигидаги иттифоқчи кўшинлар билан учрашдик. Ан-

глия ва Қанада солдат ҳам офицерлари Бирлашган миллатлар байроғи остида қилич ушлаб, нон ва туз күтариб бизни қарши олдилар. Улар солдатларимиз билан қучоқлашиб куришди ва бизни ғалаба билан табрик қилишди. Гвардиячи панфиловчилар «Совет Ўзбекистонининг 20 йиллиги» танки олдида иттифоқчи армия солдатлари билан бирга суратга тушдилар.

* * *

Замбарак отишмалари тинди, жанглар тұхтади. Генерал Панфилов қисмлари немис шаҳрида тұхтади. Құп кишилар сафда йўқ эди ва құп танкистлар пиёда қолған эди...

«Янги танклар келди», деган хушхабар эшитилди.

Жангларда ҳалок бўлган танклар ўрнига келган янги машиналар ва уларни кутиб олувчи кишилар, шаҳарнинг ғалаба майдонида сафландилар.

Полковник Купоров ўзбек меҳнаткашларидан келган хатни ўқиди.

«Сизларни, «Совет Ўзбекистонининг 20 йиллиги» танкларининг жанговар экипажларини буюк ғалаба билан қуттаймиз,— деб бошланар эди хат.— Сиз, совет мамлакатининг паҳлавонлари ғалаба қилдингиз. Фашист аблаждарини ер билан яксон этиб, оламни фашист вабосидан кутқардингиз. Сиз, Совет Армияси жангчиларига шон-шарафлар бўлсин! Биз фронт орқасида туриб ғалаба пойдеворини курдик ва сизларнинг гитлерчиларга карши зафарли жангларингизга кумаклашдик. Энди ғалабани мустаҳкамлаш учун ундан ҳам яхшироқ, ундан ҳам унумлироқ ишламоқдамиз. Биз миллион тоннадан ортиқ «оқ олтин» учун курашаётирмиз. Биз урушда сафдан чиққан танклар ўрнига яна янгиларини юборяпмиз. Агар керак бўлса яна юборажакмиз. Ватан чегарасини ва ғалабамизни кўз корачиғидай сақлангиз!»

Кейин гвардиячи танкистларнинг танк эгаларига ёзилган рапорти ўқилди.

«Ўзбекистоннинг қадрли ишчи ва деҳқонлари! Сизларнинг пулларингизга келган танклар бизга катта муваффакият ва улуғ ғалаба келтирди. Сизларнинг танкларингиз билан биз Польшани ҳамда Германиянинг Померания, Силезия ва Макленбург вилоятларини босиб

ұтдик. Танк моторлари бузилмай ишлади, түп ва пулемётлари душманни ер билан яксон қилдилар. Биз сизларнинг танкларингиз билан жангларда 1110 километр йўл босдик, 20 дан ортиқ катта шаҳарларни ишғол этдик, 70 минг босқинчни немисларни қириб, юз минглаб рус, белорус, украин, поляк, француз, югослав, инглиз ва америкаликларни фашистлар чангалидан кутқардик. У кишилар, ушбу танкларнинг эгалари, сизларга ҳам катта ташаккур баён этишмокда. «Совет Ўзбекистонининг 20 йиллиги» танклари ўзларини жанг майдонларида неча марталаб кўрсатдилар.

Улар ҳозир ҳам бут-бутун ва керак бўлса яна янги жангларга ҳозир нозир бўлиб турибдилар».

* * *

Н-гвардиячи танклар қўшилмасининг жанговар машиналари ҳозир ҳам «Совет Ўзбекистонининг 20 йиллиги» деган номни Европада мароқ билан кўтариб юрибди ва бу сўзлар танк бронларида Ленин миллий сиёсати символидай, мамлакатимиз халқларининг ажралмас дўстлиги символидай нур сочиб турмокда.

1946.

КУЗ ЛАВҲАЛАРИ

I

ХИРМОНДА

Дала шийпони ёнида хирмон. Фарам-ғарам пахта...

Колхозда энг катта бригаданинг пахтаси шу хирмонга тўкилади, шу жойда қопланиб, шу ердан пунктга жўнатилади.

Хирмон йўли серқатнов. Колхозчилар терилган пахталарни пайкалдан пешма-пеш келтириб тўкмоқда. Баъзи ташувчилар лангарнинг икки ёғига иккитадан этак боғлаб, елкалаб келмоқдалар. Қоп етишмайди... Бугун колхозга шаҳар меҳнаткашлари ёрдамга келган. Автомашина, автокачка ва аравалар тез-тез келиб-кетиб турибди.

Хирмонга тўкилган пахтани қабул қилиш, ёйиб шабадалатиш, қоплаш ва жўнатиш анча машаққатли иш. Бу иш жуда чаққонлик, эпчиллик ва тез ишлашни талаб қиласиди.

Терим бошланиб, хирмонга пахта тўкила бошлангач, бригада бошлиғи Холмат акани қопловчи қилиб тайинлади. У билан олти киши хирмонда ёйиш, қуритиш, қоплаш, юклаш ишлари билан шуғулланди. Қоплаш, юклаш ва пунктга жўнатиш ишлари куннинг иккинчи ярмида қизийди. Пунктгача етти километр йўл, борди-келдисига уч-тўрт соат вакт кетади. Пункт эса фақат кундуз куни ишлайди. Кун корайиши билан сарой ёпилади. Вакт зик. Кечки пайт раис ҳам, бригадир ҳам хирмонга келиб, «бўл-бўл»ига олади, қишлоқ совети ва район вакиллари ҳам хирмонга келишади.

— Бугун процент камаймасин!

Шу куни терилган пахта шу куни пунктга топширилиши керак. Агар топширилмай қолса ёки пунктдан ара-

ва қайтса, график бузилади, процент камаяди, айб хирмончилар зымасига тушади. Колхознинг 9-бригадасида ана шундай вактлар ҳам бўлади. Икки кунгача кечки пайт юборилган аравалар пунктдан қайтиб келди. Бу ҳол ҳаммани ташвишга солди.

Уша кунлари Холмат aka кечалари билан ўйланиб чиқди. «Пахта қийғос очилган. Уни тезроқ териб топшириш керак. Ҳозир пахта отбор сортга ўтятти, эртага-чи? Агар эртага ёмғир томчилаб қолса пахтанинг сорти бузилади, нархи пасаяди. Пахтанинг қиммати унинг сифатида! Вакт ғанимат!»

Ана шундай хаёл билан Холмат aka узок вакт тўлғаниб ётди. Кейин хаёли ташвишга айланди. «Шундай вақтда хирмонда олти киши ишлаши шартми, бунинг устига яна ёрдамчи... Бригадир тўғри айтади. Унинг ачинганича бор... Нима қилиш керак?»

Шу маҳал пахта заводидаги иш услуби хаёлига келди, пахта қоплаш станоги кўзига кўринди.

Холмат aka баҳор кунларининг бирида, қандайдир топшириқ билан машинада шаҳарга борган эди. Машина шаҳардаги пахта заводига кирганда Холмат aka ҳам заводга кириб қолди. Катта майдонда ишчилар пахта қоплашмокда эдилар. Холмат aka узокдан томоша қилди. Қоп ўзи тикка турибди, ҳеч ким ушламаган. Ҳаял ўтмай пахта қопланиб тайёр бўлади...

«Нега хирмонга ҳам станок ўрнатиш мумкин эмас? Ўзи оддий нарса шекилли...» Кейин у, ана шу станокнинг ташки кўриниши, тузилишини эслади. Ҳақиқатан ҳам станок оддий эди. «Қиласиз, станок билан ишлаймиз!» деди у ва тонг отиши билан қишлоққа бориб, темирчилик устахонасига кирди...

* * *

*

Темирчилик устахонаси қишлоқ марказида, катта чорраҳада эски тақачилик дўконига жойлашган эди. Бу жойда илгари отга тақа, аравага мих қоқиларди, кетмон пешланар, ўрок чархланарди. Энди бу ер колхознинг катта ишхонасига айланган. Темирчилар Холмат аканинг буюртмасини бемалол бажара оладилар.

Темирчи Шокиржон эндиғина ўтхонага ўт ёқмокда эди.

— Ҳорманг Шокиржон,— деди Холмат ака ичкари кириб.

— Келинг, Холмат ака, илк саҳарлаб қандай шамол учирди?

— Илк саҳар?— деди Холмат ака кулиб,— электрнинг нури кўзингизни олгандир, уни қаранг, ҳадемай, кун чиқади.

Илгари темирчилик устахонаси билан унчалик иши бўлмаган оддий колхозчининг эрта тонгда шошилиб келганидан ҳайрон бўлган Шокиржон унга яна савол назари билан тикилди.

Холмат ака ўзининг мақсадини тушунтириди.

Унинг таклифига темирчилар ҳам қизиқиб қолишиди, лекин Шокиржон: «Бугун-эрта қиломаймиз»,— деб, колхоз фермаси ва транспорт бригадасининг буюртмаларини — «Иш кўп».

Гани ташвишга солди. Ахир, бри-
пахта термоқда, колхозчилар
равар ортиги билан бажариш-
лар, ўн беш мингинчи, йигирма-йи-
чиликка қўшилган, хирмонга соатига
топи
чиқади, транспорт бригадаси ҳам «бўл-
бўл» қ... шоширмоқда. Фақат қоплаш...

— Тезда битириб бермасанг бўлмайди ука, фақат қоплаш иши қўлни тутиб турибди. Йифим-теримни ўзинг биласан, салгина кечиксанг ютқазиб қўясан, киши. Жон ука, тўғрилаб бер шуни!

— Хўп, бўлмаса наряд олиб келинг.

Холмат ака шодлигидан дик этиб ўрнидан турди, идорага бориш учун орқасига қайрилган эди, устахона рўпарасида садақайрағочнинг учидаги тангадек ярқираб турган қуёш шуъласини кўрди. «Хирмонда бўлиши керак эди», деди у ачиниб ва тўхталиб қолди. Унинг жаҳли чиқди, тажанг бўлди.

— Бюрократ бўлиб кетибсан, Шокиржон,— деди у бўзариб,— шу арзимаган иш учун ҳам «бор отангга-бор онангга» қиласерасанми!

— Бизнинг ҳам планимиз бор,— деди Шокиржон босқонни босаётуб,— тартиб, интизом бор.

— Шунақа долзарбда аскотмасанг, қачон аскотасан? Ўйлаб кўр, сенинг темирчилигинг ҳам пахта учун. Шуни биласанми? А?

— Биламан...

— Билсанг нега таранг қиласан? Пахта далада қолиб кетяпти, ахир.

Шокиржон куйиниб, тутакиб турган Холмат акага бошқа гап қайтаролмади. Пахта йигим-теримининг буюртмаларини биринчи навбатда бажариш керак, у буни яхши биларди. Темирчи керакли материалларни тайёрлай бошлади. Холмат ака буюртмасининг бажарилишига кўзи етгач, дурадгорлик устахонасига югурди. Энди унга тиргагичлар керак эди.

* * *

Хирмонда иш қизиди. Хирмончилар кечаси жұнатилмай қолган пахталарни шабадалатиб, сұнgra қоплай бошладилар. «Тайёр пахта борми?» деб аравакашлар кела бошлади, теримчилар пахтани тұхтовсиз олиб келиб түкмоқдалар.

— Холмат ака қани? — сұради бригадир копловчилардан.

— Қишлоқда юрган эмиш.

Бригадир тутакиб кетди.

— Шундай пайтда қишлоқда нима бор экан? Қани интизом, қани виждон...

Шу маҳал узокдан Холмат аканинг қораси күринди. У, елкасида тарозининг шайними, лангарми, нималарнидир күтариб, хирмон томон жадал келмоқда. Бригадир уни кутиб турибди. У интизомни бузган хирмонбошини койимоқчи.

Холмат ака елкасидаги ёғочларни, қулидаги чамбаракларни хирмонга ташлади, чұнтакларидан катта қалпоқли арава михларини олиб қўйди, енги билан пешана терини артди.

— Нима бу? — бригадир сұради.

— Станок, — деди Холмат ака ва чамбаракка сепоя ўрната бошлади.

Бир метр кенгликдаги темир чамбарак, бир ярим метрлик учта тиргак — сепоя михланган пахта қоплаш станоги тузилиши күриниши шу. Унинг ичига қаноркоп солиниб, учи темир чамбаракнинг қирғоқларига илинарди, қопловчи кучоқ-кучоқ пахтани қопга солади, кейин

ўзи устига чиқиб босади. Қоп таранг туради, кўп пахта кетади, уни икки ўрнига бир киши қоплайди, қопловчи чарчамайди, иш тез битади.— Холмат ака ўз колхозида кашф этган пахта қоплаш станогининг хусусияти, фазилати шунда.

* * *

*

Биз пахта териш машиналарининг ишини қуриб, меканиклар, теримчилар билан сұхбатлашиб, яна бригада хирмонига келдик. Хирмонда пахта йўқ, терилган пахта пешма-пеш қопланиб, пунктга жўнатилмоқда. Бригадир ҳам жаҳлидан тушибди. У хурсанд.

— Станок билан қоплаш ишимизни енгил қилди, суръатни икки-уч баравар тезлатди,— деди бригадир,— шунча ишни энди уч киши бажаряпти. «Арава қайтди»лар ҳам йўқолиб кетди...

Бу оддий асбобга колхознинг аъзолари «станок» деб ном беришди. У ҳамма ёққа — бошқа бригада ва колхозларга ҳам тез тарқалиб кетди.

II

ВАҚТ ФАНИМАТ

Қуёш ёздагидек қизитмоқда. Бу илиқ куз кунидан айниқса пахтакорлар миннатдор. Аҳмаджон Шукров яхтакчан турибди. У, катта пахта майдонига ҳавас билан боқади. Бу жойлар асло иккинчи, учинчи теримга ўхшамайди. Кўз қамашади-я. Сўнгги иссиқ кунларда пахта яна қийғос очилди. Бу жойларга яна машина солиш мумкин.

Колхознинг пахтаси кечкироқ бўлиб қолди, ер захлик қилиб, баҳорги ёғингарчиликнинг таъсиридан дарҳол кутарила олмади. Мана энди ҳозирги офтоб унга ёғдек ёқмоқда, ғўзаларга озик, мадад бериб, кўсакларни кулдирмоқда, пахтани момиқлантиримоқда. «Мана шундай ҳаво яна йигирма кун, ҳеч бўлмаса ўн беш кун туриб берса...» дейди Шукров. Ҳозир ҳар куни уч процентга яқин пахта терилиб, икки-икки ярим процент топширилмоқда.

Хирмондан жұнатылған пахта пунктідан қайтаётгани йүк, пахта қурук, сорти ағло ва яхши.

— «Яна үн беш кунда план тұлади», — дейди раис. Аммо у об-жавонинг бу хилда туришига ишонмайды, куннинг бирдания бу қадар исіб кетиши об-жавода үзгариш ясаси мүмкін. Бу кунларнинг ҳар соати, ҳар минутыға нимат. Шунинг учун ҳам у, барча бригадаларни, звено-ларни айланиб, қайси ерга дарқол машина солиш ва қайси жойни кечаси ойдинда ҳам териш тұғрисида топшириқ бермокта. Бу йил йиғим-теримни үтган йилдагидан илгарироқ тамомлаш керак.

Баъзи бригадаларда ойдинда пахта териш ташкил қилинди, колхоз бүйіча терим графиги яна ярим процентга ортдириб бажарилди, кунлик топшириш уч процентга етди. Бу — колхозда эң күп пахта топширилған кун бўлди.

Бу рақам сира такрорланмади. Эртасига эрталаб ёмғир бошланиб, куннинг иккінчи ярмидагина тинди. Пахта териш кечки пайти иккі-уч соатгина давом этди. Индинига яна ёғди, тўрт кунгача ёғингарчилик бўлди, тўрт кунгача иш чала...

Аҳмаджон ёмғир вақтида ҳам, ёмғирдан кейин ҳам далада. Очилган пахта юзига тушаётган ҳар бир ёмғир томчисини санаётгандек тикилиб туради, ич-ичидан ачинади, табиатнинг бебош қонунларидан ғазабланади. Ёғингарчиликнинг биринчи кунлари у, ёмғир тиниши билан теришга тушишни эл күрмади, «сорти бузилади», деб үйлади, ёғин орқасидан шабада, унинг орқасидан офтоб чиқишини кутди: «Наҳотки, куз ёмғир билан үтса, кечаги офтоблар қайтиб келар...»

Ёғингарчилик давом этди, об-жаво маълумотлари кундан-кунга күнгилсиз. Табиатдан шафқат кутиш қийин эди. Шукуров узоқ үйланиб қолди: нега фурсатни күлдан бердик, ҳаво очық вақтида нега кеча-кундуз термадик... Йиғим-терим сезонли иш, кечиксак ютқазиши билар эдик-ку. Беғамлик қилибмиз...

Шукуров машина билан теришга ажратиб қўйилған картага кирди. Үтган куни беҳисоб юлдузлардек чароқлаб, кулиб турған пахталар энди күринмайды, кенг пайкалда ғўза барглари, чаноқлар ковоқ солиб, энгашиб турибди. Пахта қани? Пахта чаноқлар ичига яширинган, барглар остида ғужмайиб, чигитига ёпишиб ва ип-ип бўлиб ётибди. Шукуров кечаси ойдинда теришга ажратил-

ган иккинчи пайкалга ўтди. Юз центнерчининг ери, энг бўлиқ ғўза... Бу ғўзалар ёмғир ва шамолда ерга ётиб қолган. Ҳар бир тупда беш-олти хўппак, етти-саккиз кўсак, ўнлаб кўраклар — ҳосилнинг ярмидан кўпи далада, ғўзапояларда турибди.

Раиснинг дили ғаш, унда ташвиш яна зўрайди. Нима қилиш керак? У бу саволга жавоб қидириб қанча ерни айланиб ўтганини ва бешинчи бригаданинг дала шийпони олдига келиб қолганини ҳам сезмади. Шийпонда биринчи ва иккинчи звенонинг аъзолари ўтиришибди. Қулларида этак, ҳаммаси жим...

— Ҳорманглар,— деди Шукуров.

— Чарчайдиган иш қилганимиз йўқ,— деди теримчи Ойимхон Парпиева,— ёмғир томчиларини санаб ўтирибмиз.

Ойимхоннинг бу жавоби ҳам раиснинг ҳозиргина ўйлаган фикрини қувватлади. «Демак, бошлайвериш керак».

— Бошқалар қани?

Бригадир Жумакулов қисқа жавоб қилди:

— Келишади.

Бешинчи бригада колхозда ҳосилли бригада ҳисобланади. Етмиш гектар ерда мўл пахта ҳосили етилган. Бригаданинг пахта тайёрлаш плани 90 процента етганда ёғингарчилик бошланди. Ҳали далада пахта кўп. Колхозчилар планни фақат аъло ва биринчи сорт пахта билан тўлдирмоқчи эдилар.

Шу маҳал далага бирин-кетин колхозчилар кела бошлади. Шукуров ким бор, ким йўқлигини аниқлагач, бригада бошлиғига қаради.

Ёмғир майдалаб, эзиб ёғиб турибди. Ҳавонинг игна учидек ҳам очиқ жойи йўқ, гўё бутун куз ёғин бўлса ҳам кўкдаги намлик тугамайдиганга ўхшайди. Ҳаводан нажот йўқ... Шундай оғир вазиятда очилган пахтани термай тўхтаб туриш... Шукуров яна ўйланди. Қани, теримга!— деб команда берсаммикин?

Аҳмаджон Шукуров фахрли унвонли раис, тажрибали, қийинчиликлар билан курашда чиниккан киши, Улуғ Ватан урушининг ветерани, Совет Иттифоқи Қаҳрамони. Ҳозирги оғир ҳолат унинг маънавий, руҳий ва жанговар кучлари ва ташкилотчилик қобилияти учун янги бир синов. У энди оддий солдат эмас, командир, у фақат ўзи

учун, ўзининг ҳаракати учун эмас, бутун колхоз учун, барча колхозчиларнинг ҳаракати учун жавобгар.

— Қани бўлмаса бошлаймиз!

Колхозчилар бирин-кетин пайкалга киришди. Ётиб қолган ғўзаларни тиклаб, бир-бирига суяб, чирмаб кета бошладилар.

— Очилганларини бир йўла териб кетаверинглар,— бригада бошлиғи кўрсатма берди.

— Шийпонга ут ёқтири, қозон остир. Бугун иссиқ овқат икки маҳал қилинсин.

Раис бошқа бригадаларда ҳам ишни ташкил қилиш учун қишлоққа жўнади.

Кишлоқда ҳам одамлар кўп эди.

— Нима қиласайлик, тераверайликми?

— Ҳа,— деди раис...

Биринчи бригада бошлиғи Маматкул Аҳмедов кўчадаги катта тол олдига бориб занг урди. Ҳаял ўтмай бутун колхозчилар тўпланиши.

— Нима гап?— кимдир сўради.

— Пахта терамиш.

— Емғир-ку...

— Емғир туғул тош ёғса ҳам терамиш,— деди бригадир аччиғланиб,— йил бўйи меҳнат қилиб етиштирган ҳосилимизни ёмғирга ем қилиб қўямизми? Токайгача табиатдан шафқат кутамиз!

Шу куни бутун колхоз далага чиқди. Сушилкаларга ут ёқилди. Икки ҳафтагача ёғингарчилик бўлиб турди, аммо Киров районидаги Шверник номли колхозда иш тўхтамади. 6 ноябрь куни биринчи бригада бошлиғи Аҳмедов, бешинчи бригада бошлиғи Жумақуловлар йиллик пахта тайёрлаш планининг бажарилгани ҳакида рапорт бердилар. Колхоз ҳам йиллик планини ортифи билан бажарди.

Ёғингарчилик тўхтаб, ҳаво очилиб кетгач, Шукurov колхоз ишлаб чиқаришининг командирлари — бригадирларни тўплади.

— Бу кунларнинг ҳар дақиқаси ғанимат,— деди у,— энди кечакундуз ишлашни ташкил қиласайлик.

Ўша вақтдан бери Шверник номли колхозда кундузи кусак узилиб, кечаси чувилмоқда. Коммунист ва комсомоллардан тузилган зарбдор группалар кечаси ҳам кусак узмокдалар. Узиш, чувиш, куритиш ва топшириш ишлари конвейер усулда олиб борилмоқда.

ПАХТА ҚУРИТИШ КОМБИНАТИ

Кечки пайт колхозга аввал «ГАЗ-67», кейин «Победа» машинаси келиб кетди. Раис билан партия ташкилоти-нинг секретарини устма-уст телефонга чакиришиб турибди. Район пахтачилик бўлими, район ижроия комитети, район патрия комитетидан бугун вазиятни сўрашмоқда. Кейинги звонок обкомдан...

Бугун неча процент?

Ҳар куни икки-икки ярим процентдан пахта топшираётган «Ленинизм» колхозида топшириш бирданига 0,2-0,3 процента тушиб қолди. «Ўндан бирга тушиб қолдик, ўндан бирга...» дейди колхоз раиси Қўзибоев ташвишланиб, партия ташкилотининг секретари Турдиматов ҳам шу ҳакда ўйлади.

Ахир, уч кундан бери яна тинимсиз ёмғир ёғмоқда. Далада пахта кўп, хирмонда, очиқ жойларда тўпланиб қолган пахта ивиб, ипдек эшилиб, сортлари бузилмоқда. «Қовурғаларим қайишиб кетяпти», дейди Турдиматов, ҳосилот советининг раиси ҳам, бригадирлар, звено бошликлари ва барча колхозчилар ҳам пахтанинг тақдири ҳакида қайфурмокдалар. Далада, хирмонда, омборда — запасда пахта кўп, аммо топширишнинг мазаси йўқ. Машина, автокачка, аравалар пунктдан қайтиб келяпти — пахта ҳўл.

Пахта ҳўл, уни қуритиш керак. Пахта иссиқлик, ёруғлик ва тоза ҳавони яхши кўради. Иссиқлик бўлса пахта семиради, тоза ҳавода толалари — кокилларини ёзади, ёруғликдан чеҳраси кулиб, момиқланади. Пахтанинг ана шундай эҳтиёжларини кондириш учун шароит керак. Офтобни кутиш қийин, чунки об-ҳаво маълумотлари буни ваъда қилмаяпти. Бирдан-бир йўл пахтани сунъий қуритиш йўлидир.

— Сушилкаларни ишга солиш керак.

Икки сушилкага дарҳол одамлар тайинланди, катта кўчадаги икки туп кекса тол кесилиб, ўтин ҳозирланди, дурадгорлар ёғоч бешликлар ясадилар, айвонга пахта тўкилди, сўкчакларга ҳам ёйилди, ўзоқка ўт ёқилди — уч соатда сушилкалар ишга туширилди. Шу куни ўн икки киши овора бўлиб, 900 килограмм пахта қуритилди. Бу эса йиллик планнинг 0,1 процентини ҳам ташкил қилмайди.

ди. Эртасига 2 тонна куритилди, бир процентга етказиш учун ҳали 24 тонна керак...

— Агар куритиши суръати шу бүлса, қолган йигирма бир процентни топшириш учун яна бир юз беш кун керак экан...— деди раис ва оғир ух тортиб, пешанасини ушлаганича сукунатда қолди,— яна бир юз беш кун...

— Ҳаққимиз йўқ!— деди Турдиматов,— ўтган йили бутун ҳосилни 89 кунда йиғишириб олганмиз. Бу йил ундан ҳам қиска муддатда йиғиб-териб олиб, давлатга топширишимиз мумкин эди... Бунга имконият бор. Ўза барглари самолёт ёрдами билан тўкилди, пахта теришда ўтган йилдагидан икки марта кўпроқ машиналар қатнашмоқда, теримда меҳнат унуми ҳам ўтган йилдан юқори...

— Вазиятни кара, вазият оғир...

Ҳакиқатан ҳам вазият оғир эди. Колхозчилар партияга берган ваъдаларини бажариш учун йил бўйи фидокорона меҳнат қилиб, пахтадан юқори ҳосил етиштирдилар. Даладаги пахта нобуд қилинмай йиғиб-териб олинса ва ўз вактида давлатга топширилса олинган мажбурият ҳам ортиғи билан бажарилади, пахта кўп, имконият катта. Ҳозир ана шу имкониятларни ҳакиқатга айлантириш муаммоси кўндаланг бўлиб қолди. Барча дала шийпонлари, жамоат биноларига ҳам пахта тўкиб кўйилди.

Қўзибоев билан Турдиматов колхоз омборига киришиди. Кўп жойларда қалин қилиб тўкилган нам пахта кизиб, қорайиб кетмоқда, ўз-ӯзидан ўт чиқиб кетиш хавфи туғилган, правление барча жамоат бинолари ва буш жойларга пахта тўкишга қарор қилди. Ҳар қайси бинодаги пахта учун алоҳида жавобгар киши белгиланди. Омбордаги пахтани ағдариб, шабадалатиб турибди.

Кейин улар сўкчакли сушилкага киришди, 15 квадрат метрли уй, икки қаватли сўкчак, ўртада тунука печка, эшикни очиш билан қўлансане ис гуп этиб димоққа уради, уй тутун, ҳеч нарса кўринмайди.

— Нега тутатиб юбординг?— сўради раис.

— Тутун эмас буғ,— деб жавоб қилди пахта куриувчи.

— Жуда секин қурниятни...

— Чигит куруқ, лекин толаси ҳул,— деди раис чигитни тишлаб кўриб.

Бу сушилкада кеча ва кундуз ўт ёқилади, уч сменада олти киши овора — бир суткада уч юз килограмм пахта

курийди. Суръат паст, сифат ёмон. Құзибоев иккінчи қатор сұкчакдаги пахталарни титиб күрди, Турдиматов нима учундир шифтга тикилиб қолди.

Бу уйнинг ҳеч қаерида тешиги йўқ, туйнуғи ҳам йўқ. Доимо ёқилаётган печка ҳосил қилған ҳарорат билан уй жуда исиб кетган. Сұкчакларга түкилған ҳўл пахтанинг бу иссиқликдан нами буғ бўлиб кўтарилади, аммо доимо тўхтовсиз баландга кўтарилаётган буғ пастки сұкчакдан юқорисига, юқорисидагидан эса, шифтга боргач, тўхталиб, тўпланиб, сув бўлиб пастга оқмоқда. Пахта ўз намини ўзи шимиб ётиди. Бу хонада ҳеч қандай ҳаво алмасиши йўқ. Пахта қуритишнинг судралиш сабаблари шунда.

— Нима қилиш керак? — Қўзибоев Турдиматовга қарди. — Сушилкалар қўлимизни тутиб турибди.

Дарҳақиқат, шу кунларда пахта топширишнинг тақдиди сушилкаларга боғлиқ бўлиб қолган эди. Сушилкаларнинг озлиги, унумсиз ишлаши пахта тайёрлашни кечкитирмоқда. Қўлда нам пахта кўпайган сари бригада ва звено бошлиқлари ҳам хотиржамланиб, теримни сурайтириб қўймоқдалар. Аҳвол жиддий!

— Ҳашаматли идора, чойхона ва саройлар қаторида иккита сушилка қуриб қўйсак нима бўларкин...

Турдиматовнинг бу аччик пушаймони Қўзибоевга каттиқ дашномдек эшитилди.

— Калтабинлик қилибмиз, ишлаб чиқариш қурилишларига етарли эътибор қилмабмиз...

Бу масалани колхоз ишлаб чиқаришининг штаби — правление муҳокама қилди, муҳим ва кечиктириб бўлмайдиган иш билан колхоз партия ташкилоти системали равишда шуғулланди. Янги типдаги унумли сушилкалар қуришга киришилди... Беш кунда тикланган янги сушилка кунига 3 тоннадан пахта қурила бошлади. Бу суръат ҳам колхознинг ишлаб чиқариш талабларини қаноатлантира олмади.

Сушилка қуриш колхозда марказий масала бўлиб қолди. Сушилкаларни кўпайтириш керак, аммо қайси хилдаги сушилкаларни?.. Колхоз интеллигентлари, оддий колхозчилар ҳам правлениега, партия ташкилотига ўз таклифлари билан кела бошладилар.

Янги сушилканинг бункерчаси ва ўт ёкувчиси правлениега: «Сушилканинг камчиликлари тузатиб берилсин!» деган таклиф билан киришди ва инженер Собиров

лойихаси бўйича қурилган камчиликларни айтиб беришди. Ҳақиқатан ҳам бу сушилканинг ўчофи тор ва тутун трубаларнинг ичидан чиқариларди, натижада трубаларни қурум босиб, ҳар куни тозалаш зарур эди. Бундан ташқари вентилятор ҳаддан ташқари тез айланиши на-тижасида ҳаво исишга улгуролмай қоларди, ҳаво тарқатувчи трубаларни катта ва фанердан қилингани учун ҳавонинг кўпи тарқаб кетарди. Қуритиш хоналари — бункерларда ҳам камчиликлар бор эди.

— Ана шу камчиликлар тузатилса бу хил сушилкалардан қуритиш комбинати бўлади,— деди уста Курбон.

Колхоз темирчиси Андрей Каратин уларга ёрдамга келди. Сушилкадаги камчиликлар тузатилди, аммо ишлаб чиқариш унуми кўп ошмади.

Кейин улар бутунлай янги сушилка қурмоқчи бўлдилар.

Колхозчилар ижод қилган янги хил сушилка 6 ноябрь куни ишга туширилди ва Улуф Октябрь социалистик революциясининг 34 йиллигига совфа қилинди. Бу сушилка конструкция жиҳатдан оддийдир. У, 400 та ғишт билан битади, кичик мотор, озгина қувват билан ишлайди, кам материал, кам ўтин қетади. Трубалар бевосита ўчкода иситилади, тутун труба ичидан эмас, унинг атрофидан ўтади, кичик мотордан минутига 400—500 марта айланувчи вентилятор ҳосил қилган ҳаво иссик трубалар ичидан бориб, бункерларни иситади. Бункерлар фанердан эмас, лойдан ясалган, темир сетка ўрнига эса, қанор қоп қўйилган.

Бу сушилка ишга тушган куни олти тонна пахта қуритилди. Ҳозир ҳам ҳар куни саккиз-тўққиз тоннадан қуритилмоқда.

Бу сушилканинг довруғи бутун Фарғона водийсида таркалган, бағдодликлар, қуваликлар ундан нусха олиб кетдилар.

Ҳозир Олтиарик районининг Файзиобод қишлоғи марказида Каратин ва Собиров системасида тўртта янги сушилка ишлаб турибди. Бу жойда «Мусаев системаси» даги сушилкалар ҳам бор. Буларнинг ҳаммаси бир жойга қурилган ва чинакам пахта қуритиш комбинатига айланган.

Баланд-баланд трубалардан куюқ, кора лентадек чўзик тутун чиқиб турибди. Қенг саройда кўсак чувиш машиналари тұхтовсиз ишламоқда, кочегарлар, бункер-

чилар, бешликчилар жонбозлик билан ишламоқдалар. Сушилкалар саройига машиналар, автокачкалар ва аравалар карвони кириб-чиқиб турибди. Улар ҳұл пахта келтириб, қуруқ пахта олиб кетмокдалар. Комбинат уч сменада кече ва кундуз ишлаб турибди. Смена алмашиш вақтида агитаторлар турли темаларда суҳбат үтказадилар. Сушилкалар, сменалар ва қуритувчилар бир-бирла-ри билан социалистик мусобака шартномалари тузган, ҳамма бириңчилик учун курашади. Деворларда плакат, шиор ва шартномалар...

Энди ҳамма хұрсанд, янги системада сушилкалар курилиши қийин ишни осон қилди, суръатни тезлатди, иш сифатини яхшилади. Сушилкаларнинг бир жойга планли курилиши пахта қуритишда меңнатни ташкил қилиш, ишни бошқариш ва контроль қилишни қулайлаштириди.

«Яна юз тонна берсак мажбурият ҳам бажарилади...» Бу сұзларни пахта қуритиш комбинатида катта ва кичик барча баравар тақрорлайды. Дала бригадаларининг аъзолари эса, сұнгги күрак, сұнгги чигитгача йиғиб олиш учун штурм қымоқдалар. Шу кунларда колхоз қишлоғи ана шундай қайнок ҳаёт кечирмоқда.

IV

ИККИ МАКТУБ

Хирмондан пахтазорга кирдик. Яхлит ер, бепоён пахтазор, бурчакларида тоғ-тоғ пахта. Майдоннинг үртасида иккита «СХМ-48» юрибди. Орқасида одамлар...

Машина эгат оралаб кетаётир. Уннинг бункери тобора оқариб, күтарилиб, түлиб бораётгани узокдан ҳам күринмоқда. Эгатнинг у бошидан бу бошига қайтишда бункер пахтага тұлди.

Машиналарнинг үз хирмонлари бор. Тұлған бункерлар майдоннинг чеккасига қилинган катта текис хирмонга бүшатилади. Үсар Мирзаолимовнинг машинаси эрталабдан бери бу хирмонга саккиз марта пахта тұқди, кечгача яна неча-неча марта тұқади. Мирзаолимов бункерни бүшатаркан, Кенжә уни овқатга таклиф қилди.

— Паловни еб олинг, мотор ҳам дам олсин.

Үсар моторни үчирди. Үэн овқатланиши, машинаға бензин, автол ва сув күйиши керак. Чүманбой Азимов-

нинг машинаси эгат оралаб юрибди. Терим бир минут ҳам тұхтамаслиги лозим.

— Бу йил машиналар бултургидан күра яхши ишляпти. Терим суръати, сифати яхши... Икки машинада кечгача беш тонна пахта терилди. Бугун кечагидан күпрөк бўлади.

— Бунинг ҳайдовчисида ҳам гап кўп экан,— деди бригадир,— Мирзаолимовни қара, ўтган йили чала терарди, бу йил жуда тоза теряпти. Гап машинани ишлатища қолган...

Тожибой бригадирнинг гапини кувватлади.

— Ўтган йили ҳайдовчининг шпиндель тозалаганини кўрганим йўқ эди. Бу йилчи, уни қара. Ўсарбой ҳар соатда бир шпиндель тозалаяпти. Шпинделни пахтанинг очилиш даражасига қараб мослаяпти. Ғўзанинг пастбаландига ҳам эътибор килиб ишляпти. Қандини урсин, йигит.

Машина ҳам яхшиланяпти. Бултургидан анча яхши!

Бригадирнинг бу сўзларига асос бор эди. Бу йил колхознинг 35 процент пахта майдонини «СХМ-48» лар териб берди. Мана, бир ҳафтадан бери тўртта машина колхознинг 40 гектар пахтасини тери. Бунча ернинг пахтасини териш учун минглаб қўл кучи керак бўларди. Машиналарда терилган пахта ўтган йилдагига нисбатан анча сифатли. Буни Тожибой ҳам билади, бундан Тожибой ҳам хурсанд, аммо унинг бошқача мулоҳазаси бор...

— Бултургидан яхшиликка яхши,— деди Тожибой, бригадирга қўшимча қилиб,— аммо бундан ҳам яхшироқ қилса бўларкан...

Машина денгизда сузган кемадек пайкал оралаб келиб қирғоқда тўхтади. Механик Ўсар пастга тушди. Тожибойнинг кейинги сўзлари уни жуда қизиқтирган эди. Ўсар 1935 йилдан бери тракторчи. У, ана шу узоқ йиллик иши давомида кўп кишилар билан ҳамсуҳбат бўлди, кўп кишиларга қишлоқ хўжалик техникасини ўргатди, ўзи ҳам ўрганди. Мана икки йилдан бери «СХМ-48»да механик. Деҳқонлар бу машинага катта умид билан қарамокдалар. Коллективлаштириш даврида деҳқонлар тракторга қандай муҳаббат қўйган бўлсалар, ҳозирги кунларда улар пахта териш агрегатига ҳам ана шундай муҳаббат қўйганлар. Машина оғир ишни енгил қилиб, суръатни тезлатиб, деҳқончилик маданиятини оширмокда. Кол-

хозчилар бу машина ҳақида ўтган йили ҳам, бу йил ҳам күп таклифлар қилишди. «Эй, Үсарбой, машинанг заб машина экан-ку, лекин сал чала терар экан». «Нега бир туп ғұзани босиб кетяпти? Нега униси унақа, буниси бунақа?..» дейишди. Механик колхозчиларнинг бу гапларiga қулоқ солиб, уларнинг таклифларини құлидан келганды амалга ошириб, муваффакиятларга эришди. Унинг назаридан ҳали ҳам бу машина камчиликлардан холи эмас эди. Үсарни ўқитган инженерлар ҳам, конструкторларнинг үзи ҳам, «камчилик учраса айтинглар, рационал таклиф бўлса хабар қилинглар», деган эди. Камчиликлар нималардан иборат? Уларни қандай йўқотиб, машинани қандай такомиллаштириш керак?

— Сенингча нима қилса бўларкин, Тожибой? — деб сўради Үсар.

Тожибой Турсунов анчадан бери ўйлаб юрган фикрини айтиш учун қулай фурсат топилганига севинди. — Машинангга учта янгилик киритиш керак, Үсар, — деди у, — анчадан бери машина орқасидан пахта териб юриб шу фикрга келдим. Бу факат менинг фикрим эмас, уч кишини... Ўтган йили машинанинг орқасидан етти киши юриб пахта терардик, бу йил факат уч киши. Ана шу уч киши ҳам юрмайдиган қилинса бўлмайдими? Машинага баъзи ўзгаришлар киритса бўлмайдими?

— Гапга тутмасанг-чи, Тожибой, механик ошини есин, — деди ошпаз Кенжа.

Механик машина олдидан кетмади. Яна Тожибойга савол берди.

— Масалан, қандай?

— Ўтган йили машинанг ғұзани пайпаслаб, күракни чайнаб кетген вактлари ҳам бўлган. Бу йил ана шу одатлари йўқолибди.

— Айтадиган янгилигин шуми? Мен ҳақиқатан ҳам янгилик айтасан, деб ўйлабман, — Үсар қўлини силтади.

— Шошма, мажлисларда ҳам олдин ютуқларини айтиб, кейин камчиликка ўтадилар...

— Бу йил ғұзалар агротехника қоидаларига риоя қилиб экилди. Эгатлари текис, ғұзаси бир тупдан. Барги самолётда туширилди. Ўтган йили бунақа эмас эди...

— Машинамга тил тегизма, машинам бекам-куст демоқчимисан, Үсар?

— Агар ғұзалар машинага мослаб экилса яхши бўлади демоқчиман.

— Йўқ, ундаи эмас. Сен аввал сўра, гапнинг тагига етиб, ундан кейин ҳукм чиқар.

— Қани, ўша камчилигини айтмаяпсан-ку.

Тожибой машинага яқинлашди, бармоғи билан кўрсатиб гапира бошлади:

— Биринчидан бунинг мана бу пахта терадиган шпинделини икки қатор қилиш керак; бутун бошлиқ машина, механик, заправщик овора, қанчадан-қанча бензин... Терадигани бир қатор. Мотори икки қаторни ҳам тортаверади-ку!

Ўсар кулиб юборди.

— Қечикиб қолибсан, Тожибой, бу йил чиқарилган машиналарнинг ҳаммаси икки қатор шпинделлик қилинган. Сен айтгандек бирданига икки эгатни теради.

— Шошма, пахта терадигани ҳар қаторда икки жуфтданми, уч жуфтданми?

— Икки жуфтдан.

— Ана холос, барибир камчилик. Буни қара, биринчиси кенгроқ, иккинчиси торроқ. Биринчиси ололмаганни иккинчиси олади. Иккинчиси ололмаганни биз оламиз. Уч киши оварамиз. Ана шунисини ҳам машина олса бўлмайдими? Бўлади! Демак, яна учинчи шпиндель, торроқ шпиндель ўрнатиш керак экан. Пахта мўл. Очилгани кўп. Иккитаси шошилиб қоляпти, териб улгура олмаяпти. Қелгуси йили яна мўл бўлади. Унда нима қиласан, а, Ўсар?

Ўсар ўйланиб қолди. «Тожибой тўғри айтади. Бу гапда ҳақиқат бор. Етти тишли плуг тортган мотор, олти шпинделни bemalol ишлата олади...»

Кейин у, Тожибойнинг елкасига қоқди:

— Яна нима демоқчисан, шер?

— Демоқчиманки, эгатга тўкилган пахталарни ҳам машинада териб олиш мумкинми?

— Хоҳ-ҳо... ҳали «СҲМ» сенга пахтадан момик ҳам қилиб берсин, демоқчимисан?

— Қўлидан келганини қилсин демоқчиман. Ўзи тераётганда тўкилган пахталарни ўзи териб кетиши мумкинми? Мумкин. Орқасига илиб оладиган, «ловитель» дейдими, ана шунақа ловитель қўйса бўлмайдими?

Механик Ўсар ўзининг дўсти, ҳамқишлоғи колхозчи Тожибойнинг бу фикрига қўшилгандек бўлди шекилли, қўйнидан блокнот олиб бензин ва автолдан қорайган

күли билан нималарнидир ёзиб олди, сүнгра овқатга шошилди.

Мавзу овқат вақтида ҳам үзгармади.

— Үйлаб қарасам Тожибой тұғри айтади,— деди Кенжасы,— бу күрак чувиш машинаси ҳозир хирмонда нима қиласы. Ҳозир күрак чувийдиган вақт эмас-ку!

— «СХМ-48» терган пахтанинг хазонини тозалайды...

Ұсар Қенжанинг қочиримини тушунмаган зеди.

— Ана шу хазонни «СХМ-48»нинг үзи тозаласа бұлмайдими?— деди Кенжасы ва агрегат олдига югуриб борди, күли билан күрсатди:

— Буни қара, пахта шпинделдан бункергача неча трубадан үтиб боряпти. Шу трубаларга тозалайдиган құтқа қилиб күйса бұлмасмын? Конструкторни күрсанг, мени айтди дегин, қилса бұлади!

— Яхиси хат ёзиш керак,— деди Тожибой,— конструкторларнинг шахсан үзиге колхоз деңқонларининг таклифи, деб ёзиб юбориш керак.

— Менингча, хатни Ұсар ёссын,— деди Кенжасы,— қисмлари, қайси труба, қайси гайкани қаерга қүйиш кераклигини боплайди. Үзи ёссын.

Бу таклиф ҳам Ұсарға маъқул тушди. Ҳақиқатан ҳам иккі йилдан бери минаётган машинаси ҳали конструктив камчиликдан холи эмас зеди, уни Тожибой айтгандек, янада яхшиласа бұлади. Ұсар бирдан жимиб қолди. Механик оддий колхозчиларнинг катта ишлари тұғрисида фикрларини үйлади. «Бу таклифлар амалға ошса, машина такомиллашади. Үзи териб, үзи тозалайдиган пахта комбайни яратылади. Ҳозир-чи? Ҳозир бир ишни иккі агрегат қиляпти. Ҳайдовчи, заправщик, ёрдамчи, автол ва бензин... Шу куч, шу материал билан машиналарни янада яхшироқ ишлайдиган қилиш мүмкін. Имконият бор, агар конструкторлар ана шу фикрларни ҳақиқатга айлантырсалар машина янада такомиллаштирилади, машиналарнинг иши янада унумли бўларди.

— Мактубни қачон ёзамиз?

— Энди ёssa бўлади...

Кенжабой сушилка үчоғига тұлдириб үтин солғач, Ұсарнинг олдига келиб, гапга аралашиб:

— Үша таклифларга яна битта таклиф қўш. Агар иложини топишса, машиналарни об-ҳавонинг ҳар қандай шароитида ҳам пахта терадиган қилишсин. Ҳул пахтани ҳам терадиган қилишсин.

Кенжанинг бу гапидан кейин Усарнинг хаёлида ҳам ялт этиб бир фикр пайдо бўлди.

— Хатни иккита ёзамиш,— деди у,— иккита.

— Икки кишигами?

— Йўқ, икки адресга, яъни биринчиси конструкторларга, иккинчисини эса селекционерларга...

— Тўғри айтасан,— деди Тожибой, улар биргалашиб ишласа яна яхши бўлади.

Усарнинг мақсади бошқа эди, аммо конструктор билан селекционер олимларнинг ҳамкорликда ишлаши кераклиги тўғрисидаги фикр ҳам унга жуда маъкул тушди. Усар иккинчи адресга, яъни селекционерларга нима ёзиш кераклигини шерикларига маъкуллатиб олиши лозим эди. У гап бошлади.

— Бу йил кузнинг ёмон келиши анча ишимизнинг белига тепди, тўғрими?— У, гапини маъкуллатгач, яна давом этди,— машинада териш учун махсус тез пишар сорт яратилса, яъни пахтанинг борлиқ ҳосили бирданига очилса ва биринчи теримдаёқ бутун ҳосилни йиғиштириб олиш мумкин бўлса.

— Бундай қилинса, о... яхши бўларди·я,— деди Тожибой завқланиб.

Шундай мақсад бор эмиш. Румшевич деган олим ўйлаётган эмиш, кеча агроном айтди.

Усар сакраб ўриндан туриб кетди.

— Раз олимлар ўйлай бошлаган бўлса рўёбга чиқади. Ишонамиз! Агар биз ҳам шуни талаб қилиб хат ёзсан, тезроқ етиштириб беришади. Ёзамиш, албатта ёзамиш!

— Олдин ҳаммамиздан салом айт,— деди Тожибой,— кейин бизга ишимизни осон қиласиган шундай яхши машиналар етиштириб берганлари учун минг-минг раҳмат дегин. Сўнгра... сўнгра таклифларимизни ёз.— У яна ниманидир айтмоқчи булиб тўхталиб колди, ўйлаган фикри хаёлига келгач, шошилиб кўшимча қилди,— яна шундай деб ёзки, ҳурматли конструктор ўртоқлар ўйлашиб кўришсин — «СХМ»дан кўсак чувишда ҳам фойдаланиш йўлларини қидиришсин. Жуда керак. Жуда!

Бу таклиф унинг ўртоқларига ҳам маъкул тушди.

Усар кўлга қалам олиб, хат ёзишга ўтириди. Тожибой билан Кенжа қофоз бетига ёзилаётган сатрни ўқиб бош қимирлатиб, маъкуллаб турдилар.

1951.

ТУНГИ ЧУВИШ ВАҚТИДА

Кун кечкириб, далани туман босди. Қоронғиликда ғўза шохларидаги қўсаклар кўринмас эди. Дала шийпонида занг урилди. Бу — бригадир Қорабоевнинг «кўсак узиш тўхтатилсан» деган сигнали эди. Ҳамма териб улгурган қўсакларини кўтариб, шийпонга чиқди.

Шийпонда колхозчиларга кечки иссиқ овқат тайёр қилиб қўйилган эди.

Кечки овқат тугаб, кечки иш соати яқинлашди.

— Кўсакни қаерда чувиймиз?

Далага кечки аёз тушди... Шийпон факат баҳор ва ёзги дам олиш чоғлари учун мўлжалланган бўлиб, куз ва кечки кузга мосланмаган эди. Кечки изғиринда бу жой айниқса совуқ бўлади. Шу сабабли кечаси шийпонда қўсак чувиш қийин ва унумли бўлмайди. Колхозчи хотининг «кўсакни қаерда чувиймиз?» деган саволининг асоси ана шу эди.

Кўсак чувиш машинаси ҳали иш бошлагани йўқ. Кўсак ҳўл. Агар машина иш бошласа-ку, бу ташвишнинг ҳожати ҳам йўқ эди. Энди машина чувиб беради, деб кутиб туриш ҳам мумкин эмас. Вакт зик.

— Уй-уйимизга бўлиб бера қолинг,— деди кимдир бригадирга қараб,— эрталаб биздан пахтасини тортиб оласиз.

Кимдир бунга қаршилик қилди.

— Уй-уйга ташисанг қўсакнинг баракаси учади. Бир жойда чувилган яхши.

— Якка ўтириб ишласанг — эсноқ босиб, уйқинг келади,— деди яна бир қиз,— кўпчиликда барака. Кўпчиликдан куён қочиб кутулмас.

Корабоев ҳам Рузвонхон таклифини қувватлади.

— Бутун бригада бир жойда ишлаймиз. Бизга ўн йиллик мактабдан учта хона ажратилган. Иккитасида чувилади, биттасига пахта тўкилади.

Ўн йиллик мактаб Корабоев бригадасининг даласидан етти километр узокда эди.

— Кўсакни машинада олиб борамиз,— деди Корабоев,— сизлар бораверинглар.

Колхознинг шу участкасидағи тўртта бригадага иккита машина ажратилган эди. Бу бригадаларнинг кўсакларини коллектив чувиш жойига ташиш учун икки машина саккиз марта қатнаши керак. Ҳозирча машиналар ҳали пахта пунктидан қайтгани йўқ эмиш. Шунинг учун ҳам Рузвонхон бошқача таклиф кирилди:

— Машина қачон келади? У ерга бориб чўпчак айтишамизми, ҳар ким ҳолига яраша этагига солиб, бошига қўйсин,— Рузвонхон биринчи бўлиб катта этакка кўсак сола бошлади.

Хотин-қизлар кўсакларни этакларига тузишиб, бошларига қўйишиб йўлга чиқди, эркаклар қопчиқларни тўлатиб орқалаб олишди.

Кеч соат ўн яримда мактаб биносида коллектив кўсак чувиш бошланди. Колхозчилар парта ва доскаларни вақтинча бошқа хонага чиқариб қўйдилар. Ҳар бир кишига чувиш нормаси берилди. Колхозчилар ўзлари билан олиб келган кўсакларини чувиб тамом қилмай, машинада ва четан аравада яна кўсак етказиб келишди. Кўсак чувиш хонасига бригадир кириши билан Рузвонхон гап бошлади:

— Бир соатдан кўпроқ йўл юрдик. Бу вақт ичидананча кўсак чувиш мумкин эди...

— Ўзинг кўрдинг-ку, шийпонда чувиб бўлмайди, чакка ўтган, зах, совук.

— Сенга бизни зах, совук ерда ўтқизиб кўсак чувитмадинг, деб нолиётгани йўқ,— деди Орифжон, нима учун шийпонимиз шу ҳолатга тушиб қолди, деяпти.

— Баҳорга чиқиб ремонт қиласиз.

Рузвонхоннинг қўллари кўсак чувишдан ҳам тўхталиб қолди. Ўйноқи қўзлари ҳаракатдан тўхтаб, бригадир Корабоевга қадалди:

— Бизга ундақа шийпон керак эмас,— деди қиз,— ёзда ҳам, қишида ҳам фойдаси тегмаган шийпоннинг нима

кераги бор! Колхоз ишлаб чикаришининг барча талабларига жавоб берадиган бўлсин...

Орифжон Рузвонхоннинг гапини қувватлади. У, тўқизинчи бригаданинг аъзолари экиш, чопиш ва ғўза парвариши даврларида далага кўчиб чиққани, далада ётиб унумли ишлагани туфайли мўл ҳосил яратилганини айтди.

— Бу гапларни раисга айтиш керак,— деди бригадир.

— Раис битта, сен билан биз кўпчилик,— деди Рузвонхон,— унга сен билан биз лукма солмасак, катта хўжаликнинг шунча масалаларини қаёқдан ўиласин.

— Тўғри,— деди кимдир,— бригадиримиз правление аъзоси. Ҳеч бўлмаса правлениега масала қўйсин...

Шу маҳал эшикдан кўлида электрофонари билан раис кириб келди. Ўнинг кийим-боши ҳўллигига қараганда ташқарида яна ёмғир ёғаётган эди.

Далада узган кўсагимизни етти-саккиз чақирилмаб кўтариб юрибчуваяпмиз. Уни қуритиш яна ҳам қийин.

— Таклифинг шуми?— раис шошилиб сўради.

Рузвонхон дарҳол жавоб қилди.

— Таклифим шуки,— деди қиз ўрнидан туриб,— дала шийпонларини яхшироқ қилиб қуриш керак. Ҳам дам оладиган, ҳам иш қиладиган қилиб, масалан, бир ёғига ясли, бир ёғига сушилка... кўсакни ҳам ўша жойда чувилса.

Раис ўйланиб қолди. Рузвонхоннинг фикри жуда қимматли фикр эди. Агар дала шийпонлари дала ишлаб чиқаришининг барча комплекс масалаларига жавоб берадиган қилиб қурилса меҳнатни ташкил қилиш анча йўлга қўйилар эди. Пахта териш, қоплаш, жўнатиш, кўсак узиш, чувиш, қуритиш бир жойда бирданига олиб бориларди.

— Эртагаёқ областга бораман,— деди Ҳасанов,— дала шийпонининг лойиҳасини буюраман. Дала шийпонини қишин-ёзин ишлайдиган қиламиз. У, факат даладаги маданий ўчоққина бўлиб қолмай, балки пахтачилик бригадасининг ишлаб чиқариш комбинати бўлиб қолади.

Рузвоннинг ўйноқи кўзлари янада чараклаб кегли.

ҚАҲРАМОН ВА УНИНГ ҚЕНЖАСИ

«Совет Иттифоқининг энг биринчи деҳқони, мамлакатда яккаю ягона ҳисобланган уч Олтин Юлдузли одам тўғрисида очерк» ёзишни илтимос қилиб қолишиди. Мен бу одамни яхши танир эдим. У билан қадимдан дўст бўлиб, тез-тез учрашиб турар эдик. Унинг бошидан кечирганинги, Шўралисойдаги фаолиятини яхши билар ва «Шарқ юлдузи» колхозида пайдо бўладиган ҳар бир янгиликдан бехабар қолмас эдим. Бу колхоз тўғрисида ва унинг раиси — уч марта Социалистик Меҳнат Қаҳрамони Ҳамроқул Турсункулов ҳакида жуда кўп китоблар ёзилган. Унинг ҳаёти ва фаолияти борасида қаламга олинмаган нима ҳам қолди... Колхоз рўзгори катта, иши кўп, зарур ва оғир, келажак режалари ҳакида ўйлашга ҳам вақт керак. Ана шундай вазиятда у яна бир очеркчини қандай қарши олиши маълум.

Шўралисойдаги бу галги учрашув кутилмаган дараҷада қўл келиб қолди. Якшанба куни эди. Кечаси ёққан ёмғир эрталаб ҳам тингани йўқ. Ҳамроқул акани ўз уйида, нонушта дастурхони устида учратдим. Ёнида кичик ўғли Рустамжон. У, ниманидир илтимос қилаётган бўлса керак, дадасининг бўйнига осилиб турибди. Ҳовлида шарпа эшитилгач, Ҳамроқул aka сакраб ўрнидан турдида, қаршимга чиқди.

— Келсинлар, келсинлар! — деди у кувнаб. — Хўп вақтида келдингиз-да, чой тайёр, қани ичкарига кирайлик!

Ҳамроқул ака меҳмондўст одам. Бир бурда нон топса ҳам меҳмонсиз егиси келмайди. Энг яхши таом — албатта меҳмонники!

Дастурхон бир зумда ноз-неъматга тұлиб кетди. Андак у ёқ-бу ёқдан гаплашиб үтирдик. Гап айланиб бу йилги қийинчиликтарга тақалаверди. Апрелда қор, бүрон бўлганини Узбекистон тарихи билмас эди. Ҳамроқул ака ҳам бу хил баҳорни умрида биринчи кўриши. «Обҳаво дарахтларни уч марта алдади,— деди Ҳамроқул ака,— аммо деҳқонларни алдай олмайди...»

У, шу гапни айтди-ю, меҳмонни ҳам, ўғлининг илти-мосларини ҳам унубиб ўйга толди. Унинг ўйланиб қолганда ҳамма нарсани унубиб кўядиган одати бор. Бу одатга ҳамма кўниккан бўлса ҳам, Рустамжон кўниколмас эди. У дадасининг елкасига осилиб, унинг фикрини кочириб юборди.

— Бор, ўғлим, дарсингни қил,— деди отаси.

Рустам дадасининг бўйнидан кучоклаб олди.

— Яна айтмайсизми? Бари бир энди айтиб бермаганингизга кўймайман. Ҳаммасини айтиб берасиз!

Рустамжон Ҳамроқул аканинг саккизинчи боласи. Отаси уни сира бағридан кўймайди, яқин-яқинларгача елкасида олиб юриб айтганини қилиб келган. Аммо Рустамжонни жуда қизиқтириб қолган шу масалага келганда, негадир хасислик қилиб «катта бўлсанг билиб оласан» деб қўя қоларди. Бу гал ҳам худди шундай қилди, «нимасини айтаман, айтарли гап йўқ-ку, болам» деди кўиди.

Рустамжоннинг қовоқлари осилиб кетди. Кўзларига жиққа ёш тўлди.

— Айтмасангиз, энди сизни дадажон демайман!

Кенжা ўғил чинакамига ранжиган эди. Ҳамроқул Турсунқуловдай болажон одам ўз севган боласининг кўз ёшини тўkkиси келармиди.

— Шунга ҳам хафақонликми, шер йигит, далага бир чиқиб келай, тушда айтиб бераман.

Рустамжон бу хил ваъдаларни кўп эшишган. Эрталаб, кечкурун, эрта-индин деган баҳоналардан неча-нечаси ўтиб кетди. Мана, энди яна баҳона. Рустамжон отасига яна маҳкамроқ ёпишиб олди. Ҳамроқул ака кенжасининг кўз ёшларини рўмолчаси билан артиб қўяркан сўради:

— Жуда ҳам билгинг келяптими?

Бола кувнаб кетди.

— Жуда! Жуда!

— Нега энди шуни билишга қизиқиб қолдинг?

— Мен ҳам уч марта қаҳрамон бўлмоқчиман!

Ҳамроқул ака кулиб юборди.

— Шу гапингни илгарироқ айтмайсанми, Олтин Юлдузимни тақиб кўя қолардим.

— Сизникини олмайман. Одамлар сизни қаҳрамонликдан тушиб қолибди демайдими?

— Демайди.

— Нима қилса уч марта қаҳрамон булишни айтсангиз бас. У ёғини ўзим бажараман. Лекин бошка болаларга айтмайсиз. Қишлоқдаги ҳамма болалар «Рустами дадасидака уч марта қаҳрамон бўламиз» деб юришибди...

Ҳамроқул ака хурсанд бўлиб ўғлининг елкасига уриб кўйди. Отаси ҳар гал ўғлини эркалаганда елкасига уриб кўярди. Демак унинг уч марта қаҳрамон булишига отаси ҳам тарафдор. Шу боисдан бу галги эркалаш Рустамжон учун энг катта мукофот бўлди. Қани энди у илож топса-ю, ҳозирданоқ устма-уст қаҳрамон бўлиш сирларини била қолса, енг шимариб ишга тушса! Тенг-тўшларидан аввал максадга эришса... у ошиқиб сўрай бошлади.

— Биринчи Олтин Юлдузни қандай олгансиз? Иккчинчисини-чи? Учинчисини-чи?

— Жуда қийин жойдан тутдинг-ку, шер йигит.

Отанинг юзлари жиддий тортди. Бирпас жим қолди. Рустамжон бунинг сирини билолмай ҳайрон эди. Ўн яшар бола етук одамнинг таъбирларини қаёқдан ҳам билсин. Үнга факат битта нарса аён: Рустамнинг акаларига «Бирор гап сўраса дарров жавоб бер, аммо ўйламасдан сўйлама» дер эди. Нимани ўйлаяпти отаси?

Ҳамроқул ақа жуда бардам, бақувват ва шу билан бирга қувноқ, одамлар билан эринмай гаплашадиган, маслаҳатгўй одам. Болалари билан ҳам узоқ-узоқ гаплашиб ўтиришдан зерикмайди. Шу чоққача саккиз бола, ўн уч неваранинг бирорта илтимоси ерда қолмаган. Аммо Рустамнинг шу биргина илтимоси кўпдан бери ижросиз қолмоқда. Рустам туғилиб, оқ билан корани ажратадиган вактида отасининг кўксида Олтин Юлдуз пайдо бўлган эди. У ана шу чиройли юлдузни тортқилаб ўйнаб катта бўлган. Кейин-кейин унинг ёнига яна бир янги юлдуз кўшилди. Сўнгра яна бири пайдо бўлиб, отаси уч

юлдузлик булиб қолди. Қишлоқда унинг отасини уч марта Социалистик Мәжнат Қаҳрамони деб атай бошладилар. Рустамжон бу ҳакда жуда күп гаплар эшилди, ҳатто радиоларда ҳам унинг дадаси тұғрисида тез-тез гапира бошладилар. Айниқса колхоз боғчасидаги болалар Рустамжонни ҳам «кичкина қаҳрамон» деб чакираған бўлдилар. Ана шунда у, болаларга «қаҳрамон бўлишни дадамдан сўраб оламан-да, мен ҳам учта Олтин Юлдуз тақиб юраман» деб мактаниб кўйди. Шундан кейин ҳар куни болалар «сўрадингми?» деявериб унинг жигига тегадиган бўлиб қолиши. Рустамжоннинг отаси эса шу масалага келгандан доим «хасислик» килади. Ўғлига ўзининг қаҳрамонлик тарихини айтib бермайди. Мана энди Рустамжон мактаб боласи бўлиб қолди, ҳадемай йигит бўлиб қаторга киради. Айтib бера колса нима қиласкин?!

— Уч марта қаҳрамон ҳам қийинчиликдан кўрқадими? — деб юборди Рустамжон ниҳоят дадасига тикилиб.

Бошқа одам тұғрисида гапириш осон, аммо ўзи тұғрисида гапириши кийин. Ўғилнинг бу илтимосини ерда қолдириш ҳам мумкин эмас эди. Ҳамроқул ака, отанинг ўз болалари олдидаги бурчини жуда яхши билар ва доим унга амал қиласи эди. Отанинг вазифаси болага яхши тарбия бериш, ҳунар үргатиш, илмли, билимли килиб катта йўлга солиб юборишдан иборат, дерди. У ўзининг катта ўғил-қизлари олдидаги бурчини ҳалол бажарди. Катта ўғил-қизлари ўқиб-ўрганиб, вояга етиб, уй-жойлик бўлиб ўз йўлларини топиб кетдилар. Қўплари шаҳарда яшаб, ишлаб юришибди. Ҳамроқул ака улардан ун уч невара кўрди, энди эвара кўриш олдида турибди. Рустамжон эса, ўз йўлинин топиб олганича йўқ. У етилгунча ҳали анча вакт бор. Уни камолотга етказиш — ота учун ҳам фарз, ҳам қарз. Севимли ўғил ота касбини эгалла-моқчи экан, унинг йўлинин тўсиб бўладими! Майли, босиб ўтган қийин йўлларингни кўрсат — билиб қўйсин. Пахтачилик ҳунарини үргат — кўзи пишсин. Одамийлик хислатларини намойиш қил, ақл, идрок ўргансин. Энди замон шуларники: бисотингда борини бер, колганини ўзи топиб олсин...

У, жажжигина Рустамжоннинг ёниб турган кўзларига оталик меҳри билан сукланиб қараб турди-да:

— Агар ҳамма нарсани астойдил билиб олмоқчи бўлсанг, биз билан юр, далага чиқмоқчимиз,— деди.

Рустамжон иргиб ўрнидан турди-да, отасининг кетидан йўлга отланди.

Бу таклиф менга ҳам жуда маъкул тушди. Ҳамроқул ака менинг очерк ёзиш ниятимдан бехабар. Бугунги учрашувда ҳеч ким қаламга олмаган бирор янгилик топилиб колса ажаб эмас. Шу сабабдан Ҳамроқул ака, нималарни кўрамиз, дегандай менга қараган эди, «Рустамжон нимани истаса, мен ҳам шерикман» дедим. Биргалишиб кўчага чиқдик. Ёмғир тинибди. Кўчалар топ-тоза. Дараҳтларнинг майин барглари нимжон кўкариб турибди. Зумрад осмон шарқ томондан аста ёришиб келмоқда. Ҳадемай қуёш чиқадиганга ўхшайди.

Қишлоқ аллақачон қўзғалиб қолган. Вақт ғанимат. Ерга айни чигит тушадиган палла. Кўчанинг икки бетидаги кузги шудгор яқиндагина молалаб қўйилган экан, сеялкаларни кутиб турибди. «Қуёш кўтарилиши ҳамон экишга тушамиз», деди Ҳамроқул ака Рустамжонга.

— Экишни қачон тугалламоқчисизлар? — деб сўрадим.

— Кунига ярим минг гектар экишимиз мумкин. Ер тобида, техника тайёр. Бир ҳафтада экиб бўламиз.

Ҳаво ёришиб, кўпчиб турган ер бетига нур тўкила бошлади. Кўкни қоплаб турган булувлар орасидан патирдай қуёш кўтариљмоқда. Ҳамроқул ака қуёшга разм солди-да, дараҳтларнинг энг тепа шохларига қаради, кейин увотлардаги нимжон майсаларга бокди, дараҳт уни жим. Бу — кун юришиб кетишининг аломати эди. Ҳамроқул ака «Ҳозир келаман» деди-да, бизни ташлаб кетиб қолди. Қелгунича биз Рустамжон билан тил бириткириб олдик.

Замонамиз донгдор кишиларининг ҳаёти ва фаолияти, хислати ва ибрати жуда кўп одамларни қизиқтиради. Кичкина Рустамжоннинг мақсади ҳам қонуний мақсаддир. Шунинг учун Ҳамроқул ака қайтиб келиши билан ота-болани гапга солиб қўйиб, уларнинг ҳар бир одими ва ҳар бир сўзини синчиклаб кузатиб бордим...

Орадан бир неча минутлар вақт ўтиб кетса ҳам на отадан, на боладан садо чиқди. Иккаласи ҳам жим. Отаси, эҳтимол, ўз фикрларини тўплаётгандир, аммо боласи унинг айтиб берадиган гапларини сабрсизлик билан кутмоқда. Агар қаҳрамонлигининг тарихини айтадиган бўлса, уйда ўтириб айтиб берса ҳам бўлаверарди, нега энди у ўғлини дўнгликка бошлайяпти? Бунда қандай сир бор?

Отаси ҳамон дүнглилекка қараб бошлаб бормоқда. Энг тепаликка күтарилигач, Рустамжоннинг кўлидан ушлаб, «теварак-атрофга боқ!» деди. Рустамжон ниманидир қидиргандай, атрофга сукланиб қаради. Унинг кўзига аввало тўп-тўп дарахтлар, таниш боғлар, сўнгра оппок иморатлар кўринди: дарахтлар ҳали барг ёзгани йўқ, баъзи томларнинг усти қор. Онда-сонда дўнгликларнинг қоқ тепаси кўкариб турибди. Бултурги пахтазор ерларнинг юзи шудгор... Ҳар баҳорги таниш манзара. Отаси нимани кўрсатмоқчи унга? Рустам кўзларини ишқалаб яна атрофга синчилаб қаради. Бу гал унинг кўзлари горизонтдаги ҳеч бир нарсани қолдирмасликка тиришди, аммо ҳайратда қолдирадиган ҳодиса учрамади.

— Ҳеч нарса кўринмаяпти-ку!— деди Рустамжон болаларга хос таажжубланиб.

Шунда дадаси:

— Ҳеч нарса кўрмаяпсанми?— деб жиддий сўради.

— Кўриняпти,— деди ўғил ва кўзга нимаики чалинса ҳаммасини санаб берди.

— Илгарилари ана шуларнинг ҳеч бири йўқ эди...— деди Ҳамроқул ака.

Рустамжон отасининг оғзига тикилганича қолиб, унинг ҳикоясини тинглади. У, шу қадар берилиб кетган эдики, ҳар бир сўзни уқиб олгиси, ҳар бир лавҳани ютиб юборгиси келарди.

Жажжигина Рустамга кўмаклашиш учун тез-тез сұхбатга аралашиб турдим. Ҳамроқул ака ҳам «ўғлим сенга айтаман, меҳмон сен эшит» дегандай кўрган-билганилари, бошидан кечирганларини оқизмай-томизмай ҳикоя қилишдан эринмади.

— Ер ҳам йўқ эди, сув ҳам...— деб ҳикоясида давом этди Ҳамроқул ака.— На гиёҳ, на дарахт бор. Бу жойлар баланд-пастлик жар ва жилғалардан иборат бўлиб, унда фақат янтоқ ўсади. Одам келса оёғи, қуш учса қаноти қуядиган кўрқинчли ерлар эди. Бу ерларда безгак билан бойўғли яшар эди.

Ҳикоя давом этди. Рустамжон неча марта «Кейин нима бўлди?» «Сўнгра нима қилишди?» деган савол ташламоқчи бўларди-ю, аммо отасининг ўзи унинг нимани сўрамоқчи бўлаётганини билиб тургандай, бир гапни қолдирмай батафсил ҳикоя қиласди.

Тошкентнинг яқинида шундай нообод ерларнинг туриши мумкин эмас эди. У ерларни ишга солиш зарур эди.

Шўралисой ўнқир-чўнқирларида истиқомат қилувчи аҳоли колхозга уюшиб, чўл қувлашга тушди, аммо кичик колхоз, оз одам, кам куч дўнгликлардан бойўғлини ҳам ҳайдай олмади. Бир-икки ориқ от, уч-тўрт маймок туёк хўқиз ва ёғоч омоч билан нима ҳам қилиб бўларди.

Шунда фарғоналий пахтакорлар ёрдамга келдилар. Кетмон билан ер тирнаб, дўнгликларни йўниб, жарликларни тўлдириб, тепаликни текислаб, қаричма-қарич, гектарма-гектар ер оча бошладилар. 1935 йилги пахта хосили гектарига беш центнердан ошмади. Шапалоқдай кетмоннинг кучи нимага ҳам етарди. Ҳосил оз, даромад кам, тирикчилик оғир. Одамлар секин-аста колхоздан тарқалиб кета бошладилар.

Шу йили Ҳамроқулнинг раис бўлиб сайланишиданми ёки «ер очамиз!» деб аҳд қилиб қўйганликлариданми, Фарғона водийсидан келган пахтакорлар жарликларда гувала уйлар ясад, Шўралисойга ўрнашиб қолдилар. Аммо тирикчилик ғами, шахсий рўзгор икир-чикирлари коллектив хўжалик манфаатидан кўра қучлироқ эди. Ҳамроқул аканинг бу борадаги ҳамма уринишлари зое кетаверди. Деҳқоннинг онги — кўзида, унинг кўзи эса табиатан очкўз. Кўзи тўймагунча, кулоғига гап кирмайди. Деҳқоннинг онгини ошириш учун унинг турмуш даражасини оширадиган йўлни кўзга равшан кўрсатиш кепрак эди.

Шўралисой деҳқонларининг кўзини тўйдириб, онгини оширган бирдан-бир нарса машина бўлди. 1936 йил баҳорда чигитни ҳам машина экиб берди. Чукур жўякларга белчада чигит тикиб юрган кишилар дастлаб «машинада экилган чигит униб чиқмайди» дедилар. Уша одамларнинг ўзи сал ўтмай уялиб қолишиди. Чигит текис униб чиқди. Қейинча ўша одамлар бошка баҳона ўйлаб тошиди. «Машина усулидаги фўза сувга қонмай қуриб қолади, меҳнат зое кетади». Бора-бора бу гапларнинг ҳам сийқаси чиқди. Шу йили ҳосил икки ярим баравар кўпайиб, даромад уч ҳисса ошди. Колхозчининг чўнтағига пул тушиб, уйига кўпроқ ғалла кирди. Анча-мунча ғаламисларнинг юзи қора бўлди.

Ана шундан кейин мустаҳкам интизом учун кураш бошланди. Кимки ўз манфаатини кўпчилик манфаатидан юқори кўйса, унинг кўзини очиб қўйиш учун умумий йиғилиш чақириладиган бўлди. Кўпчиликнинг ҳақини кўп-

чиликнинг ўзи ҳимоя қилди. Жамоат хўжалиги колхозчининг асосий даромад манбай бўлиб қолди.

Рустамжон буларнинг ҳаммасини унчалик аниқ тасаввур қила олмаса ҳам, дадасининг ҳикоясидан ўзи билмаган жуда кўп нарсаларни уқиб олгандай бўлди. Бироқ, негадир, дадаси Рустамжоннинг асосий саволига — энг биринчи Олтин Юлдузни қачон ва қандай қаҳрамонлик учун олгани ҳақидаги сўрока жавоб беришдан ҳамон четлаб ўтар эди. Унинг шу чоққача айтган гаплари ўзи ҳақида эмас, шуралисойликлар, фаргоналиклар, дастлабки колхознинг активлари, барча колхозчилар ҳақида эди. Рустамжоннинг ўзи нима қилса биринчи юлдузга лойик ишлаган бўлади? Унинг дадаси ана шуларни гапира қолса бўлмайдими? Афсуски, дадасининг бошқа одамлар ҳақидаги гаплари сира тугамас эди.

— Ўзингиз-чи, дада, ўзингиз нималар қилган эдингиз? — деди ниҳоят Рустамжон мақсадига тезроқ етиш учун.

Ҳамроқул ака ўғлининг парпираб турган кўзларига кия бокди-да, аста деди:

— Шуни билиб қўйгинки, якка отнинг чанги чиқмас, чанги чиқса ҳам донги чиқмас, дейдилар. Бунинг маъноси — бир одамнинг қўлидан ҳеч нарса келмайди, дегани бўлади, ўғлим.

Рустамжон бу гапнинг ҳам маъносига тушунмай ҳайрон бўлиб, дадасига қаради.

— Тушунмадингми? — деб сўради ўғлидан ота ва унинг елкасига уриб эркалади, — ҳечкиси йўқ, тушуниб оласан. Юр бу ёкка, тушуниб олишинг учун ўзим қарашиб юборай.

Тепаликдан пастга туша бошладик. Кунгай ён бағирикда бултурги илдизлардан кўкариб чиқсан майса шабадада селкиллаб турибди. Рустамжон шундай яшил майсани босиб боргиси йўқ, аммо уни босмай ўтишликка илож қайда. Теварак-атрофни табиат баҳмали қоплаб ётибди.

Текис йўлга чиқиб олишгач, Ҳамроқул ака орқасига қайрилиб, четда қолган дўнгликка бармоқ чўзди.

— Катта бўлганларингда ана шу дўнгликни текислаб юборманглар, хўпми?

— Нега?

— Чунки бу дўнглик шу ерларнинг музейи. Бундай

дүнгликтан тұртасини атайлаб қолдиғанмиз. Бу — Шұралисой ерларининг осори атикасы...

Рустамжон «отам шу ерларда жанг қылган экан шекилли» деб үйлаб, тұхтаб қолди. Қанақа жанг? Қандай қаҳрамонлик?

Ота узоклаб қолған эди, Рустамжон чопқиллаб унга етиб олди. Катта канал. Сув лиммо-лим.

— Балиғи борми, балиғи? — деб сұради Рустамжон.

— Балиғини үзларинг урчитасизлар. Хұпми?

«Хұп» деди Рустамжон, лекин нима учун ота ундай деди-ю, нега үзи «хұп» деб жавоб қилди, бу эрталабдан бери дуч келаётган жумбокларнинг бири эди. Турсункулов бу жумбоқни ечишни ҳам үғлининг үзиге ҳавола қилди.

— Бу канал сендан үн йил илгари туғилған,— деди Ҳамроқул ака ҳазилкашлик билан.— Ерни күпайтириб құйиб, ғұзага сув еткізолмай қолдик. «Канал чиқармиз» десак баъзиларнинг лабига учук тошиб кетди. Ахир асрлар бүйи хонлар, беклар қилолмаган ишни юз әллик хұжалик колхозчи қилоладими?.. «Қиламиз!» дедик ва уч йилнинг ичидә шу канал тикланди. Шұралисойда неча-неча дамбалар пайдо бўлди, үн икки чақирим масофада сув баландга кўтарилиб, қир ва ён бағирликларга ҳаёт олиб чиқди.

«Бирлик» колхозининг далаларида ҳосилдорликнинг уч йилда гектаридан салкам үттіз центнерга кутарилиб кетишининг асосий омилларидан бири ана шу канал эди. Ер ҳам салкам уч баравар күпайди. Ҳосилдорлик эса тұхтамай үса борди. Ҳамроқул ака үн яшар кенже үғилга гапираётганини ҳам унугиб, аллақандай ракамларни тилга олиб, аллақандай омиллар ҳақида дам куйиниб, дам қувониб сұзлай кетди. У үз ҳикоясига шундай берилиб кетген эдик, гүё катта йиғинда нұтқ сұзлаётган кишидай, аллакимлар билан баҳслашаётгандай, овозини баландлаб гапиришга тушди. Албатта, бу гаплар Рустамга айтилаётгани йўқ эди. Буни Ҳамроқул аканинг үзи ҳам сезиб қолди шекилли, үзини үнғайсиз сезди.— Агар колхозчилар қаҳрамонлик күрсатмаганларida эди, шундай канални қуриш осонмиди. Бу канал нина билан қудук ковлагандай, кетмон билан қазиб олинган. Энди бу ишни тұртта экскаваторнинг үзи қилиб қўяди. Пастки каналларимизга кетмон тегизганимиз йўқ.

Ҳамроқул аканинг бир одати бор: ўз колхозининг босиб ўтган йўли тўғрисида гапга тушиб кетса, ҳеч ким тўхтата олмайди. Бутун тарих унга ёд бўлиб кетган. Рустамжон дадасининг бу одатини яхши билгани учунми, ёки ҳурматли отанинг гапини бўлишга журъат этолмагани учунми, ҳамма гапни тинглашга жазм қилди. Ҳамроқул ака ўтган-кетган одамлар, аллақандай саргузаштлар, эпизодларни айтиб, «буларни билиб қўйганларинг маъкул» деди.

Йиллар ўтган сари «Бирлик» колхози тобора кучайиб борар эди. Теварак-атрофида пайдо бўлган колхозлар ҳам ер очиш, ҳосилдорликни оширишда ундан орқада қолмасликка ҳаракат қилдилар. Аммо кичик колхозлар катта ишларга нимжонлик қилиб қолар экан. Шу сабабдан дастлаб Куйбишев номли колхоз «Бирлик»ка бирлашди ва колхозни «Шарқ юлдузи» деб атай бошладилар. Кейинча яна уч колхоз бирлашди. Бу колхознинг ҳам ери, суви — шароити бир хилда бўлишига қарамай ҳўжаликлар заиф, ҳосилдорлиги пасть, умуман ишлари олға босмас эди. «Шарқ юлдузи»нинг ҳар бир гектар еридан кирк уч центнергача ҳосил олинган йили қўшни колхозларда ўн бир-ўн икки центнердан ошмади. Колхозлар бирлашган йили «Шарқ юлдузи» нинг ҳам ҳосилдорлиги бирданига етти центнерга пасайиб кетди, аммо янги қўшилган тўрт колхоз ерларидан йилига олинадиган ҳосил уч ярим баравар қўпайди. Даромадда ҳам умумий кўтарилиш юз берди.

— Бунинг сабаби ишнинг қўзини билишда ва асосан техникани тўғри ишлатишда,— деди Ҳамроқул ака ўғлининг саволини кутмасдан.

Колхоз техниканинг қурби нимага етса, ҳаммасини ишга солишига тириши. Ғўзапоя юлишдан, шудгор килиш, молалашгача, экиш ва культивациягача, пахтани қуритиб, заводга топширишгача техника мададкор бўлди. Агар шундай қилинмаганда таннарх кимматлашиб кетарди, колхозчи ҳар бир меҳнат кунига ўттиз беш сўмдан пул, пудлаб дон-дун ололмас эди. Колхозчиларда колектив меҳнатга иштиёқ туғдирган омиллардан биринана шу шахсий иқтисодий манфаатдорлик эди.

Бу соҳада МТСнинг ёрдами жуда катта бўлди. Аммо, бора-бора машина-трактор станцияси билан колхоз ўртасида кўз илғамас қарама-қаршилик пайдо бўлиб қолди. Ҳамроқул аканинг таъбири билан айтганда, ернинг

хўжайини иккита бўлиб қолди. «Хўжайн иккита бўлса иш сира юришмас экан» дейди Ҳамроқул ака. Шу сабабдан колхоз МТСнинг Шўралисойдаги буткул техникасини — трактордан тортиб терим агрегатигача, сеялкадан то бульдозергача сотиб олиб, жами пулини бир чек билан тўлаб кўйди. Мана энди техника ҳам, ер ҳам битта хўжайнинг хизмат қилмоқда. Бунинг нафи аввало шу бўлдики, тракторга дехқоннинг ўзи минди. Трактор-далачилик бригадалари тузилиб, ҳамма колхозчилар техникани эгалламоқда — қишлоқ меҳнати саноат меҳнатининг бир турига айланмоқда. Қолаверса, техника истаган вакт ва истаган жойда, зарурат борича ишлатилмоқда. Бундан колхознинг экономикаси катта наф курди. МТСга тўланадиган бир йиллик натура ҳаки ҳажмидаги маблағ билан бутун техника колхозга ўтиб, уч йилдан бери миллион сўмдан даромад келтирияпти. Бундан давлат ҳам, колхоз ҳам, колхозчи ҳам манфаатдор.

Суҳбат энди кизигига келганда от кишинаб юборди. Қайрилиб қарасак, ортимиизда пахтакор. Социалистик Меҳнат Қаҳрамони Раҳмонберди Йўлдошев дала айланниб юрган эди. У, дарҳол отдан тушиб ёнимизга келди.

— Ҳорманг, Раҳмонберди! — деди Ҳамроқул ака.

Мен уни танидим. Машҳур пахтакор. Социалистик Меҳнат Қаҳрамони Раҳмонберди Йўлдошев дала айланниб юрган эди. У, дарҳол отдан тушиб ёнимизга келди.

— Икки соатдан кейин агрегат соламан, — деди у раисга рапорт бергандай. — Ўзбексельмашчилар кўп ақлли сеялка ишлаб чиқаришибди. Айтган жойингга, айтган миқдорда чигит ташлайди. Бир гектар ерни синамоқка экиб кўрган эдик, чигитимизнинг учдан икки қисмини тежаб берди. Афсуски, битта холос...

— Битта бўлса ҳам факат шу сеялкада экинг! — деди Ҳамроқул ака.

Раҳмонберди Йўлдошев соатига қаради-да, чаққон отга миниб агрегат томон жўнади. У кўздан фойиб бўлиши билан Ҳамроқул ака «Квадратларни биринчи бўлиб жорий қилган кишимиз шу одам» деб кўйди.

Ҳамроқул ака бу гал ҳам ўз хизматларини тилга олмади.

— Ўзингиз-чи, ўзингиз нима қилган эдингиз?

— Мен ҳам ана шу колхозчилар билан бирга эдим, — деди Ҳамроқул ака, яна колхозчилар тўғрисида гапларини давом эттирди.

Кекса колхозчиларнинг жасорати ҳақидаги ҳикоя мени ҳам жуда қизиқтириб қўйди. Воеа бундай бўлган эди. Пахта ҳосилдорлигини йилдан-йилга кутариш учун ерга кўплаб минерал ўғит солиш лозим эди. Минерал ўғит пулга келади, ҳам ўлчовли берилади. Уни кўплаб олиш қийин, қимматга тушиб кетади. Бирдан-бир йўл — маҳаллий ўғит ишлатишда эди. Қишлоқдаги маҳаллий ўғит манбалари тугагач, колхозчилар Янгийўл шаҳрига ҳам қатнай бошладилар. Шаҳарга «Шарқ юлдузи»дан бошқа колхозларнинг ағдармалари ҳам қатнай бошлиди. Уруш йиллари айникса ўғит олтинга баравар булиб қолди. Ана шундай кезларда Ҳамроқул aka кекса деҳконларга мурожаат қилди. Қари билганини пари билмайди, дейдилар. Улар шу ёшга киргунча кўп нарсаларни кўриб, кўп воқеаларнинг шоҳиди бўлганлар. Асанбой ота Даулбоев билан Файзи aka Исаевлар ҳам Ҳамроқул aka каби ёш умрини чорикорликда, қаролликда ўтказгандардан. «Шарқ юлдузи» колхозининг ҳозирги дала-ларидан бирида, бундан юз йиллар илгари, бойларнинг катта қутони бўлган. Шу ерларда кўй қийларининг катта қатламлари кўмилиб ётган бўлиши эҳтимол эди.

Колхозчилар «ер ости бойлиги»ни ковлаб топдилар ва юз йиллик кўй қийлари қатламлари очилиб, минг-минг тонналаб «азот» олинди ва Ҳамроқул аканинг ўз таъбири билан айтганда, бу арzon ўғит далаларга ёғдай ёқди. Рустамжон «Нега «азот» булади, қий топилди дедингиз-ку» деган эди, Ҳамроқул aka бунинг ҳам таъбирини айтиб берди: Кўй қийда азот кўп. Тоннасида юз эллик килограмм азот бор. Яна қандай азот! Энг арzon ва энг қимматли ўғит!

Рустамжон учун бу ҳам навбатдаги сабоқлардан бири эди. Ота касбини эгалламоқчи бўлган бола бундай мӯжизаларни билиб қўйгани яхши. Колоқ колхозларнинг «ориқ» ерларидан ҳам мўл ҳосил этиширилишининг «сирлари» бирма-бир тилга олингач, Рустамжон бу соҳада ўз отасининг роли нималарда эканини сеза бошлади. Аммо нима учундир отаси ўзини четлаб, бошқалар ҳақида, умуман колхозчиларнинг коллектив «ишларини»гина тилга оларди. Рустамжоннинг «ҳамма ишни колхозчилар қилган бўлса, сиз нимага қаҳрамон бўлдингиз?» деб сўрагиси ҳам келди. Эрка ўғил, севимли кенжада айтнуб юбориши ҳам мумкин эди, лекин бу ҳақда отасининг ўзи гап очиб қолди.

— «Биринчи Олтин Юлдузни нимага олгансиз?»—деб сүрадинг, ўғлим. Катта одамлар ҳеч қимга бундай савол беришмайди, ўzlари билиб олишади. Сен ёшсан, сенга айтишим мумкин. Биринчи Олтин Юлдузни 1948 йили беришган.

— Нима учун?— Рустамжон шошилиб сўради.

Ҳамроқул ака бир оз ўнғайсизланиб олди-да, қисқа жавоб қилди.

— Колхозчиларимиз пахтадан узлуксиз юкори ҳосил олганликлари учун. Колхозда ер ишлари маданияти кўтарилигани учун...

Бу жавоб ҳам Рустамжонни қониктирмади. Бу колхозда пахтачилик йилдан-йилга кучаявергани билан, даси айтган ер маданияти ўсавергани билан кичкина Рустамжонга бирор учта Олтин Юлдуз тақиб қўярмиди? Олтин Юлдузни партия ва ҳукумат алоҳида хизмат кўрсатган қаҳрамон одамларга беради. Унинг отасининг алоҳида хизмати, қаҳрамонлиги қаерда? Рустамжон отасининг камбағал оиласи туғилиб, ҳорликда ўсгани, бойларнинг қўлида азоб чеккани, кейинча «корни катта золим бойларга қарши» курашгани ҳакида кўп гаплар эшитган. Босмачиларга қарши қўлига қурол олиб жанглар қилгани, ҳатто шахсан Семён Михайлович Будённий билан бирга душманларни қирганини билади. Ахир бу ҳакда яқиндагина Ўзбекистонга келган мўйловли маршал Будённий отанинг ўзи ҳам гапириб кетди-ку. Отасининг ана шундай ботирлиги учун орден билан олтин курол беришган, лекин Олтин Юлдуз бермаган-ку! Демак, отасининг колхоздаги ишлари ҳакиқий қаҳрамонлик ишидирки, бир эмас учта Олтин Юлдуз тақиб қўйибди. Яна юлдузнинг ўзгинаси эмас, ёнида Ленин ордени ҳам бор...

Ўзи қилган хизматлари, кўрсатган қаҳрамонликларини айтиб бера қолса-ку, Рустамжон ҳам ишни шу тахлитда бошлаб юборар эди. Дадажони нега айта қолмас экан, кимдан яширади бу сирларни?..

— Мен ҳам ўз ҳаётимни сиздай бошлайман, дада...— деди Рустамжон беихтиёр.

— Йўқ,— деди дадаси,— мендай бошлама, у кунларни кўрсатмасин...

Ҳамроқул аканинг юзида ўтмишдан жирканиш аломати пайдо бўлди. Жирканганича ҳам бор-да. Ҳамроқул Турсункулов туғилган 1892 йил — очарчилик йили эди.

Олтиариқдা�гина эмас, бутун Фарғона водийсида, бутун Туркистонда тенгсизлик ҳукм сурган, ҳамма жойда меҳнаткаш оч ёки ярим оч яшар эди. Чунки у замон кўза кўтарган хор бўлиб, синдирган азиз қилинадиган замон эди. Тўғрироғи, Фурқат айтгандай, у вактларда «айшни нодон суриб, кулфатни доно тортар» эди. Турсунқул акалар оиласи кенжа ўғли Ҳамроқулни ҳам кичкиналигиданоқ ўзига нон топиб ейишга ва яримта бўлса ҳам оиласа нон топиб келишга юборган эди. Ҳамроқулнинг ҳаёти қаролликдан бошланган. Энди бой ҳам йўқ, батрак ҳам. Эзиш, эзилиш ҳам йўқ. Бизнинг замонамида батракликни ҳавас қилиб бўладими! Ўғли меҳнат фаолиятини коммунизмнинг актив курувчилигидан, тўғрироғи, коммунистик меҳнат фаолиятидан бошлайди.

Шу сабабданми, Ҳамроқул ака Рустамжонни қишлоқ марказига бошлаб келди-да, кичкинагина ариқ бўйида чиройли қилиб ясалган «Ҳурмат тахтаси» олдида тўхтади. Рустамжон бу витринани кунига неча мартадан кўрган, ундағи ҳар бир портретни танийди. Отаси бу ерда унга қандай янгилик ҳам айтиши мумкин. Ундан кура анави бюст олдига бошлаб бориб, иккинчи Олтин Юлдуз тарихини, яъни нима учун қишлоқнинг қоқ ўртасида Ҳамроқул Турсунқуловга бюст ўрнатилганини ҳикоя қилса бўлмайдими! Йўқ, Турсунқулов ундей қилмади. Ўғлини «Шарқ юлдузи» колхозининг «Социалистик Меҳнат Қаҳрамонлари» деб ёзилган ҳурмат тахтаси қаршисида узоқ тутиб қолди. Унда ўн кишининг чиройли фотопортретлари кулиб турибди. Албатта, энг биринчи қаторда унинг дадаси...

— Буларни танийсанми?

— Танимай-чи!

— Булар колхозимизнинг энг ҳурматли кишилари-ку, ҳалол меҳнатдан барака топган кишилар. Мана бу Абдуваҳоб Асанбоевнинг кулиб туришини курдингми! Ўзиням ишлаб чарчамайдиган одам. Звеносининг ҳар гектар еридан тўқсон уч центнердан «оқ олтин» олди. Айтмоққа осон. Дунёда гектарига бунчалик кўп пахта олган одамни кам кўрганмиз. У, меҳнатга муҳаббати зўрлигидан шу даражага эришди. Бу йилги ҳаракати янада катта. Буниси Яхшигул Отабоева... Булар Жалолов, Мирзабоев, Йўлдошев... Буларнинг ҳаммаси меҳнатдан обру топган, роҳати ҳам меҳнатдан. Энг арzon пахта етишириш учун мусобақани ана шулар бошлаб берди.

Рустамжон гап отасининг ўзига яқинлашиб қолаётганидан севиниб турган эди, Ҳамроқул aka яна бошқа кишилар ҳақида ҳикоя қила кетди.

— Мана бу йигитлар энг кичик қаҳрамонларимиз булади. Улар мактабдан кейин далада ишлаб юриб қаҳрамон бўлишган...

Рустам жонланиб кетди.

— Мактабдан кейин дейсизми?

— Ҳа-да, ҳам ўқиб, ҳам ишлашган...

Булар колхоздаги биринчи ва иккинчи ўн йиллик мактабни битириб чиқкан ёшлар эди.

— Биламан, бизнинг мактабимиизда ҳам уларнинг суратлари бор.

— Ҳа, балли, ўзинг ҳам билар экансан. Уларнинг қилган ишларини ҳам билиб олинглар.

Ҳамроқул aka ёш қаҳрамонлар ҳақидаги ҳикоясини иккинчи витрина олдида ҳам давом эттирди. Бу ерда юзлаб колхозчи эркак ва аёл, йигит ва қизларнинг фотосуратлари қўйилган эди. Буларнинг ҳаммаси бири-биридан қувнаб турибди. Рустамжоннинг назарида бутун қишлоқ одамларининг сурати шу ерга териб қўйилганга ўхшар эди. Бу суратларнинг ичida Рустамжонники йўқ, холос.

Буларни кўриб Рустамжон шу қадар қизиқиб кетдики, қаҳрамон Йўлдошевлар қаторига қўшилиб ишлагиси келиб қолди. Бу ҳакда отасига маслаҳат солган эди, у кулиб қўя қолди. «Нега куласиз?» деган сўроғига отаси қисқагина қилиб «Бунинг учун билим керак!» деди.

Рустамжоннинг гапи ичida қолди. Чунки менинг илтимосим билан отаси энг муҳим ишлар устида гап бошлаб қўйган эди.

1951 йил... «Шарқ юлдузи» колхози уч йилдан бери сурункасига пахтадан ва бошқа экинлардан юкори ҳосил олиб келмоқда. Пахта майдони кенгайиб, ҳосилдорлик ошмоқда. Бу орада колхоз яна йириклишди. Артелнинг кўпгина ишлари электрлашди. Ҳатто пахта қуритиш омбори ҳам электрда ишлайдиган бўлди. Бешта чорвачилик ферма маҳсулоти ҳам электр кучи билан кўпая борди. Бу орада янги-янги қаҳрамонлар етишиб чиқди. Колхознинг ўз лабораторияси, ўз лекторийси вужудга келди. Қаерда қандай янгилик пайдо бўлса, «Шарқ юлдузи»га кўчириб кела бошладилар. Ким қандай яхши тажриба тўпласа, барча билан баравар баҳам кўрадиган қилинди.

Албатта, колхоз партия ташкилоти, барча коммунистлар, комсомоллар жонбозлик кўрсатмаганларида «Шарқ юлдузи»да бунчалик кўтарилиш юз бермас эди. Ахир унинг кўшниси Шверник номли колхоз ҳам бир ариқдан сув ичиб, бир заводга пахта беради, аммо «Шарқ юлдузи»дан уч-тўрт баравар кам ҳосил олиб, ўн-ун беш баравар оз пахта топширади-ку.

«Шарқ юлдузи» колхозидаги умумий юксалиш колхозчилар жамоатчилиги онгининг ўсиши ва оммавий қаҳрамонлиги натижасида юз берди деб тан олдилар. Албатта, бу ишда бошлиқларнинг жонкуярлиги катта роль ўйнади. Шу ҳақиқатни колхозга ҳар томондан келиб кетган меҳмонлар ҳам эътироф этдилар. Озарбайжон, Туркманистон ва Тожикистондан йилига келиб турдиган мусобақадошлар ҳам яхши ният билан «Шарқ юлдузи»нинг кўпгина тажрибаларини кўчириб кетдилар. Айниқса колхоз ишлаб чиқаришини ташкил қилишдаги айrim янгиликлар республикаларо қардошлиқ ипларини янада узайтириб юборди. Ана шу дўстлик иплари орқали «Шарқ юлдузи» га ҳам озмунча кашфиётлар оқиб келмади!

1950 йили эллик тўрт гектар ернинг ҳар гектаридан 90,3 центнердан пахта олингани, колхоз комплекс хўжалиги ривожланиб кетгани ва барча ерлардан юкори ҳосил олиниб, давлат планлари ортиғи билан адо этилгани учун колхоз раиси Ҳамроқул Турсунқуловга иккинчи марта ўроқ-болға Олтин Юлдузи берилди ва 1951 йилнинг 31 май Фармонига кўра қишлоғига бўсти ўрнатилди.

Ҳамроқул aka бу ҳақдаги гапни ҳам Рустамжондан «яшириб» ўтди. Унинг отаси ўз ҳикоясида 1951 йилги кувончли воқеани ҳам колхоз партия ташкилоти билан колхозчилар оммасининг шаънига бағишлаб кетди.

Ҳикоя 1957 йил март воқеасига келганда Ҳамроқул Турсунқулов, уч марта Социалистик Меҳнат Қаҳрамони, иккам етмиш яшар «оппоқ дада», болалардай қувнаб кетди. Унинг кўзлари ёниб, юзи қип-қизариб, овозлари ҳам ўзгариб қолди. «Ўзининг жасорати ҳақидаги ҳикояга энди навбат етди шекилли»деб ўйлади-да, Рустамнинг бутун диққат-эътибори йифилди. Отаси уни қизиқтирган гапни тилга олди.

Пахтачилик ўзбекнинг энг қадимдан касб қилиб келаётган насибаси. Ота-боболаримиз ҳам пахтадан нон еб

келган, аммо ҳеч қачон пахтачилик ҳозиргидай фахрли қасб бўлмаган. Бунинг асосий сабаби аввало ҳар бир пахтакорнинг меҳнати, шон-шуҳрат ва қаҳрамонлик иши булиб қолганидадир. Пахтакорнинг ташабbus кўрсатиб ижодий меҳнат қилиши учун ҳамма имконият яратилган. Шу сабабдан ҳамма жойда новаторлик ихтиrolари туғилиб ўсмоқда. Ана шундай новаторликнинг бир неча хили «Шарқ юлдузи» колхозида пайдо бўлган эди.

Пахтачилик қатъий технологик цикл асосида олиб борилади. «Шарқ юлдузи»ликлар халқнинг «ер ҳайдасанг куз ҳайда, куз ҳайдамасанг юз ҳайда!» деган мақолини қонун қилиб олганлар. Пахта майдони кузда батамом шудгор қилинади. Унда керакли нам тўпланади, баҳорда юзи юмшатилиб, квадратлаб чигит экилади. Квадрат уяларда ўсаётган ғўзалар тракторда иккى томонлама ишланади. Ҳамма ишни кетмон эмас, техника қилади. Суғоришда ҳам янги метод жорий қилинган. Ўғитлаш ҳам пахтани эрта очилтиришга хизмат қиладиган усуслуга кўчган. Бу цикл пахта ҳосилини ошириб, унинг сортини яхшилаб, таннархини арzonлаштириб берди. Ҳар бир центнер пахта беш ярим меҳнат куни билан етишиб заводга борадиган бўлиб қолди. Унинг таннархи икки баравар арzonлашди. Бу усульнинг бир йиллик натижаси ҳар бир ишга яроқли киши ҳисобига қўшимча тўққиз юз килограммдан пахта етишириб берди.

Шўралисойда туғилган илғор усуслни партиямиз «новаторлик» деб атади ва уни дарҳол қўллаб-қувватлади.

Рустамжон дадасининг қувноқ юзларига ҳавас билан тикилиб турарди.

Ҳамроқул Турсункуловнинг кўксидаги учинчи Олтин Юлдуз ана шу даврдаги новаторлиги учун берилган эди. СССР Олий Совети Президиумининг 1957 йил март оидаги фармонида бу жасорат... «пахтани прогрессив усуlda етказишдаги новаторлиги учун...» деб аталиши шахсан унга ва барча пахтакорларга ижодий файрат ато этмай қолмади.

Ҳамроқул Турсункуловнинг ҳикояси тугаши ҳамон Рустамжон унинг бўйнидан кучоқлаб олди.

— Новаторликни менга ҳам ўргатиб қўясизми, а, дада?

— Истайсанми?

— Истайман!

— Жуда, жуда истайсанми?

— Жон-дилим билан!

— Бу ёққа кел!

Рустамжон отасининг ёнига келган ҳамон, у бармоғи билан пахтазорларда ер текислаётган, шохариқ чопаётган одамларни кўрсатди. Кетмонлар баланд кутарилганда ва ерга тушаётганда чақмоқдай яркираб кетарди. Унинг тез-тез яркираши одамнинг кўзини қамаштиради.

— Ана шу қолдикни батамом йўқотиш сизларнинг зиммаларингда.

Рустамжонга қолса дарҳол «кетмонларни ташланглар!» демоқчи эди, афсуски унинг бу хитоби билан колхоз бирданига комплекс механизациялаша қолмайди. Колхозда ҳамма типдаги техника мавжуд, аммо баъзиси йўқ, айникса ҳали шохариқларни чопиб берадиган кичкинтой машина чиққани йўқ! Бундан бошқа ҳали қўлда қилинадиган ишлар анча-мунчагина бор.

— Новатор деҳқон бўламан, деганларнинг олдида битта вазифа бор,— деди отаси ўғлига наказ бериб.— Даланинг ҳамма ишини машина қилсин. Шундай ақлли машина топишимиз керакки, у ҳамма ишни бажарсин. Ер ҳайдасин, молаласин, эксин, сугорсан, чопиқ қилсан, пахтасини териб, ташиб берсан...

Рустамжоннинг оғзи очилиб қолди. Чунки ҳозиргача у бундай машина бўлишини эшишмаган эди. Ҳамроқул aka ўғлининг ҳайрон бўлиб турганини кўриб, жилмайиб кўйди-да, кейин секин тушунтира бошлади:

— Комплекс механизацияга комплекс трактор керак. Ана, саройдаги техникани қара, кўп деганда уч ой ишлаб, тўккиз ой ухлаб ётади. Баъзилари йилига бир ой ҳам ишламайди. Ана шу «сояпарварларни» битта ҳақиқий пўлат от килиб берсанг, энг яхши деҳқон бўласан.

Бу гапни эшишиб Рустамжон кулиб юборди.

— Деҳқон трактор ясамайди-ку!

Ҳамроқул aka ўғлининг елкасига қоқиб эркалади-да, сўради:

— Трактор кимга керак?

— Деҳқонга...— деди кулимсираб Рустамжон.

— Деҳқонга қанақа техника кераклигини сен айтмасанг ким билади...

Ана шундай тарзда аста-секин мен қидириб юрган янгиликлар пайдо бўла бошлади. Ҳамроқул aka фикрловчи одам. Унинг фикри жуда тез ишлашиданми, ҳар

қалай, ҳар қандай вазиятда ҳам қандай ҳодисадан түғри хулоса чиқара олади. У ҳозир ҳам анчагина янги фикрларни ўртага ташлади.

— Шу чоққача ҳар бир хўжаликка қараб пахта тортар эдик. Ишга яроқли ҳар бир кишига қараб пахта етиштирмоқдамиз. Эртага эса жон бошига қараб пахта тайёрлаймиз. 1937 йилда ҳар бир хўжаликка тўрт-беш центнердан пахта берганмиз. Ҳозир меҳнат қилувчи бошига етмиш центнердан беряпмиз. Ўйлаб қарасам, биз пахтакорлар давлатнинг энг эрка ўғли эканмиз. Жуда эрка бўлиб кетиш ҳам ярамайди. Шу сабабдан пахтанинг нархини камайтирмоқчимиз. Нега десангиз, пахтани ўстиришда бутун мамлакат иштирок қиляпти, аммо пули пахтакорнинг ҳамёнига киряпти. «Ўзингни бил, ўзгани қўй!» деган шиор — бизнинг шиор эмас!

Ҳамроқул аканинг фикрича бу тадбир колхозчининг меҳнатга оладиган ҳақини асло камайтирмайди, балки янада ошириб юборади. Қайси ҳисобга? Резервлар ҳисобига! Партиямиз Марказий Комитетининг декабрь Пленумидан кейин «Шарқ юлдузи» колхозининг аъзолари резервларни қидириб топиш ва уни ишга солиш йўлларини ўрганиб олдилар. Ҳозирча тўрт резерв топилди: қолоқ бригадаларни ўрталар даражасига, ўрталарни илфорлар даражасига кўтаришнинг ўзи колхозга кўшимча ўн процент пахта беради. Янги ерлар очиш ҳисобига яна беш процент ортади. Меҳнат унумини ошириш, етти процент унум беради. Пахтани эртаги қилиб очилтириш, машинада териб олиш эса икки миллион сўмча кўшимча даромад келтиради!..

Ана шулар ҳисобига пахтани давлатга уч-тўрт процент арzonроқ сотиш орзусини колхозда ҳеч ким айб қилаётгани ўйк.

— Учинчи вазифа,— деди дадаси.— Давлатга чигитли пахта эмас, тола пахта сотадиган қилиш керак. Буни биз қилолмасак, сизлар қилишларингиз лозим.

Бу гап Рустамжондан кўра кўпроқ мени қизиқтириди. Чунки қишлоқда азалдан давлатга пахта чигити билан сотиб келинган. Бу фикри аниқлаб олгим келди.

— Бу муаммони ҳал қилиш йўлларини ўйлајпмиз,— деди Ҳамроқул aka гапида давом этиб.— Пахта пунктининг ўрнига пахта заводи қуриш керак. Толаси — давлатга, чигити ёф заводида мой бўлади, кунжараси — далаға ўғит, тўпони — чорвага ем... Қилоласанми?

— Катта бўлганимда, албатта қиласан! — деди Рустамжон ҳам ўйламай-нетмай.

Рустамжоннинг «Қиласан!» деб кўзини чакнатиб туриши дадасига жуда маъкул тушди.

— Биз битиролмаган ишлардан яна биттаси қоляпти, биз пахтани йил бўйи етиштирамиз. Бизга янги сортлар керак. Пахта баҳорда экилиб, ёзда батамом очилсин. Агар бунга яқин орада эришолмасак, уни сизлар қилинглар, пахтанинг тез пишадиган хилини етиштиринглар. Бунда ҳикмат кўп!

— Яхши ният — ярим ғалаба, қатъий ишонч — катта ғалаба! — деди отаси ўғлининг бошини силаб. — Қимдаким бир ишга астойдил киришса, уддасидан чиқмай қолмайди. Ниятинг яхши. Орзу-ҳавасинг ҳам жойида, муродингга етасан, ўғлим!

— Қандай қилиб?

Рустамжон муродга эришиш йўллари нимада эканини билиб олмоқ учунми, отасининг кўзига тикилиб турарди.

Ҳамроқул aka бунинг бир неча йўли борлигини айтди. Яхшиси бу йўлларни унинг ўзи пайқаб олсин. Энг аввало «ёлғиз отнинг чангчиқмас», чангчиқмас ҳам донги чиқмас» деган мақолнинг маъносини Рустамжон қандай тушунган экан? — Ҳамроқул aka шуни сўраб олди. Рустамжон бу мақолни тўғри тушунибди. Бир кишининг қули қаерга етарди. Кўпчиликка таянмоқ керак. Иккинчи савол: «Қарс икки қўлдан чиқиши» нинг боиси нима эканлигини билиб олдимикин? Рустамжон бу масалада ҳам отасининг кўнглидаги гапни топиб берди. «Куч — дўстликда» деди у отасининг доим такрорлаб юрган гапини тилга олиб. Ҳақиқатан ҳам шундай эди. Рустамжонларнинг боғчасида ҳам, мактабида ҳам доим шу ҳақда гап борар эди. Колхозда ўн беш миллатнинг вакили ишлайди. Ҳаммаси иноқ, дўст яшайди. «Шарқ юлдузи»ни кучли қилган нарса дўстлик — бирлик!

— Мана шу мисол сенинг саволларинг жавобидир, шер йигит, — деди Ҳамроқул aka ўғлини эркалаб. — Ҳамма ишни колхозчилар оммаси бажарган, мен эса, уларга хизмат қилганман. Одамни кўнка кўтарадиган ҳам омма, ерга киритадиган ҳам омма. Оммага хизмат қилишни ўргансанг бас!

Халқка хизмат қилишнинг бир неча асосий шарти бор: давлат ҳақида сўйла, кўпчилик ҳақида ўйла! Топга-

нингни давлатга бер — давлат ҳам сен билан булашиб ер. Бунинг маъноси шуки, Бутуниттифоқ рўзгорига қўшган ҳар бир донинг жамият қозонида бол бўлиб яна ўзингнинг оғзингга тушади...

Рустамжон ҳамон оммага хизмат қилиш йўллари ҳакида ўйлар ва иложи бўлса, шу хизматни ҳозирданок бошлаб юборишга тайёр эди.

— Ундаи бўлса мен билан юравер,— деди ва ўғлиниг қўлидан ушлаб олди.

Ота-бала қишлоқни индамай айланиб чиқдилар. Рустамжон ҳар куни неча-неча марта у бошидан бу бошига чопиб ўтадиган қишлоқнинг ҳар бир тоши ва девори, томи ва ойнасига қараб улардан нималарнидир кидириб бормокда. Ҳамроқул aka ҳам қишлоқ кўчаларида аста одимлар, нималарнидир ўйлаб, ҳар бир қарич жойни синчилаб, уни нималаргадир мўлжаллаб бормокда. Янги қурилаётган катта бино олдига келганда тўхтади-да, ўғлига савол назари билан қаради. Рустамжон отасининг максадини билмай, сўзсиз туриб қолди.

— Қишлоғимиз қалай?— деб сўради ота ўғлидан.

Бутун мамлакатга донғи кетган Шўралисойнинг «Меҳнат-роҳат» маҳалласини ёмон деб бўладими, албатта яхши-да. Рустамжоннинг жавоби отасига ёқмадими ёки унинг тиришиб турган пешанасида катта планлар айланиб юрибдими, «бу қишлоқни мен ҳам яхши кўраман, жуда яхши кўраман, аммо уни қайта курмаса бўлмайди» деди отаси.

Рустамжоннинг назарида ариқ бўйидаги дараҳтлар кесиб ташланаётгандай, равон кўчалар бўйидаги оқ уйлар бузиб ташланаётгандай бўлди-да, дарҳол унинг сирини билиб олгиси келди.

— Нега?

— Негаки, бу биноларни уруш йиллари курганмиз: ҳар бир уйда урушнинг тамғаси қолган.

Ҳамроқул aka негадир бу сўзларни алоҳида магрурлик билан гапирди. «Гитлернинг ҳарбий машинаси ҳамма ёқни депсаб келаётган чокда бу ҳашаматли шаҳарчани кимга қурасан?» деган кинояли гаплар, таъна-тазаррулар ҳам оз бўлмади. Бундай кинояларга «Фолиблар ғала-ба кунини янги уйларда нишонлашлари керак!» деган жавоб бердик. Ҳамроқул aka колхоз кўчаларидан ўтган кезлари ҳар гал ана шу ҳангамаларни эслаб ўтади. У, бугун ҳам Рустамжонга ана шу воқеаларни алоҳида уқ-

тириб айтар экан, «доим ишонч билан яшаш керак, ишончда гап кўп!» деб қўйди.

Рустамжон «шундай тарихий уйларни нега бузамиз» дегандай, хомуш бўлиб қолди. «Ёки новаторлик — эскириб қолган ҳамма нарсани, ҳатто уйларни ҳам бузиб ташлаб, ўрнига янгиларини қуришдан иборатми?»— Унинг хаёлидан шу фикр учкунлаб ўтди.

— Ҳайрон бўлма, ўғлим!— деди ота унинг юзидағи ташвиш аломатларини сезиб.— Шундай қайта қурамизки, бирорта дараҳт ҳам кесилмайди, бирорта уй ҳам бузилмайди. Аммо қуриниши ўзгаради. Кучалар икки баравар кенгаяди, уйларни икки қават қиласиз. Уйларга газ, водопровод киради. Пастки қаватларга санузел билан ванна ўрнатилади. Шаҳарликка насиб қилган ҳамма нарса деҳқонга ҳам хизмат қиласиди.

Биз турган жой баландлик бўлиб, бу ердан қишлоқнинг ҳамма томони бемалол қуриниб турар эди. Ҳамроқул ака қишлоқни қайта қуриш ҳақидаги ўз фикрини бир-бир гапира бошлади.

— Чорва фермалари қишлоқ ичидаги туриши шарт эмас, чорва саройлари қуриб, бутун жониворни бир жойга тўплаш керак.

— Колхоздаги ўн минг ўрдак, ғоз, товук ҳам ўзига маҳсус қўрғон талаб қиляпти...

Шу чоқ Усмон Топилдиев келиб қолди: Рустамжон бу кишини жуда яхши танир эди. Шу сабабдан машҳур чорвадор энг аввал унинг кичик, юмшок ва иссик кўлларини қисди-да, сўнгра раисга қўл бераркан «бажардик!» деб қўйди. Унинг бу сузи секин айтилган бўлса ҳам, алоҳида куч билан мағрур жаранглади.

— Мана, кўрдингми, шер,— деди раис.— Кўз кўрқок, қўл ботир. Кузгача яна икки ярим йиллик нормани бажарасан. Оз түёқдан кўп гўшт тортасан, тузумки?

— Бир бўрдоқимиз уч бош молнинг тошини босяпти,— деди Топилдиев.— Бир чўчқамиз беш түёқнинг ўрнига ўтапти.

Рязанликлардан намуна олган «Шарқ юлдузи»чилар уч йиллик гўшт планини бир йилда бажариш мажбуриятини олган эдилар. Ҳозирнинг ўзида бир йиллик план тўлдирилди, кузга бориб давлатга уч йиллик план миқдорида гўшт топширилади. Колхоз ўз зиммасига ана шумажбуриятни олаётганида кўп кишилар, шу жумладан ферма мудири Усмон Топилдиев ҳам бунга ишонма-

ган эди, Улар «Уч йиллик планни бир йилда бажарсак колхозда туёк қоладими?!» деган эдилар, Ҳамроқул ака ұша кезларда ҳам «Күз күрқок, күл ботир!» деб уларга танбең берган ва «Бұрдоқи бокамиз, чүчқачиликни күчайтирамиз, паррандани күпайтирамиз — мажбурият ҳам бажарилади, туёк ҳам күпаяди!» деган эди. Турсункулов бу гапининг устидан чиқиши учун бир неча кун фермада ётиб олди. Аввало молбоқарларни саралади, ем-хашакни күпайтирди. Сүнгра мусобақа ва контроль күчайтирилди. Мана энди натижасидан ҳамма хурсанд.

Топилдиев билан хайрлашиб ота-бала нонвойхонага яқынлашдылар. Тандирлардан иссиқ оби ноннинг ҳиди гупиллаб димоққа урмокда. Хотин-халаж, ёш-яланглар, ҳатто оппорқ соқолли чоллар седанали нонлардан құлтиқлаб кетмоқда. Тандир атрофи гавжум.

— Бу нонвойхона нон заводига айланиши лозим. Ҳозир унинг нони учдан бир кишимизни ҳам түйфизаётгани йўқ.

Нон заводи ёнидан янги күча чиқади ва энг бурчакдаги бино озиқ-овқат фабрикаси бўлиб, биқинида қишилик, ёзлик ошхона бўлиши лозим. Колхозчи эркак-аёлни шу ерда овқатланишга ўргатишими керак... Ҳаммом билан кирхона ҳам шу күчада бўлади. Бу ёғи савдо растаси, деб аталади.

— Мана бу кунчиқар томон медицина марказига айланади; туғруқхона, поликлиника, касалхона, аптека...

Янги қурилаётган маданият саройи яқинига келганда Ҳамроқул ака бир оз тұхталиб қолди-да, пишиқ ғиштлар, түсин ёғочлар ва қалин тахталар уйилиб қўйилган жойни кўрсатиб «мана бу жой аэрором бўлади» деб қўйди.

Рустамнинг назарида отаси ҳазиллаштаётгандай эди, шу бир парча жой ҳам аэрором бўладими. «Бир эмас, иккита вертолёт сотиб оляпмиз» деган гапни эшигтгач, унинг кўзларидан ўт чиқиб кетди.

— Вертолётга мени ҳам туширасизми?

— Ҳамма тушади,— деди дадаси ва дарҳол изоҳлаб қўйди,— зарур вактда машина боролмаган жойга вертолёт юбориб турдимиз...

Ҳамроқул ака тасвирилаган бу қишлоқ «Шарқ юлдуз» колхози келажак шаҳарчасининг маркази бўлади. Ҳозир колхознинг тұрт минг үттис уч аҳолиси тўқиз қишлоқда яшайди. Ҳар бир қишлоқ яқинларидаям үзига хос рўзгор тебратган коллектив хўжаликларнинг марказ-

лари бүлган эди. Энди ана шу түккиз қишлоқ каналлар бүйидаги түрт посёлкага айланиб, түрт қитъалик бир шаҳарчага бирлашади. Ҳамроқул Турсункулов келажак шаҳарчанинг транспорти нималардан иборат бўлишини ҳам аниқлаб қўйди. Түрт қитъа орасида трамвай қатнайди. Ҳаммаси бўлиб ўн беш километрлик линия ўрнатилиши керак. Энергия етарли. Трамвайнин ҳам колхозчиларнинг ўзлари ҳайдайдилар. Трамвайдаги қатнов — колхозчиларга текин. Бора-бора трамвай излари Шўралисойни Янгийўл шаҳри билан улади.

— Яқин йиллорга бориб етти-саккиз минг аҳолига эга бўлган социалистик қишлоғимиз ўрта даражадаги социалистик шаҳардан мутлақо фарқ қилмай қўяди,— деди Турсункулов яқин келажакни ўйлаб.

Бу мутлақо тўғри гап. Ҳозир ҳам «Шарқ юлдузи» қишлоқларининг анча-мунча шаҳарчалардан фарқ қиласидиган жойи йўқ. Қишлоқ ўз саноат корхоналари — фиш заводи, тахта тилиш корхонаси, механика устахонаси ва ҳоказоларга эга. Бу ерда меҳнат унуми шаҳардагидан паст эмас, сифати ҳам қолишмайди, нархи эса арzonрок.

Юз эллик гектарлик мевазор боғларнинг ўртасига консерва заводи курилади. Боғларда пишган мева шу ернинг ўзида консерва банкаларига жойланиб, шаҳарлик ишчи дустларга туҳфа қилинади. Колхозчилар ҳам ўзларининг меваларини қишига консерва қилиб олишлари мумкин. Фақат консерва эмас! Қишида колхозчилар кўк бодринг, етук помидор, кўм-кўк пиёз ва сабзавотлардан бенасиб бўлмайдилар. Парникчилик яхши йўлга қўйилади.

Бунча курилишга пулни каёқдан топамиз? — деди қўзларини ўйнатиб Рустамжон.

— Пулми,— деди Ҳамроқул ака унинг ташвишини тушуниб.— Шу йилнинг ўзида бўлинмас фондга тўрт миллион сўм кўйилади. Шу чоққача тўплангани ҳам ўттиз уч миллион сўмдан ортади. Етмаганини ердан оласанлар. Деҳқоннинг хазинаси ер! Ернинг зар сандиғини оча билган одам — қаҳрамон!..

Рустамжон шундан бери ана шу зар сандиқнинг калити ишқида юрибди.

1960.

МЕХАНИЗАТОРНИНГ УИЛАРИ

I

У билан тасодифан учрашган эдик. Баъзан тасодифий учрашувлар ҳам кўп йиллик таниш-билишлик хизматини уташи мумкин экан. Баҳор кунлари эди. Мирзачўлга олиб бораётган машинамиз баланд тепа ёнида тусатдан бузилиб қолди. Энг керакли деталь синибди. Оросатда қолдик.

Икки тарафимиздан машиналар фириллаб ўтиб турибди. Баъзилар хайриҳоҳлик билан бизга қараб ўтмокда, баъзилар бепарво. Ҳамма ўз манзилига шошилади. Биз ҳам улардан бирортасини тўхтатганимиз йўқ. Бундай деталь йўловчидаги нима қилсан, уни фақат базалардан, устахоналардангина топиш мумкин. Қош қорая бошлади. Манзил узок. Йўловчи машина шатак қилиб, Тошкентга қайтишдан бошқа илож йўқ эди. Кунботарга яқин машиналар бир ёқлама қатнай бошлади. Шатакка оладиган битта ҳам йўловчи машина Тошкентга ўтмади. Бир вақт мотоциклли бир киши келиб қолди, тўхтаб биз билан саломлашгач, «Нима бўлди?» деб сўради. Шофёрнинг изоҳларини эшишиб, «андак сабр қилинглар» деганича мотоциклини тариллатиб кўздан фойиб бўлди. У, киму, қаёқка кетди,— бехабар қолдик. Қузимиз тўрт. Энди фақат мотоциклни кута бошладик. Тошкентдан қайтаётган машиналар дунгликка тармашиб, оғир юклиларни эса фирчиллаб, чийиллаб тепаликка кутарилмоқда. Юқ машиналарининг фаралари атрофга тиниқ нур сочиб, кўзни қамаштиради. Мирзачўлга юқ ташиётган бир колонна ўтиб бўлгач, мотоцикл тариллаб қолди. Қувониб кетдик. Бояги киши:

— Копқоғини очинг, ўзим ўрнатиб бераман,— деди у комбинезонининг чўнтағидан деталини олиб.

Мотоциклнинг чироғида икковлон бир зумда ишни битириб қўйишиди. Машинамиз мотори тириллаши билан янги танишимиз «Сизларга оқ йўл!» деди-да, мотоциклига миниб жўнади кетди. Фаромушликдан кейинги хурсандчилик ниҳоясига борибдики, бу саҳий кишининг одамгарчилигига раҳмат ҳам айтольмай қолибмиз. Ҳушимиизга келиб шунча қичқирамизки, қани эшитса. «Хизр»дай пайдо бўлди-ю, күшдай учди кетди. Номини ҳам сўраб олмабмиз. Қаерда ишлашини билсак ҳам топиб олардик. Бунинг учун шофёр билан бир-бирилизни фаромушликда айбладик-да, йўлга тушдик. Мирзачўлдаги ишимизни битириб бўлгач, яна шу тепага келиб тўхтадик. Узок кутдик. Турли маркадаги машиналар ғириллаб ўтиб турибди. Гоҳо мотоцикллар ҳам ўтиб қолади. Бирок, мотоциклларнинг ҳеч қайсиси кечаги одамга ўхшамайди, шошилинчда унинг афти башарасини ҳам тузук эслаб қолмабмиз. Эсимизда қолгани унинг баланд бўйи, комбинезони-ю, ширави овози эди... Ҳатто комбинезони корамиди, кўкмиди — буниснга ҳам эътибор бермабмиз.

Уни топиб, минатдорчилигимизни билдириб, ўз виждан бурчимизн бажармагунча, қўнглимиз ўрнига тушмасди. У Зангиготадаги МТС ходимидир, деб фараз қилдик-да, машина-трактор станциясига кирдик. Устахонада жуда кўп одам ишламокда. Кўплари билан гаплашдик. Бўйи ўхласа, овози ўхшамайди. Мотоцикли бор ишлиларни ҳам суриштирдик: биронтаси кечаги воқеадан хабардор эмас. Яна изимизга қайтиб, ёзги чойхонага кирдик.

Баландтепа қишлоғи Ларзон ариғининг чап кирғоги жойлашган. Ариқнинг ўнг кирғоги баланд-баланд тепаликлар. Унинг остонаси қалин толзор бўлиб, ўртасида катта ҳовуз. Сувнинг ўртасида сўри. Бир томонида ошхона, яна бир томонида катта самоварлар жағиллаб қайнаб турибди. Катта қозонларда палов дамланмокда. Кўралардан кабоб иси гуипиллаб димокқа уриб турибди. Сўриларда одам лик-лик. Биз излаган одам шулар ичидамасмикин?

Бу жойлар Оқиўл районидаги Бофистон колхозига қарашли эди. Айни тушки овқат вақти, колхозчиларнинг дам олиш чоғи. Чойхўрлар орасида ҳам, ошхўрлар даврасида ҳам кечаги кишини учратадик. Самоварчи

бизни чойга таклиф қилди, кабобпаз ҳам «Неча сих қўяй?» деб сўраб турибди. Ҳеч нарса бизни ушлаб қоломади. Яна йўлга чиқдик. Колхоз правлениесига бориб раис Абдуллаев билан учрашганимиздан кейингина бизга яхшилик қилган кишининг изи топилди.

Абдуллаев ўрта бўйли, буғдой ранг одам бўлиб, одамгарчиликнинг қадрига етадиган эди. У бизнинг ҳикоямизни эшиитди-да, «Колхозимизда бундай кишилар кўп, қайси бири экан?— деб ўйлаб тургач,— сизларга яхшилик қилган бизнинг Икромжон бўлса керак» деди. Сўнгра Икромжонни бизга таърифлай кетди.

— Кўп бамаъни, яхши нияти, ажойиб хислатли киши. Бизнинг механизаторимиз. Ўзиям техникани сиқиб сувини ичиб юборганлардан.

— Шу кишини бир кўрмокчи эдик...

Абдуллаев бизни Икромжоннинг иш жойига бошлади. Якин дегани учун яёв кетдик.

Баланд тепанинг дўнглигига кўтарилидик. Тўрт томон кафтдек кўриниб турибди. Фўзалар ер бетини қоллаб қолган. Узундан узок эгат ленталари кўм-кўк чўзилиб ётибди. Онда-сонда универсал ўрмаламоқда. Уларнинг садосини шабада аллақаёкларга олиб кетяпти шекилли, бизга аранг етиб келмоқда. Булар Икромжоннинг универсаллари эди.

Икромжон, мотоциклини шотут ёнига қантариб қўйиб, универсал ҳайдамоқда. Раис ишора бердими ёки бизни таниб қолдими, ҳар қалай у, рулга шеригини ўтқазиб, ўлимизга пешвоз чиқди.

— Келинглар, меҳмонлар!— деди кулиб.

Унинг овози, бўйи басти худди кечаги мотоциклчининг ўзгинаси эди. Раиснинг айтганича ҳам бор экан. Икромнинг юзидан нур томиб, кўзида ўт ёниб турибди. Табиатан очиқ кўнгил, сахий диллиги таърифиға «камтар одам» деган сифат қўшилса, янада ярашиб тушар экан. Унинг ўзи кечаги ҳодисадан бир оғиз ҳам сўз очмади, ҳатто уни тақдирламоқчи бўлганимизда жаҳли чиқкандай бўлди.

Икромжоннинг кеча бизга, бегона йўловчиларга қилган одамгарчилиги тафсилотини унинг шеригидан билиб олдик. Тепалик ёнида бир бегона машина тўхтаб қолганини универсалчилар кўриб турган экан. Унинг анча вақтгача қимирламай туриб қолганидан бирор ҳодиса юз бердими, деб гумон қилишибди. «Тез техёрдам

кўрсатиш» учун Икромжонни юборишибди. Икромжон эса ўз «Победа»сининг деталини бизга келтириб берибди.

Қисқагина эпизод. Аммо қатрада осмон акс этганидек, бу фазилатда Икромжоннинг ажойиб хислатли одам экани яққол кўриниб турар эди. Шу бўлди-ю, биз Икромжон билан жуда иноқлашиб кетдик.

Икром болалик чоғидан техникага ишқибоз бўлган экан. Кишлокда биринчи мотор гуриллаган 1929 йилдаёқ кеча-кундуз тракторнинг кетида юаркан. Кишлоқнинг энг биринчи тракторчиси ҳам унинг ўз акаси Юсуф Иброҳимов экан. Ўша кезлари бутун кишлоп аҳолиси «ўт омоч»ни кўргани келар, «Ерни киндигигача» ағдадиган «пўлат ҳўкиз»ни томоша қиларкан. Кичкина Икромжон эртадан кечгача тракторнинг ортидан чопқиллаб чарчамас, кўринганга ўт омочда ер ҳайдайтган киши унинг акаси эканлигини мағрурланиб гапирав экан. Унда тракторчи бўлиш ҳаваси ана шу чоғларда туғилган экан.

Ўша кезларда трактор миллионларнинг орзуси эди.

Орадан кўп ўтмай, Владимир Ильининг, деҳқонни социализмга томон оғдирадиган юз минг трактор чиқариш ҳакидаги орзуси ушалди. Партия деҳқонни тракторга миндириди, унинг қулига ёғоч омоч ўрнига темир плуг берди, деҳқонлар кучли трактор ва плуглар билан бирга колектив меҳнат майдонига — колхозга кирдилар. Ана шундай артелларнинг бири ҳисобланган Бофистон қишлоқ ҳўжалик артелининг барча майдони механизмлар билан ишланадиган бўлди. Деҳқон боласи Икромжон кишлоп мактабини тамомлаши билан, тракторга минди: аввал ёрдамчи, сўнгра тракторчи... Кишлоп ишчилари синфи қаторига қўшилган кунидан бошлаб ҳамма уни Икром Иброҳимов деб чақирадиган бўлди. Орадан бир йил ўтар-ўтмай тракторчи Иброҳимов бригада механизги қилиб тайинланди. Шу кундан эътиборан колхозчилар ҳам, тракторчилар ҳам уни ҳурмат билан «Икром ака» дейа бошладилар.

Мана етти йилдирки, Икром Иброҳимовнинг трактор бригадаси Бофистоннинг далаларини у бошидан бу бошига кезиб юрибди. Баҳорда ер ҳайдайди, экин экади, ёзда культивация, кузда йигим-терим, сўнгра шудгор, қишида ремонт, баҳорда яна иш бошидан бошланади. -

Колхозда ҳосилдорликни оширишга тракторчилар ҳам жавобгар. Иброҳимов ва унинг йигитлари буни жуда яхши биладилар. Шунинг учун ҳам колхоз раиси Абдул-

лаев кўпда уларнинг олдига келиб, ишини контролъ қи-
лавермайди.

— Қишлоқ ишчилари синфига ишончимиз зўр, меҳа-
никларимиз деҳкоини ранжитмайди,— деди Абдуллаев.—
Ҳар бир дона чигит учун юраги ачишса, ҳар бир туп
ғўза учун жон фидо бўлади.

Икром табиатан қамтар бўлгани учун раиснинг мак-
товидан ўнғайсизланибми ёки кўнгли бирор нарсани сез-
дими, ўзини четга олди. Қуёш тиккага келиб қолган. За-
ранг бўлиб, оппоқ оқариб турибди — кўз нурини олади.
Ҳамма ёқ дим — нафасни бўғади. Икром қўлини пеша-
насига соябон қилиб қаради-да, «ҳавонинг феъли ёмон!»
деди. Ҳақиқатан ҳам осмонда қора булатлар карвони
сузарди. Тез орада янги-янги булат тўдалари қўёшга ҳу-
жум бошлаб юборди. Қандайдир дайди шамол эгатлар-
дан майин тупроқни баландга кўтара бошлади. Қуон
орқасидан чақмоқ чараклади, сўнгра кучли момақалди-
роқ... Бир зумда атроф қоронfilaши. Тарсиллатиб бод-
роқдай дўл ёға бошлади. Дўл борган сарқ зўрайиб, қа-
линлашиб кетяпти, томни тешиб, бошни ёргудай...

Баланд тепаликлар сира бундай дўл қуюнини кўрма-
ган эди. Гўё осмондан далага оппоқ шағал ағдарилаёт-
ганга ўхшарди. Раис Абдуллаев икки қули билан боши-
ни ушлаб турибди. Кўзлари қинидан чиққундай бежо.
Икром Иброҳимовнинг назарида дўл ҳар бир ғўзани бир
қатордан тош билан мўлжаллаб ураётганга ўхшар эди.
Ғўза қирғини бошланди, машақкатли меҳнат меваси як-
сон бўлмоқда.

Икром чидаб туролмади. Овозининг борича қички-
риб пайкалга ташланди. Иложи бўлса ҳар туп гў-
зани бағри билан беркитиб қолса! Ғўзага ёққан дўл
Икромнинг бошига ёққани яхши эмасми! Ғўзаларнинг
баргини тешиб, белини синдираётган дўл тоши Икром-
нинг бошини ёрса бўлмайдими! Қандай ноинсофлик бу!

Учиб келган довул кавалериядай теварак-атрофни
депсиб, пайҳон қилиб ўтиб кетди. Ҳаво очилди. Қуёш яна
булатлар қуршовини ёриб чиқди. Лекин у довулдан
аввалги қуёш эмас эди. Гўё дўл тошлари унинг ҳам тин-
касини қуритиб қўйгандай, ранги оқариб, нимжон кўрин-
ди. Яқиндагина яшил шахматдай квадратлар ҳосил қи-
либ турган ер, жанг бўлиб ўтган майдондай тўс-тўполони
чикиб, тартибсиз ётибди. Ҳалигина дам қиблага, дам кун
чишишга қайрилиб турган кўк қалпоқчали ғўзаларнинг

боши кесилиб, баъзилари букилиб ётибди. Онда-сонда тўп-тўп ғўзалар, баъзан якка туплар жангда ғолиб чиқиб, саломат қолган солдатлардай, мағурур турибди.

Икром Иброҳимовнинг назарида барча колхозчилар ва бутун бошлиқ трактор бригадаси аъзоларининг баҳордан бери қилган меҳнати ер билан яксон қилингандай бўлди-да, нафаси бўғилиб кетди. Айниқса у квадратларга ачинар эди. Энг биринчи тажриба, энг яхши кўрган участка хароб бўлган. Бу орада Абдуллаевнинг сигнали билан дала одамга тўлиб кетди. Бевақт, беўрин ёқсан дўл ва ариқлардан тошиб оккан сел оқибатларига қарши курашнш учун колхозчилар оёққа турган эдилар. Кутқариш ишлари Икромнинг квадратларидан бошланди. Гўзани пайванд қилишдан бошқа чора қолмади. Агар гўзани пайванд билан кўкартириш мумкин бўлса, бу иш ҳам қилинар эди. Икки соат ичидаги катта бир парча ернинг ғўзалари сараланиб чиқилди. Ҳалок бўлганларни жанг майдонидан йиғиштириб олдилар, ярадорларини тиклаб, баъзи жойларга кучат ўтқазишга киришдилар.

— Тирилтириб олиш мумкин,— деди Абдуллаев боши қирқилиб, шодаси қолган ғўзаларни кўрсатиб.

— Тирилтириб оламиз!— деди Икром ҳам.

Тепалик атрофидаги бошқа ерларга кирдик. Бутунлай бошқа манзара! Гўё ҳеч қандай оғат бу ерларни ораламаган, ҳеч қандай ёғин ҳам ёғмаган. Катта-катта пайкаллардаги ғўзалар кўм-кўк бўлиб баҳмалдай товланиб турибди. Демак, деҳқонларнинг қўли, механизаторларнинг кучи билан яратилган ниҳоллар табиат оғтидан зўр келди. Бу ҳақиқат Абдуллаевни ҳам, Икромни ҳам дадил қилиб юборди.

Икромни биз яна агрегат рулида кўрдик...

— Яраларни даволаймиз!

Абдуллаев унинг ишларидан мамнунлигини билдириб:

— Булар гектар сони учун эмас, сифат учун ишлашяпти!— деди.

Икром билан куюқ хайрлашдик-да, шоҳариқлар бўйлаб аранг катта йўлга чиқиб олдик. У ҳақидаги суҳбатимиз ҳамон давом этарди.

— Айтганингизча ҳам бор экан...

— Икромда гап кўп, аммо унча яхши гаплашолмадиларингиз,— деди раис.— Кўп ақлли, таъбирли одам, у билан бафуржа гаплашиш керак.

Иккинчи учрашувимиз Икромжоннинг уйида бўлди. Икромжоннинг даласини яна бир кўрай, деб борган эдим, кечга томон қўярда-кўймай уйига олиб кетди.

Боғистонликларнинг уйи ҳовлининг ўртасига қурилади. Тўрт атрофи мевазор қилинади. Икромнинг ҳовли жойи ҳам шаклан у ерликларнинг ҳовлисидан фарқ қилмайди, аммо узгача табиат, узгача манзарага эга. Ҳовли баланд тепанинг ёнидаги кичик дўнгликка жойлашган. Тўрт бурчак кўргончанинг атрофи дараҳт-девор билан куршалган. Ҳовлининг ичи ҳам шахмат катакларига ўхшатиб квадратларга бўлинган. Тўрт бурчакдаги тўртта катакда саккиз хил мева. Ниҳоллар баррадай ўсиб, шифил мевага кирибди. Қип-қизил гилос қалин яшил барглар орасида беҳисоб исирғаларга ўхшаб кўринмоқда. Ҳовлининг ўртасига қурилган уч хонали уй, олди айвон, таги ертўла. Айвоннинг олди гулхона. Атиргулнинг ўн бир хилидан саралаб ўтқазибди. Ҳидли, ҳидсиз, майда ва катта очиладиган ок, қизил, қизфиш, новвоти ранг — турли-туман товланадиган гуллар, гулзорнинг ўртасида ёғоч каравот. Биз шу шинамгина каравотга ўтириджик. Уй бекаси — хипчагина, чакқон Маърифатхон—дастурхонга устма-уст таом ташигани-ташигани.

Баланд тепадан майнин шабада эсмоқда. Гулларни аста силкитиб хушбўй ҳидларини бизга инъом қилмоқда. Гулларнинг муқомларига ҳавас билан тикилиб турган чоғимиизда Икромнинг катта ўғли Ислом мактабдан келиб қолди. У, меҳмон билан кўришиб гулзорга кирди ва кичкина ранго-ранг гулдаста ясад менга узатди. Ислом худди отасининг нусхаси. Фуражкаси остида кўзлари чакнаб турибди, юзлари нақшон. Жуда ёқимли бола.

— Гулнинг хўжайини шу киши,—деди отаси мағрурлик билан.— Гулдаста бермаганимнинг сабабини энди билгандирсиз: Меваларнинг ҳам хўжайини бор — ҳозир далада. Қераклигини эрталаб узиб бериб кетган.

— Интизом зўр экан-ку!

— Оилавий уставимиз бор. Унга бўйсунмасам болалар мени ҳам ўртага олиб қолишади... Бош инспекторимиз — Исломжон...

Отасининг бу гапидан қувонибми ё уялибми, Ислом папкасини қўлтиқлаб, ичкарига чопқиллаб кетди.

— Ҳовлини ҳам квадрат уялаб жойлаштирибсизда.... деб тегишдим.

— Ҳунаримиз шу-да, ака,— деб қўйди Икром ва дастурхондаги лиммо-лим ноз-неъматлардан ейишга унлади.

Ҳамсуҳбатим билан мириқиб гаплашиб олишга ҳамма имконият бор эди. Холи эдик. Аммо ҳадеганда гапимиз қовушавермади. Бу гал у менга жуда камгап бўлиб кўринди. Сўраса жавоб беради, сўрамаса жим, «олинг, олинг!» деб илтифот қиласди, холос. Ичидагини ташига чиқармас эди. Гап айланиб-айланиб қишлоқ хўжалик техникасига бориб тақалди. Қалови топилиб қолди шекилли, Икромжон бирдан очилиб кетди.

— Тракторларимиз ёмон эмас, лекин «Универсал»лар бир оз чўт бермай қўйди...

Икромжон ростдан ҳам бутунлай ўзгариб қолганга ухшайди. Гаплари ҳам бўлакча: ўтган галги суҳбатда у «Универсал»ларини қандай мактаган эди, пахтани пахта килаётган куч — мана шу «Универсал» лар демаганмиди. Мана энди «Универсал» унга «чўт бермай қолибди».

— Бунинг сабаби нимада?

Икром саволнинг маънисини тушунди шекилли, ўтган йилги гапи эсига тушиб, гапни изоҳдан бошлади.

— Бир вактлар «Фордзон»га ҳам сифинганмиз. Бўйи омоч билан сўқадан бир тую баланд эди. Отсиз, ҳўқизсиз ер ҳайдар эди. Кейин «Фордзон»ни нима қилганимизни биласиз. Ҳурматини жойига келтириб музейга топшириб юбордик. «Ў-1» универсали ҳам ёшлигига кўзга иссиқ кўринган эди, энди кексайиб қолибди. Баъзи отлар кексайганда қилиқ чиқаради. «Универсал-І» ҳам қилиқ чиқариб қолди...

Икромжон жойлашиброқ ўтириб олди-да, дастурхоннинг катакларини кўрсатиб гапининг боисини бошлади:

— Мени ишлатмоқчи бўлсанг эгат ораларини мана бунинг сингари бир газлик қилиб чигит эк, деяпти бу «Универсал». Унинг гапига кирсак, пахтачиликни ўрнидан жилдириб бўладими!

— Нима қилмоқчисиз, буни ҳам музейга юбориш керакми?

— Афсуски, жуда ҳам бой эмасмиз. Бостирмаларимизда «Ў-2» билан «Ў-3» лардан кўпроқ бўлганда эди, аллақачон унга истеъфо бергиздириб юборардик.

Унинг фикрича «Универсал»нинг кейинги маркаси пахтачилик агротехникаси талабларига мос қилиб иш-

ланган бўлиб, деҳқонга анча яхши иш бериши мумкин. Лекин булар ҳали МТС да жуда оз, шу сабабдан «котанг яхши, онанг яхши» деб бўлса ҳам «У-1» ларни ишлатишга мажбур.

1955 йили баҳорда яна Икромнинг даласига йўлим тушди. Оқийўл районининг колхозларида биринчи культивация бошланибди, деб эшитган эдик. Бу район чигитни тор қаторларга экиб, тор схемаларда квадрат ўстирмокда эди. Тор қаторларда квадратнинг культивацияси қандай бораётганини билишга қизиқдик. Икромнинг «универсал»лар ҳақидаги ҳикояси ёдимда эди. Бу йилги янги шароитда унинг универсаллари қандай ишляяпти экан?

Икромжон иш бошида экан. Афтидан бир нарсадан хуноб бўлиб турганга үхшади. Бизни кўриши билан, «Салом!»дан сўнг норози оҳангда гап бошлади:

— Бу ҳақда газетага ёзиш керак, тўппа-тўғри «Правда»га ёзиш керак! Афсуски қўлим тегмайди, вактим йўқ.

— Нима бўлди?

— Кўрмайсизми?— деди Икром аччиғланиб.— Кечагина бу ерлар тракторчига тор эди, нафасинг бўғиларди. Лахтак-лахтак парчалар, беҳисоб ариқчалар, дараҳтлар техникани яйраб ишлатишга ҳалал берар эди. Мана энди ерларни яхлитлаштириб олдик. Янги сугориш системасига ўтилди. Қарталарни қаранг: трактор билан кечгача у бошидан бу бошига етолмайсан. Энди колхозчилардан таънага колиб ўтирибмиз...

Қандай таъна экан, деб ўйланиб қолдик. Чунки Икром Иброҳимов ва унинг трактор бригадаси ҳақида колхозчилардан миннатдорчилик гапларини эшитишга одатланиб қолган эдик. Уларнинг ишлари ҳақида бирор марта ҳам ёмон гап эшитганимиз йўқ. Икром Иброҳимовдай кувноқ механизаторнинг-ки жаҳли чиқибдими, демак бирор жиддай ҳодиса юз бергандир-да.

— Қандай сир ўтди?

— Сир эмас, аччик ҳақиқат!— деди Икром жиддий тусда.— Биз механизаторлар колхозчиларнинг кўзи олдида пахтачилик агротехникасига тўсқин бўлиб қолдик. Кўндаланг культивация тугул узуна культивацияга ҳам ярамай қолдик...

Каршимда бутунлай бошқа Икром турарди. Доим кувноқ, тадбирли, ўз касбидан мамнун Икромжоннинг кўзида доим ўт учқунлаб турарди, назаримда ўша ўтдан

асар ҳам колмагандай эди. Бирор уни қаттиқ хафа қилган күринади. Икром ҳаммага ҳам сир айтаверадиган одамлардан эмас. Бирорнинг устидан бирорга арз қилиш унга бутунлай ёт. У, газетага, ҳатто «Правда»га ёзадиган бўлса, нимани ёзмоқчи экан?

— Газетагами? Газетага МТС тўғрисида ёзмоқчи эдим. Директорни қаттиқ савалаш керак бўлиб қолди. Кўрдингизми, бизга ҳозир тубдан янги техника керак. «Универсал»лар бутунлай ва қисман эскириб қолди. Масалан, «У-1»ни печкага ташлаб қайтадан қуиши керак. «У-2» билан «У-3» ҳам музейбоп бўлиб қолди. Албатта, бу универсалларнинг хизматини унутиб бўлмайди, лекин бундан буён узоқ ушлаб туриш ҳам ярамайди.

— Танксиз танқчи бўлмокчимисиз?

— Нега! Яхши тракторларимиз бор. Масалан, Владимирск трактори, «ВТЗ—7—24»... Неча йилдан бери Ўрта Осиё машина синаш станциясида экспонат бўлиб, оғзини очиб ётибди. Жуда яхши машина. «Универсал» ларнинг ўрнини ана шу хил тракторлар эгаллаши керак. Лекин бу ҳакда ҳеч ким қайфураётгани йўқ. Бу ишни МТС қилмаса, ким қиласди? Директор ўйламасдан, ким ўйладиди? Юқоридан юборганини олавермай, керагини танлаб олмайдими!

Дарҳақиқат, Икромнинг куйинганича ҳам бор эди. 1954 йилнинг кузида, кишида ва ҳатто янги йил кечаси ҳам унинг бригадаси МТС устахонасидан жиломмади. Директорнинг буйруғи билан тракторларни қирқ беш сантиметрлик схемаларга мослаб қайта созлашди. Баҳорда шу схемада чигит экилди. Осонлик билан эмас, жуда катта қийинчиликлар билан экилди. Гоҳ сим етмайди, гоҳ режа бузилади, гоҳ керакли деталь топилмайди. Бир ҳафтали иш яқин бир ойга чўзилди. Ҳар ҳолда чигит экиб олинди, аммо культивация навбати келганда Икромларнинг бутун чўтлари чиппакка чиқди. Тракторчилар «трактор юргизиш санъатини эгалламабмиз шекилли» деб ўйладилар ва уни секин юргизиш йўлига ўтдилар. Ҳадеганда иш юришмади. Иш унуми пасайиб кетишидан ташқари нобудгарчилик кўпайиб, техника фўза парвариши жараёнидан четлаб колиши хавфи туғилди.

Икромни дарғазаб қилган нарса ҳам ана шу эди. Бунинг устига уша йили МТС директори билан колхоз правлениеси уртасидаги келишмовчилик янада кучайиб, катта қарама-қаршиликка айланиб кетди. МТС графиги

колхоз планига тұғри келмай, колхоз режалари эса МТС шартларига зид бўлиб туша бошлади. Икром икки ўртада кимнинг айтганини қилишни билмас эди. 1956 йилга келганда Икром МТС советида колхоз правлениеси танлаган схемани каттиқ қувватлаб чиқди. МТС дирекцияси тор қаторлар схемасидан воз кечолмас эди. Чунки, Икромнинг техникаси қирқ беш сантиметрлик схемаларга мослаб қўйилган, уни бошқатдан қуриш керак ёки унга бутунлай янги техника олиб бериш лозим. Иккиси ҳам МТСга кўл келмайди.

Икром бу ҳақда аввал район партия конференциясида, сўнгра область советининг сессиясида гапириб чиқди. Охири республика пахтакорларининг қурултойида «масалани кўндаланг» қилиб қўйди. «Икки бойга бир қарол бўлиб қолдик. Ернинг хўжайини иккита... Техниканинг хўжайини ҳам иккита... Бири чапга бурил деса, иккинчиси ўнгга бурил дейди. Айни бир вактда, бирданига ҳам ўнгга, ҳам чапга бурилиб бўлмас экан. Бурилмай ҳам кўринг-чи!..»

Икром Иброҳимов қишлоқ хўжалик техникасининг, айникса пахтачилик техникасининг ўсмаётганига ана шуни сабаб қилиб кўрсатган эди. Бахтига қишлоқ хўжалик техникаси колхозларга сотиладиган бўлиб қолди. Ҳукумат қарори эълон қилинган куниёқ, колхозчилар Икром Иброҳимовни бош механизатор қилиб тайинлади. Техника ҳам, ер ҳам бир хўжайин қўлида бўлиши Икромнинг муддаоси эди. У колхозга энг зарур техника ва асбобларни танлаб олди-да, ёғлаб, пардозлаб колхоз саройига қатор қилди: «Мана энди истаган жойда, истаган схемада, хоҳлаганча иш қилиш мумкин.

Уша куниёқ механизатор Икром чорвадор Ҳамдамни мусобақага чақирди. «Нима учун пахтакор билан эмас, чорвадор билан мусобақалашасан, Икром?» деб савол ташлашди унга. Икром одатдагидек сиполик билан «Ҳамдамжон фермада сигирларни хилласин, мен техникани» деди.

Ҳамдамжон ҳам тегишқок йигитлардан эди, ўртага тушиб:

— Эшитмадим деманглар; Икром техникани хиллайман деяпти... Трактордан голландский бузоқ олмоқчи... Менинг ишим-ку осон. Икромнинг ҳолига ачинаман,— деди.

Одамлар кулиб юборишли.

— Кулманглар,— деди Икром жиддий оҳангда.— Сўзим сўз!

Шу гапни айтишга айтди-ю, Икромнинг ўзи ҳам ўйланиб колди. Техника бозори от бозори эмаски, тишига қараб танлаб олинса. Қишлоқ хўжалик техникасининг бозори «олсанг ҳам шу, олмасанг ҳам шу...» дейдиган бозорлардан. Колхоз техникасини бозорга қараб саралаб бўлмайди...

Шу-шу бўлди-ю, Икром камгап бўлиб қолди. Унинг бутун фикри зикри колхозчиларга берган ваъдасининг устидан чиқиши йўлларини излаш билан банд эди. Албатта, қишлоқ хўжалик техникаси колхоз ихтиёрига ўтгандан кейин сезиларли даражада ишлар қилинди. Энг муҳими — даладан кетмон суреба чиқарила бошланди. Кетмон ҳам колхозники, трактор ҳам колхозники, қайси бирини ишлатган маъқул? Албатта, кетмон эмас, трактор.

Ҳозирги замон суръати, истаги ва талаби энг янги меҳнат қуролини хоҳламокда. Буни механизаторларгина эмас, колхозчиларнинг ўзлари ҳам тушуниб қолдилар. Шу сабабдан механизаторнинг «Кетмон энди дам олсин!» деган шиори қарсаклар билан кутиб олинди. Колхознинг барча ерлари олтмишу олтмиш схемасида квадрат уялаб экиладиган бўлди. Фўза икки қулоқ бўлиши ҳамон Владимир заводи тракторларида икки томонлама узунасига, кўндалангига культивация қилинди. Пайкалда трактор оралайвергач, ёвойи ўт ҳам бадарга бўлди. Кетмонга ҳожат қолмади. Ҳар гектарга сарф қилинадиган меҳнат ва харажат камайиб кетди.

Бунинг учун колхозчилар Икромларга оғарин, дедилар. Аммо кузга бориб, Икромнинг ваъдаси яна тилга олина бошлади...

Кузни олtinga үхшатадилар. Албатта, куз кирганда дарахтлар, гиёҳлар, ҳатто гулларнинг баргларигача олтин ҳалга беланади. Турли-туман меваларгача нақшонланади. Буларнинг ҳаммаси беҳисоб олтин исирғаларни эслатиб туради. Лекин Ўзбекистон кузининг хислати бу билан чекланмайди. Куз кирганда Ўзбекистон табиатнинг барча тиник бўёқлари билан ранго-ранг товланади — ўсимлик дунёси олтин исирға такса, далалар оппоқ-оппоқ либос кийиб олади. Бу кўриниш бепоён боғларда беҳисоб ўрикзор гуллаётганга үхшайди. Уни оқ олтин дейдилар.

Пахта далаларининг бу олтин кузи қайси дур, баҳордан колишади!

Пахтазор кузини дурдоналар кузи деса бўлади. Бепоён далалар денгизда акс этаётган миллион-миллион само юлдузларилик, чараклаб туради. Куз кезлари шутеварак-атрофда бундан ҳам гўзалроқ манзара йўк.

Пахта ўзбек халқининг шон-шуҳрати, ор-номуси, миллий фурури, ош-нони ва бебаҳо гавҳари бўлгани учунми, унинг ҳар бир чаноғини кўзга суртинг келади. Шу сабабдан пахта чаман бўлиб очилганида, кишлоқлар ўз оромини йўқотади. Ёшу қари, эркак ва аёл — тамоми қимирлаган жон теримга чиқади. Четда қолган киши ўзини элдан қолган кишидай ҳис килади. Терим — енгил иш эмас, оғир ва шошилинч иш, теримда ҳар дақиқа ғанимат. «Вактинг кетса — баҳтинг кетади» дейдилар. Дарҳақиқат, уни ўз вактида териб олмасанг, олтинни ёғингарчилик лойга қоришириб юбориши, сўнгра қор кўмиб кетиши мумкин. Қандай инсон пешана тери билан топган ўз олтинини балчикқа ташлагиси келади.

Икром Иброҳимовни ташвишга солаётган нарса ҳам ана шу эди. Мана, Бофистонда пахта қийғос очилиб, теримчиларни шошириб кўйди.

Пахтачилик жуда машаққатли иш. Тўрт ойда етилтирилган пахта тўрт ойда зўр-базўр териб олинади. Граммлардан тонналар ҳосил қилиш осонми! Қолхоз давлатга ўн минг тонна пахта бериши керак. Бармоқлар билан чаноқлардан граммлаб териб, ўн минг тонна ғарами ҳосил қилиш учун минг-минг қўллар неча-неча километрлаб эгат оралаб чиқиши лозим. Қетмонни сикиб чиқариб, оғир қўл меҳнатидан халос қилган техника пахтакорни бу сўнгги машаққатдан ҳам кутқаза олмайдими?! Қутка-задиган бўлса, қачон?..

Бу ҳакда йилаганда Икромнинг ҳам ақли шошар эди. Теримни машиналаштириш шунака қийинми? Фанимиз очмаган дунё сири қолмади. Техникамиз самони эгалламоқда. Ракеталаримиз қуёш билан мусобақалашаётган бир вактда пахтани қўл билан теряпмиз.

Дастлабки терим машиналари пахта пайкалларимизга кирганига ҳам ўттиз йил бўлди. У чоғларда мамлакатимиз ҳали ўз тракторларига ҳам эга эмас эди. Темир филдиракли «машина»ларни отга тиркаб юргизилар эди. Бундай «машина» нимани ҳам териб улгурсин? Ўттизинчи йилларда чет эллардан «Турмон — вакуум» машинаси

келтирилди. У ҳам қўл меҳнатини енгиллаштира олмади. Унинг шлангаларини одамлар ушлаб юрар ва клапанини чаноққа қўл билан тўғрилаб кўйилсагина пахтани ҳўплаб оларди. Шу билан теримни машиналаштириш учун уринишлар тўхтаб қолди. Уни уруш тўхтатиб кўиди.

Улуғ Ватан уруши ғалабасидан кейин ихтирочилар, конструкторлар ва механизаторлар яна тинч меҳнатга, ижодга қайтдилар. Бундан ўн йил муқаддам вужудга келган СХМ номли терим машиналари Икромнинг кўз олдида яратилди ва уни биринчи бўлиб ишлатган кишиларнинг бири Икромнинг ўзи эди. Икром ўша чоғлардаёқ бу хил машиналарнинг келажагига ишонган ва уни янада яхшилаш учун конструкторларга таклифлар юборган. СХМ ларнинг икки қатор шпиндель билан ишлаш системасига утиши ва машина кетига подборшиклар ўрнатилиши Икромнинг таклифи билан бўлган.

Икромнинг конструкторлар билан чамбарчас алоқаси ўша вактдан бери узилгани йўқ. СХМ ларни модернизация қилишда ҳам унинг иштироки катта бўлди. Ниҳоят, «СХМ—48—М» маркали анча дуруст пахта комбайнни туғилди. Лекин унинг йўлида кўз илгамас, аммо ўтиб бўлмас ғовлар пайдо бўлди. Бу ғовлар колхоздаги баъзи қолоқ қайфиятли кишиларнинг қайсарлиги, ўжарлиги эди. Улар пахтанинг унча-мунча нобуд бўлишини рўкач қилиб, СХМ ларни далага киритмай кўйдилар. Бунинг устига тор қаторлар пайдо бўлган йили ниҳоятда қалинлаб кетган пахтазорда машинанинг ўзи юролмади. Пахта терими катта сафарбарликсиз ўтмайдиган бўлиб қолди. Мактаб болалари, студентлар, шаҳар ишчилари ва маҳалла аҳолиси жами ҳашарга чиқади. Албатта, бу ҳам проблемани ҳал қилмади, аксинча уни янада чигаллаштириб кўиди. 1957 йилга келганда Икромнинг колхозидагина эмас, бутун республикада машина терими жуда пастлаб кетди. Сводкаларга Караганда кўз ишонмайди. Икки ракам келтириш мумкин: 1951 йил республикада саксон етти минг тонна пахта машиналарда терилган бўлса, 1957 йилга келиб бир ярим минг тоннага тушиб қолди. 1958 йилда ўзбек пахтакорлари давлатга уч миллион тонна пахта етказиб беришлари керак эди. Шунча пахтани қўл билан териб бўлардими? Ҳамманинг фикри ана шу проблемани ҳал қилишга багишланди.

Илғор механизаторлар Валентин Тюпко, Мелиқўзи Умрзоқов, Курбонали Кенжаевлар пахтани машинада

териш йўлларини топган эдилар. Уларнинг бригадалари пахтачиликни комплекс механизациялаширишда Икром Иброҳимовга ҳам ўрнак бўлди. 1958 йили у колхоз пахтасининг йигирма процентини машинада теришга аҳд қилди. Шу мақсадда колхоз саккизта «СХМ — 48 — М» машинасини сотиб олди. Эски машиналар ҳам тузатилди. Лекин машиналар сентябрда «бокувда ётди», октябрда ўн беш кун ишлаб, ноябрга желгандан тақатак тұхтаб қолди.

— Наслдор машиналаринг шуми, Икром! — деди унга чорвадор Ҳамдам. — Бизнинг фермада тўрт минг килограммдан кам сут берадиган сигир қолмади. Колхоз бўйича жон бошига сут, ёф етказишида бизнинг олдимизга тушадигани йўқ! Сен-чи?

— Бир жойда турганимиз йўқ. Яқинда биз ҳам ўзиб кетамиз! — деди Икром.

Ҳамдам пичинг қилди:

— Машинанинг қимирилаши шу бўлса, қачон етасану, қаерга етасан?

Ҳамдам шу пичинг ўрнига елкага чиқиб тепса бўлмасмиди! Икром унга ҳеч нарса демади ва келаси кузгача Ҳамдамнинг кўзига куринмади.

— Айб ўзимиизда экан, — деди Икром кунларнинг бирида колхоз раисига. — Пахта теримини баҳордан бошламас эканмиз...

Абдуллаев ҳайрон бўлиб қолди.

— Жинни-пинни бўлдингми, Икром?..

— Соппа-соғман. Аксинча илгари эсим паст экан. Баҳорда кузни ўйламай чигит экар эканмиз. Кузга борганда айни машинага қўяр эканмиз. Бу йил теримни баҳордан бошлаймиз. Ҳайрон бўлманг. Бу гапнинг маъноси шуки, баҳорги ишларни кузда пахта теримини кўзлаб қиласиз. У ёғини менга қўйиб бераверинг. Хўпми? Хўп денг!

Абдуллаев ўз механизаторининг хислати ва хусусиятини яхши билганидан икир-чикирларини суриштириб ўтирмасдан бурун «хўп» деб юборди. Икромга ана шу бир оғиз сўз кифоя эди. У колхоз ерларини ўзининг беш бармоғидай билар эди. Аввал машина билан териладиган ерларнинг технологик картасини тузиб чиқди. Саноатга хос бу терминни қишлоқда биринчи бўлиб тилга олиниши ҳам унинг ташаббус дафтарига ёзилди. Машина билан териладиган ерларга эрта баҳорданоқ, технолого-

гик коидалар ёзилган тахтачалар ўрнатилди. Экиш ва ундан кейинги барча ишлов қатъий режимга солинди. Ҳатто, Икромнинг ижозатисиз колхоз раисининг ўзи ҳам бу парчаларни ораламайдиган бўлди.

Шу орада Икром олимлар, конструкторлар ва «Ташсельмаш» заводининг ишчилари, бир бўлишиб янги хил терим комбайнларни яратаетганликларини эшишиб қолди. Вертикаль ва горизонталь шпинделли, деҳқонбоп машиналар... Икром уларни ўз кўзи билан кўриб, иложи бўлса ўз жойида синаб, сотсалар — сотиб олиш максадида Тошкентга жўнади. Кайноқ ёз, жазирама офтоб. Шаҳардан ҳовур чиқиб туриди, асфальт қизифи нафасни бўғади. У, велосипедини кўчада қолдириб заводга кирди. Директорнинг кабулхонасида одам тўла, секретарь қиз уларнинг йўлини тўсиб, директорнинг чарм қопланган эшигини астойдил кўриқлаб туриди. Икром қабулхонадаги одамларни ёриб ўтиб, секретарь қизнинг қаршилигига ҳам қарамай ичкарига кириб кетди. Жуда вактида келган экан: янги маркадаги машиналар муҳокамаси устидан чиқиб қолди. Албатта, унга чиқиб кет, демадилар, аксинча «ХВС-1, 2» комбайнининг авторлари Приходько билан Аҳмедов уни ўз ёнларига ўтказиб олдилар. Икром тўсатдан сўради:

— Механизаторлар таънадан қачон кутулади?

— Қандай таъна? — конструкторлар ҳайрон бўлдилар.

— Қандай таъна бўларди, пахтакорлар таънаси-да...

Завод раҳбарлари билан конструкторлар бир-бирла-рига маънодор қараб кўйишиди. Кейин завод директори билан бош конструктор «ким жавоб қилсин» дегандай кўз югуртириб олишиди. Сўнгра пахтациликини машиналаштириш Давлат конструкторлик Бюросининг Бош етакчи конструктори Приходько қисқагина қилиб, «Эртага келинг, маслаҳатингизга муҳтожмиз!» деди. Икром шу куни уйига ҳам қайтмай, Тошкентнинг обод кучасидаги Шарқ меҳмонхонасида, куни ва туни билан ўз фикрларини жамлаб ва таклифларини асослаб, учрашувга тайёрланди.

Эртасига эрталаб Икром вертикаль шпинделли машиналар лабораториясига келди. Лаборатория ҳовлисида турли-туман терим машиналарининг нусхалари, макетлари туриди. Атрофида таниш кишилар: Тюпко, Кенжаев, Умрзоков, Кўчиев, Охунова... Икром уларнинг

күплари билан аввалдан таниш, баъзилари билан мусобақадош, Турсуной Охуновани эса бринчи кўриши. Албатта, касбдошлар учрашиб қолганидан кейин ўз касби ҳақида гаплашади. Уларнинг саломи ҳам, алиги ҳам терим машиналарининг иш органлари ҳақида, машиналарни ишлатиш тактикаси ҳақида баҳс очилиб кетди. Баҳс давомида механизаторларнинг эътиборини кўпдан бери банд қилиб юрган масалалардан биронтаси ҳам четда қолмади.

— Чорвадорларимиз катта ғалабага эришмоқдалар,— деди Икром. Биз механизаторлар орқада қоляпмиз...

— Биз ҳам ўзиб кетамиз!

Бу гапни айтган киши конструктор ҳам, инженер ҳам эмас, ҳали ҳеч кимга танилмаган Турсуной Охунова эди. Одамлар унинг илиқ кулиб туришига қараб кўя қолдилар.

— Ҳақ гап айтдингиз,— деди конструктор Приходько. Юринглар, лабораториямизнинг ўзи айтиб берсин.

Ҳамма лабораторияга кирди. Вертикаль шпинделли пахта териш машиналари яратиш устида кўпдан бери олиб борилаётган ишлар конструкторларнинг чертёжларида жимгина ётар эди. Приходько уларни бир-бир тилга киритиб юборди. Кейин моделлар ҳаракатга тушди. Борингки конструкторлар билан тажрибакорлар ўртасида бўладиган ҳамма савол-жавоблар ўтгач:

— Яхши машина туғилаётган экан,— деди Икром.— Уни тезда оёққа юргизиб беринглар. Қолган фикрларни даладан кутасиз. Конвејернинг оғзида кутиб турамиз!— деди.

Приходько уларни горизонталь шпиндель системасидаги Америка терим машиналари олдига олиб келди. Чиройли ясалган. Жуда чиройли. Қизил лак билан бўяланган баланд машиналар ҳавас билан ясалганидан далолат бериб турибди.

— Мана шу «Жондир»ни сотиб ола қол!— деди Приходько Икромга, Америка терим машинасини кўрсатиб.

— Менга тиши керак эмас, иши керак,— деди Икром.— Бу машинани қишлоққа олиб борсан колхозчилар мени ҳайдаб юборишади.

— Нега?

— Ишини кўрганман. Эгатлар ораси метрдан кам

бўлса юрмайди. Пахтаси олтмиш сантиметрдан баланд бўлса термайди. Юқори ҳосилли пахтага тиши ўтмайди. Чала теради. Ифлос теради. Бизга «ХВС»дан бераверинглар.

Шундан жейин «ХВС—1,2» машинаси конвейерга кўйилди.

Орадан сал кун ўтмаи «Ташсельмаш» конвейери кунига иккитадан, сўнгра учтадан машина ишлаб чиқара бошлади. Икромга бу машиналардан биттагина сотилди. «Ишлатиб кўр, ёқса яна сотамиз» деди завод директори. Машинанинг нархи қиммат эди, ишининг натижасига караб, сўнгра сотиб олмоқ лозим, деб ўйлади Икром ҳам. Машинанинг биринчи синови яхши натижада берди. Кунига саккиз тоннадан кам тераётгани йўқ. Камида саксон кишининг иши.

— Ўнтасини сотиб ол! — деди раис.

Аммо заводда унга биттадан ортиқ машина сотилмаслигини айтишди. Чунки республика колхоз ва совхозлари 1959 йили камида уч юз минг тонна пахтани машинада териш мажбуриятини олди. Жуда катта иш. Ҳамма ўзига машина танламоқда. Албатта, уларга ҳам энг янги маркадаги «ХВС—1,2» машинаси керак.

Уша кезлари Икром ўт бўлиб юрди. Уни ҳеч маҳал бу хил ташвишли вазиятда кўрмаган эдим. Қули-қулига, оёғи-оёғига тегмайди. Уни пахта шошилтириб қўймокда. Колхозга яна етти юз ишчи — ҳашарчи келди. Улар пойафзал ва кийим-кечак фабрикаларининг ишчилари бўлиб, далада икки ой ётиб боғистонликларнинг пахтасини терилилар. Долзарб кунларда шаҳар қишлоққа ёрдам кўлини чузяпти, бу албатта яхши иш, лекин унинг лекини ҳам бор-да, деб ўйлади Икром. Теримни ўзимиз саранжомлаб олсак, шу кишилар аҳолига пойафзал ва кийим-кечак тикса — серобгарчилик бўлмасмиди. Улар далага чиқсанлари учун ҳали заводдаги ойликларини олаверадилар. Бу — давлатга ҳам зарар. Терган пахтасига колхоздан ҳам муллажиринг санаб оладилар, колхознинг нақд пули Боғистонда тўхтамай яна шаҳарга қайтади. Бунинг устига бошқа кўзга кўринмас чиқимларни айтмайсизми. Таннарх қимматлашиб кетяпти. Ҳаммадан Икромни ачинтирган нарса — ғўза чопиб бели оғримаган баъзи шаҳарликлар, пахта навини фарқ қилолмаган айrim ҳашарчилар, пахтани хом ва ҳўл териб қўйишяпти,

бу иккиёқлама, учёклама заардир. Бундай пахтанинг толаси ҳам, газламаси ҳам бефойда.

Қишлоқ механизатори Икром қишлоқда меҳнат тақсимотидаги ўз ролини яхши билар эди. Бир куни тракторчиларни тўплаб бундай деди:

— Биз механизаторларни кечагина, МТС да ишлаб турган кезларимиз «Қишлоқ ишчилари синфи» дер эдилар. Техника колхозга ўтгач, биз ҳам колхозчи бўлиб қолдик. Бу деган сўз, биздан «қишлоқ ишчилари синфи» унвонини олиб қўйиш, деган сўз эмас. Аксинча, бизга жуда катта ва масъулиятли, шу билан бирга тарихий вазифа юкланди. Масалан, айтайлик, қишлоқ хўжалик меҳнатини индустрисал меҳнатнинг бир турига айлантириш вазифаси бизнинг зиммамизга тушди. Ҳал Худди шундай. Биз механизаторлар пахтачиликдаги барча қўл меҳнатини техника зиммасига юклашимиз лозим. Бу осон иш эмас, албатта, лекин қилса бўлади.

Икром кўпчиликнинг дилидаги гапни айтди. Комплекс механизациялашаётган трактор далачилик бригадалари ҳақиқатан ҳам қишлоқ хўжалик меҳнатини индустрисал меҳнатнинг бир турига қоплаш ва заводга топширишгacha қўл кучисиз, техника ёрдами билан қилмоқдалар. Баъзи шу хил бригадаларда бирдан-бир қўл кучи талаб қилган сугориш ҳам автоматлаштирилмоқда. (Афусуски, саноатимиз ҳали бу борадаги талабни қондирадиган ишлар қилганича йўқ.) Бундай бригадалар кечагина бармоқ билан санарли эди. Ҳозир тўрт мингдан ортиқ! Бундай бригадалар ҳақида гап бўлса биз Тюпко, Кенжакев, Умрзоков... деб уларни ҳам бармоқ букиб санар эдик. Энди уларнинг қаторига юзлаб Икромлар қўшилдилар.

Улар фақат практикларгина эмаслар, ўз ишларининг усталари, новаторлари, ихтирочилари — фикрловчилари ҳамдирлар. Икром Иброҳимов аввало ўзини, қолаверса ўз касбдошларини доимо фикрлаш, изланиш руҳида тарбияламоқда. Икром ҳозирча, энг яхши машина деб аталган «ХВС — 1,2» терим комбайнини янада яхшилаш ҳақида конструкторга икки марта хат ёзди. Унинг фикрича бу машинани яна бир тоннага енгиллатиш мумкин. Иккинчидан, уни ихчамлаб, маневр хусусиятини яхшилаш кепрак. Қолаверса, бир неча нокулай майдаталлар борки, уларни тузатсалар — машинанинг иш унуми ощади, пахта чангдан тозаланади ва ҳоказолар. Икром ана шу деталлар ҳамда бошқа «ва ҳоказолар»ни тўла-тўқис баён

қилиб «Ташсельмаш»га ҳам юборди. «Қолганини дала хабар қиласи» деган эдим. Далада синадик. Яхши машина. Американикidan устун: аммо яхшини, одатда, яна ҳам яхши бўлсин дейилади. Менинг ҳам яхши тилакларим бор...»

Завод бош инженеридан келган хатда аввало Икромга катта раҳмат айтилган, баъдаз практиклар талаблари қондираётгани ёзилган ва охирида «завод конвейери кунига саккиз-тўққизтадан терим комбайни чиқараётгани» ёзилган. Бундан маълумки, бу йил, 1960 йил кузигача Икром яна беш-олтита «ХВС» сотиб олиши мумкин.

III

Кейин нима бўлганидан бехабар эдим. Биринчи май тантанаси кунларида Тошкент Қизил майдонида Икром билан яна учрашиб қолдик. Эгнида оқ шерстъ костюм, бошида оппоқ шляпа, оёғида оқ туфли.

Кишининг бирорга меҳри тушиб қолса, уни унугиб юбориши жуда қийин бўлади. Лимонад ичиш баҳонаси билан четроққа чиқиб, анча гаплашиб турдик. Шу вақт терим машиналарини қуршаб ташсельмашликлар ўтиб қолишиди. Кузги можаро эсимга тушиб, сурадим:

— «ХВС — 1,2»ларни кўпайтириб олдингизми?

Икром бир оз жимликдан кейин жавоб қилди:

— Кўпайтириб олдик... Колхозда техника шу қадар кўпайиб кетдики, у ёғини қўяверинг. Бошқаролмай қолдик. Очигини айтсан, техниқанинг кўпайиб кетгани ҳўжалик ишига халақит ҳам беряпти...

Техника ишқибозининг бу гапи мени таажжублантиришдан кўра, унинг важларини билиб олишга қизиқтириди. Чунки бу одам аввало, ўйламасдан сўйламайди. Сўйлагандан кейин эса, гапининг устидан чиқмагунча тинмайди. Албатта, хаёлида анчагина муҳим фикрлар айланниб юрган бўлса ажаб эмас.

— Қандай халақит?

Икром нимадандир истиҳола қилибми ёки қисқароқ ифода сўзлари қидирибми, қошларини чимириб, ўйлаб қолди. Кейин папирос чекиб кўз олдида буралаётган ҳалқа-ҳалқа тутунга қарб туриб, аста гап бошлади:

— Халақит беряпти деб ҳам бўлмайди, аммо қишлоқ ҳўжалик техникаси масаласини ўйлаб кўриш вақти келди.

— Энди бизга комплекс техника керак. Илгари от якка деңқонга қандай комплекс хизмат қилған бұлса, энди трактор ҳам колхозчига ана шундай комплекс хизмат қылсın. Трактор колхозчининг пұлат оти... Илгари якка деңқон оти билан ер ҳайдар эди. Омоч-бүйинтуруғидан чиқарып аравага құшарди, гүнгни ҳам, пахтани ҳам отда таширди. Аравадан чиқарып майды юмушига солар, қишида, ҳатто улоққа чопарди. От деңқоннинг барча ишига яради. Колхозчига ҳам ана шундай пұлат от керак!

— Жуда маъқул фикр,— дедим мен уни қувватлаб.

Икром үчиб қолган папиросини бошқатдан тутатиб, гапида давом этди:

— Үйлаб қаранг, ер ҳайдашга алоҳида трактор, культивацияга универсал, дорилашга «ОДН», чеканкага яна бошқача машина, пахта териш, фүзапоя юлиш, күрак чувишга ҳам үзига хос бұлак-бұлак машиналар. Ер текислаш керак бұлса тағин үзгача техника сотиб олиш зарур. Жуда ҳам пири бадавлат әмасмизки, машинани беҳисоб сотиб олаверсак. Сотиб олиш ҳам майли-я, давлатнинг зое кетган маблағи билан металига ачиняпман...

Унинг юzlари янада жиддийлашди. Абдуллаевнинг «Икромда гап күп» дегани ёдимга тушди. Оддий киши, колхоз механизатори давлат аҳамиятига эга бұлған катта муаммолар ҳақида үйламоқда. Үзи, оиласи, үз колхознингина әмас, бутун совет қишлоқ хұжалиги, Совет давлати манфаати ҳақида фикрламоқда. Дарҳақиқат, унинг колхози плугдан тортиб, пахта териш машиналаригача сотиб олған. Номи машина бұлсаки, намунаси келтирилген. Уларнинг жуда күп иилига ярим ой ишласа ишлайди, бұлмаса йўқ. Күп вактлар бекор ётади. Чунки улар фактат маълум мавсум учун чиқарылған. 1959 йили күрак чувийдиган машина бир кун ҳам ишлагани йўқ. Чунки пахта вактида очилди, вактида териб олинди. Күрак чиқмади. Күрак пахтага ҳожат ҳам қолмади: унинг на колхозга, на саноатга фойдаси бор. Агар Икромнинг фикри амалга ошса, бундан жамиятимиз озмунча манфаат күрармиди!

Икром қўлидаги папиросини учинчи марта ёндириб, шимириб тортди-да, гильзасини трибуна ёғочлари остидаги тупдонга ташлади. Суҳбат давом этди.

— Комплекс трактор, яъни пұлат от ҳақида гапирдингиз, ана шу пұлат отни қандай тасаввур қилиш мүмкін?

— Менимча, қишлоқ техникасида асосий тортув кучи трактор бўлиб қолиши керак. Бошқа ҳамма асбоблар, агрегатлар тиркаб ишлатиладиган қилиниши лозим. Ўйлаб қарасам, бунга имконият бор экан.

Бу фикрларни тўлароқ билиб олиш мақсадида сўрадим:

— Терим агрегати-чи?

— Терим агрегати ҳам тракторга тиркаб ишлатилса бўлади,— деди шошилиб ва гапида давом этди.— Тракторларимиз кучли. Аммо, уларнинг кучидан жуда кам фойдаланамиз. Агар саноатда бирор станок бекор турса, дарҳол «саноат қувватидан тўлиқ фойдаланилмаётир» деб жар солинади. Цехнинг иш майдонида ярим метр жой очиқ колса ҳам «ишлаб чиқариш майдони бекор турибди» деб тўғри гапирадилар. Нега бизнинг трактор йилига камида олти ой бекор ётади? Трактор баҳорда плуг тортсин, ёзда культиватор етакласин, кузда бункерларни елкасига ортиб, шпиндель бармоқлари билан пахта терсин, теримдан қутулгач, бункерларни ташлаб, присепларни қаторлаб, транспорт сафига кирсин. Албатта, мотор ҳам чарчайди. Бунинг учун ҳафталик, ойлик, кварталлик профилактикадан ўтиб туриши шарт.

Унинг бундан беш йил илгари универсаллар ҳақида газетага ёзиш керак, деган гапларини эсладим ва унда бу гал ростдан ҳам газетабоп фикрлар тўпланиб қолганини айтдим. У кулди. Унинг кўзлари эртанги ишлар фамиданми, ўйчан бир нуктага тикилиб қолди.

— Мана, намойиш ҳам тугаб қолаёди. Болаларнинг ёнига борай,— деди менга хайрлашиш учун қўл узатиб.— Бу ҳақда газетага бирор нарса ёзиш керак бўлса ўзингиз ёзинг. Иложи бўлса тракторларнинг тезлиги тўғрисида ҳам бир-икки оғиз сўз қистириб қўйинг. Масалан, тракторларимиз ҳайдовда соатига тўрт-беш километр тезликда юради. Йўқ деганда икки баравар тезлашсин. Ҳеч бўлмаса, соатига етти-саккиз километр қимиirlаса ҳам кир ошади.

У мен билан чаккон хайрлашди-да, минбардаги болалари томон шошилди, зиналардан хатлаётуб нимадир ёдига тушди шекилли, шошилиб орқасига қайтди.

— Бир гап эсимга тушиб қолди. Бу ҳам бўлса шу техника реконструкцияси ҳақида. Агар оз ишлаб, кўптишлаб ётадиган, «техникхур техника» ўрнига ҳақиқий пўлат от яратсак ва у тез юрар йўрга бўлса, колхозлар-

га ҳам жуда қулай бұлади. Иккита трактор әмас, битта оламиз. Ўнта агрегат әмас, бир жуфт. Сихиям күймайды, кабобиям. Бу ёғини үзингиз силлиқлаб ёзверасиз. Күришгүнча хайр!

Күз олдимда яна үша қувноқ, сахий ва шу билан бирга тадбирли, фикрловчы Икром намоён бұлди.

Намойиш тугади, Икром бола-чақаларини ҳаво ранг «Волга»га үтқазиб Баландтепага жүнади. Мен улар жұнаши ҳамон ёзув столига шошилдим. Қулоғимда сингиб қолған ҳамма гапларни оқизмай-томизмай қофозга күчирдим. Ундан «Механизаторнинг үйлари» деган очерк яралди. Үзимдан ҳеч нарса құшганим йўқ. Ҳаётнинг күриниши шу! Бундай кишилар озми ҳаётда!

1960.

ЖОНҚУЯР

Мустафонинг олдига роса бир йилдан кейин кирди. Идорада ҳеч нима ўзгармаган, стол ҳам ўша, стуллар ҳам. Лекин Мустафо...

— Келинг, Сафо, келинг!— деди Мустафо ўрнидан туриб.

Сафонинг назарида Мустафо яна ҳам етилганга, елкадор бўлиб кетганга ўхшади. Юзи янги ёпилган ширмондай. Мўйлови худди омбурдай тишларининг оқини тусиб турибди. «Уни нима етилтириди-ю, нимадан ўзгарди бу индамас? Қаёқдан кун чиқди?» деб ўйлади Сафо ва рўпарасига ўтириди. Улар бир-бирларига жим тикилиб қолишиди. Ҳеч кимдан садо чиқмади. Сафо мутлақо ўзгармаган. Ўша қотма юз, ўша шух кузлар, ўша жонкуяр сиймо. «Бу аразчи Сафо нега келди-ю, нега чўғдай қизаряпти? Мендан нима керак унга?» Мустафо ўз оёғи билан кириб келган аразчига сўзсиз тикилиб турарди. «Бу писмик гаҳ деб қўйиб, яна тилини тишлагани нимаси,— деб ўйлади Сафо ҳам.— Кучоғингни очишга-ку очдинг, оғзингни ҳам оча қолмайсанми...»

Уларнинг ҳолатига разм солиб ўтирган бухгалтер сўради:

— Бутунлай келдингизми?

Сафо қисқа жавоб қилди.

— Чакиртириб келишиди...

— Ким?— Мустафо энтикиб сўради,— ким чақиртирибди?

— Сен эмас!— деди Сафо унга тик боқиб.— Мана, мана бунда чақиришибди мени...

Сафо унинг олдига катақ дафтар варағига үралган бир нарсани ташлади. Шу он Мустафонинг кулогидан бир йил аввалги аччиқ гаплар ўтди.

— Нима гап ўзи?

— Тилинг бор экан-ку! — деди Сафо дарҳол гапни илиб.

— Қайси хумпар Мустафони соқов деб айтди сенга?

— Шуни нега бир йил бурун сўрамадинг демокчиман. Рона уч юз олтмиш кун оғзингни пойладим. Ичимдагини топ деб юравердинг. Ёрилиб кетмаганингга ҳайронман. Мен бўлсам тарс бўлинниб кетаёздим... Ўзинг биларсан деб арқоннинг учини узун ташлаб қўйдим. Нега чақчаясан менга? Менга эмас, мана бу газетага тикил. Ҳамма гап шунда ёзиб қўйилибди.

Мустафо Сафонинг кучини кўз билан ўлчаб кўраётгандек, бошидан оёғигача тикилиб қаради-да, кўзини қадаб туриб гап бошлади:

— Мустафонинг кўзи кўр деб сенга ким айтди? Бу қарорни мен ҳам кўрганман. Мана, план тузяпмиз, дедим-ку, сенга.

— Планни мол емайди. Билдингми! Ўттиз олтига сиғиринг тупроқ ялаб ётибди. Кўкйутал бўлиб қолишибди, жониворлар, ўҳ-ҳӯ деса ўпкаси кўринади. Уволидан қўрқмайсанми, а?

Мустафо яна кўзини унинг кўзига қадади:

— Мунча тилинг заҳар, Сафо!

— Ҳа, сенга заҳар...

— Бу ишингни қилмайман, раис, деб ташлаб кетган ким эди? Энди тилинг чиқиб қолдими?

— Тилимни қичитма, Мустафо! Неча марта олдингга кирдим. «Ҳо, раис чорвага аҳамият бер, ҳо, раис...» деб орқангдан эргашиб юрдим. Оёғингга йиқилмадим, холос. Унутдингми? Охирги марта молларни яйловга ташлаб, ҳазратларининг даргоҳига кирдим. Худди шу ерда тирсагингга тираниб ўтирибсан экан. Ақалли тишингнинг оқини ҳам кўрсатмадинг. Бунинг ўрнига ағдарма этигинингнинг кўнжини икки қўллаб тортиб таранг қилдинг, дўппингни олиб, чаккангни қашидинг, холос. Унутмагандирсан? Фазабимдан ўтим чиқиб турибди-ю, сен эснадинг, холос. «Нега бу ишни ташлаб кетяпсан?» деб сўрадингми? Йўқ! Раиссан, сўрашинг, ҳатто орқамга қайтаришинг керак эди, бунга ҳақинг бор эди. Кундузи кун, кечаси ой санаб чиқдим. Бир оғиз «нега бошқа иш-

га ўтиб кетдинг, Сафо?» демадинг... Дилем оғриди. Билдингми? Сұраганингда, ҳаммасини айтиб берардим. Сигирлар сут, қўйлар жун бермай қўйди. Товуклар тухумламаяпти, бузоклар ингириш бўлиб қолди.

— Сен чорвадан аразлаб кетганинг учунми?..

— Йўқ, мен қочганим йўқ, сенинг ғамсизлигинг дастидан булак ишга кетишга мажбур бўлдим. Тўғрисини айтсан, сен мажбур қилдинг.

Чўт қоқиб ўтирган бухгалтер уларниң қизиб бораётган сұхбатидан четда қола олмади.

— Кўрнамаклик қилманг, Сафо чорва. Мен ўзим неча марта сўраганман.

Бухгалтернинг ўринсиз луқмаси Сафонинг жигига тегди.

— Сенинг овоз чиқариб гапирганингни эшиганим йўқ. Раиснинг қулоғига шивирлаб гапирадиган одамсан. Умрингда бир марта дадил ўртага чиқиб, бирор нарсани дангал айтганимисан? Йўқ...

— Унинг дилини оғритиб нима қиласан, Сафо,— деди Мустафо.— Гапингнинг ўша лекинини айта қол.

— Кўрмайсанми бунингни. Унинг кўзи мана шу туйнукдан бошқани кўрмайди.

Бухгалтернинг тепа сочи тиккайиб кетгаи эди. Мустафо «ҳап тур» дегандек ишора қилгач, у қалампир чайнагандек аччик-аччик ютиниб, тилини тишлади.

— Ўзингнинг кимлигингни энди билдингми?— деди Сафо унга ўғирилиб,— раисинг «ҳап тур», деса тилингни тишлаяпсан. Ана, ана... гапимга сўз қайтариш учун ҳам раиснинг авзойига қарайпсан. Яримтасан. Бутун бўлсанг, йигирма кўзи билан олтита бузок бедарак йўколмас эди. Яйловда уларни ўзим ўйирлаган эдим, ноёб гиёҳларни топиб егизар эдим уларга. Дунёга келиб номи сенинг дафтарингга ҳам тушмай, ном-нишонсиз оламдан ўтиб кетишиди. Дафтарингга қара, «Колхоз жониворлари» деб босмада босиб қўйибди. Ахир, жонивор бўлгандан кейин унинг номи, ҳисоб-китоби бўлади. Одамзоднинг қозонини оклаши, чўмичини мойлаши керак. Билдингми?

Бухгалтер шунча оғзини юмса ҳам, тилини тиёлмади:

— Бир йилда бир қоп гап тўқибсиз-да...

— Гап тўқиидиган гап дастгоҳим йўқ мени. Бир мўйлов бураш билан мингини у ёқ-бу ёқ қиладиган суюк чўтим ҳам йўқ. Гапнинг ўзи йиғилиб қолди. Билдингми?

— Мингини у ёқ-бу ёқ қилиб нима қилибман? Нега мени шубҳага соласиз?

Сафо бухгалтернинг столидан қалин кирим-чиқим дафтарини қўлига олди, икки қўллаб баланд кўтарди.

— Шу темир дафтари сенга ким берган? Давлат берган. Буни тушунасан. Аммо нима учун берганини тушунмайсан. Билдингми? Тушунмайсан ёки била туриб сувга туфлайсан. Раз, тилимни қичитдингми, гапимнинг аччиқ-аччиғини энди сен эшиш. Сигирлар бир йилда 145 килограммдан сут берибди. Бу қайси ақлга тўғри келади. Ўша тарғил сигир ҳам кунига бир ҳўпламдан сут берибдими? Дафтaringга уялмай шунақа деб ёзиб қўйибсан-а! Сут оқ, уни қора деб бўлмайди! Колхознинг бир кило сариёғи фалонча пулдан тушди, деб отчётда дафтaringни ўқидинг. Бозордагидан уч ярим баравар қиммат. Нима? Сенинг сариёғинг олтиндан эритилганми? Тухум-чи?.. Ҳар олти товуқ битта тухум туқкан эмиш. Тавба! Ёқангни ушлагинг келади. Бухгалтер деб қўлингга давлат дафтарини бериб қўйгандан кейин, мўйлов буралиши-ю, қош қайрилишига қарама! Билдингми? Бараканинг ўчиши дафтaringнинг бурди йўқлиги, бетайнлигингдан. Билдингми? Дафтар михдай бўлса, иш ҳам пухта бўлади, билдингми? Фермага шунча хўroz нимага керак? Олтмиш битта товуқقا саксонта хўroz. Тухум туғмаса, бола очмаса, текинхўрни кўпайтириб нима қиласан? Даромади йўғини сот, серунумини ол, демайсанми Райим чорвага.

Мустафо уларнинг тортишувини тинглаб ўтири, лекин бу кекчи «қизим сенга айтаман, келиним сен эшиш» килиб, хипчиннинг учи билан мени савалаяпти, деб ўйлади-да, унинг оғзини бир гап билан тақатак ёпмоқчи бўлди.

— Мен сени истеъфода ётибди десам, туйнугингдан муралаётган экансан-да...

— Гапим аччиқ бўлса ҳам, тўғри тушун, Мустафо! Файрлигим йўқ сенга. Ўзим уйда бўлганим билан хаёлим яйловда, молхонада, қўтонларда, билдингми? Мен ахир, йигирма йил жониворларнинг бошини силаб, сафринини қашладим. Беш пайса емни аяган кезларингда, кор курраб, илдиз топиб бердим уларга. Мана, бир йил бўлди... Биқини ичига чўкиб кетибди, билдингми? Йўқ, билмайсан. Йўқса, бундай демас эдинг. Сен ёлғиз пахтани биласан, вассалом.

— Ҳа, нима бўпти пахтани ташлаб, Қизилжарга кўчиб кетайми, сенингча. Ҳўп гапни гапирасан-да. Ҳаммамиз пахта билан тирик. Гектарига йигирма беш центнерданни Одам Ато билан Момо Ҳаво берадими!

— Тўнингни тескари кийма, Мустафо. Пахтага тил теккизганим йўқ. Аввал пахта, қолаверса, чорва! Тўғрироғи, ҳам пахта, ҳам чорва! Мана бундай, тушун гапимни. Ўзинг гап очиб қолдинг, энди қулоқ сол: чорвага қарамасанг, пахта ҳам унинг кетидан кетиб қолади. Ҳўп де! Ишонмайсанми? Ишонтираман. Ўзоғ йили мажбуриятга деб бозордан канча гўшт сотиб олдинг? Сариёғ тўланган чек учун Матқурбоннинг колхозига неча пул ўтказдинг? План тўлмай қолди, деб физ-физига олганда неча киши бозорма-бозор тухум қидирди. Қаҳратон қиш эди. Бир тухум анқога шафе. Райим чорвани Чоржўйга-ча чоптирган ким эди? Каерда жун бор, ким жун сотади, район қистаяпти, деб икки оёгини бир пой этикка тикқанингни унудингми? Ӯшанда қайси пулни совурдинг? Пахтанинг пулини совурдинг. Билдингми? Пахта бригадаларининг кеча-кундуз тер тўкиб, йил — үн икки ой қилган меҳнатини молнинг тезагига, қўйнинг қийига қўшиб юбординг. Билдингми?

Мустафо бухгалтер олдида очилиб ётган дафтарни қўлига ушлади-да, уни Сафога тутқизмоқчи бўлди.

— Годовойдан ким нолибди? Ҳеч ким. Қайси қўшнидан орқада қолибмиз? Ҳеч қайсисидан. Колхозчининг қўлида пули, омборида дони. Мана, отчёти...

— Бу гапинг тўғри,— деди Сафо,— пул, дон кўрмадик эмас, кўрдик, олмадик эмас, олдик. Лекин ҳаммасини эмас. Ўша ололмай қолганимизга ачинади, киши. Шошма, шошма, нимасини ва қанчасини ололмадинг демоқчисан? Колхозчи пахтадан тегишлигининг teng ярмини, чорвадан тегишлигининг эса мутлақо ололмади. Билдингми? Қани айт-чи, меҳнат кунига қанчадан гўштсугут тортиб бердинг? Қанчадан тухум, сариёғ бердинг?! Бир грамм ҳам берганинг йўқ. Беришинг лозим эдими? Лозим эди. Билдингми?

Мустафо хўмрайиб турди-да, кўзи кўзига тўғри келгач:

— Тирноқ орасидан кир излашни қаерда машқ қилдинг, Сафо?— деди.

— Изламаса ҳам, ўзи манаман деб турибди... Мен сенинг дастингдан хотин киши бўлиб, рўмол ўраб, сигир

тагига ҳам кирганман. Мана... мана шу тиригим ола сигирнинг шаттасидан бўлган. Билдингми? Кизилжарга соғувчи юбор, деб неча марта айттирвордим. Юбордингми? Юбормадинг. Соғин сигирлар елини чарсиллаб ёрилиб кетай-ёрилиб кетай деб қолди. «Олинглар, соғиб ичаверинглар» дейин десам, яқин ўртада аҳоли йўқ. Сигирларнинг елинига қараб жиғибийроним чикди. Кейин Матниёз подачини чақириб, соғ буларни десам: «Мени ким деяпсан ҳали! Белимдаги белбоғимни кўрмаяпсанми?» деб ўшқирди. Одил қулунчини чақириб: «Сигир соғганимисан?..» десам: «Билганимда сени қимиизга чўмилтирадим Сафо», деб тескари қаради. Ўзим ҳафсала қилмасам бўлмас экан, деб ола сигирнинг тагига коса кўтариб борсам, юзимга бир тепди. Ёрилган жойини боғлаб олиб, яна борган эдим, қараб-қараб қўйди-да, тек тураверди. Бир коса сут соғиб олдим. Бу хотин кишига соғдирап экан, деб, сигирлар тагига рўмол ўраб борадиган бўлдим. Сутни қаерга қўйишни билмадик, тезда бидонлар юбор, деб айттирвордим. Сендан садо чиқмади. Сутни олдириб кет, десам пахтани йифишира олмаяпману, сутни қаёққа қўяман, ўзлари соғиб ичишаверсин, дебсан. Қанча сут соғиб олинмади-ю, соғиб олинган қанча сут исроф бўлмади! Тағин сен чорвам бор, деб юрибсан-да...

— Чорвам бор, десам, бор дегудай. Туёғимиз кўпайса кўпайяптики, камайгани йўқ. Бу йил баҳорда яна туёқ сотиб олдик. Бошқалар сотяпти, биз эса оляпмиз.

— Бошқалар сотяпти, биз оляпмиз!..— деди Сафо унинг гапини такрорлаб.

— Ким сотяпти-ю, ким оляпти? Бир ўйлаб кўрдингми шуни? Кузда сен ҳам сотгансан, бошқалар олган. Баҳорда бошқалар сотяпти, сен оляпсан... Ростини айтсам, бир-биримизни ҳам, давлатни ҳам алдаяпмиз. Қолаверса, ўзимизни ўзимиз алдаяпмиз... Ҳе, менга чақчайма, Мустафо. Масалани айтгунча ҳап тур. Ёз бўйи яйловда семирган ғунажинларни кузда сотдингми? «Қишдан чиқара олмаймиз», деб сотдинг. Баҳорда ўша бузокларни яна сотиб олдинг. Туёқлар плани тўлсин, деб уч баравар қимматига олдинг. Колхоз қанча зарар кўрди бу олдисотидан? Анча! Буни ўзинг ҳам тушунарсан?

Суриштирсам, бир сен эмас, созқалъаликлар ҳам шунака қилишар экан. Кузда сотиб олганлар «туёғимиз мунчага кўпайди, планимиз фалонча бўлди», деб сводка

беради. Баҳорда, илик узилди вактида ҳашак топиб бера олмай, ярмини бозорга ҳайдайди. Сенга үшшаган планни тұлдирдиганлар сотиб олиб, яна сводка беради. Икки үртада мол овора, қофоз исроф. Райондагилар ҳам, областдагилар ҳам сводкага қараб, «мол күпайяпти», деб кувонаверишса керак. Сенларнинг алдаётганингни ҳали дурустгина текширишгани йўқ-да. Ҳам буни ҳеч ким билмайди. Бугун бўлмаса, эртага билишади. Билдингми? Мен кузда сотилган ғунажинларга ачинаман, дунёга келиб, бироннинг оғзини мойламай, бузоқчасининг маъраган овозини эшитмай, қанорага осилиб кетади. Бу ишда тартиб йўқ, Мустафо...

Эшитаман десанг гап кўп, Мустафо. Йигирма йиллик тажрибада жуда кўп ишни кўрдим. Заёмга мол сотиб бериш ҳам чорвани қийратади. Бу одат қаердан чиқди, билмайман. Ўзоф йили қовурғаларим қайишиб кетди. Йигирма кўй, ўн бузоқ тўплаб берсин, заёмни накд пул билан тўлаймиз, деб одам юборибсан. Заёмга бўлса, бекорга эмас, давлатга экан деб, энг яхшиларини тўплаб юбордим. Ўзинг ҳам юр, дейишди, бозорга ҳайдашиб бордим. Бозор тўла мол. Ҳамма заёмга сотяпмиз дейди, харидор кам. Бирор харидор чиқиб қолса, ўнтаси кўтирилган сукканиб олади: меникини олинг-чи, меникини олинг... Коппонда ҳам аҳвол шу. Авансга чиқкан буғдой тўппа-тўғри бозорга жўнатилади. Исрофгарчиликни айтмайсанми! Ўзимизга тек қўйиб берсанг, тўламаймизми? Тишимизнинг ковагидан ҳам топиб берамиз. Сен колхозчига яхшилик қиласман дейсану, унга ёмонлик қилиб кўйганингни билмайсан. Билдингми?

— Ҳакиқатан ҳам роса бир йиллик гапинг йифилиб колган экан, Сафо.

— Бир йиллик эмас, йигирма йиллик гап. Қулоғингга олсанг ол, олмасанг олма, кўксимда яйловдаги сигирларнинг сутидек ириб кетмасин, гапириб юрагимни бўшатай. Молни кўлда боқишига кўчдик, деб «Пахта ғалабаси» газетасига ёзибсан. «Жумҳурият»дан ибрат олинглар, деб гердайибсан. Молхонани ҳам, қантариб қўйилган сигирларни ҳам кўрдим. Бўйнидан боғлаган ит овга ярамаганидек, шохидан танғилган сигир сут берармиди. Одамни кўрса кўзи қинидан чиқади. Яланавериб, тили ковжираб кетибди. Қишлоқда одам қуриб кетгандек, Жумабойни молбоқар қилиб қўйибсан. Сигирларни бозорга солиб, ўзи баҳор офтобида шишиб ўтирибди. Фор-

дан тортиб чиқаради, шийпонларда ойлаб ётади-ю, бир марта ҳам қўйхонага кирмайди, молхонага яқинламайди, сутини ичади-ю, сигирини сўрамайди. Мана шунга ачинамиз, биз чўпонлар. Молбоқарнинг меҳнатини ҳеч ким кўрмайди. Туриб-туриб қадрингга ачиниб кетасан, киши. Бир йил молхонада бўлмадим. Бир марта: «Холинг қалай, нимага ётибсан тоға?» демадинг, жиян. Пахтада ишлаган вақтимда «тоғам нега ишга чиқмади?» деб суриштирадинг. Ёки мени чиппакка чиқариб қўйдиларингми, а?

Фаёзов билан Холиков бир-бирларига қарашиб олишди.

— Ана холос... Ана холос... Сенга тағин чорва маҳсулот берсинми? Сен гўштни бикинидан кес, ёғнинг думбасини бер, дейишни биласан, коракўлнинг сурини бостириб киясану, чўпонини танимайсан. Қадримиз шу бўлдими, биз чўпонларнинг? Ўзинг бормасанг ҳам, алоқадор кишини юбориб турсанг, пахта сингари куз-кулօқ бўлсанг, аллақачон қанора гўштга тўларди! Билдингми?

— Кўриб қолсам бир тузлайман бу ёшулиларни, деб пайт пойлаб юрган экансиз-да, а?

— Сен ўзингни тузлатиб қўядиган бодринг эмассан. Аммо мана бу ёшулини бир тузламасам, армондан чиқмайман. Чорва ҳам давлат мулки, деб гапиради, икки гапнинг бирида «маҳаллий ҳукуматман», дейди-ю, яйловга қадам ранжида қилганини кўрганим кўрганим йўқ.

Холиков кулди.

— Суяк-суягингизга ботиб кетган экан-да, а?

— Э ука, у ёғини сўрасанг, суяклар ҳам занглаб кетди. Яйловда ҳаммом ҳам кўрмадим.

Баҳорда «чорвани яйловга ҳайда!» дейсану, «у ерда нима еб, нима ичасан?» деб сўрамайсан. Зўринг билан ҳайдашга ҳайдаб қўямизу, ковурғамиз қайишади. Бир кудукқа минг жонивор бош сукади. Билдингми? Подачилар, чўпонлар кудук устида Мадрайимхоннинг ясовулидай «озроқ ич!» деб, ҳайвонга таёқ ўқталиб туришади. Кўйларга сув қаёқда. Кўйлар қўзиларини етаклаб кийикнинг кўлмагини қидиради. Кўпчиликнинг отаси бўлган ёшули «нима еб, нима ичасан?» деб сўрайди. Йўғини беради, ўтириб қолганни турғизиб қўяди. «Канал ковла! Зовур ковла!» дейсан, тушингда ҳам: «Коллектор! Коллектор!» дейсану, аммо бирор марта «қудук қази» деб қўйсанг, сендан нима кетади?

Ётиш-туришимизни күрмабсан. Шунча йил яйловда истикомат қилдиму, бир оз «совун оласанми?» дегани йўқ. Ношукурчилик бўлмасин, пулни, дон-дунни етказиб беришади, пулга нима оласан, донни нима билан ютасан, дейишмайди. Донни бир илож қиласиз. Ахир, райпотребсоюз-ку, ёнгинангда. «Бирор таяга бир-икки яшик молни ёппа қил, Қизилжарда бир шабадалаб кел», десанг нима бўлти?

Фаёзов, Сафо ака Холиқовни, хумга тиқиб роса тузляяпти, деб илжайиб, унинг гапларини бош қимиратиб, маъқуллаб ўтириди. Холиқов «буни менга осилтириб кўйиб, завкланишини қара», дегандай Фаёзовга ҳўмрайди.

— Ҳак гапни айтяпти, Сафо ака,— деди Фаёзов,— аччик гап, лекин жуда тӯғри. Сафо аканинг жон куйдирганича бор. Январь Пленуми қарорини яхши тушунибди.

— Баракалло, жиян, баракалло. Сен ҳам бўйнингга ол. Райкомнинг тарбияси. Тарбия, оқартириш қалай? У ёғини сўрасанг, биз, чўпонларнинг кўзимиз кўру, кулоғимиз кар. На радио эшитамиз, на газета ўқиймиз. Билдингми?

— Газета юбориб турибмиз-ку,— деди Фаёзов гап кистириб.

— Кўп болали онага берилган бир йула ёрдам сингари йилига 15 нусха эски газета юборасан. Кўзимизга суртгимиз келади. Бир марта «агитмашина келибди, агитмашина келибди», деб қолишиди. Кутдик, кутдик. Кейин агитмашина кетибди, деб эшитдик. Машинанг дарё бўйигача келибди-да, беш-олти чўпонни тўплаб кино кўрсатибди-ю, қайтаверибди.

Болаларимизда нима гуноҳ? Болаларимизни ҳам ўқитмаяпсан-ку! Тавба! Туриб-туриб куйиниб кетаман. Энди илминг бўлмаса, пода бокишга ҳам ярамайсан, киши. «Рацион-национ» деган гаплар чиқибди. Илгариги подачи кўча тўзитиб мол ҳайдашни биларди. Соатига қараб силос бер деяпти. Силосни нима билан едиришни билиш учун ҳам илм керак экан. Чўпоннинг болалари оми бўлиб қолаверар эканми? Йўқ! Энди боласи ўқимаган отани чўлда ушлаб туролмайсан! Одамлар ҳақини таниб қолган. Бундай карасам, подани нукул кексалар боқяпти. «Кексалар секин-секин тўкилиб адо бўлса, ростдан ҳам колхоз подасини ким боқади», деб ўйлаб кўрдингми?

Фаёзов қўлига бир бурда патирни олди-ю, унга тики-

либ қолди. «Қилаётган ишимиз шу патирнинг юзига үхшайди, юзида седанаси ҳам, ёғи ҳам бор. Аммо орқасида чам кесаги, ҳам куйиги турибди...— деб үйлади,— гап тандирдами, новвойдами? Тандирни ҳам новвой қизитади. Иссифида ёпмаган ёки тандирни яхши қиздирмаган. Биз ҳам патирнинг юзига қарар эканмиз, орқасига қарамас эканмиз. Нон ёпишдан олдин, тандирга бош тиқиб кўрмас эканмиз».

Холиков патирни қовунқоқига қўшиб тез-тез чайнади-да, бўшаган пиёласини Сафога узатди.

— Чойдан қўйинг Сафо ака, тиқилиб қолди.

Сафо «икки раҳбарнинг үлланиб қолишидан гапим таъсир қилди шекилли, ачитиб гапирдим, фойдаси тегса бас», деб үйлади. Пиёлага чойни тўлдириб Холиковга узатди, кейин Фаёзовга үгирилиб сўради:

— Чойингни янгилаб берайми? Совиб қолди шекилли.

— Йўқ, йўқ,— деди Фаёзов,— ўзини ичаман.

— Гапимга хафа бўлдингми? Дўст ачитиб гапиради. Мен куйинганимдан гапирдим. Ҳамма ҳам сенга тўғрисини айтавермайди. Бирор истиҳола қилади, бирор кўрқади, бирор тилининг учига шакар суртиб олади. Шакар суртилган тилга ишонма!

Холиков соатига қараб, ўрнидан сакраб турди-да, токчадаги «Родина»нинг қулоғини буради...

— Ие, гапирмаяпти-ку,— деди у ҳайрон бўлиб,— батареяси чўкиб қолибди. Мустафонинг беҳафсалалигини қаранг, шунга батарея олдириб қўймабди. Ҳозир концерт вакти. Э, аттанг.

Сафо қўлидаги пиёласини столга қўйди.

— Эшитдингми, бу гапларни?— деди у Фаёзовга қараб,— бир кун концерт эшитмаганига ўзини қаерга қўйишини билмаяпти. Ўрганиш-да, ўрганиш... Шу ерда приёмник турган экану, кўз ташламабман-а. «Қулоғимиз кару, кўзимиз кўр», дедим боя сенга. Ҳеч бўлмаса битта приёмник юборишмайди, бу ерда эса занг босиб ётади. Юбориша пулинни кўплашиб тўлаворардик.

Шу чоқ қўлида икки коса мастава кўтариб Мустафо киради. Сафонинг охирги сўзларинигина эшитиб қолган Мустафо: «Бу яна менинг гуримга фишт қалаяпти, шекилли», деб йўлади-да, қизариб кетди.

— Сайраб қол, Сафо, сайра,— деди у пичинг билан,— отанг ямоқчи ўтмаган эди-ку. Туппа-тузук чўпон эди. Бирорнинг мушугини пишт демас эди...

— Мушугини пишт, демас эди. Тұғри айтдинг. Аммо күтонга келган қашқирнинг кекирдагидан бұғарди...

— Нима, нима? Мен ҳали қүтонга кирган бүрими?

— Чүпдан ҳадик қиласан, Мустафо! Бирор сени қүтонни қийратадиган бури, деётганий йўқ. Аммо бури ҳадиксирайди, сенга нима?

— Эрталабдан бери миямни қоқиб қўлимга бердинг. Ҳа, энди Пленум қорорини ўқибди, жонкуярлик қиляпти. дедим-да, чидадим. Бетингга тик қараганий йўқ. Иzzat килгандан кейин, иззатингда тур-да! Ҳа, қаровсизликданми, офатданми, бир-икки ҳайвон ўлибди, ўрнини тўлдирдик-ку!

— Урнини тўлдирдик эмиш. Нима қилиб тўлдирдинг? Сотиб олиб тўлдирдинг? Бунга ҳам паҳтанинг червонини совурдинг. Бозордан сотиб олавериш билан кўтон тўладими? Чорва қиласман десанг, урчит, қўзилат, ўстир! Ана унда чинакам хўжайн бўласан. Билдингми?

— Гуноҳим шуми? Шунга оламунчоқ тақяпсанми, менга?

Суҳбатнинг можарога айланиб кетишидан чўчиған Холиков Мустафони тинчтишига уринди.

— Э, қўйсангиз-чи, Мустафо. Раис деган сал сипо бўлади. Жони куйганидан гапирди қўйди-да. Маставани ичсаларинг-чи, совиб қоляпти.

— Гапирди қўйди эмас!— деди Сафо қатъиян эътиroz билдириб.— Қўчкорлар билан дакани нега боқиб семиртиряпти бу, ана шуни айтиб берсин. Нечта қўчкорнинг бошини ёриб, белини узди қўчкоринг. Даканинг-чи... Чиллаки чиллакини қўриб чумак уради. Қишлоқни қўчкор босиб кетди. Билдингми? Беданинг гули қўчкорники. Кунжаранинг ёғлиги ҳам қўчкорники. Кучи кетади, деб совлиққа қўшмайсан уни. Қанча қўй қисир қолганидан хабаринг йўқ. Текинхўрга тўрва очадиган одам экансан ўзинг. «Орзу-ҳавас, ишқибозлик» эмиш. Фалончи тўй қиласмиш, қўчкор уриштирамиши, фалончи байроқ тикибди», деса, гўё қўчкоринг югуриб келиб мени чавақлаётганга үхшайди. Билдингми?

— Ҳе, қўйинглар, гапни кўпайтирманглар,— деди Холиков,— қани, бухгалтерни чақиртиринг, раис, план битдимикин? Соҳзаъага боришимиш керак. Квадрат уялаб экадиган агрегат тўхтаб қолган эмиш.

Мустафо столни айланиб ўтди-да, уйнинг деворини уч марта муштлади...

— Сигнализация дуруст-ку,— деди ҳазил билан Холиков,— бизга ўхшаб күнфироқ чалиб ўтирмас экансиз. Эшикдан чўзилиб бухгалтер кирди.

— Қани, ўтириңг, ошдан ичинг.

— Раҳмат, ичкарида тўйиб чиқдим, ўртоқ Фаёзов, ўзлари иссинлар, аччиққина бўпти.

— Йиғиштириб олинглар буни,— деди Холиков бухгалтернинг қўлидаги аслаҳаларини кўриб, Сафо косаларни жуфтлади, Мустафо нон ушокларини териб, патирларни тахлади, бухгалтер дастурхонни йиғди, Фаёзов дераза олдига бориб, шўрини ювиш учун куйилган сув бетида аста чайқалаётган куёшга қараб турарди... «Баҳор кириб колди. Ишимиз суст. Бу ҳам ҳалиги патирнинг бети, патирнинг кетини кўрганимизча йўқ».

Стол тозалангач, Холиков бухгалтернинг елкасига уриб-уриб кўйди.

— Қани шер, буни ўртага қўй-чи, уч кеча-ю уч кундуздан бери нималарни тўқидинг экан...

Бухгалтер типографияда босилган бир неча формани столга ёйди-да, бирини олиб, бирини қўйиб, ўз ҳунарига жиддий ихлос билан тушунтира кетди.

— ...Мана, ер фондимиз. Мана, чорва маҳсулотлари етиштириш юзасидан район берган планлар... Бир бош молдан олинадиган соф гўштни планлаштириш, мана, расчётлар... олтмишинчи йилга ҳар бир сигир етти юз килограмм сут бериши керак. Ҳар бир қорамолдан олинадиган гўшт олтмишинчи йилда 120 килограмм, ҳозиргидан йигирма бир кило ортиқ... Олтмишинчи йилга хашаклар баланси...

Холиков бухгалтер докладини тинглагач, буюрди:

— Қани, раис, имзо чекиб, муҳр босинг-да, бирини грузовикка ўтқизибрайланга жўнатинг.

Фаёзов бухгалтер қўлидан ҳусниҳат билан тўлдирилган формаларни олди-да, бир бошдан синчиклаб ўқий бошлади. Бухгалтер, Фаёзов бирор нарсадан қийик топмасмикин, дегандай дамини ичига олиб, унинг кўзига тикилиб ўтиради. Холиков, мунча эзмалик қиласи Фаёзов, бухгалтернинг ўзи гапириб берди-ку, дегандек планни тезрок районга юборишга, тезрок Соқалъага жўнашга ошиқар эди. Сафо жим. У, формаларга тикилмаса ҳам, формаларда ёзилган баъзи гапларни ҳазм қилолмай, қани, рапном нима дер экан, ундан олдин гап қилсан яхшимас, дегандек ерга қараб ўтирибди. Муста-

фо деразадан бошини чикариб, ариқ бүйида машинасини тузатаётган шоферни чакирди. Шофер ўзини иккى ёкка ташлаб, гурсиллаб дераза тагига келди.

— Опкелинг.

— Бервординг, ўрток Фаёзов,— деди Холиков,— облпланда иккى оёкни бир этикка тикишялти...

Фаёзов бошини қофоздан күтармай, қисқа жавоб килди:

— Аниқлайдиган ери күп экан. Шуларни...

— Райлланда ҳали роса титкилашади буни. Мутахасисларни шайлаб қўйганмиз.

Фаёзов «қисинманг» дегандек, Холиковга қараб қўйди. Холиков ўзининг ошиқаётганини оқлаш учунми, «Созқалъада кутиб қолишиди, агрегат юрмаяпти дейишган эди», деди...

— Созқалъага МТС директори кетган. Ўзи ҳал қила-версин. Унга ишонмасликка ҳакимиз йўқ. Нима бўлса кўплашиб бош сукавериб, уларнинг ҳам ўз билганича ишлашига йўл қўймаяпмиз. Бир марта ўз билғанича қилиб кўрсин-чи.

— Бир колхозда иккимиз нима киламиз бўлмасам? Ё мен кетай, сиз қолинг, ё мен қолай, сиз боринг...

— Йўқ,— деди Фаёзов қатъий.— Бир кун бирга бул-сак зарари йўқдир. Сафо аканинг гапини эшитдингиз-ку.

Холиков дераза олдида пакет кутиб турган шоферга қаради-да, «бор, ишингни килавер, битганда чақиртирамиз», деди. Шофер секин орқасига қайтди, яна грузовик тагига кирди.

— Олтмишинчи йили бир қорамолдан 120 килограмм соғ гўшт чиқади дебсан,— деди Фаёзов бухгалтерга қараб,— бу ракамни қаердан олдинг?

Бухгалтер бунга шошилинч изоҳ берди.

— 1954 йилгача 100 килограммдан эди. Бузок, ғуна-жин, новвос топширадик. 1960 йилда гўштга ишчи ҳў-кизларни топширамиз. Ҳўқизнинг гавдаси катта, суюги оғир.

Сафо нимадир айтмоқчи бўлиб оғиз жуфтлаган эди, Фаёзовнинг гапини эшитиб тўхтаб колди.

— Суюги йўғон ҳўқиз ҳисобига дегин...

— Ҳа, энди ҳўқизларни секин-аста гўштга тортавера-миз, план шунака. Ҳақиқатан ҳам уларга иш қолмаяпти колхозда.

— Бу гапинг тўғри, лекин қорамолнинг маҳсулоти-ни оширишни биз бошқача тушунамиз...

— Маҳсулотни оширишни ҳам планлаштиридик, ўрток Фаёзов,— деди бухгалтер ҳозиржавоблик билан,— масалан, ҳар бир сигир ўтган йили 154 килограммдан сут берган бўлса, бу йил 600 килограммдан бериши керак. Олтмишинчи йили яна юз килограмм ортиқ бериши планлаштирилган.

Фаёзов унинг сўзларини синчилаб тинглади.

— Берган... бериши керак... дейсан, плановик хўжайиннинг гапи бу,— деди Фаёзов ва Мустафога каради,— эшитяпсизми, бу гапларни, раис? Олдик, олишимиз керак, оламиз деса, тили ёриладими буни? Ҳайвонни ўзи ма, ол бухгалтер, деб идорага келтириб берадими?

Мустафо қизишиб кетди.

— Менга ўхшаб гапга нўнокрок, бунинг ўзи. Ўхшатмай учратмас, деб икковимиз гапни эплаб гапиролмаганимиздан килган ишларимиз ҳам кўпинча оғизга тушмай колиб кетади. Ҳа, қилдик, қиламиз, деяверсанг бўлмайдими? Деявер, қиламиз!

Бухгалтер гангиди қолди.

— Албатта... Албатта.

— Биргина «қиламиз» билан ҳам иш битмайди,— деди Фаёзов,— қайси йўллар билан, кимлар билан, қандай қиламиз, деб ўйлаш керак. Ишингиз хом раис, бухгалтернинг хомчўтига ўйламай, хўп, деб юборибсиз.. Шунча чорвага беш гектар маккажўхори... Емни қаердан топиб берасиз уларга?

— Пахтага етти тонна кунжара, ўн тонна шулха беради.

— Бирорнинг берганига қорни тўядими? Қорин тўйса ҳам кўз тўймайди. Кўз тўймагач, барака йўқ. «Ўзимиз ердан ундириб оламиз!» дейишга қачон ўрганамиз, Мустафо ака.

— Ўттиз гектар ерга беда экиб қўйибмиз-ку, ўрток Фаёзов, жудаям ишимизни ерга ураверманг.

— Беда ҳам керак, жуда керак. Хўш, еми қани? Маккажўхори, оқжўхори пояси қани? Ҳашак билан йилига ўша етти юз килограммни ҳам ололмайсиз. Ваҳоланки, бу мўлжалингиз 1940 йилнинг плани. Ҳамма олға мўлжалласа, сиз орқага қарайпсиз...

Бу гапни эшитиб, Сафо жонланиб кетди.

— Ана шунга күйинаман-да, ана шунга ачинаман. Боядан бери мени «Сафо лақма» деб турган эди, бу раис. Мана энди бу гапга нима дер экан. Мана, бу қарордаги гапни қил, деялти райком. Билдингми?

— Биз ҳам қарорга қараб план қилдик,— деди бухгалтер.

— Э, сен жим тур,— деди Сафо унга чақчайиб.— Сен план нималигини билмайдиган одам экансан. Э, елкангни қисма, сирасини гапирияпман. Планни билсанг, товук фермага «ҳар куни бир чөлак тухум бер» дермидинг!

— Ўртоқ Фаёзов маккажӯхорини сўраятилар, Сафо ака, тухумни орага сукмасангиз нима?

— Тухум керак бўлса ҳам, маккажӯхори эк демокчиман. Билдингми? Е ер йўқми? Ер кўп. «Ер йўқ» деганига ишонманглар, керак бўлса ўзим бошлаб бориб кўрсатаман.

Холиқов тирсагига суюниб, гапга аралашмай ўтирибди. Матмуса «қирқингга бир қозон бераман деб чиқкан экан, бу Сафо» дегандек унга тикилиб «Ичингдан чиқкан балога, қайга борай давога», деб пиширламоқда. Унинг бу гапини бухгалтергина эшилди. Фаёзовнинг қулоғида Сафонинг «ер кўп, ер йўқ деганига ишонманглар, керак бўлса ўзим бошлаб бориб кўрсатаман», деган сўзлари тақрорланди. Ҳақ гап шу. Бориш керак. Беш гектар маккажӯхори товуқка ётадими, шунча молга ем бўладими?

— Юринглар, далага!— деди Фаёзов сакраб ўрнидан туриб,— схемангни оливол бухгалтер, экинингни бирмабир кўрсатасан.

Ҳаво беғубор, қуёш тиниқ ва илиқ нур сочиб турибди. Катта-катта парчаларда шоликорликдагидек сув жимирламоқда. Зовурлар сув шимиб, коллекторлар заҳ эмиб ётибди. Онда-сонда трактор, экскаватор ҳайкиряпти. Мустафо гапириб бормоқда.

— Эски бедалар... пахта ери... қовун полизи... янги беда... бу йил маккажӯхори экадиган еримиз шу...

Фаёзов бу ерларни неча марта отда, «ГАЗ» да, пиёда айланиб чиқкан эди. Ҳозир унинг кўзига бутунлай бошка, ҳатто очилмаган кўрикдай кат-кат кўринмокда. Унда аллақандай янги фикрлар туғилмокда.

— Мана шу коллекторлар соҳилига ошқовоқ, хашаки тарвуз экса бўладими?

— Бўлади.

— Жуда осонлик билан бұлса керак. Таек тикиб, уруғ ташлаб қўйилса кифоя.

— Пишадими?

— Пишади.

— Пишмаса ҳам майли, хомини ҳам силосга босиш мумкин.

— Мана сизга ер. Мана сизга теша тегмаган резерв, Сафо коллекторларнинг иккى ёқасидаги «полвон» лар фаралаган күм-тупрок уймалариға қараб тургач, «хўп яхши гап қилди бу ёшули, тикиб қўйса битади. Дони ему, палаги хашак. Бунга бачки экса қандок. Поя берса ҳам нур устига нур» деб ўйлади-да, Фаёзовга берган ваъдаси ёдига тушди.

— Сенга айтган ерлар ҳув... ана бу томонда,— деди у коллекторнинг нариги томонига қўл чўзиб.

Улар қамишзорлар орасида оролчаларга ӯшаган бир неча ер парчаларини айланиб чиқиши.

— Экилса қийраб кетади бу ерларда,— деди Сафо,— бу ерларнинг қовуни тилни ёради. Тұртта жувори ташлаб, тұрт арава дон оладиган жойлар булар. Билдингми!

Фаёзов, бир оз ўйлаб тургач, бухгалтерга қаради.

— Ёз, бу гапларни, схемангга ёз! Шу ерларга бу йил маккажӯхори экилади. Кўклигига қилинадиган силос!

Холиков бухгалтернинг олдига келди-да, колхознинг 1955 йилги әкин схемасига қараб, унда пайдо бўлган янги экинлар белгисини кўриб, кувониб кетди.

— Бор әкан-ку, шуни бизни кутмасдан ӯзларинг килсаларинг бўлмасмиди! Мана энди, буш келманглар.

— Бу ишга ҳозирдан киришмасангиз ютқазасиз,— деди Фаёзов,— ем-хашак бригадаси тузинг. Тезда. Бу гуноҳ! Бригаданинг бошлиғига коммунистларнинг бири қўйилса яхши бўларди. Парторг семинардан қайтса, шу гапимни унга ҳам айтинг.

— Яна бир идея туғилиб қолди,— деди Холиков шошилиб.— Мана шу ерга чўчқаҳона қилса бўлар әкан. Атрофига полиз экинлар экиш мумкин. Жуда тўнғизбоп майдон әкан.

Матмуса атрофга қараб туриб, кулиб юборди.

— Йўқотган ҳассам топилди,— деди жилмайиб,— бир чўчқа билан юз гектар ерни жаримасидан кутқариш мумкин дейишади. Лекин ростини айтсам, қишлоқка сиф- маслигидан кўркар эдим. Ростданам тўнғизбоп жойни топиб бердингиз. Эртагаёт чўчқага одам юбораман...

Фаёзов чўнтағидан папиросини олиб ҳамроҳларига тутди.

— Ким чекади?

Холиковдан бошқалари қутига кўл чўзмади. Холиков папироснинг қуюқ тутунини мамнун пуллаб, шодланиб Фаёзовга қаради.

— Энди кетаверсак ҳам бўлар, асосий ишларини қилиб, ҳассасини топиб бердик.

— Кетсанк ҳам бўлади,— деди Фаёзов, лекин ниманидир айтмоқчи бўлиб Мустафога яқинлашди.

— Ҳа... сигирлар масаласи. Қанча кунжара бор дедингиз Сафо ака?

— Уч тонна кунжара-ю, етти ғарам беда. Уларни сигирга бермай совлатга кўйишибди, дедим-ку боя.

— Мен бир оз, тўпон юборғизаман. Икки хил ем, майин беда. Кўк чиққунча етади шулар. Ферма мудири билан рацион тузинглар. Бир яхшилаб бокинглар-чи, зора сигирлар сутга кириб кетса.

— Ҳўп бўлади!

— Кирганда қандоқ. Сигирнинг сути тилида-да! Билдингми!

Матмуса Фаёзовдан сўради:

— Сигирларни Сафонинг ўзига топшириб қўйсақ, нима дейсиз? Қани сигирнинг тилидан сутини олиб, Сафо бир ўзини кўрсатсин.

— Топдингиз, Матмуса, топдингиз,— деди Холиков кулиб.

Фаёзов «бунга нима дейсиз?» дегандек қараган эди, Сафо дарҳол жавоб қилди.

— Мени бу ишдан қочиролмайсан. Ўзимам мана бу катта қарорни ўқиганимдан бери, молхоналарнинг атрофидан кетолмай юрибман. Билдингми!

— Иш мана бундок бўпти!— деди Фаёзов,— бўш келманг. Нима керак бўлса раис беради.

Холиков имлаган ҳамон, «ГАЗ-69» уларнинг олдига келиб тўхтади, у аста-аста тириллаган сари ундан узилиб-узилиб сарғиш қорамтири тутун чиқа бошлади. Колхоз раҳбарлари билан хайрлашиб, машинага ўтиргач, «ГАЗ» нинг тутуни қорайиб, моторнинг овози кучайди. Машина йўлга тушгандан кейин Холиков «Жумҳурият» колхозидаги бугунги ишдан мамнун бўлганини такрорлади.

— Қоғозга қоғоз деб қараб бўлмайди,— деди Фаёзов Холиковга қайрилиб,— шу қоғоз билан минг бош молни ҳаром үлдириш ёки минг бош туёқни тирилтириб юбориш ҳеч гап эмас. Сафо аканинг жон куйдирганича бор. Дала шийлонига борамизу, молхонага кирмаймиз. Молхонада гап кўп.

* *

*

Сафо янги экилган бедазорга қараганича тикилиб қолди.— Катта кетиб қўйдим. Уддалайманми? Уддалашим керак. Йўқса, булардан балога қоламан, бошим иснотдан чиқмай юради. Бухгалтерга ҳам алам ўтиб қолди. Тушда ҳам «сутинг қани?» деб темир дафтарини қўлтиқлаб бошимда турса керак. Мустафонинг ҳам тили ёмон. Мингини бир қилиб саситадиган писмик. «Бузоқнинг юргани сомонхонагача» экан-да, дейишдан тоймайди. Ёшулиларга ҳам катта гап қилдим. Уддасидан чиқолсан-ку, хўп-хўп. Чикишим керак!..

— Нега даминг ичининг тушиб кетди. Сафо?— деб сўради унинг бир нуктага тикилиб туришини кўрган Мустафо.

— Дамимни сурاما, Мустафо, дамим бардам. Соғувчиликка Саврини берасанми, йўкми? Шуни очик айт ҳозир. Ҳозиргиси соғувчи бўлолмайди, сигирдан бир газ узокда туриб елинга қўл чўзади. Саврини берсанг ҳам берасан, бермасанг ҳам берасан. Билдингми?

— Саври звено бошлиғи. Коммунист, бутун бир бригаданинг кўз-қулоғи. Қўнадими бу ишга?

— Нега кўнмасин! Коммунист бўлса қарорни ўқисин. Партия чақирияпти уни. Берасан, вассалом!

Мустафо қандай жавоб қайтаришини билмай жим қолди. «Йўқ» деса, Сафо яна тўнини тескари кийиб, раҳбарларга бориши мумкин. «Майли» деса, Саврини ранжитади. Яххиси Сафонинг ўзи қилсин бу ишни.

— Саврининг ўзини қўндира оласанми, Сафо?

— Нега кўнмайди?

— Қўндиранг олавер, кечасиёқ правлениенинг қарорини чиқариб бераман.

— Юр, Саври, сени молхонага чақирияпти, сутни кўпайтирасан, дейман. «Ким?» деб сураса, «партия чақирияпти» дейман, қўлига мана бу газетани тутқизаман.

Эртасига Сафо яна идорага келди. У раис кабинетига кириши ҳамон Мустафо билан бухгалтер «қудратингга тасанно, Сафо!» дегандек үринларидан турдилар.

— Саврига фартук бер,— деди Сафо улар билан күришиб бўлгач, раисга. Кейин бухгалтерга бир қоғоз узатди.— Мана, рацион. Шунга қараб кунжара ёз. Қайси беда ғарамини бузишни аниқ айтинглар менга.

— Молхона томидаги бедани бузавер,— деди Мустафо.

— Бузиш кийин эмас. Тарози кўй. Билдингми!

— Маъкул, маъкул, Сафо,— деди Мустафо кулимсираб,— ҳамма айтганларинг бажо бўлади.

Сафонинг назаридаги Мустафо бу гал жуда хушумомала бўлиб қолгандек, ундаги ўжарлик кечаги ёмғирда ювилиб кетгандек бўлиб туюлди.

— Иш мана бундок бўпти, раис,— деди Сафо хурсанд бўлиб.— Мана энди қозонингни оклаб, оғзингни мойлашга мен кафил.

Сафо идорадан қайтаётиб уйига кирди ва отхонанинг бир бурчагида зангла布 ётган жодини топиб, синчиклаб қаради-да, «ҳали иш беришинг мумкин, беда кирқишига ярайсан» деб кўлтиқлаб олди. Молхонага яқинлашганда янги болалаган ола сигир олдида Саврини кўриб, овози чикса гўё унга ҳалал берадигандек, дамини ичига олиб, тўхталиб қолди. Саври сигирнинг сафрини қашлаб, елинини силаб, пешанасидан ўпди...

Сафо ўзида йўқ кувониб кетди.

— Ўп, ўп, қизим, ўпавер,— деди у Саврини қувватлаб,— сигир сийлаганга ияди... Силаб-сийпаб, йўқни йўндири, борига барака кўш, қизим!

У, сепарат кирғокларидан сариёғ юкларини кириб келиб жодини мойлади. Томдан беда ташлаб, Саврини чакирди.

— Бери кел қизим, бедани ушлашвор. Сигир қирқилган бедани кимтинмай ейди.

Шундай қилиб, Сафо билан Саври молхонани янги режимга sola бошлади. Сафонинг тили билан айтганда, «сигирлар соатига қараб ем-ҳашак ейдиган, соатига қараб сув ичадиган, уч маҳал соғиладиган бўлиб қолди».

Уч кун ўтди...

Тўртингчи куни молхона олдида «ГАЗ-69» пайдо бўлди. Фаёзовнинг «Сафо ака, ҳў Сафо ака!» деган овози эшитилди. Сафо «лаббай!» дегунча «Саврихон, Саври-

хон!» деб чақира бошлади. Сафо молхонада молларнинг тагини тозалаб, охурларни ювмоқда. Саври сепаратда ёғ олмоқда эди. Фаёзов уларнинг чиқишини кутмай, тұп-па-тұғри молхонага кирди.

— Ҳорманг!

— Э, бор бұл жиян, бор бұл. Баракалло сенга ёшули, мени йўқлаб келганингга бошим осмонга етди. Баракалло! Э, бу ёкқа юр, оғзингни бир оқлаб кўяй сени. Уч кунда уч ҳисса ошди сутимиз. Биз ҳўплам сут берган сигирдан кеча беш ярим литр сут олдик. Қаймоғи ҳам қуиилиб қолибди. Ҳой, Саври, қаймоғини опке, қизим тез бұл.

Саври пиёлада яримроқ янги қаймоқ олиб келди.

— Олдидан олиб қўйган эдим. Сизнинг ризқингиз экан...

Фаёзов пиёлани қўлига олиб, бир шимириди.

— Ўҳ, ўҳ... Қандай мазали!— деди Фаёзов Саврига қараб.— Саври табассум билангина жавоб қилди. Фаёзов унга пиёлани узатар экан, деди:— Сизни табриклагани келдим, Саврихон. Сизни ферма партгруппорги қилиб тасдиқладик. Анча ишлар қилибсизлармиш, қани кўрсатинглар-чи.

Сафо ўз хизматининг дастлабки натижасидан беҳад мамнун бўлганиданми, қувониб Фаёзовга қарамокда.

— Маъмурчилик бўлади, ёшули, албатта бўлади, чорвани партия қўлга олдими, бўлади!

1960.

ТУРСУНОЙ ВА УНИНГ ДУГОНАЛАРИ

Даладан қувнаб қайтиб келаётган бир тұда қизга: «Турсуной» деб күринг-чи, бири әмас, бирданига иккі ё уч қиз сизға қайрилиб қарайди, күзлари чақнаб, ҳам-маси бараварига жавоб беради: «Лаббай!»

Турсуной — халқ орасыда кенг тарқалған, севимли ном. Лекин ҳозирги күнларда биз «Турсуной» деганимизда күз олдимизда шу жуда күп Турсунойлардан биттаси гавдаланади.

Унинг қадди-басты ҳам, юриш-туриши ҳам, кийим-кечаги ҳам, чеҳраси ҳам, күз қараашлари ҳам оддийгина. У новча ҳам әмас, тұлачадан келған, лекин ҳаракатчан. Унинг офтобда пишған, шабадада қорайған юzlари кичик шүх қора күзары билан бирға құшилиб, доим кулиб турғанға үхшайди. Үзига хос бу ташқи жозиба, жонкуярлық, туғма ҳаракатчанлық унинг табиатини улуғлаб туради. У, айтылмаган бирор сүзни кутаётгандай доим зийрак, қилинмаган бирор ишга ҳозирланыётгандай доим шай.

Турсуной деганимизда биз Охуновани күзда тутамиз. Ешгина теримчи.

Турсуной тун бүйи мижжа қокмай, үй үйлаб чиқди. Машинада терувчи бұламан дейишиңға деб қўйди-ю, лекин шубҳа-гумон устун келаверди... «Эплай олармиқанман?» Пахта кемасига капитанлик қилиш осон иш әмас. Унинг йўлида қанчадан-қанчағов, машмаша ва машаққат: бўлмағур гап эшитиш, буларга бардош бериш, қолоқлик, ўжарлик ва бидъатларни енгиш керак бўлади. Лекин бу ғоят шарафли иш! Йўк, Турсуной бу қийинчиликлардан

кўрмайди. Мутлако! Аслини олганда пахтани кўлда теришдан кўра қийинрок ва машаққатлироқ иш йўк.

Кузда лўппак-лўппак очилган пахтага караб қўз қамашади. Ҳар чанокда тўрт-бештадан оппок момик бор, буларни бармоқлар билан суғуриб олиш керак. Теримчининг бармоқлари ана шу момик зарраларни битталаб тортиб олади. Граммлардан тонналар йигиб кўринг-чи!

Деҳқон серёғин баҳорда ва жазирама ёзда тер тўкиб, ғўза парваришлайди, сугоради, лекин буларнинг ҳаммасини терим меҳнатига тенглаб бўлмайди. Ахир, ўйлаб кўринг: бўйнингизда юкингиз билан доим энгашиб, бармоқларда чаноклар овлаб юрасиз. Юкингиз белни букиб, бўйинни эгиб, тобора оғирлашаверади. Ҳар куни шундай. Бундай меҳнатга фил ҳам чидамайди. Аммо пахтакор чидайди. Чунки, у пахтакорнинг тўтиёси, «оқ олтин»и.

Пахтачилик йилдан-йилга равнақ топяпти. Биз бунга фахрланамиз. Революциядан илгари бутун Россияда 750 минг тоннача пахта олинарди. Ҳозир Ўзбекистоннинг бир ўзи уч миллион тоннадан ортиқ пахта теряпти. Яқин йилларда бу микдор икки-уч ҳисса ортиб кетади.

...Аммо одамнинг бармоғи кўпайгани йўқ, ҳамон бешта.

«Техникамиз чаноқларига қачон етаркин?» деб ўйларди Турсуной.

Пахта теримини машиналаштириш минглаб Турсунойларнинг орзузи эди.

Фикрловчи инсон бу соҳада анча ишларни қилди ҳам.

Совет Иттифоқида биринчи терим агрегати яратилганига ўттиз йилча бўлди. У ҳам от билан юрар, кўл наводкаси билан ишларди...

Энди аҳвол ўзгарди, яхши терим машиналари яратилди. Аммо уни пайкалга киритиш осон бўлмади...

Кимки колоқ, ноҳақ бўлса, теримни машиналаштиришдан кўрқди: механизацияни ёмон кўрадиганлар терим машинасидан кўрқдилар. Ҳаво ранг пахта кемалари саройларда занглаб ётди. Турсунойнинг машинаси ҳам ишлатилмай қўйилди. Турсуной нима қилсин? Машинани ташлаб, бежанжал, бехархаша, лекин жуда машаққатли иш бўлса ҳам, кўл теримига қайтиб кетсинми? Ёки тиришиб-тиришиб, абжирлик билан ишга солишига уриниб кўрсингми? Қайси йўл маъқул, машинани ташлаб кетса монелик йўқ. Аммо дугоналар нима дейдилар?

Турсуной машинани ташлаб кетмади ва құл қовуштириб ҳам турмади. У үзини якка деб билмасди, унинг кетида бутун республикадаги теримчи хотин-қызлар турарди. Республикада биринчи бұлиб машинани үз измига солиб олган бу жувонга ҳамма аёллар умид күзини тиккан әдилар. Үнга муваффакият тиладилар!..

Турсуной буни биларди. Аввал «СХМ-48», сұнгра унинг яхшиланған хили «СХМ-48М»да пахта теришга тушди. Дастреки күнлари оз пахта терса ҳам, күніңга бир, бир ярим тоннадан оширилмаса ҳам, ҳар ҳолда бир неча теримчидан күпрөк тераётганига, бу ҳунарнинг келажаги порлоқлигига ишонди.

Тез орада яхши механик-жайдовчи бұлиб етишди. Үнда Валентин Тюпко, Меликүзи Умрзоков каби машхур механизаторлар билан тенглашиш орзуси туғилди. 1958 йили унинг номи тилга олиніб, газеталарда сурати ҳам чиқди.

Келаси йил баҳорда, республика механизаторларининг биринчи съездіде уни ҳатто президиумга сайладилар. Биринчилар қаторида минбарга ҳам чикардилар. «Юз тонна пахта териб бераман» деб вайда қилғанда, қарсак янгради.

...Навоий театрини жаранглатған мінглаб құллар қарсаги кишлоққа келғанда ҳам унинг қулогида янграб, вайдасини эсга солиб турди. «Уддалай оламанми?» деган ташвиш уни тинч қўймасди. «Уддалашим керак!» деган қатъият үнга далда берди.

Яна пахтазор, кўзни қамаштирадиган оппоқ момиклар, салқин тонг, шабада, лаб қуруқшайди, құл эса штурвални маҳкамароқ қисади...

Йил ҳали тугагани йўқ, лекин Турсуной юз эмас, икки юз тонна пахта тери. У шуҳрат излагани йўқ, шуҳратнинг ўзи уни излаб топди. Совет ҳукумати үнга Социалистик Меҳнат Қаҳрамони деган фахрий унвон берди. Унинг кўкрагига Ленин ордени билан Олтин медаль тақиб қўйдилар.

...Эртага дейиладиган гапни бугуноқ эшитиш, ҳали ҳеч ким қилмаган ишни бунёд қилиш! Турсунойнинг режалари катта. Мінглаб дугоналари унинг изидан боради. Теримчиларнинг ғұзалар оралаб қад букиб юриши, бармоқлаб пахта териши үтмиш бұлиб орқада қолиб кетсин. Ҳа, Охунова үз зиммасига улкан ташвиш олди. Ана шу ташвишда киши тинимни йўқотиб қўяди.

— Қизлар, машинага! — деди у баланд овоз билан, Унинг бу овози бутун республика бўйлаб янгради...

Турсуной факат ундов билан иш битмаслигини яхши билар эди. Шу сабабдан у, кўп вақтини дугоналарининг орасида ўтказди. «Кишлоқнинг келажаги машинага боғлиқ. Келажагингизни ўйласангиз машинага мининг!» деб чакирди ва бунга дугоналарини ишонтириди.

Синглиси Инобат терим машинасини ўрганишга шоғирд эди. Бир ойда механик-ҳайдовчи бўлиб олди. Сўнгра унинг ёнига ўн йилликни битирган қизлар қўшилди. Кишлоқда янги ўкув юрти — қизларнинг механизация мактаби пайдо бўлди. Булар олдин механизатор қизлар мактаби деган сўзни ҳатто эшитмаган эдилар.

Турсунойга республиканинг турли шаҳар ва қишлоқларидан, колхозчилардан, совхоз ишчиларидан, ишли ва хизматчи қизлардан хатлар кела бошлади... Хатлар шу қадар кўп эдик, Турсуной жавоб беришга улгурулмай қолди. «Турсунойчи» бўлиш орзу-истакларини билдираётган қизларнинг сони кундан-кунга кўпая борди. Уларни бир, икки, ҳатто ўнлаб мактабга ҳам сиғдириб бўлмас эди.

Ўзбекистон Коммунистик партияси Марказий Комитети ёрдамга келди. Ҳамма областларда ва Коракалпостоннинг узок овулларида ҳам «Турсунойчилар курси» очилди. «Турсунойчи» деган ном ўзбек пахтакор қизлари учун шарафли ном бўлиб қолди.

Шу йили юзлаб қиз механик-ҳайдовчилик ҳунарига ўқий бошлади. Терим машинасининг механизмларини ўрганиш ва уни ишлатиш санъатини эгаллаш осон иш эмас. Буни Турсуной ўз бошидан ўтказган. Уларга Турсунойнинг ёрдами керак. Жилла бўлмаса маънавий ёрдам. Бунингсиз ҳам «турсунойчилар» мактабининг қизлари уни ўз мактабларига таклиф қила бошладилар. Гоҳ Андижондан, гоҳ Сурхондарё, гоҳ Коракалпостондан, ҳатто қўшни республикалардан телеграммалар кела бошлади. Ҳаммасининг мазмуни битта! «Мактабимизга бир келиб кетинг!»

Турсуной табиатан қувноқ жувон. У, ҳар гал почтальонни қувнаб кутиб олар, ҳар бир хат ва ҳар бир телеграммани муқаддас нарсадай кўксига босиб, қўзига суртар эди. Почтальон ҳам кишлоқда энг аввал Турсунойнинг дарвозасини қоқарди.

Турсунойнинг шодлиги шуҳрат шодлиги эмас эди. Келаси йил кузда оппок пахта дengизларида биргина унинг ўзи эмас, юзлаб қизларнинг кемаси юради. Ана шу Турсунойнинг катта ва ёркин баҳти. Улар тобора кўпайиб, ҳамма хотин-қизларни яқин йиллар ичидан оғир терим ишидан ҳам кутултириб юбориш умидлари учқунланмокда эди. Шу сабабдан Турсуной ўзини чақираётган ҳамма мактабга боргиси, техникани эгаллаётган ҳар бир қизни қучоқлаб табриклагиси келарди. У шундай қилди ҳам.

Кузга келганда минглаб ўзбек қизлари ота-боболаридан колган қўл меҳнати касбини ўзгартириб, пахта терадиган агрегатларга миндилар. Деҳқонлар уларни ҳавас билан «пахта дengизлари кемаларининг капитанлари» деб атадилар.

Унинг иккинчи орзуси ҳам рӯёбга чиқди: техникани эгаллаш ўзбек хотин-қизларининг ватанпарварлик ҳаратига айланди. Республиkaning энг илғор пахтакор хотин-қизлари ҳам «Турсунойга тенглашамиз», дедилар; Социалистик меҳнат қаҳрамонлари, бутун мамлакатга маълум — машҳур Мўтиҳон Жумабоева, Саодат Гулаҳмедова, Ойим Камолова, Ободон Дусовалар ҳам зангори кема капитанлари бўлиб олдилар. Улар ҳунарда Турсунойга етиб олгач: «Келинг Турсуной, беллашамиз!» дедилар. Донгдор қизларнинг республика мусобақаси бошланди. Албатта, бу мусобақада ҳам Турсунойнинг намунаси керак эди.

...Ҳа, узокни кўзлаш, янги-янги йўл излаб топиш керак. Колхоз раислари терим машиналари бункерини товукхона қилган вақтни эсдан чиқариш керак. Механизатор қишлоқнинг энди энг севимли кишиси... У, қишлоқ хўжалик меҳнатини саноат меҳнатининг айрим турига айлантирувчи куч.

Турсуной механизаторларни баҳодирлар деб билади. Улар ҳамма ишда пешқадам бўлишлари керак. Бу иш учун улар жамият олдида жавоб беради. Бу ишни ижодий ташаббусиз эплаш мушкул.

Баҳор кириши билан машҳур механизатор Тюпко ва Умрзоковлар таҳлитида Турсуной ҳам Киров номли колхозда комплекс механизациялашган трактор-далачилик бригадаси тузди. «Пахта терими ишини баҳордан бошлиймиз» дёди-да, ерларни кузда ҳар қандай шароитда ҳам машина юрадиган килиб ишлади. Чигит ташсель-

машчилар ижоди билан кашф килинган аниқ экувчи сеялкада экилди. Ўзанинг бутун ёзги парвариши ҳам кузни мўлжаллаб олиб борилди. Бу ишларни Турсунойнинг шахсан ўзи қилди, баъзан эри Султон Шерматовга топширди. Унинг эри Шерматов ҳам кетмонни ташлаб, хотинига шогирд тушди, шу йил кузда «ХВС-1,2» агрегатида Турсунойнинг сменачиси бўлиб ишлади.

Ўзбекистон далаларига бу йил куз кечикиб келса ҳам ўзгача куз бўлди. Ранг-баранг --- табиатда қанча ва қандай хил ранг бўлса, ҳаммаси мужассам. Теварак-атрофдаги боғлар, дараҳтлар, ҳатто эндигина буй чўзиб чи-каётган ниҳолларнинг кичик исирғалари гача сарғайиб тилла ранг товланди. Ёзувчилар доим такрорлайдиган бу хил «тилла ранг куз» билан бир қаторда, ўзбек далаларининг яна бир бошқа кузи ҳам етилиб қолган эди. Бепоён денгиз юзларидаги беҳисоб оппок кўпиклардай кўз илғамас пахта далаларида «оқ олтин» юлдузлари кулиб турарди.

Куз кирса ўзбек қишлоқлари оромини йўқотиб кўяди. Етти ёшдан етмиш яшаргача ҳамма-ҳамма далага чиқади. «Оқ олтин»ни териб олиш керак. Бу кезларда: «Вактинг кетса — бахтинг кетади», дейди деҳқонлар. Дарҳа-қиқат, пахта ўзбекнинг ор-номуси, уни қардош эллар билан боғловчи бахт иплари дидир. Шунинг учун, пахта терими даврида шаҳарлар ҳам четда турмайди. «Сен қанча пахта тердинг!» деган шиорни ҳар бир цехда ва ҳар бир идорада ўқиш мумкин.

Ҳар йили Турсунойнинг далаларига ҳам шаҳардан студентлар, ишли-хизматчилар келиб, икки ойлаб, уч ойлаб ҳашар қиласидилар. Бу йил Турсуной «студентлар, солдатларсиз териб оламиэ!» деди ва ўз ваъдасининг устидан чиқди.

Пахта терими энг қизғин тус олган кезларда республикада терим машиналари билан кунига 12—13 минг тоннадан пахта терилди. Турсунойнинг хом чўтига қаранганди, «бу — уч юз минг теримчининг кўл ишига тенг эди». Унинг ўзи уч юз минг килограмм «оқ олтин» терди. «Бунча пахтани қўлда териш учун олтмиш йил даладан чиқмай, бел букиб ишлашим керак эди», дейди Турсуной.

Ҳаммадан ҳам муҳими шундаки, Турсунойнинг дала-сида поток методи кенг кўлланилди. Унинг терган пахтаси хирмон кўрмай, далада куритилмай ва тозаланмай

бункердан самосвал автоприцепларга ортилиб, тұппа-
тұғри харид пунктларига юборилаверди. Бу эса Турсу-
ной бригадасида одамларни құл кучи ишлатишдан озод
килди ва ұар бир тоннада бригадага 60 сүмдан тежалиб
колинди.

Турсуной бу прогрессив методни құллашни ҳамма
дугоналарига маслағат берди.

Таниш почтальон Турсунойни далада ҳам тинч қүй-
майды. Кунига турли-туман конверт, телеграммалар тұп-
па-тұғри дала шийпонига келиб туради. Турсунойнинг
үзи қани? Ана, әгат оралаб пахта кемаси сузіб келяпти.
Почтальон машина томон юради. Вакт зик. Терим сени
кутмайды. Турсуной хатни далада үкійди. «Мусобақа-
дош дугоналарнинг мұваффакияти менинг мұваффакия-
тим» деб үйлайди у. Телеграммалар эса Турсунойчилар-
нинг мусобақадошларига, үз устозига үзига хос рапорт-
лари әди. Турсуной уларни табриклиаша шошиларди.
Жавоб телеграммаларини штурвалдан туриб почтальон-
нинг үзига диктовка қылган кезлари ҳам бұлды.

Бу йил республикадаги ҳамма колхоз ва совхозларда
машина терими яхши бормоқда. Ҳеч вакт бундай бұл-
маган әди! Илгариги теримчи қиз-жувонлар энди штур-
вални дадил тутиб, машина ҳайдамоқдалар. Ойимхон
Қамолова, Саодат Гулаҳмедова, Ободон Дұсова, Мам-
лакат Солиева, Мұттихон Жұмабоевалар эса бункерлар-
дан катта хирмонларга 150—200 тоннадан пахта тұқди-
лар. Бу ракамлар үтган йили рекорд әди. Бу йил эса ду-
гоналарнинг үртача күрсаткичи бұлиб қолди...

Турсуной ұар сафар үз дугоналарини пахта комбайн-
лари штурвалида үтмишдаги занжирбанд ҳолатини
әслаб: «Партияга минг раҳмат!» дейди ва бу сүзни қай-
та-қайта тақрорлайди. Үзбек хотин-қизлари яқин үтмиш-
да түрт деворнинг асири, шариатнинг кули әди. Эндилик-
да уларнинг құлидан көлмайдиган иш йўқ! Бу эса «муш-
типар» үзбек хотин-қизларидаги бекиёс куч-кувват-
нинг ёнар тоғдай отилиб чиқишидан бошқа нарса
эмас.

Турсунойни күпинча клубларда, дала шийпонларida,
ёшлар орасида күрасиз. У район комсомол комитетининг
аъзоси. Үзбекистон комсомол Марказий Комитетининг
аъзоси. Чиноз район комсомол Комитетида активларга
вазифа бўлингандা Турсуной қизлар орасида ишлаш ва-
зифасини олди. У мактабларга бориб, үнинчи синфларни

битириувчи қизлар билан суҳбатлашди, уларга, механизаторлик курсларига бориб ўкинглар, деб маслаҳат берди. Ўз колхозида қишлоқ хўжалик техникасини ўрганивчилар тўгарагини ташкил қилди ва унинг доимий раҳбари бўлиб қолди.

Турсуной Охуновани район Советига депутат қилиб сайлаганларида, хотинлар унга болалар боғчаси ва яслилар очиш наказини бердилар. Турсуной сайловчилари олдида ҳисоб берганда колхозда 110 ўринли янги болалар боғчаси очилди, деб уларни хурсанд қилди. Турсунойнинг ташаббуси билан ўнта жамоат биноси болалар муассасалари ва мактабларга айлантирилди. Ҳозир райондаги ҳамма мактабларда болалар бир сменада ўқитилиди. Бунда ҳам депутатнинг хизмати катта бўлди.

Республикада машина терим плани бажарилган куни Турсуной Охунова дугоналарига:

— Ишни бас қилмаймиз! Биз катта мажбурият олганмиз. Партияга сўз берганмиз — сўзимизнинг устидан чиқамиз! — деди.

Унинг бу фикрига дугоналари ҳам қўшилдилар. Шу куни Турсунойнинг ташаббуси билан Ўзбекистон механик-ҳайдовчилари номидан бир гурӯҳ дугоналар қадрли КПСС Марказий Комитетига мактуб юбордилар. Бу мактубда бундай дейилади:

«Қадрдон КПСС, ўзбек хотин-қизлари сенга оташин, чин юрагидан чиққан сўзлар билан мурожаат қилади. Эндиликда машина меҳнатимизнинг оғирлигини ўзининг қудратли пўлат елкасига олди. Сенинг доно маслаҳатингга амал қилиб, кетмонни бутунлай улоқтириб ташладик, улоқтириб ташлаганда ҳам шундай узокқа улоқтириб ташладикки, энди унга ҳеч қайрилиб қарамаймиз. Сен декабрь пленумида Турсуной Охунова тўғрисида яхши гапларни айтдинг. Турсуной Охуновадан ибрат олган минглаб ўзбек хотин-қазлари мураккаб техникани эгалладилар, пахта далаларидаги кемаларнинг чинакам капитанлари бўлиб қолдилар. Биз янги, олижаноб касб орттиридик. Машина меҳнатимизни, ҳаётимизни, турмушимизни безатди. Ўзбек хотин-қизларининг чинакам шодлиги ва баҳт-саодати мана шундадир!»

Мактубни юбориб кўйиб, Турсуной яна хаёлга чўмди. Бу гал унинг хаёли пахтачиликни машиналаштиришнинг келажак проблемалари билан банд эди. Терим машиналари йўлидаги ғовлар бузилиб, баъзи одамлар бағридаги

музлар эриб кетди. Деҳқон, машина ўзининг дўсти, ёрдамчиси эканини билиб олди. Мураккаб бу механизминг бекор туриши кони зарадир.

— Терим техникасини ишлатишда колхозларда бригадалараро, районда эса колхозлараро, ҳатто районлараро ҳамкорлик маневр техникасини ишлаб чиқариш керак! — деб аҳд қилди Турсуной.

Турсуной Охуновани ўйлантираётган яна бир муҳим проблема пахтанинг ҳаммасини машинада териб олиш проблемасидир. «Ўҳ-ҳӯ, шунча пахтанинг ҳаммасини териб олиш учун машина қайда» дейди у. Дарҳақиқат, республикадаги пахта ҳосилининг ҳаммасини машинада териш учун ўн минглаб такомиллашган машина керак.

— Ташсельмаш ишлаб чиқараётган машинналарга қараб турсак, яқин ўргада паҳтачилик комплекс механизациялаша олмайди,— дейди Турсуной.— Нега?— Негаки, терим машинаси ишлаб чиқариш шу суръатда борса эҳтиёжни қондириш учун яна бир неча йил ҳам кифоя килмайди. Яна заводлар қуриш керак... СССР Госплани бу ишга тезда аралашуви лозим!

Пахтазорларимизнинг истиқболи, равнақи тўғрисида доимо изланадиган, ўйладиган Турсуной янгидан-янги фикрларни илгари суради. У механизаторларнинг командир кадрлари тайёрлашнинг муҳим масалалари ҳақида ҳам ўз фикрини айтиб берди: «Ҳар бир колхознинг ўз механик-ҳайдовчилар роталари, батальонлари, инженер-командирлари, техниклари бўлиши керак!» дейди. Барча терим агрегатларининг унумдорлигини ошириш керак. Ремонт қиласидаган «летучка»лар бўлиши зарур. Запас қисмлар етишмаслигига энди тамом барҳам бериш лозим.

Бизнингча, Турсуной ҳакли. Хўш, тез пишар пахта сорти қачон яратилади? Пахтачиликни комплекс механизациялаш манфаатлари тез пишар пахтани талаб қиласиди: тез пишар пахта — сифатли ва арzon. Халқ хўжалигига у foят зарур!

Фанимиз ана шундай пахта сортлари етиштиришига Турсунойнинг имони комил, лекин ҳозирча бу сорт яратилгани йўқ...

Қарши чўли-чи! Охири кўринмайдиган, асрий уйқуда ётган, кафтдек текис ер! Бу ерларда пахта учун керак бўлган ҳамма нарса йўқмиди? Күёш, ҳатто керагидан

ортиқ! Пахтачиликни Қарши чүлига күчириб келиш учун фақат битта нарса керак — суві Бунинг учун эса фақат битта нарса лозим — канал!

Турсунойнинг КПСС Марказий Комитети навбатдаги пленумидан умиди катта: навбатдаги Пленум қишлоқ хўжалигининг барча соҳалари билан бир қаторда «оқ олтин» проблемаларини ҳам донолик билан ҳал қилади!

...Турсуной бу масалада ҳам ҳақли!

1960.

ҲИММАТ ВА ЗАРУРАТ

Жўра Султонов камгап, лекин тадбирли йигит. Унинг ҳамма гапи ичида. У бирор иш қилмоқчи бўлса, тадбирни ичида пишириб, ниҳоясига етказади, шундан сўнггина тилга олади, тилга олдими, уни бажармай тинчимайди. У камгап бўлиб қолганда, одамлар Султонов бирор муҳим ишнинг пайига тушди, деб билади... Жўра Султонов ўз-ўзига «одам нима учун яшайди?» деб савол берарди, аммо бунга аниқ жавоб топа олмасди — ҳали ёш эди.

Улуғ Ватан урушидан кейин Султонов ўз туғилган жойи — Самарқанд яқинидаги наслдорлик совхозига ишга кирди. Кора экин бригадасида куз илғамас ишларда ишлаб юрган кезлари унинг номини ҳурмат тахтасига ёзиб қўйдилар, кейин буйруқ билан мукофот бердилар. Совхозда бундай кишилар кўп эди. Буйруқда Султоновнинг номини, ҳатто ўн бешинчи ўринда ўқидилар.

Дастлабки ана шу муваффақиятдан кейин Султонов янада камгап бўлиб қолди. «Ҳамманинг қўлидан келадиган, ҳамма қилган ишни қиляпман-да, ҳеч ким қилмаган, бирор қилолмаган ишни қилишинг керак-да! Чўчқабоқарлик — ана шундай иш эмасми? Албатта, шундай!» деб ўйлади-да, бутун Урта Осиё маҳаллий кишилари, бутун «мусулмон» авлодининг болалари қилмаган шу ишни ўзига касб қилиб танлади.

Ҳақиқатан ҳам Жўра Султоновгача ўзбек йигитидан ҳеч бири чўчқа боқмаган эди. Бу жонивор хурофот қаҳрига ноҳақ учраган эди. Уни энг ёмон нафрат сўзи билан «тўнғиз» деб атар эдилар. Бу салб юришларига үхшаш диний урушлар замонида файри динларга мусулмонларда нафрат туғдириш учун тарғиб қилинган бидъатлардан

бири эди. Бидъат ифвоси натижасида одатга кириб қолгани сабабли чўчқадан ва чўчқабоқардан одамлар ҳазар қилар эдилар. Шу сабабдан бу соҳа бутун мусулмон элларида ривожланмай келди. Қейинги йилларда чўчқачилик фермалари ташкил қилишга уринган илғор колектив хўжаликларда ҳам маҳаллий қишилардан чўчқабоқар топилмасди, чўчқабоқарликка бошқаларни ёллашга мажбур бўлардилар. Бу иш ҳадеганда юришиб кетмади. Ўзбекистондаги минглаб ёшлар қаторида Жўра Султонов ҳам бидъатнинг бу одатидан норози эди. Факат норозилик билдириш билан омманинг онги ўзгариб қолмаслигини, бунинг учун турмуш исботи кераклигини Жўра Султонов яхши билар эди. Бу шубҳа уни янада камгап қилиб қўйди. Ҳатто у одамларга кам аралашиб юди. Лекин қишлоқ аҳолиси орасида у кутган нафратнинг учқуни ҳам сезилмади. Одамлар коллектив хўжалинда коллектив манфаатларини кўзлаб ишлашга ўрганиб қолган эдилар. Бу эса Жўра Султоновга гўё қанот ато қилиб юборди. У чўчқачилик, чорвациликни тез ривожлантиришнинг катта резерви деб билди, шуни пропаганда қилишга киришди. Тез орада уни «Султон чўчқачи» деб илғор кишилар қаторида тилга оладиган бўлдилар.

Аммо бу ном унинг онасига ёқмади. Онаси ўтган аср одами — Саодат опага кекса хотинлардан бири, қишлоқнинг сўнгги нусхаси-отинойи: «Ўғлингизни тўнғизбоқар қилибсизми?» деб пичинг қилибди. «Ота-бобоси қилмаган иш. Қолаверса, тўнғиз ҳаром, гўшти макруҳ. Уйингиздан барака учади» деб жирканибди. Шундан кейин Жўранинг қулоги тинчимади. Онанинг қаршилигини синдириш керак эди. Аммо бу осон иш эмас. Хурофот заҳарлаган, кекса мияга кириб қолган тушунчадан қайтариш учун унга катта исбот қучи керак эди. У қулай фурсат кутди.

Кунларнинг бирида кечки овқатдан кейин Саодат хола таъби хуш тортиб:

— Телевизорингни қўйгин, болам,— деб қолди.

Телевизорда ўзбек ашула ва рақсларидан катта концерт экан. Кампир концертга берилиб кетди. Шу чоқ Жўра ойисига разм солган эди, «Баҳор» ансамбли қизларининг шўх рақслари ҳам, солистларнинг янгрок қўшиқ, яллалари ҳам унга ёғдай ёқаётганга ўхшади. Саодат хола музикага қўшилиб, бош чайқаб ўтирибди.

- Қалай, концерт ёқдими? — деб сүз бошлади Жўра.
- Ёқди, — деди она мамнунлик билан.
- Илгари нима деган эдингиз?
- Качон?

Жўра онасининг бир вақтлар айтган гапларини эслатди.

«Хотин кишининг эркаклар олдида юзини очиб, қошини қоқиб қилпанглаши нимаси?», «Хотин кишига но маҳрамлар олдида ашула айтиш гуноҳ-ку...»

Онаси шу гапларни айтган эди, бундан тонмайди, аммо бу гаплар ўша вақтнинг гапи эди. Энди-чи? Энди эскириб қолди.

Шу мулоҳазалардан кейин Жўрага она билан очик гаплашиш имкони туғилди. Бу қулай фурсатни онанинг ўзи топиб берди. Жўра онанинг беғам, бефарқ, андак тиришган юзларига қараб:

— Бўлмаса нега ҳали ҳам эски гапларни гапириб юрибсиз? — деди.

— Нима дебман, болам?

— Яъни, чўчқа масаласида...

Кампир жиддийлашди.

— Гапнинг фарқига етиб гапир болам, хушчакчақлик билан тўнғизнинг ораси ер билан осмон... Туёқ боксанг бўрдоқими, сўқимми жаннати жониворлардан бок. Ота-бобомиз тўнғиз боқиб кун кўргани йўқ. Тўнғиз гўшти кофирларнинг овқати.

Жўра худди шу гапни кутиб турган эканми, жонланиб кетди.

— Картошкани ҳам «кофирнинг таоми», дер эдилар, эсингиздами? Эндиликда ўзбек қозони картошкасиз қайнамайди-ку! «Суратли қофозга ўралибди» деб конфетдан юз ўгирадингиз, эндиликда бўлса конфетсиз чой ичмайсиз.

— Билмас эдик-да. Синамаганни сийламас, дейдилар, ўғлим.

— Ҳали дунёда сиз билан биз билмаган, синамаган нарса кўп. Чўчқачилик ҳам «мусулмон банд» учун синалмаган бир нарса. Хўп денг, мен шуни бир синаб кўрайин-чи...

— Сен етиштирган чўчқангнинг гўштини бу ердагилар емайдилар-да, болам, — деди кампир бир оз бўшшиб.

— Бу ердагилар емаса, мамлакатимизнинг бошқа жойларидағилар ейди.

Жұра Султонов онасини бунга ишонтириш учун нима дейишини үйлаб қолди. Қейин мамлакатнинг кенглигини, унинг халқларини айтиб берди. Қараса, кампир бунга чүчқанинг нима алоқаси бор, дегандек ағрайиб туриди. Агар ҳозир, чүчқа гүшти ҳам ҳалол деса бунга ойиси ишонмайды,— бунинг устига үглидан баттар хафа бұлади. Жұра ойисининг күзига мәхрибонлик билан қараб туриб деди:

— Биз факат үзимиз учун яшаётганимиз йўқ. Одамздынг ҳаммасига керакли ҳамма нарсани кўпайтириш учун уриняпмиз, шуни деб яшаяпмиз.

Шундан кейин она бу хунарингни қиласвер ҳам демади, ташлагин ҳам демади. Жұрага шунинг үзи кифоя эди. Жұра эртаси куни хотинини ҳам фермага жойлаб кўйди. Кампир неча кунгача камгап бўлиб үз онгига сингиб қолган эски тушунча билан узок ва оғир ички кураш олиб борди. Унинг бу курашида ғалаба қилишига маҳалла, ёш яланглар, ҳатто айрим кексалари ҳам ёрдам бердилар. Улар Жұрани тўй-томошаларда тўрга үтқазиб, мажлисларда ҳайъатга сайлаб иззат-ҳурмат кўрсата бошлаганлари катта ёрдам берди. Кампирнинг үзи ҳам «кимсан, чүчқабоқар Султоновнинг онасиман» деб кувонадиган бўлди.

Чүчқа боқиш осон иш эмас эди. Жұра Султонов буни дастлабки кунлари жуда яхши билиб олди. Унга кўп эътибор керак экан. Ювиш, тараш, қозонда овқат пишиб якка-якка хоналарда едириш. Султонов дастлабки кунларда кўли қўлига тегмай югуриб юрди. Бундай ҳолатда фермада узок ишлаб бўлмас, гўштни айтарли даражада кўпайтириб бўлмас эди. Султонов чүчқа боқиш процессини осонлаштириш йўлларини қидира бошлади. Энг аввал у мамлакатдаги машҳур чүчқабоқарларга «дуойи саломдан сўнг, зўр илтимос» деб бошланадиган илиқ мактублар юборди. Унинг илтимосига берилган жавоблар Султоновнинг сиртқи университети бўлди.

Шу йилнинг үзидаёқ, у чўчқаларни тез семиртириш бўлмаси очди. Илгари ҳамма чўчқа бир жойда, аммо якка-якка катак усулида боқилар эди. Султонов энг аввал катак усулидан воз кечди ва она чўчқаларни хотини Мария Евсеевнага қолдириб, үзига икки-уч ойликларини

ажратиб олди ва совхозда биринчи бўлиб катта группада катақсиз боқиш усулини жорий қилди.

КПСС Марказий Комитетининг машҳур декабрь Пленуми очилган кезларда Султонов ўнлаб чўчка ўстириш ниятида юрган эди. Пленум материаллари унинг кўзини очиб қўйди: «Мамлакатда Ярослав Чиж сингари чўчқабоқарлар бор экан! Улар минг центнерлаб гўшт етказиб бермоқда экан».

Дастлаб Султоновнинг бу ишига унча эътибор бермадилар. Биролар «Ўзбекнинг ота-бобоси тўнғиз боқиб кун кўрмаган» деса, баъзилар «ўзбекларда тўнғиз боқиш анъанаси йўқ, бу ишни Жўра Султонов ҳам ташлаб кетади», дегандай назар-писанд қилмай юрдилар. Султонов ундан кишиларга «анъана осмондан тушмаган, уни одамлар яратган, нега биз бу соҳада янги анъана яратадимиз?» деб қатъий жабов қилди. Султонов ўз қишлоғининг ақлли, билимдон кишилардан бўлгани учун ҳар қандай янгиликни эскилик қобигида пайдо булиши ва қаршиликсиз ўз-ўзидан ўсиб, ривожланиб кетмаслигини, тўғрироғи, ҳаёт курашдан нборат эканлигини яхши биларди. Бу соҳада гапиранкан у: «Гул ҳам тикансиз бўлмайди-ку», дерди. Шунинг учун Султонов, ўз мақсадига фақат қаттиқўллик кураши орқалигина эришиш учун шайлана бошлади.

Султоновнинг чўрткесарлик характеристини яхши билган кишилари уни «кесакдан ўт чикарадиган йигит» деб таърифлар ва қиласман деб кўйган ишини, албатта қилишига ишонар эдилар. Бундай кишилар Султоновнинг ишига кўмак бердилар. Ана шундай кишиларнинг кўмаги, айниқса Мария Евсеевна Сергееванинг ёрдами билан Жўра Султонов ҳақиқатан ҳам «кесакдан ўт чикара олди!» Республикада ҳали унгача биронта ўзбек боласи кўл урмаган ишга кўл уриб, хурофот кўргонини кулатди.

Биринчи йиллари унинг иши унча юришавермади, аммо Султонов умидсизланмади. Ҳатто унинг чўчқалари касалликка учраб ўла бошлаган чоғлари ҳам, тажрибасизлиги орқасида чўчқалар фосфорсизланиб бирбирини ғажий бошлаган кўркинчли кезлари ҳам у фермани ташлаб кетмади, аксинча, янги ҳунарини эгаллаш учун қунт билан ўқиди, ўрганди. 1958 йили қаддини тиклаб олди. 1959 йили эса унинг бир ўзи чўчқалардан 615 центнер гўшт етиштирди. Бу кўрсаткич уша кезларда

республикада сира қулоқ әшитмаган муваффакият әди. Чунки, давлатга шунча центнер гүшт топшириш учун энг ками уч мингга яқин қўй сўйиш керак әди. Бу—арzon ва осон иш эмас!

Чўчқачилик соҳаси ва чўчқабоқар ҳунарини яратиш ўзбек чорвачилигининг янги анъанасини ва чорвадорнинг янги одатини яратишғояси унинг оромини йўқотди. Султонов эртаю кеч шу ҳақда ўйлади. Бу анъана ва одатни яратиш учун унга аввало таянч, сўнгра кўмакчилар керак әди. Бу таянч — унинг ўз иш намунаси, кўмакчилар — унинг фикрдошлари бўлиши лозим.

Султоновнинг дастлабки бу муваффакияти ўзбек чорвачилигида янги анъана туғилаётганидан яхши бир дарак әди. Султонов бу янги анъана уруғини аввал ўз совхозига соча бошлади. У, ўз тенгқурларини чорвачиликнинг энг сердаромад соҳасида ишлашга чорлади. Дастлаб икки кишини — Нисо Ҳамроева билан Жўракул Эгамовларни ҳамкасб қилиб олишга муваффақ бўлди. Совхозда чўчқачилик фойдасига пропаганда қилувчилар бирдан уч кишига ортди. Улар ўз ёнига янги-янги шерик чақира бошладилар. 1960 йилга келиб, ўзбек қизлари ва йигитларидан яна ўн тўрт киши чўчқабоқарлик ҳунарини эгаллаб олдилар. Чўчқабоқар чорвачилардан Баҳри Ҳайитов, Саъдулла Юсупов, Ҳақберди Соатов, Сайд Соатов, Эгам Бурҳонов, Иброҳим Ҳасанов, Маҳмудовлар хотини билан Султонов анъанасини давом эттириб, кўплаб гүшт етиширишга киришдилар.

— Агитатор бўласанми? — деб сўради Жўрадан совхоз партия бюросининг секретари.

— Бўламан! — деди партия аъзолигига кандидат Султонов. — Аммо кўп гүшт етказиш агитатори бўламан!

— Майли, — деди секретарь, — сен шахсий ўrnак кўрсатган агитаторсан!

Ҳақиқатан ҳам Султонов агитаторликни кўпчилик қишлоқ агитаторлари сингари одамларни тўплаб олиб газета ўқиб беришдан бошламади. Кўли бир минут бўшаса бас, чўчқабоқарларнинг олдига боради, қилаётган ишларини кўради, амалий маслаҳат бериб ўз ишига қайтади.

Кунларнинг бирида энг кам гүшт етиширган ўртокларини йиғиб «нима учун яшаяпсизлар?» деб сўраб колди. Улар бу саволга тушунмаганини сезиб, Султоновнинг ўзи жавоб қилди: «Ҳаммамиз ҳам коммунизм ку-

риш учун яшаяпмиз!» деди ва қўшимча қилди: «Коммунизм — мўл-кўлчилик, мўл-кўлчилик ўз-ўзидан туғилмайди. Бунинг учун курашиш керак. Масалан, айтайлик, бугун бир килограмм гўшт кўпайтирсанг, эртага ёнига икки килограмм қўшишга интил!» «Бунинг учун у асаларини мисолга келтирди: «Асалари оқсоколи ўз яшигига тоза гул ширасини келтиргмаган ҳар бир арининг бошини уздиради. Менинг назаримда маҳсулот бермаган одам ҳам жамиятга ортиқча!» Бора-бора норма бажармаган одам жуда камаяди. Бу — совхозда меҳнат унумини кўтариш ишида катта туртки бўлди.

Ана шу кезларда Тошкентда Ўзбекистон Коммунистик партиясининг XV съездига очилди. Съездга Жўра Султоновни ҳам таклиф қилдилар. Унинг учун мутлақо кутилмаган ҳодиса юз берди. Султоновга тұсатдан сўз бериб юбордилар. Султонов бирор марта минбарга чиқмаган одам, оддий чўчқабоқар. Мана энди у партия съезди минбарида. Унинг юзи чўғ бўлиб кетди. Минбарга уни оёқларининг ўзи олиб борди. Минбарга қўлтиқлаб чиқкан қофози ҳам аскатмади — унинг ҳар бир ҳарфи чумолидай ўрмалаб кетяпти. У қофоздагини ўқимади, кўнглига келган гапларни, яъни 1959 йили 607 центнер чўчқа гўшти топширгани ва 1960 йили 1000 центнер гўшт етказиш ҳақида съездга ваъда беражагини айтди. Жўра Султонов қандай қилиб жойига бориб ўтирганини ўзи сезмади. У, ўз совхозига қайтиб келган кезларда ҳам «бир минг центнер гўшт етказиб бераман!» деган ваъдаси тилидан тушмади, дилидан кетмади.

У энг аввал, ишни чўчқаларни хиллашдан бошлади. Унинг группасидаги чўчқалар ҳар хил — катта, кичик, озгин, семиз ва турли зотдан иборат эди. Уларни ёши ва вазнига қараб группаларга бўлади. «Қолок» ларни «илфор» лар даражасига етказиш учун ҳеч нарсани аямайди. Урта Осиёда биринчи бўлиб чўчқаларни қуруқ озука билан бокишга ўтди. Чўчқалар яхши семира бошлади.

Жўра Султонов яна камгап бўлиб қолди. Саломга алил олади, холос. Ҳамкишлоқлари бунинг сирига етолмай ҳайрон: нимага тағин ўзгариб қолди?

Бунинг сабабини қишлоқда факат уч киши билар эди: унинг ўзи, хотини ва совхоз директори.

... КПСС Марказий Комитетининг навбатдаги Пленуми чақирилади. Мардлар майдонда синаладиган кунлар, Султоновнинг тарозисига тош қўйиладиган пайт. Ахир,

у резервни қидириб топиш ва ишга солиш ҳақида съездда катта кетиб қўйган. Энди шу резервларни топиб ишга соглани ҳақида ўз республикаси билан бирга партиянинг генерал штабига ҳисоб бериши керак... Ўшандай баланд минбарда... ўшанча кўзларга дадил тикилиб, яримта эмас, бутун гап айтиш керак. Ишлар бутун гап айтишга бораётгани йўқ. Чўчқалар яхши семираётгани билан озуқа харажати кўпайиб гўшт қимматга тушмоқда ва кўп чўчқа боқиши учун озуқа етказиб бериш қийинлашмоқда эди.

1960 йилнинг режалари тузилаётган кезларда қишлоқ хўжалигининг бошқа режалари билан бир қаторда совхоз икки йиллик миқдорида гўшт топшириш кераклиги ҳақида гап чиқиб қолди. Бир йилда икки йиллик! Айтмоққа осон!.. Даврадаги одамлар бир-бирларига қараб олдилар, сўнгра аста-секин йўталана бошладилар. Бу йўтал ишончсизлик аломати эди. Активларнинг афти ангорини кўриб, совхоз директори ҳам йўталиб қўйди. Ўтирганлар орасида фақат Жўра Султонов йўталмади. Аксинча, у ўз раҳбарининг зўрма-зўраки йўталувчилар қаторида кўриб «дирекция ҳам ишончсизларни қувватламоқда», деб ўйлади. Агар бу кайфият дирекция дарвозасидан нари чикса тамом,— бутун иш яримта бўлиши, режалар чиппакка кетиши ҳеч гап эмас! Бу хатарнинг олдини олмоқ зарур!

— Нимадан қўрқяпмиз?— деди Жўра Султонов ўртага тушиб ва нимагадир даврада ўтирганларнинг кўзларига бир-бир қараб қўйди.

Ҳеч ким ундан кўзини яширмади. Демак, уларнинг эътирози қатъий, бундай юксак мажбуриятни зиммага олишдан қўрқаяптигина эмас, балки унга ошкора қарши чиқяптилар. «Бу хавфли, жуда хавфли!»

Шу фикр унинг миясига югуриб чиқди-да, юраги орқасига тортиб кетди. Ҳамсуҳбатлар жим. Бухгалтер қаламини ўйнатиб «икки йиллик» сўзини ўчириб қўйишга толпиниб турибди. Унга нима, баланс тўғри бўлса бас. Шу пайт Султоновнинг ўзига бош бухгалтер ҳисоб-китобда бефарқ одамдай, тараққиётни дафтарга сирачлаб қўядиган одамдай қўринди.

«Ҳисоб-китоб шунда керак бўлмаса, нимага керак? Еки бухгалтериясининг ўзи шунаقا касбми?» деди. Султонов совхоз бухгалтерига пичинг қилди. Ўз қасбини севган бухгалтерия арбоблари унинг бу пичингини қабул

қилмадилар. Уларнинг ҳам касбий фалсафаси бор эди: «Социализм — ҳисоб-китоб!» дер эди улар, Лениннинг машҳур сўзларини дадил келтириб. «Бухгалтерия эса социализмнинг шу принципининг ҳимоячисидир».

— Ҳимоячи бўлсанг,— дер эди Султонов улар билан баҳслашиб,— социализм негизида битган бойликларнинг ҳаммасини ҳисобга олгин-да!

— Масалан, нимани ҳисобга олмабмиз?

— Ички резерв деган энг катта бойлик ҳисоб-китоб дафтaringда йўқ-ку! Бизнинг бухгалтериямиз совет кишиларида ватанпарварлик ғайратини ҳам ҳисобга олиши керак-да!

Ана шундан кейин Султонов билан совхоз бухгалтерияси ўртасида кўз илғамас жанг бошланди. Бухгалтерия ҳисоби, социализм принципларининг қандай собиқ ҳимоячиси эканини Султоновга зимдан исботлашга уриндилар. Чўчқаларга бериладиган озука рациондан тортиб, чўчқаларнинг кунига қанча граммдан семиришигача, йилига неча чўчқа бокиб, ундан қанча гўшт топширишигача ҳисоблаб берилди. Тез-тез текшириб ҳам турдилар.

Жўра Султонов ҳам ўз фалсафасини амалий ишда исботлаб, совхоз экономистлари бухгалтерларни мот қилишга тиришди. Султоновнинг ҳар бир одими совхоз экономистларининг «темир дафтари» га ўзгартишлар киритиб турди.

Энг биринчи ўзгартиш бокиладиган чўчқаларни кўпайтиришдан бошланди. Султонов 1960 йил учун олган мажбуриятини бир ярим баравар қилиб бажармоқчи бўлди. У ҳар бир чўчқанинг вазнини ҳам ўтган йилдагидан анча кўпайтиришга аҳд қилди. Буни совхоз экономистлари «шунчаки бир ваъда» деб ўйладилар. Чунки статистикага қараганда ҳар бир чўчқадан тортиладиган гўштнинг ўртача вазни Бутуниттифоқ микёсида ҳали бу рақамлардан анча кам эди. Бунинг устига гўштнинг таннархи ортса ортяптики, камайгани йўқ.

— Олтин гўшт кимга керак?— деди улар.

Бу гаплар Султоновни янада ўйлатиб қўйди. Бир ёқлама ишлаётганини тушунди-да, гўштнинг таннархини камайтириш йўлларини излади. Унинг тахминий ҳисобига қараганда гўшт қимматининг етмиш проценти озука харажатидан эди. Бу харажатни камайтириш — таннархни камайтириш деган гап. Аммо озиқ-овқат билан

жониворларни семиртириб бўладими? Султонов: «Сих ҳам, кабоб ҳам куймайдиган» йўлни топди. Ёзда чўчка-ларни кўк ўт, беда, жўхорипоя, илдизли озуқа сингари арzon тушадиган рационга ўтказди. Уларни тез семиртириш учун эса энг арzon беданинг унини ишлатадиган бўлди.

«Фермага малая механизация керак!» деди Султонов ва самокормушка, автопоилка ўрнатишга муваффак бўлди. Фермага водопровод ўтказилди. Бутун ишларни ёрдамчисиз Султоновнинг ўзи қиласидиган бўлди. Ҳатто у тракторни ҳам ўрганиб, фермага керакли озуқаларни тракторда ўзи ташиб, самокормушкаларга ўзи тарқатди.

Натижа ёмон эмас: у октябрнинг бошидаёқ 946 та чўчка бокиб, ундан 1050 центнер гўшт етиштиргани ҳакида ва йил охиригача яна икки юз центнер гўшт етиштиражагини билдириб Марказий Комитетга телеграмма юборди. Табрик телеграммаси етиб келди. Телеграмма билан совхозга катта шодлик келди. Етмиш саккиз яшар Саодат хола партия ва ҳукуматимиздан келган бу табрикни «Султоновлар юртига баҳт куши келиб қўнгани» деб таърифлadi ва ҳамманинг кўз олдида йигитлар султони бўлган ўғлининг пешанасидан чўпиллатиб ўпди.

Султоновнинг ўзи эса «ҳали ишга солинмаган резервlarimiz кўп» деди-да, шу резервларнинг бири сифатида чўчқаларни кўп семиртирадиган озуқалар аралашмаси ишлаб чиқаришни таклиф қилди. Султонов бу аралашманинг составини ҳам белгилаб олди: беда уни, жўхори, арпа ва минерал озуқалар... Уни совхознинг ўзида қилиш мумкин.

Буларнинг ҳаммаси амалга оширилгач, Султоновнинг иши юришиб кетди. КПСС Марказий Комитети январь Пленумининг очилиши кунигача ўз мажбуриятини 1360 центнерга етказиб бажарди.

Чорвачилик йилини у 1510 центнер гўшт билан якунламоқчи!

Тарозига охирги килограммлар қўйилган жуни Султонов бухгалтерияга қабул квитанцияларини кўрсатиб:

— Резервларни топиш ва уларни рўёбга чиқариш ҳисоби мана шу! — деди.

Бундан бухгалтерия ҳам қувонди. Шундан кейин Султоновга совхозда бухгалтерлардан бири «резерв топувчи ва рўёбга чиқарувчи» деб ном қўйди. Султоновнинг ўзи ҳам бу номдан бош тортмади. Гўшт етиштиришни неча

баравар кўпайтиришнинг асосий резервлари: сиртқи университет бераётган кўмак ва шахсий тажрибанинг ортиши ва ундағи тобора кўпайиб бораётган ҳунар ҳаваси эди. Буларнинг ҳаммасига унинг идроки ҳам қўшилиб, зўр кучга айланниб кетди.

Шу орада Султоновнинг номи узоқ-яқин қишлоқларга етди. Унинг «гўшт фабрикаси» ни кўришга ишқибозлар кўпайиб кетди.

Бунинг сабаби бор эди. Республика қишлоқ хўжалигининг меҳнаткашлари 1960 йилда давлатга икки йиллик микдорида гўшт етказиб бериш мажбуриятини олдилар. Пахтакор республика учун бу жуда катта мажбурият эди. Кўпчилик районлар ва йирик хўжаликлар бу юксак мажбуриятни бажариш имкониятларини топиб, астойдил ишга киришдилар. Корамоллар сўқимга, қўйлар бўрдоқига қўйила бошлаганди, ариқ ва кўлларда ўрдаклар суза бошлади, далаларда парранда кўпайди. Аммо баъзи хўжалик раҳбарлари бу дадил қадамни хом хаёл деб тушундилар. Икки йиллик микдорида гўшт топшириш республикада шох билан туёқни куритиш демакдир, деб даъво қилдилар. Бу шубҳа бир қанча ишончсиз кишиларни саросимага солиб қўйди. Совет кишиларининг мамлакатни гўштга сероб қилиш учун бошлаган ватанпарварлик ҳаракатига раҳна солишга уринган бундай шахсларнинг кўзини очиб қўйиш керак бўлиб қолди. Ана шундай кезларда Султонов майдонга чиқди.

— Бир йилда икки-уч йиллик гўшт етиштиришнинг асосий резерви чўчқачиликдир,— деди Султонов ва бу фикрини амалда исботлаб, ҳамма жойда чўчқа фермаси ташкил қилишни тавсия этди. «Чўчқа етиштирувчи кадрларимиз йўқ!» деб луқма ташловчилар ҳам кўп бўлди. Уларга Султонов «ёшларга мурожаат қилинглар» деди.

Кишлоқ хўжалигидаги ҳамма илғор тажрибаларга йўл очувчи бошқа машъаллар қаторида Султонов ҳам КПСС Марказий Комитети январь Пленумида қатнашди. Ўз ҳаётини бағишилаган ишнинг накадар муҳим, аҳамияти улкан эканлигини бутун вужуди, бутун идроки билан мана шу ерда сезди. Унинг иши эса буюк ва олижаноб ишга — «Коммунизм маъмурчилигини яратиш» ишига хизмат қиласди.

Пленумдаги нотиқларнинг оташин нутқлари — партиянинг шу оддий чўчқабоқарга, бевосита Жўра Султоновнинг ўзига «халқ учун маъмурчилик яратувчи кураш-

чиларнинг олдинги сафида бўл!» дейилган чақириғидек эштиларди. У эса дук-дук ураётган юрак ҳаяжонларини зўрға босиб: «Жонажон партиям, буйруфинг албатта ба- жо келтирилади!» деб солдатча жавоб берарди.

Жўра Султонов ҳар қандай проблемани ва ҳар қан- дай қийинчиликни енгизга қодир, янги маънавий куч билан ўз совхозига қайтиб келди.

Келган ҳамоно ишга тутинди. Атоқли чўчқабоқар ўзининг булоқдай тинимсиз қайнаб чиқаётган куч-кув- ватини, иродасини хўжаликда энг тез ва энг катта бу- рилиш ясашга қаратди. Унинг кўнглига бу имонни пар- тия, унинг доно ва равshan мантиқ кучи, тарихий Пле- нумдаги баланд руҳ муҳити жойлаган эди.

Султонов ўз имкониятларини, ўз мажбуриятини қай- та кўриб чиқди. Ҳамма гапни кўнглида ҳал қилиб олган- дан кейин ҳамқишлоқларига ва совхоз ишчиларига: 1961 йилда 2000 центнер чўчқа гўшти етишираман, деб олган мажбуриятимни ўзгартираман, гўшти 2500 центнерга етказаман, деди.

Атоқли чўчқабоқар ҳамқишлоқларига Пленумнинг қандай ўтганлигини ҳикоя қилиб берди. Кейин:

— Жуда кўп нарса ўзимизга боғлиқ. Чунки биз од- дий меҳнаткашларга партия, унинг Марказий Комитети фоят катта ишонч билдириди,— деди у.

Султонов қаерда сўзламасин, ким билан суҳбатлаш- масин — ҳамма жойда, ҳаммани энг зўр ҳаракат оқими- га — Коммунистик партия XXII съездини муносиб кутиб олиш учун бошланган мусобақага қўшилишга чақирди.

Машҳур чўчқабоқарнинг дўстлари ва издошлиари — чорвадорлар унинг кўнглидагини тушундилар. Ижодий яратувчилик қуввати кўтарилиб, тошиб, улар кўнглига ҳам қуйилди. Улар коммунизм курувчилар съездини ян- ги зафарлар билан кутиб олиш учун бошланган мусоба- қага — умумхалқ ҳаракатига қўшилиб, янги мажбурият- лар олдилар.

Шундай қилиб, оддий чўчқабоқар ўзбек йигити аҳоли жон бошига гўшт-ёғ етиширишда янги-янги имконият йўлларини қидириб топишнинг пропагандисти бўлиб қолди. Тез орада уни қўшни районлар, областларга ча- қира бошладилар. Унинг тажрибасини ўрганиш учун шогирдлар кела бошлади. Ана шундан кейин чорвадор ўзбек йигит-қизлари орасида янги касб — чўчқабоқар- лик касби пайдо бўлди, уларнинг энг яхшиларини «сул-

тоновчи» деб атамоқдалар. Жұра Султонов эса үз шогирдларини, резервларни қидириб топиш ва амалга оширишга чақирмоқда.

Хозир республикада 1268 ўзбек йигит ва қизи султоновчи чүчқабоқар бўлиб олди. Натижада кўпгина илғор хўжаликлар чўчқа гўшти ҳисобига икки-уч йиллик гўшт мажбуриятларидан қутулиб, сўқим ва бўрдоқи гўштини сотадиган бўлдилар. Ана шундай қишлоқларнинг дўконларида кўй ёғи ҳам бемалол бўлиб қолди. Буни Султонов, социалистик ҳаёт юзага чиқарган илғор иқтисодий ғояларнинг кенг омма онгига сингиб моддий кучга айлашиши, деб қувонди.

Ўзбек чўчқабоқарлари орасидан Султонов билан бемалол беллаша оладиган йигитлар етишиб чиқди. Сурхондарёлик Кўчкор Маматов «Бойсун» совхозида ўз чўчқаларидан 1000 центнер гўшт етказиб, Султонов билан изма-из бормоқда. Оқдарёлик «Дағбит» совхози ишчиси Берди Худойқулов ҳам бу йил 1114 чўчқани семиртириб, минг центнердан ортиқ семиз гўшт топширди. Бундай кишилар сони ҳам, чўчқа фермалари ҳам кундан-кунга кўпаймоқда. Яқиндагина ўзбек қишлоқларида чўчқа фермалари бармоқ билан санарли бўлса, энди бу фермалар 1713 тага етди ва гўшт етиштиришда чўчқа гўштининг салмоғи ўн саккиз процентдан ошди. Бунда Султонов бошлаган ҳаракатнинг роли жуда катта. Бу соҳа ҳозир шундай тез ривожланмоқдаки, 1965 йилга бориб чўчқа гўшти республикада умумий гўшт етиштиришнинг 35 процентаiga етади ва унинг ҳажми миллион центнердан ортади.

Тошкентда чўчқабоқарларнинг республика кенгаши очилди. Султонов шу кенгашга пухта тайёрланиб келди. У кенгашда ҳаммага керакли гапларни айтди. У, совхозларни, колхоз ва сельполарни чўчқаларни боқиб семиртириш пунктларини кўпайтиришга чақирди. «Ўз озуқа базаларимиз бўлсин! Комбикорм саноати яратайлик!» деди. Султоновнинг фикрича «Чўчқачи зоотехник курслари очилсин», «Колхозлараро бўрдоқи пунктлари ташкил қилинсин» ва ҳоказо ва ҳоказолар.

Султоновнинг хаёлида бундан бошқа яна анча фикрлар етилиб юрибди, фурсати билан ҳамма ва ҳаммасини ўз касбдошлари билан ўртоқлашади.

ЖАВОДНИНГ ЖАДВАЛИ

Баъзан бир дақиқалик учрашув ҳам неча йиллар ёдда туриши мумкин. Бизнинг бу йигит билан учрашуви-миз худди ана шундай бўлди.

Куз фасли. Дала либоси ўзгарган пайт: тераклардан шитирлаб барг тўкилмоқда, толларнинг кокили аста-секин сийраклашиб, тут япроқлари олтин болдокдай қадафайиб, шабадада шитирлайди. Пахтазорда ҳам ўзгача манзара: яшил ранг ғўзаларнинг учларигина сакланиб қолган. Теварак-атроф оппок оқариб, тикилган кўзни тиндиргудай товланиб турибди.

Бу — 1959 йилнинг деҳқончиликда катта бурилиш ясалган олтин кузи эди. Бу кузнинг ҳосияти ҳаммага аён: пахтани машинада теришга худди уша кузакда оқ йўл очилган эди. Темир агрегатларининг янги хиллари дала-га чиқарилиб, «ХВС-1,2» ларнинг донғи чиқаётган кезлар эди. Биз қишлоқларимиздаги бу ўзгаришларни ҳаммага кўз-кўз қилиш ниятида далага чиқсан эдик.

Уша кезларда ҳамма ёшу қари далада эди. «Оқ олтин» тонналарини мисқоллаб ғарамлаётган «беш мингчи», «үн мингчи», «үн беш мингчи» ларни одамлар ашула қилиб куйламоқда. Биз бундай бағишлов ашулаларини Андижонда, Фарғона ва Ҳоразмда кўплаб эшидик. Бу-хорода опа-сингил Марям ва Шарофат Гадоевалар эса, бутунлай янгича қўшиқ куйлашарди. Улар тўқиган қўшиқ ака-ука Ҳожи ва Қодир Қароматовларга бағишлиган эди:

Қишлоқнинг энг севимли кишиси ким?
Ҳожи билан Қодир амаким...

Ҳожи ва Қодир Қароматовларни сценарийга киритиб, суратга олиб қайтаётган чоғимизда, улар: «тошкентлик Жавод Кўчиевга салом айтинглар», дейишди. Шунда уларнинг бу гапини ҳам кино лентасига ёзиб олдик-да, Тошкентдаги «Малик» совхозига йўл олдик.

Республика уч миллион эллик минг тонна пахта учун курашмокда эди. Йўлларда қоп ортган аравалар, турна қатор юқ машиналар зич. Пунктлар гавжум. Ҳар одимда пахта хирмони. «Малик» совхозининг тўртинчи бўлимига келганимизда эса, битта ҳам хирмон кўрмадик.

— Нега? Бу ерда пахта йўқми?

— Пахта кўп, ҳосил ҳар йилгидан мўл...

Пахта хирмони кўринмаслигининг сабаби дарҳол аён бўлиб қолди: қатор-қатор вагончалар тиркаб олган автокачкалар, шатакли машиналар ўтиб қолди. Ичи тўла ҳўппак пахта...

— Терилган пахтани пешма-пеш қоп-қанорсиз ташимоқдамиз,— деди шоферлардан бири бизнинг сўровимизга жавобан.

Олис-олисларда терим агрегатлари гурилламоқда. У-чўлларда юқ машиналари, автокачкалар турибди. Бункери тулган агрегатлар пахтасини ағдариш учун уватга бурилмоқда. Бункердан вагончага тушган «оқ олтин» хирмонда тўхтамай, тўппа-тўғри пунктга жўнамоқда.

Пахта таннархини арzonга туширадиган бу янги метод республикада биринчи марта «Малик» совхозининг Жавод Кўчиев бригадасида қўлланилмоқда эди.

Биз бригадир Жаводни қидириб, механик-ҳайдовчи Жаводга дуч келдик. У «ХВС-1,2» агрегатида пайкал кешиб юрибди. Узокдан, бункер ичидан гўё кор бўралаяпти. Яқинлашдик...

Жавод даласига келган меҳмонларга бош эгиб салом берди-да, агрегатни гувиллатиб, бункерни тарақлатиб кетаверди. Сим элак ичидан чиқсан чанг тепамиздан, ёнимиздан учиб ўтиб, ғўзапояларга қўнмоқда, бункер яна бирпастда оқариб бораётир.

— Бир оғиз гапимиз бор эди.

Жавод қўли билан бункерни курсатди. Тушундик: бункер тўлса четга чиқмоқчи. Ниҳоят, бункер тўлди. Агрегат уватга чиқди, Жавод пахтасини ағдариб яна изига қайтди.

Операторлар унинг йўлини тўсиб олдилар.

— Кинога олмоқчимиз, кинога!..

Жавод операторларнинг сўзини эшилдими, йўқми, соатини кўрсатди-да, теримини давом эттириди...

Операторлар сочини юлишга тайёр. Ганимат вақт ўтмоқда. Кузги қуёш ҳадемай чўкиб кетади. Авжи кинога оладиган фурсат зое кетмоқда... Операторлар унинг изига тушдилар. Жаводнинг агрегати бу пайкалдан чиқиб, иккинчи пайкалга кўчди. Қенг қартада учта «СХМ» ўрмаламоқда. Операторларнинг камералари ҳам тинмай ишлаб турибди.

«Етти йиллик одимлари» ҳужжатли фильмнинг биринчи кадрлари ана шундай суратга олинди. Унинг асосий кадрларидан бири Жавод Кўчиевни эса, тушки овқат вақтидагина «қўлга туширдик».

— Сизни кинога олмоқчимиз.

Жавод икки қулини баббаравар силтайди.

— Йўқ! Йўқ!

— Нега йўқ дейсиз, ахир...

— Кинога оладиган иш қилганимиз йўқ-да. Мелиқўзи Умрзоқовни олинглар... Валентин Тюпкони олинглар... Турсуной Охунова бор...

Яшил денгиз капитанларининг республика мусобақасини Мелиқўзи Умрзоқов бошлаб берган эди. Эсингиздадир, у ҳали эски машинани миниб юрган пайтларидаёқ, тошкентлик Турсуной Охуновага: «Мен 120 тонна тера-ман, сиз-чи?» деб мактуб йўллаган эди. Ҳали унча танилмаган ёшгина Турсуной Мелиқўзини кувватлаб, янги марраларни кўзлади ва уз навбатида бошқаларга мактуб йўллади. Бу чақириқча Хоразмдан Сафарбой Ражабов «лаббай» деди-да, бухоролик Бўриевни беллашишга унади. Шундай қилиб, механизаторлар мусобақасининг эстафетаси областдан областга ёйилиб кетди. Минглаб механик-ҳайдовчи бу ташаббусга жон деб кўшилди ва ҳар колхозу совхозда серғайрат, эҳтиросли бир пойга авж олди.

Жавод Кўчиев ана шу ҳаракатнинг олдинги сафида эди.

Кўни-кўшни хўжаликларда, машина четга суриб кўйилган кезларда ҳам «Малик» совхозида пахтанинг 75 процентини машинада тердилар. Жаводнинг машиналари эса, пахтага сарфланадиган қўл меҳнатини уч бара-вар қисқартириб берди. Шу туфайли Жаводнинг кинога тушишдан уяладиган жойи йўқ эди. Аммо Жавод ўз сўзида туриб олди.

— Мана бу жадвалга бир қаранглар,— деди Жавод кўйнидан блокнотини чиқариб.

Кизил муқовалик блокнот қўлимиизда. Қўлдан-қўлга ўтавериб жилди титилиб кетган, четлари андак кирлаб қолган, аммо ҳамон азиз. Унда жадваллар, рўйхатлар, диаграммалар... Ишимиз зарур бўлгани учун ўзимизга керакли жойинигина қарадик. Беллашаётган капитанларнинг кўрсаткичлари ойма-ой, баъзан кунма-кун ёзиб борилар экан. Биринчи жадвалда Мелиқўзи юкорида, иккинчисида Тюпко... мусобақа диаграммасида кизил, кўк қалам излари, бир-бирини кувлашиб, бир-бирини босиб ўтиб кетган чизиклар.

— Ана кўрдингизми, Умрзоков кунига саккиз-үн тоннадан теряпти. Кеча ўн бир тоннага етказибди. Рекорд!

У шу гапни айтди-да, сакраб ўрнидан турди. Унда Мелиқўзининг рекордини ортда қолдиргудай ғайрат, шижоат барқ уриб турибди. У яна қўлдан чиқиб кетиши мумкин эди. Шошиб қолдик.

— Мана бу жадвални шарҳлаб берсангиз...

Жавод кўз қирини ташлади-да, изоҳлади:

— Бу — таннархнинг камайиш жадвали. Кейинги учийллик ишимизни шу графалардан билса бўлади...

Жавод яна штурвалга ўтирди. Операторлар тушки овқат вақтини суратга олиб улгурдилар, холос, аммо сценарист учун керак гапларни жадвалдан қидиришга мажбур эдик. Биринчи графада экин майдони, сўнгра олинган ҳосил, унинг таннархи, охирида эса, дехқончиликнинг рентабеллиги, яъни фойда ва зиёни кўрсатилган. Экин майдони юз гектар, йифилган ҳосил ўн минг центнер, ҳосилдорлик гектарига ўттиздан.

Бу рақамлардан маълумки, Жавод Кучиев бригадаси совхозда ўртача бригадалардан, ҳосилдорликни ошириш жиҳатидан ҳам, «энг юқори ҳосилли бригада» бўлолмайди. Тилсиз рақамлар Жаводнинг дастлабки эътирозини исботлаётгандай эди.

— Унинг ўзига эътибор қилинглар, унинг ўзи одамохун йигит,— деди совхоз директори Бочкаров.— Совхозда биринчи тракторчи. Энг яхши универсалчи. Совхозда ундан ўзадиган механик йўқ. Ўзи билан бир гаплашиб кўринглар: «Пахтачиликни механизациялашда Америкадан ўзиб кетдим» деб юрибди.

Жавод машинасининг бункерини бўшатгани чиқкан кезда кўчма заправка цистернаси келиб қолди. Бункерни

бүшатиб, бакларга ёнилғын тұлдирилгунча, Жаводни четга тортдик.

— Үз ҳақингизда икки оғиз гапириб берсангиз.

— Икки оғиз бұлса майли,— деди Жавод жиддий ва гүё гапини үлчаб сатаётгандай, күп ҳам эмас, оз ҳам эмас — икки оғизгина гап қилди.

Жуда кам гап йигит экан. Унинг бу хусусиятидан журналистлар ҳам нолиган әдилар. Қарасак, үзича ҳеч нарса айтгиси йўқ. Саволга ҳам жуда қисқа жавоб қиласы. Лекин Американи қувиб ўтиш масаласига келганды оғзининг таноби қочди, машинасини ёрдамчисига топшириб, бизни құшни пайкалга бошлади. Шохарик бўйлаб бордик. Йўл бўйи Жаводнинг ўзи гапирди, блокнотларга ёзиб улгуролмаймиз, шошилинчда ҳарфлар фишт бўлиб тушиб, баъзан камалакдай эгилиб, таёқдай чўзилиб битилмоқда.

— Пахтачиликни комплекс механизациялаш масаласида биз Американи қувар әдик, энди Америка бизни қувиши керак. Аммо минг қувса ҳам етолмайди. На техникада, на теримда...

Жавод бу сўзини исботлаш учун далиллар келтира бошлади. Унинг совхози пахтани фақат механизация кучи билан етилтириб, пахтанинг етмиш процентидан кўпроғини машинада термокда. Қўл меҳнати уч баравар камайди, оз ишдан соз унум олинмоқда.

Совхоз комплекс механизация туфайли мамлакатга энг арzon пахта етказиб бермоқда.

— Бу масалада Американинг бориб турган фирмаларини мусобақага чакиришимиз мумкин,— дейди Жавод, бир оз жимликдан кейин қўшиб қўяди:— Совхозимзининг ўзида ҳам, совет машиналари билан бир қаторда, иккита Америка машинаси ишлаб туриди.

Кези келганды бу машиналар тұғрисида икки оғиз айтиб қўйлиқ. Биринчи Америка машинасининг туғилганига 110 йил бўлди, бизники эса, энди 30 ёшга кирди. «Жон Дир» уларнинг энг янги машинаси ҳисобланади, у Америкада энг ишончли машина деб баҳо олган.

Жавод бизни пахтазорга бошлади. Бир метрлик квадратларда унган пахта орасида кип-қизил лак билан бўялган «Жон Дир» агрегати тирилламоқда.

Чиройли, силлик, кўринишидан яхши машина. Иш органдарни ҳам ёмон ишламайди. Аммо Жаводга ёқмайди.— Унинг изига қаранг,— дейди Жавод.— Яхши из

қолдирмаяпти... Мусобақанинг бизнинг фойдамизга ҳал бўлаётгани, шундан ҳам равшан.

Дарҳақиқат, «Жон Дир» чала теряпти, пахтани чайнаб кетяпти...

«Жон Дир» нинг ёнида «Ташсельмаш» дарвозасидан яқиндагина чиқиб келган «ХВС-1,2» юрибди... Тоза теряпти. Чаноғида қолдирмайди, кўрак чайнамайди...

— Конструкторларимиз соз машина яратдилар. Кўриб турибсизки, Американикidan яхши,— дейди ҳавас билан Жавод.— Энг муҳими, тоза теради, кўп теради, пахтасини қоп-қанорсиз ташишга ўнфай. Унинг яна бир яхши хусусияти бор: очилган пахтанинг 96 процентигача йиғиб олади. Америкада ҳали бундай машина яратилгани йўқ.

Жаводнинг жадвалида бу икки дунёнинг кўрсаткичлари ҳақида ҳам ёзувлар бор эди. Кунига қайси машина да қанча терилган, пахтаси қайси навга ўтди — ҳаммаси аён.

Унинг жадвалида яна куйидагиларни ўқидик:

«Малик» совхозида жами ҳосилнинг 70 проценти машинада терилади. АҚШ да — 13 процент, холос...»

Кечкурун, ҳамма ишдан қайтиб, куннинг якунини йиғилгач, Жаводнинг сводкасини кўргимиз келди. Йиллик план бир юзу ўндан беш процент бўлибди. Кунлик график ҳам кечагидан кам эмас. Бундан биз ҳам кувондик. Негаки, Жаводни ишдан кўйидикми, графикка халал етдими, деган хавфда эдик. Жаводни табриклагимиз келди-да, унинг шерикларини совхоз клубига тўпладик.

Экранда Жавод...

— Қачон улгурдиларингиз? — деди таажжубланган Жавод.— Мени кинога олманглар, демабмидим, билдирам олиб қўйибсизлар-ку.

Бундан операторларнинг ўзлари ҳам мамнун эди, улар Жаводга караб кулиб турибдилар.

— Билиб қолсангиз бунчалик чиқмас эди. Жуда жонли, жуда ҳаётий! Яхшиям билмаганингиз... Яхшиям...

Шундан кейин Жаводнинг була комати, катта ва қатъий қўзлари, бутун салобати ёдимда қолди. Азалдан камтар, кам гап одамнинг дилидаги гап топилса, чақмок дай чараклаб кетар экан.

Кўз ўнгимдаги ўша забардаст йигит ўтган йили қиш кунлари Тошкентда кўриниб қолди. Навоий театрида механизаторлар съезди бўлаётган эди. Танаффусда бир тўп йигит-қиз чаноқ шаклидаги фонтан томон йўл олди. Улар кўлтиқлашиб, кўлни-кўлга бериб бормоқдалар. Бир неча суратчилар уларни қуршаб олди, аппаратлар шомдаги чумчукдай чирқиллай бошлади. Ўзи ҳам донгдорларнинг донгдорлари тўпланишган экан, хипчагина Мелиқўзи, баланд бўйли Валентин, юмалок-қина Турсуной, полвон тахлит Манноп, ўйчан Жавод...

1960 йил ўзбек пахталигида тарихий йил бўлди: машина терими кеч қишигача давом этди, унинг хирмони ярим миллион тоннадан ошиб кетди. Энг муҳими — теримчи қизлар этакни ташлаб штурвалга ўтдилар, деҳқонлар тилида «турсуноччи» деган янги сўз пайдо бўлди.

— Сизники қанчага етди?

— Сизники-чи?

— Икки юз тонна, икки юз эллик, уч юз...

Бундан бир йил аввал юз тонна — рекорд эди. Олтминчинчи йили юз тонна Жавод жадвалининг энг охирида турибди, у ҳам бўлса янги ўргамчик ва ношуд шогирдининг тергани.

Жавод билан холи гаплашиб қолдик.

— Бу йилги якунлар қандай?

Жавод ўз бригадасининг барча қўрсаткичларини ёддан билса ҳам, кўли қўйнига югурди. Таниш блокнот... Лекин блокнотда буш варак қолмабди. Жавод унинг охирги варакларинигина очди. Атайлаб съездга қилинган ҳисоб-китоб жадвалига ўхшайди. Унда тўрт-беш графа, бир неча рақам. Баъзи рақамларни қизил қалам билан ёзив қўйибди, баъзилари кўк чизиқка ўраб қўйилган.

— Булар нималарнинг белгиси?

— Шу йилги якунлар,— деди Жавод ва блокнотини қўйнига солиб, гапира кетди:— Бу — тафовут жадвали. Кўк рангда 1958 йил якуни, қизил қаламда 1959 йил кўрсаткичлари... Тафовут катта.

Ҳар центнер пахта етиштиришга сарф бўладиган меҳнат 4 соат камайган, харажат 2 сўм 4 тийин арzonлашган. Унинг хомчугу тарафдан, агар шу кўрсаткич ҳамма учун ўртача рақам бўлиб қолса — республика

янги пул билан 58 миллион сүм иктисад қилган бўлар эди.

Жавод юрагидаги ҳамма гапини съезд минбаридан айтмоқчи бўлди, аммо кўпчиликнинг олдида гапириб ўрганмагани учун уялиб, сўзга ёзилмади. Колаверса, унинг айтмоқчи бўлган гапларини бошқалар айтиб қўйди.

— Энг эртаги пахта учун курашамиз!

— Энг арzon пахта етиширамиз!

— Пахтачиликнинг ҳамма ишини машиналар елкасига юклаймиз.

Курултойдан кейин, Кўчиев бригадасининг йифинида бу шиорлар яна ҳам конкретлашди.

— Машинани билмаган битта ҳам одам қолмасин. Эртадан техника ўкишига!

Комплекс механизациялашган бригадада техникадан бехабар кишининг ишлаши қийин. Пахтачилик иши жуда нозик иш, унинг ҳали-вери техникага бўйин бермайдиган томонлари ҳам кўп. Кўл меҳнати ўз мавқенини бутунлай йўқотгани йўқ. Аммо, Кўчиев кўл меҳнатини бутунлай сурib чиқармокчи, ўшанда техникадан бехабар кишиларнинг нони яримта бўлиб қолиши турган гап. Шунинг учунми ёки техникага қизиқиш зўрайдими, техника ўкувини ҳеч ким кандо қилмади.

Техника ҳаваскорларидан беш-олти кишини кўз корасига олиб қўйган экан, Жавод уларни бирма-бир чақириб «тракторчи бўлинг» деб маслаҳат қилди. Оддий совхозчилардан тўрт киз: Ҳусаинова билан Алимова, Тоирова билан Сўфиевалар «ДТ-24» тракторларига ўтирилар. Уларнинг ёнига собиқ кетмончи Шокиров келиб қўшилди. Механизаторлар қатори кўпайгач, техника икки сменалаб ишлашга кўди. Шу орада совхозда икки йиллик тажриба институти очилди. Бригаданинг кўпгина аъзолари шу институтнинг студентлари бўлиб олдилар. Ўкиш давом этди. Тажриба ортди. Бригада составида сифат ўзгариши юз берди.

Бу ўзгаришни Кўчиевнинг ўзи жуда яхши таърифлайди:

— Кудратимиз икки баравар ортиб кетди!

Ҳақиқатан ҳам бригаданинг одами озайса озайдики, кўпайгани йўқ. Ери кўпайиб, меҳнат кучайса кучайди, камайгани йўқ. Аммо кичкина коллективнинг кудрати икки баравар ошди.

Бу қудрат, айникса, куз фаслида ўзини кўрсатди. Хирмон кўтарлигач, Жаводнинг жадвалида шу 1960 йилги ҳосил ўтган 1959 йилги ҳосил хирмонидан бир ярим баравар баланд турибди. Рақамда ҳам, диаграммада ҳам фарқ катта!

Кучиевнинг эртаги пахта етиштириш мўлжали ҳали ниҳоясига етгани йўқ эди. Пахтанинг асосий қисми кеч кузда йиғишириб олинди. Унинг аъло ва биринчи сорти мўлжалдаги расамадига етмай колди. Пахтанинг таннарх кўрсаткичлари ҳам кўнгилдагидай бўлмай, жадвалда эгри-буғри чизиклар пайдо бўлди.

1960 хўжалик йили якунланаётган кезларда Жавод ҳамма ерда уч нарсани тақрорлади. Центнерга сарф бўлган иш соати, ҳар бир центнернинг таннархи ва бу борада бригаданинг совхоздаги ўрни... Якун унча яхши эмас, таннарх ҳали анча қиммат эди. Якун ясалиб бўлгач, Жавод яна янги дафтар очди. Унинг бу кўйин дафтарига уч йиллик ўтилган йўл битиб кўйилди ва унинг ёнига совхоз икки йилик тақриба институтининг берган илм ва билими тиркалди.

— Иқтисод қилишга ўрганайлик!

— Оз меҳнатдан кўп унум топа билайлик!

1961 йил баҳорида Жаводнинг бригадаси ана шу икки шиор руҳи билан яшади. Аввало Жаводнинг ўзи каерда ва нимани иқтисод қилишни белгилаб олди. Ўйлаб каралса ва ҳисоблаб чиқса, хўжасизлик асосан кўз илғамас, назар илмас сарф-харажатлардан бошланар экан. Масалан, чигит экишни олайлик. Баҳорда ерга беҳисоб чигит ташланади. Қайси уяга қанча уруғ тушганини ким санаб ўтирибди. Ҳар чигитнинг нархи борлиги билан ҳеч кимнинг иши йўқ. Натижада ҳар гектардан миллион-миллион туп ғўза юлиб ташланади. Бу эса, тонналаб уруғлик чигит нобуд қилинди, деган гап. Чигит билан бирга кетган маблағ, ёғ ва кунжарани айтмайсизми?! Зое кетган меҳнатни айтмайсизми?!

Жавод хўжасизлик ирмоғининг ана шу кўзини тақатқ беркитиб кўйди. Ҳар уяга уч-тўрттадан санаб чигит ташлаш одатини чиқарди. Албатта бу ишни техникасиз қилиб бўлмас эди. Аниқ экувчи сеялкалар сотиб олинди. Чигитнинг ўзидан неча ўн минг сўмлаб маблағ ҳамёнда колди. Санаб тикилган чигит ғўзасини яганалаш ҳам арzonга тушди. Ўн соатлик ишга бир соат кетди. Ўн жуфт кўл ишини бир жуфт қўл бажариб турди.

Бундан ҳам анча иқтисод тушди.

Жаводнинг дўстлари ҳам иқтисод қилишга «мазахурак» бўлиб қолдилар. Ғўза парвариши даврида культивациянинг янги усулини ўйлаб топдилар. Кимнинг таклифи ёки ташаббуси билан қилингани ҳалигача маълум эмас, аммо «кенг зонали юмшатиш системаси» деб аталган бу усул қўллана бошлагач, бригада даласида кетмон чопиги мутлако даркор бўлмай қолди. Кетмон чопифига сарфланадиган иш ҳаки ҳам Жаводнинг иқтисод дафтарига ёзилди.

Ез фаслида Жаводнинг жадвалида яна янги-янги кўрсаткичлар пайдо бўлди. Буларнинг энг муҳимларидан бири трактор ишларининг камайиши эди. Аввалги ёзларда пайкални тўрт-беш мартараб, ҳатто олти мартараб чангитиб чиқкан тракторлар бу ёзда фақат икки мартағина узунасига ва кўндалангига қатнади. Ҳамма гап ишнинг кўзини билиб қилишда — сифатда экан.

— Оз ишласанг ҳам соз ишла! — деган гапнинг хосияти мана шунда,— дейди Жавод Кўчиев.

Ҳақиқатан ҳам ғўза парвариши давридаги «хасислик» ҳосилнинг баракасини учиргани йўқ, аксинча унга бара-ка қўшли, бундан ёнга қолган маблағ эса, неча-нече гектар пахта ерининг даромадига тенг келди.

— Хўжасизликнинг яна бир кўзи бор,— деди Жавод механизаторларни тўплаб,— унинг шу кўзини ҳам бер-китсан яхши булар эди.

— Беркитамиз!

Бригада механизаторлари айтганини уddaлаб икки марта қилинадиган ишни бир марта бажариш йулини топдилар. Ғўзага маҳаллий ва минерал ўғит қоришмаси солиш иши эгат олиш билан қўшиб қилинадиган бўлди. Тенгма-тенг иқтисод!

Механизаторлар Жавод Кўчиевнинг жадвалида энг юкориги жойларни эгаллаб олдилар. Бу эса колективда кўз илғамас ҳаракат қўзғади: «юкоридаги»лар тобора илгари силжишга, «пастдаги»лар уларни қувиб етишга тиришдилар.

Буни сувчиларнинг ишида қуриш ҳам мумкин эди. Маълумки, деҳқончиликда сувчи ҳурматли киши, пахтациликтининг миришкори ҳисобланади. Ҳозир ҳам сувчининг роли ортса ортятти, пасайгани йўқ. Аммо давр механизаторники бўлиб қолгач, сувчининг техникаси жадвалининг пастига тушиб қолди. Етти сувчининг ҳар бири

ұттис гектардан ер суғоради. Йилига ұттис гектар... Күпайтира са ер бузилади, ғұза нобуд бұллади. Камайтира са — сувчи оз ұқын олади, құл мәхнатининг қудрати бундан нари боролмайди.

— Сувчиликни ҳам механизациялаштирамиз,— деди Салаев.

Сувчилар тил бириктириб, совхоз дирекциясига бордилар.

— Махсус сифон керак!

— Шланг беринг!

Харажатдан гап чикса хафа бўлиб кетадиган экономистлар сувчиларнинг таклифидан хурсанд бўлдилар. Чунки бу янгиликнинг келажаги зўр эди. Сифон билан шланг қўл мәхнати харажатини камайтириб, сувни расамади билан сарфлашга йўл очар эди.

Кўчиев бригадаси янги суғориш системасига кўчгач, етти сувчининг ишини икки сувчи bemalol эплай бошлиди.

Сувчиларнинг ҳам тили узун булиб қолди. Уларнинг номини механизаторлар билан бир қаторга кўядиган бўлдилар.

Иқтисод қилиш иштиёқи ҳамма жабҳада иш берди.

— Чеканкани ҳам машинада ўтказамиз! — деди Жавод.— Чеканкадан бушаган қўллар бошка юмушларга аскотади.

Шу йили ёзда юз гектар ер машинада чеканка қилинди. Қеласи йили барча ғұзалар машинада чеканка қилинади. Тез, соз ҳамда арzon! Пахтачиликда қўл мәхнати маҳрига тушган бу иш ҳам техника гарданига ўтади.

Яна одатдаги ташвишни бошлаб, олтин куз келди. Кўчиевчилар барча пахтани машинада териб олишга аҳд қилдилар. Бешта «ХВС-1,2» машинаси пайкалга кирди. Кунига ҳар бир машинада 6 тоннадан кам терилмасин, деган шарт билан экипажлар ўзаро мусобақа боғладилар. Сүфиев билан Ҳасанов экипажлари олти тоннадан кам пахта терган куни пайкалдан чиқмади. Кўчиевнинг ўзи етти тоннага етмаса — штурвалдан тушмади. Кеч кузга боргач, Жаводнинг жадвалида пайдо бўлган рақамлар 1961 йилда 1959 йилдагига қараганда иккисе қўп пахта етиштирилганидан далолат бериб турарди. Машиналар эса, 200 гектарнинг ҳар гектаридан 34 центнердан «оқ олтин» териб берди. Қулда терилган

пахта ҳар гектар ҳосилининг бир центнеридан салгина ортиқ, холос.

Октябрь кунларида Жаводнинг жадвалида яна янги янги графалар, диаграммалар пайдо бўлди. Уни совхоз экономистлари ҳам кўчириб олдилар. Аммо унинг довруғи Москвагача етиши ва бу ҳакда бутун мамлакатга яхши гап тарқалишини Жаводнинг ўзи ҳам кутмаган эди.

* *
*

Вақт ва воқеалар одам фикрини, маънавий дунёсини бойитади. Бу жиҳатдан қараганда олтмиш биринчи йил октябрь кунларининг хислати бебаҳодир. Москвадаги Съездлар саройида тарихий гаплар айтилиб, кўз илғамас олислар яқинлаштирилаётган кезларда Жавод Кўчиевнинг бошини осмонга етказган, унинг биографиясини беҳад бойитган бир воқеа юз берди.

Жавод штурвалда маҳкам ўтирган эди. Кулоги мотор қушифидан бошқа нарсани эшитмасди, кўзига эса, кенг дала, текис эгатлар ва сийрак барг орасидан кулаётган оппок пахталаргина кўринарди. Шу чоқ бригада аъзоларидан бири пахта пунктидан қайтаётиб радиода ўз совхозининг номини эшитиб қолди-да, тракторини тўхтатиб, радио карнайи остига борди. Радиода Кўчиевнинг номини тилга олдилар, сўнгра бригада ҳакида гапирдилар. Кимдир уларнинг бригадасини ва бригадири Жавод Кўчиевни мақтамоқда эди. Каердан гапирмокда.

Москвада XXII съезд очилган эди. Жавод Кўчиевни мамнунлик билан съезд олқишлиамоқда эди.

Далада бошқа йигитлар ҳам бу гапни эшитган эканлар, улар ҳам машиналарига газ бериб, Жаводнинг олдига келдилар.

— Табриклаймиз, Жавод!

Жаводнинг фикри банд эди.

— Жавод, сени XXII съезд тилга оляпти...

Жавод дўстларини энди кўрди:

— Сизларни табриклайман, дўстларим! — деди у.

Дўстлар кучоқлашиб кетдилар. Яхши гапнинг қаноти узун, бир зумда бригада аъзоларининг ҳаммаси шодликка тўлди.

Эртасига тушки овқат пайти дала шийпонига одамлар йифилди. Юзларда кувонч, янги орзу-истак шуъла-

сида ёниб ўтирибдилар. Мотоциклини тириллатиб почтальон келди. Сумкасидан бир кучоқ газета олиб, Жавод Күчиевга бераркан:

— Шу газеталарнинг ҳаммасида сенинг номинг бор! — деди ва яна уватни чангитиб кетди.

Почтальон айтгандай, ҳамма газеталарда Жавод Күчиев ҳақидаги гаплар бор эди. Газеталар қўлма-қўл бўлиб кетди. Одамлар ўзларини қанча камсуханликка солсалар ҳам, кўзлари сатрдан сатрга ҳатлаб, ўзлари ҳақида ёзилган жойини қидирадилар.

* *

*

— КПСС Марказий Комитетининг КПСС XXII съездига ҳисобот докладини ўрганиш машғулотини бошлаймиз, — деди Күчиев.

Ҳамма жим. Күчиев агитаторга қаради:

— Ўқийвер!

Баланд овоз билан ўқиш ҳар куни икки маҳал: кундузги овқат олдидан, кечқурун ишдан сўнг давом этди. Учинчи машғулот куни докладнинг пахтачиликни ривожлантириш ҳақидаги қисми ўқилди. Күчиевнинг комплекс бригадаси тўғрисида сўз бораркан, жимлик бузилиб, қизғин мунозара бошланиб кетди. Бригаданинг аъзолари босиб ўтилган йўлни кўздан кечириб, келажак режалини мўлжалга олиб қўйган эканлар, кимдир ўрнидан туриб, Жаводга қаради ва «бу кўрсаткич ҳали етарли эмас» деди.

Жавод блокнотини вараклаб, керакли жойини топди.

— Тўғри, ҳали етарли эмас, ҳар бир центнер пахта етиширишга ўн соат сарфладик. Юз килограмм пахта 7 сўм 30 тийинга тушди. Бу кўрсаткични яна 30 тийинга камайтириш мумкин эди, биз камайтиrolмадик.

— Ундан ҳам камайтириш мумкин, — деди ҳалиги лукма ташлаган одам, — центнернинг таннархини етти сўмга туширса бўлади.

— Албатта туширамиз..

Бригаданинг ҳамма еридан яна бир ярим центнердан пахта йигиб олишга қарор қилинди. Бу вазифа ҳам бажарилса йил охиригача ҳар центнернинг таннархи яна 30—40 тийинга арzonлашади.

Шу кундан эътиборан Жаводнинг жадвалида яна битта графа пайдо бўлди. Унга Жавод «съезддан кейинги мажбурият» деб ном қўйди.

* * *

Кураш давом этди. Йил охири яқинлашган сари Жавод Кўчиев бетоқат бўла бошлади. Чунки унинг бригадасига кўз тикканлар оз эмас. Совхоздаги мусобақадошлардан ташқари у билан чўтлашадиган, жадвал тутиб, диаграмма тузиб юрган ҳамкаслар анчагина бор. Айниқса Тюпко, Меликўзи Умрзоқов... Валентин Тюпконинг комплекс механизациялашган бригадаси ҳосилдорлик масаласида Жаводга етолмаса ҳам меҳнат иқтисоди масаласида диаграммада Жаводдан бир қарич баландга чиқиб олиши эҳтимол... Турсуной қалай одимламокда экан? Кенжавенинг хомчўтлари амалга ошдими кан?

Жавод буларнинг ҳаммасини билмоқчи ва сўнгра хўжалик йилини яқунлаб, 1961 йилги жадвалини ёпмоқчи эди. Баъзиларга хат ёзди, айримлари билан телефонда сўзлашди. Совхоз экономистлари ҳам четда турмадилар: трестлардан керакли маълумотларни тўплаб бердилар. Коғозга тушган ракамлар хилма-хил ва қарама-карши бўлса ҳам Жаводнинг жадвалига анча ўзгаришлар киритди.

Шу чоққача Совет Иттифоқида энг арzon пахта яратиб келган Жаводнинг бригадаси унинг ўз жадвалида иккинчи ўринга тушиб қолди. Валентин Тюпко биринчи ўринга чиқиб олди. Ҳар киши бошига пахта етиштиришда ҳам Тюпко баландда, ҳар бир центнер пахтанинг таннархи масаласида ҳам Тюпконики арzon.

Жавод бунинг сирини яхши билар эди. Тадаси ғалабасининг сири барча ишни қўйциялаштирганидагина эмас эди. Ҳам комплекс механизациялашмака Жаводда ҳам бор, аммо натија

— Гап машинадагина эмас, кадр..
синовчи инженерлардан бири,— машина Тюпконни...
ларидақа кадрлар қўлига тушса, булбул бўлиб сайрайди.

Тез орада Тошкентда пахтакор республикаларнинг кенгashi очилди. Кенташга Жавод Кўчиевни ҳам таклиф

қилдилар. Жавод Алишер Навоий номидаги театр биносида булиб ўтган тантаналарда, кенгашларда күп катнашган, аммо ҳеч вақт бу галгидай донгдорлар йигинини күрмаган эди. Пахта чаноғи фонтани атрофида, театр майдони ва фойеларда турли лиbosдаги таниш ва нотаниш дўстлар, ҳамкаслар қўлтиқлашиб юрибдилар, турли тилларда гурунг давом этмоқда. Жавод уларнинг кўпларини ғойибдан танийди, аммо баъзиларини эндиғина кўрмоқда, баъзиларини эса, суратидан таниб олмоқда. Жаводнинг олдига гоҳ тожик, гоҳ туркман, гоҳ озарбайжон механизаторлари келиб-кетиб турибди. Уларни қизиктирадиган нарса битта: «Жавод, қандай қилиб арzon пахта етиштирдингиз?»

Жаводнинг жавоби доим бир хил.

— Комплекс механизациянинг қудрати туфайли...

— Тажрибангизни айтиб беринг, бунинг учун нималар керак?

Жавод бундай сўроқларга ҳам қисқа-қисқа жавоб қилди.

— Тажрибани шу кенгашдан ўрганамиз. Мен ҳам ўргангани келганман...

Бу хил жавобларни унинг дўстлари Жаводнинг камтарлигидан деб фараз қилдилар. Аммо Жаводнинг бугали Тоюпконинг нутқидан кейин ойдинлашиб қолди. Ҳамма Тюпкони юракдан табриклади. Шундан кейин Жаводнинг блокнотида «Тюпко — Кўчиеев» деган сарлавҳа остида янги солиштирма жадвал пайдо бўлди. Бунда тўрт графа бор эди: Тўртталасида ҳам Тюпконинг рақамлари қуюқ рангда ёзилган. Тюпконинг ҳар бир одами 12 гектар ерни ишлайди, бир центнер пахтага 7,38 соат сарфлайди, 418 центнердан пахта олади, таннархини 6 сўм 78 тийинга туширади. Жаводнинг ҳар бир одами 7—8 гектар ерни ишлайди, центнерига 10 соат сарфлайди, 320 центнердан пахта олади, таннархда ҳам фарқ сезиларли...

Кенгаш залида ва ундан ташқарида ҳам Жаводнинг кулоғида Тюпко сўзлари янгради. Жавод келаси йил ғамидан нотинч. «Иқтисоддан иқтисод чиқади,— дейди Жавод,— иқтисод эса, куздан бошланади...».

1961.

ПАХТА ПАРВАР

Эрта тонг. Қишлоқ уйғок, дала гавжум, аммо катта йўллар жим: ҳали карвонлар қўзғалгани йўқ. Узокда бир одам қораси кўзга чалғиди: ўтиради, туради, энгашади, юради... Унинг нима қилаётгани узокдаги кўзга равшан эмас. Ниҳоят олисдаги бу гавда яқинлашди. Кордек оқ соқоли бағрини қоплаган нуроний чол йўл тинтимолда. Кўзлари теварак-атрофни тешгудай. Нимадир яркиради шекилли, у энгашди ва ердан бодом пўчоғидай нарсани авайлаб олиб, чангини пуфлаб аста кўйнига солди...

— Нима қиляпсиз, отахон?

Биз бу нуроний чолни «отахон» деб атагимиз келди. Отахон кекса кўзларини йўлдаги филдирак изларидан узиб олиб, белини ростларкан андак ажаблангандай хўмрайиб кўйди, сўнгра пилтадай ёйма қошини баланд кўтарди, кўзлари йилтиради.

— Пахта терялман!..

Ўзи мамнун, сўзи мағрур.

— Қатнов бошлангунча териб олмасам оёқости бўлади. Увол. Бир мисқоли ҳам увол!

Унинг нуроний кўзи яна тош тупроклар остини ва филдираклар изларини тинтишга тушди. Йўлга тўкилиб, ерда ёстанган ҳар бир чигитға ачиниб, манглайнинг тукидай толани териб олса ҳам олтин топган одамдай қувонаётган бу чолнинг дилидаги гапларни билгимиз келди. Лекин уни гапга солиш осон бўлмади.

Одатда кексалар яхши суҳбатдош бўладилар. Аммо бу отахон саволга ҳам йўл-йўлакай жавоб қиласади. Хаё-

ли бошқа ёқда, кўзлари четда, гапинг бўлса ёнимга туш, дегандай сиздан узоклашса узоклашадики, яқинлашмайди. Биз ҳам унинг ёнига тушдик. Кўмаклашгимиз келди, лекин уни севинтирадиган ҳисса кўшолмадик, бир тош йўл боссак ҳам сиким тўлмади. Отахоннинг дурбини борми, биз кўрмаган чигитни, кўз илғамас толани топади. Топганини авайлаб олади, чангини қоқади, кўзга суртгудай бўлади-да, кўйнига — юрагига яқин жойга яширади. Унинг ҳар бир одими, ҳар бир ҳаракати ўзига ярашади, кишида ҳавас қўзгайди.

Танаси тўрлаб кетган бақатерак тагига келганда отахон четга чикди ва чопонини ечиб, кунгай ерга тўшади. Сўнгра инқиллаб-синқиллаб юриб терган пахтасини битталаб ёйиб кўйди. Чамалаб қарасак бир килограммга ҳам етмайди... Биз унга «Чопон хирмон» деб ном кўйдик.

— Бунга қанча ҳақ оласиз?

— Пахтанинг бир грамми ҳам пахта! — деди отахон бизнинг таажжубланган кўзимизга боқиб.— Мен буни меҳнат куни оламан, деб йиғаётганим йўқ, болам, увол, деб териб оляпман...

Куз қуёши отахоннинг қалб жасоратини табриклагандай тепада қувнаб турибди. Отахон эса, унга бокаётган қуёш ҳароратини «Чопон хирмон» пахталарига бағишламоқда.

— Отахон, исмингизни билсак майлими? Қасбикорингиз нима?

Отахон ёйма қошини баланд кутариб, кўзини хиёл қисиб туриб деди:

— Қасбим пахтакор, исмимни Пахтапарвар деб атайдилар.

— Бугунги сводкадан гапирсангиз-чи болам, план тўлишига қанча копти?

— Колхозингизнинг плани тўлган-ку.

— Районимизники ҳам бут, болам. Лекин бошқа районлар қандай боряпти экан?

Юқори Чирчик кетидан Қуий Чирчик, сўнгра Пойариқ ва Оржоникидзе районлари йиллик планни бажариб, партиямизнинг XXII съездига хушхабар юборганлари суҳбатдошимизга аллақачон маълум эди. Фаллаоролликлар, хиваликлар ва жомбойликларнинг ғалабасини эшлитиб, у беҳад шодланиб кетди.

— Ҳаммадан ҳам жомбойликларга хурсандман!

— Нега?

— Неча-неча йиллардан буён таънадан чиқмас эдилар-да. Таъна тани тилкалайди. Таънадан кутулибдилар.

Худди шу куни Иштихон райони ҳам рапорт берган эди. Уларнинг аҳди қирқ беш минг тонна! Иштихонлик пахтакорлар шу кузакдаёқ етти йиллик охиридаги мўлжалга урадилар ва ундан ҳам ошиб кетадилар.

Отахон, «иш мана бундай бўлибди» дегандай бош қимирлатди ва пахтадек оқ, силлиқ соқолларини силаб олди-да, сўради:

— Областлар қалай, болам, областлар?..

Пахтакор областлар ҳам сводка жадвалида бирбирини қувалаб бормоқда эди. Самарқанднинг номи жадвалнинг тепасида турибди. Улуғ айём кунларигача йиллик планни улдалаш сари одимламоқда. Хоразмликлар эса, маррага самарқандликлардан ҳам олдин бориш учун пойга қўйдилар. Ҳадемай жадвалнинг бошига чиқиб олсалар ажаб эмас...

— Амунинг сувини тескари оқизишибди-да...— деди Пахтапарвар.

— Нега?

— Шимолий районлар пахтаси жануб пахтасидан аввал етиладиган бўлиб қолди. Бухоро билан Сурхондарёга қуёш бокмай қўйдими ёки уларнинг ўзлари қуёшга қарамай қўйдиларми?

Шу чоқ бир гала чумчук гуриллаб келиб, «Чопон хирмон»га кўнди. Пахтапарвар «кишт!» деган ҳамон чумчуқлар гуриллаб учди ва бир неча мисқол пахта толасини тўзитиб кетди. Пахтапарвар бу мисқолларни қайтариб олгунча неча марта эгилиб, букилишга мажбур бўлди.

— Халқнинг жуда азиз қўрадиган нарсалари бор, болам,— деди Пахтапарвар қўлидаги пахтасини «Чопон хирмон»га ташлар экан.— Нонни барча халқлар ҳам азиз, деб биладилар. Пахта ҳам нондек азиз ва муқаддас. Ноннинг бир увоғи ҳам ерда қолмайди-ку. Бир тола пахта ҳам худди шундай! Чунки ўзбекнинг нони, оши, усти боши ҳам пахтадан. Шу боисдан пахтанинг бир мисқоли нобуд бўлса ҳам нонтепкилиқ қилган бўламиз. Ахир пахта осонлик билан битмайди!

Ҳақ гап!

Пахта ҳам деҳқоннинг бир фарзандидай, кўз корачиғидай азиз нарса. Уни кўкартириб вояга етказгунча

дәхқон не-не машаққатлар тортмайды дейсиз. Қанчадан-канча билак күчи сарфлаб, пешана тери тұқади. Уни йиғиб олиш машаққати-чи? Пахта — меңнат меваси, пахтакор қалбининг бир бұлаги.

Пахтапарварнинг:

— Халқнинг жуда азиз күрадиган нарсалари бор, болам,— деган сўзлари қулогим остида қайта жаранглаб кетди. Чолга меҳр тұкиб тикилдім. У отамдек азиз булиб кетди менга. Ота билан хайрлашдыму, тұғри пахтазорга йўл олдим.

1961.

ОМБОРЧИ

Мен яқинда Жарқоқ-Қоровул бозор газ промисласи-
нинг бошлиғи ёш инженер Faffor Қаҳҳоров билан гап-
лашдим. Бухоро, Самарқанд ва Тошкентда ёнаётган зан-
гори оловнинг тизгини шу йигитнинг кўлида. Унинг ўзи
кўқонлик. Тошкент политехника институтини битирган-
дан бери тоғма-тоғ, чўлма-чўл юради: газ қидириш, пар-
малаш, топилган газни ишлатиш муаммолари билан
шуғулланади.

Жарқоқ газининг барча кудуқлари қулфлангач, уни
бир омбор шаклига келтирилди ва қалити Faffor Қаҳ-
ҳоровга берилди. Жарқоқда тайёрланган йигирма тўрт-
та газ кудуғидан еттитаси республикага газ бериб туриб-
ди. Ҳар бир кудуқдан Қаҳҳоровнинг амири билан кунига
уч юз эллик минг кубометр газ ўлчаб олинади. Етти ку-
дуқнинг гази ҳам эҳтиёждан ортиб қоляпти.

— «Кувурларга оқаман» деган газнинг юздан бири
ҳам ишлатилаётгани йўқ,— дейди Қаҳҳоров,— запаси
эса, триллион кубометрдан зиёд. Бу — айтмокқа осон,
холос.

Қаҳҳоров газни «келажак ёқилғиси» деб атайди.
Унинг фикрича, келажакда жамият мўл-кўлчилигига эри-
шиш учун ер юзи саноат корхоналари ва машиналар
билан қопланиши лозим. Ҳозирги тараққиёт жараёни
ана шуни тақозо қилмокда ва мақсадимиз ҳам шу. Бу-
нинг маънавий ва материал базаси мавжуд. Шунча ме-
ханизмни ҳаракатга келтирадиган энергиянинг келажак
ёнилғиси ҳам мавжуд бўлиши шарт.

Ғаффор Қаҳхоров атом зарраларидаги энергияни ва ер остидаги газни ана шундай ёнилғилардан энг муҳимлари деб билади. Эҳтимол, келажакда атом бирдан-бир асосий энергия манбай бўлиб қолар. Аммо ҳозирча тайёргина газ кўл остилизда турипти. Уни қаёқка бошласак юради, нима ишга чорласак кўнади. Нима учун газ кўмир, торф ва дарёларнинг ўрнини босиб, ГРЭС ва ГЭСларнинг хизматини ўз кўлига ололмайди? Завод, фабрикалардан тортиб, сабзавот теплицаларигача газ билан ишлаши мумкин-ку! Колаверса, кимёнинг тақдири ҳам газнинг кўлида. Шаҳарларимиз, хонадонларимизнинг бечанг, беис, бетутун бўлиши ҳам газдан-да. Демак, газ — келажак ёнилғиси ва келажак ёқилғиси! Газ саноатининг ривожланиши — коммунистик мўл-кўлчиликни таъминлайдиган омилларнинг бири, Ғаффорнинг тили билан айтганда, «энг муҳимларидан муҳими».

Ҳозирча Тошкент шаҳри Жарқоқдан тахминан олти юз минг кубометрча газ оляпти. Бу оз. Лекин келажаги зўр. Қаҳхоровнинг йигирма йил, қирқ, эллик йилларга мўлжалланган ўз ҳисоб-китоби ҳам бор. Албатта, бундай расчётлар билан давлат плани органлари шуғулланиши керак ва шуғулланмоқда. Аммо қайси бир давлат плани органи Қаҳхоровдай совет кишисига ўз юртининг яқин келажаги, ҳисоб-китоби билан шуғулланишни ман қилибди? Ахир коммунизм қуриш миллионларнинг иши-ку! Қаҳхоров ҳам коммунизм қурувчиси деб аталади-ку!

Унинг хомчўтига кўра, энергия аста-секин газ базасига ўта бориб, келажак йигирма йил ичидаги Ўзбекистон саноати ва аҳолиси истеъмол қиласидаги энергия балансининг бешдан тўрт қисмидан кўпроғини қамраб олиши керак. Эҳтимолки, бора-бора атом ўз ўрнини топгунча газ энергетика дунёсининг шаханшоҳи бўлиб қолади. Унинг келажак ёқилғиси ва ёнилғиси ҳақидаги севимли «газ поэзияси» ана шунга асосланган.

Газнинг коммунал хўжалигидаги хизматлари тўғрисида ҳам Қаҳхоровнинг ўз фалсафаси бор эди. Унинг назарида газ шаҳар хонадонларига кирса, бирданига неча-неча вазифани бажара олади. Газ — хонадоннинг уй меҳнатини иктисад қиласиди. Уй бекасини чепакда кўмир кутариб, қорайиб юришдан озод қиласиди, уйлардан танча, мангалка ва печка чиқиб кетади, эркаклар ўтина тайёрлашдан кутулади — умуман уйга барака кириб, рўзғор маданияти ошади.

Деңқоннинг уйига газ кириши қишлоқ турмушини шаҳар турмушига тенглаштириб юборадиган маданий революция ҳамдир. Буларнинг ҳамма ва ҳаммаси Қаҳжоровнинг газга бўлган ихлосини тобора ошириб, унинг бутунича шу ишга қалдан боғлаб қўйган эди.

Қаҳжоров гоҳ қазувчилар орасида қазувчи, гоҳ дизелистлар ёнида ёрдамчи, дам фонтан арматурачилари билан газ «хулқини» текширади, дам контроль ўлчов ускуналарининг қулоғини бураш билан банд. Газ режими масалалари ҳам уни тез-тез кудукдан кудукқа югуртириб туради. Унинг турмуши газ, хаёли ҳам газ.

Қаҳжоров газ саноатининг келажаги ва бу соҳадаги ўз ўрнини эслаганда ҳузур билан хаёлга чўмади. Ана шундай кезларда ҳузур-ҳаловатини йўқотиб, кеча-кундуз сахроларда юрганини унугади ва ўзининг бу ҳаётидан беҳад мамнун бўлади. Чунки у коммунизм ёнилғисида коммунистик мўл-қўлчилик қозонини қайнатаётган оловкорларнинг биридир.

1961.

МУНИСХОН

Мунисхон куздаги сафардан катта бойлик билан қайтди. Камбағалнинг қизи, пенсионернииг хотини, ипак йигириувчи оддий жувон шунча бойлики қаердан топди? Неча кундирки унинг кўли қўлига тегмайди, ишлаб чарчамайди, сўзлаб зерикмайди, чақириқдан эринмайди. Пастаккина, нозиккина бу аёлга шунча қувват қаердан келди? Лабида табассум, кўзи доим чақмоқ-чақмоқ. Унга бу шодликни ким берди? Кунлик, ойлик йилликдан нари ўтмай, станок, цех комбинатдан узоқлашмай яшаган аёл олисларни кўзлайдиган, келажакдан сўзлайдиган бўлиб қолди. Уни нима ўзгартириди?

Шу ҳақда батафсил гапириб бермоқчиман.

Мунисхон биографиясининг биринчи боби лойдан ясалган пастқам уйнинг кичкина ўчоги атрофидан бошланди. У кўз очиб, қурум босган қора мўрини кўрган. Сўнгра ўчоқда милтиллаган бир тутам аланга уни мафтун қилган. Чунки бу кулбада шу алангадан бўлак илиқлик ва ёруғлик йўқ эди. Қашшоқ косиб отанинг юзи ва кўзини ҳам бу чақалоқ шу ўчоқ атрофида кўрган эди. Отанинг ранги сарғиш, онанинг ранги гилватасимон эканлиги ҳали-ҳали унинг ёдиди. Қиз шу ўчоқ атрофида катта бўлди. Эрталабки зорора билан суюқ кўк чойдан иборат нонушта билан пиёва шўрвали кечки овқат ҳам шу ўчоқ атрофида бўларди. Кўрпалари иккита бўлгач, сандал қуриб олганлари ҳам унинг эсида турибди. Ўша йили унинг отаси шойи артелига кирган эди. Артелларнинг ёнида қирқ ҳовуз маҳалласида секин-аста оқ иморатлар қад кўтариб, косибларни ўз ёруғ хоналарига

торта бошлади. Мунисхон беш-олти ёшга кирганда унинг отаси «Марғилон ипак йигириув фабрикасининг ишчиси» деган ном эгаси эди.

Афсуски, отаси узок яшамади. Унинг умрини революциядан аввалги қашшоқлик тифи қиркиб қўйган эди. Эрининг ишини Тожи она давом эттирди. Кунларнинг бирида очарчилик киши тугаб, илик узилди кезлари бошланаётган чоғда унинг онасини бир неча рус хотинлар бошлаб кетдилар. Ўн яшар Мунисхон онасини кута-кута кўзи тўрт бўлди. Кечга яқин Тожи она ўйига шодланиб кирди.

— Очдан ўлмаймиз болам, биз энди ўз нонимизни ўзимиз топиб еймиз!

Орадан сал ўтмай, 1929 йилнинг 8 март куни Марғилон ипак фабрикасида биринчи маҳаллий хотин-қизлар бригадаси тузилди. У вақтда Марғилон хотин-қизлари паранжидан қутулмаган эдилар. Бригада иш бошлаган куни цех қозонлари олдида паранжи ва чачвонлар ғаррамланиб кетгани, кейинча парпашалар, попиклар пориллаб ёнгани, чимматларнинг қўланса ҳиди сасиб турагани ҳали-ҳали Мунисхоннинг кўз ўнгига турибди.

Кунлар ўтди. Мунисхон ҳам улғая борди. Тожи она таниғлиқ ипакчи бўлиб қолди. «Сени ҳам ипакчи қилиб қўяман» деди-да, 1934 йилнинг 8 март куни Тожи она жажжигина Мунисхонни ҳам фабрикага етаклаб кирди. Директор унга ишонмагандай суради:

- Нега келдинг?
- Ипакчи бўлгани келдим.
- Ёш экансан, эзилиб қоласан.
- Эзилмайман, суягим қотган!

Қадрлар бўлимида ҳам худди шундай мунозара бўлиб ўтди.

— Мен ипак йигириувчи бўлмоқчиман,— деди пастакчуваккина қиз.

Қадр танловчилар унинг бошидан оёғигача карадилар-да, менсимагандай юзларини ўгирдилар.

— Моталчилик осон иш эмас, эплай олмайсан.
— Эплайман,— деди қиз.
— Саккиз соат тик туришға оёғинг чидайдими? Тўксон градус қайноқ сувга бу қўлларинг куймайдими?

— Оёкларим ўрганиб қўлларим пишиб қолган,— деди ва оқ ем бўлган қўлларини кўрсатди.— Мана, кўринглар...

Мунисхоннинг моталчилар олдига ёшликтан қатнашини, бу ҳунарни аллақағон ўрганиб олганини биладиган гувоҳлар ҳам топилди. Уларнинг тавсияси билан ўн беш яшар Мунисхон моталчиликка қабул қилинадиган бўлди. Аммо директор буйруққа қўл қўймай туриб олди.

Марғилон қадимдан ипак шаҳри бўлса ҳам унинг кустар ипакчилик саноатида эркаклар ишлар эди. Ипаклар куча дараҳтларига тортилиб, шойи примитив оёқ дўконларида тўкиларди. Шойи ва атлас тўкиш хотин кишининг касби эмас эди. Шу сабабдан комбинат ишга тушган йили қадимдан ипак давлати ҳисобланган Марғилондан шойидўз хотин-қиз мастерлар топилмади. Марғилон комбинатининг биринчи ипаги ва дастлабки шойиси рус аёл мастерлари Надежда Нестерова, Мария Косорева, Ольга Ивановалар кўлидан чиқди. Улар биринчи сменада дастгоҳда ишласалар, иккинчи, баъзан учинчи сменаларда кадр тайёрлаш билан шуғулланадилар. Тожи онани фабрикага бошлаб кетган кишилар ҳам шулар эди.

Мунисхоннинг кўмакчилари ҳам шулар.

— Үқиши нима бўлади? — деди директор уларга.

— Үқиши ҳам ташламайман! — деди Мунисхон.

Қаёқда! Ҳам үқиши ҳам дастгоҳга кўчди. Шогирдлик таълими уни комбинат ФЗУси партасига олиб келди. Икки йиллик таълимдан сўнг, унга мотал қозонларини топшибирб кўйдилар.

Моталчилик осон иш эмас. Бу ишда сезгирилик, чақонлик, пишиқлик ва чидамлилик керақ. Мунисхонда шу хислатларнинг ҳаммаси мавжуд экан, у тезгина илғор ипакчилар қаторига кўшилиб олди. Қирқ ҳовуздаги ипакчилик фабрикаси тобора кенгайиб, Марғилон ипак комбинатига айланди. Комбинатга ишчилар керак, аммо тайёр ишчи қаёқда. Кекса ва тажрибали ипакчилар «кўп қозончилар», «кўп дастгоҳчилар» ҳаракатини бошлаб бердилар. Мунисхон ҳам уларнинг кўлтиғига кириб кўп қозонда пилла пиширадиган, сўнгра, кўп запалчининг ипагини йигирадиган бўлди.

Унинг ўша вактга хос биографиясида жуда муҳим воқеа иш сифати учун кураш бошлагани эди. Фарона водийсида етиширилган пилла мамлакатда энг яхши сорт пилла ҳисобланса ҳам ундан яхши ипак кам олинар

эди. Шу сабабдан биринчи сортли ипак нормаси ўттиз беш процент микдорида белгиланди. Аммо шу норма ҳам ойдан ойга бажарилмай қолар эди. Мунисхон пилла пиширишда чалкашлик бор эканини аниқлади. Ҳамма гап қозонга пиллани оби-тобида, оз ва кўп солишда экан. «Оз солсанг ҳам ютқизасан, кўп солсанг ҳам,— дер эди жажжигина ипакчи.— Қозондан тез олсанг ҳам зарар, кеч олсанг ҳам. Ипакка ипакдек муомала даркор».

Синокда бўлиб олиш учун бир неча кун керак бўлди. Расамади билан пилла олиш ва қозонга солишга қўлни ургатиш учун эса ундан кўпроқ вақт кетди. Охири унинг становидан чиқадиган ипак нормадагидан пастга тушмади, баъзан қирқ процент атрофида юрди. Шу орада бошка илғор ипакчиларнинг сифат кўрсаткичлари барометри ҳам тобора юқорилай бошлади. Ана шундан кейин бутун комбинатда пилладан олинадиган биринчи сорт ипак нормаси анча юқори қилиб белгиланди ва комбинат ҳозиргача шу нормада ишламоқда. Партия сафига ўтиш орзуси унда ана шу кезларда пайдо бўлди. Фабрика партия бюросининг секретари унинг оғзини пойлаб тургандай «сени жонимиз билан ўз сафимиизга оламиз!» деди. Унинг ўзи етилиб қолганиданми ёки партия аъзосининг бурчи унинг онгини оширдими, Мунисхоннинг ғайратига ғайрат қўшилди, унинг кичкина қалбига бовар келмайдиган даражада куч пайдо бўлди. Партиявий топширикларни унинг ўзи сўраб оладиган, ишни ўзи кидириб топдиган бўлди.

Мунисхонлар яшайдиган маҳалла Марғилоннинг кошиблари, эски вақтнинг майда буржуазияси яшайдиган шароитга мос бир дунё эди. Бу маҳалланинг хотин-қизлари Шарқ хотин-қизларининг азалий тақдирига хос турмуш кечирап эдилар. Эркаклар топиб келган бир бурда ноннинг қули, тўрт деворнинг асири эдилар. «Хотинларнинг ишлаб топгани харом», дер эди эркаклар ҳам. «Бу — бидъатнинг ифвоси!» деди Мунисхон. Унга дарҳол ишона қолмадилар. Мунисхоннинг ўзи ҳам ҳали ишонтириш кудратига ва санъатига эга эмас эди. Лекин у, ярим йўлдан кайтмади. Маҳаллада уйма-уй юриш, хотинлар ҳукукини тушунтиришдан чарчамади. Унинг назарида бу бирёқлама ташвиқот эди. «Ҳукукини танигани билан уни иқтисодий жиҳатдан ҳам мустаҳкамлаб олмаганидан кейин бекор-да», деган холосага келди. У яна уйма-уй, тўйма-тўй юрди. Қаердаки икки хотиннинг боши бирик-

са «ишга кириңлар!» деди, баъзиларининг қулидан етаклади.

Асрлар давомида ўрнашган одат девори бир-икки хотиннинг зўри билан қулаб тушармиди. «Хотинларни етаклагунча эрларни кўндиринг», дедилар унга. Мунисхон ишламоқчи бўлган ҳар бир аёлни эркаклар чангалидан юлиб олгандай қилиб, ўз ипакчилари қаторига торта бошлади. Низомий маҳалласининг деярли ҳамма хўжалигидаги ишга яроқли аёллар кунига гудок билан уйғониб, гудок билан уйга қайтадиган бўлди.

Маҳаллада унинг овозига очилмаган дарвоза ҳам кўп эди. Ундан юз ўгирадиган ҳам оз эмас, ундан қочадиган хотинлар ҳам йўқ эмас эди. «Сенга нима, тинч юрсанг бўлмайдими», деганлар ҳам бўлди. Лекин, коммунистнинг чекиниши, катта бир социал ишнинг барбод бўлиши эканини Мунисхон яхши биларди. Аммо бу иш ёлғиз унинг кўидан келмаслигига ҳам кўзи етарди. Шу сабабдан у, фабрикадаги ўз дугоналари, опа-сингилларини ёрдамга чақиргиси келди.

Комбинатнинг энг мўътабар аёлларидан Иnobахтон Акрамова ёрдам қилмаса унга ким ёрдам берсин. «Инобатхон ипакчи» бу соҳада анча тажриба ортирган аёл бўлгани учун уларнинг иши тезда юришиб кетди. Фабрикага жалб қилинган янги хотин-қизларни улар ишга бирга олиб бориб, ишдан бирга келтириб қўядиган бўлдилар.

Кейин-кейин маҳалладан бирданига ўн-ун беш аёл қўлтиқлашиб, баъзан кўчани тўлдириб қўшиқ айтиб борадиган бўлди. Бора-бора маҳалла кўчасида паранжи ҳам кўринмай қолди.

Маҳалланинг саводсиз, чаласавод хотин-қизларини техникага ўргатиш, уларнинг малакасини ошириш осонми? Бу соҳада ҳам Йнобатхонлар, Мунисхонларнинг кўмаги керак эди. Уларга эргашиб фабрикага келган хотин-қизлар ҳам «ўз опалари»нинг биқинидан чиқмас эди. Шундан кейин комбинатда «ким қанча хотин-қиз шогирд тайёрлайди?», деган ҳаракат бошланди. Ҳар бир мутахассис холи-бакудрат мажбурият олди. Цех ва фабрика партия бюроларида бу ҳаракат иштирокчилариша шахсий варака очиб қўйдилар. Коммунист Йнобатхон билан Мунисхоннинг шогирдлари ҳам шогирд тайёрлайдиган булиб колдилар. Шундай қилиб, комбинатнинг йигитлари Улуг Ватан уруши фронтларига жунаган кезларда ком-

бинат ишчи кучига зориқмади. Тажрибали ипакчилар, шойи тўкувчиларнинг ўрнини тўрт деворни ёриб чиқкан ўзбек хотинлари эгалладилар. Иш ҳам орқага кетмади, сифат ҳам бузилгани йўқ.

Ўша йили Мунисхонни партия бюросига аъзо қилиб сайладилар. Кейин комбинат партия комитетига, кейин шаҳар партия комитетига...

Шундан кейин хотин-қизларнинг ўзи уни қидирадиган бўлди. Бу учрашувларда хотин-қиз активистларга янги янги ҳаёт проблемалари кўндаланг бўла бошлади. Паранжи-чачвондан кутулган баъзи аёлларнинг бошига чойшаб ёпилди, кейинча чойшаб ўрнини тешик дастурхон эгаллади. Неча-неча мажлис, якка-якка суҳбатлар оқибатида бу ҳам бартараф бўлди, аммо одамлардаги рашк зангини ювиб ташлаш Мунисхонларнинг кўлидан келмади. Шу қолдик туфайли икки хотин эри билан кўйдичиқди бўлди. Уларни яраштиргунча фабрика колективи озмунча вакт сарф килдими? Мунисхонларнинг таклифи билан бу икки хотиннинг эрлари ҳам фабрика қучоfigа олинди. Эр-хотинлар ёнма-ён ишлайдиган бўлдилар.

Лекин бу ҳам муаммо тугунини ечмади. Хотинлар бир болалик бўлишлари билан уйда ўтириб қолдилар. Мунисхонлар олиб келган хотинлар аста-секин уй бекаси бўлишга қайта бошладилар. Комбинатда болалик хотинлар кўп эди. Уларни пилла қозонлари ёнига, ипак дастгоҳлари ва тўқиш станокларига қайтариш учун болалар ясли ва боғчалари етарли эмас. Орадан бир йил ўтмай ясли-боғчада ўринлар кўпайди, аммо ўзбек оналар ҳамон уйларида бешик атрофида, беланчак ёнида қолавердилар. Маҳалла хотинларини цехларга тортиш қанчалик кийин бўлса, уларнинг болаларини ясли ва боғчаларга ўргатиш шунчалик мураккаб эди. Ўзбекларда ясли билан боғчада бола тарбиялаш одати йўқ эди. Шу сабабдан бу янги одатга кўникиш анча вактни талаб килди. Ота-оналар ясли билан боғчанинг мазасига тушунган кезларда яна янги муаммо кўндаланг бўлди, ўрин етишмай қолди.

Бу масала шу қадар чигаллашиб кетдики, уни ҳал килиш Мунисхоннинг кўлидан келмай қолди. Яна Иnobatxon Акрамовага мурожаат килишга тўғри келди.

СССР Олий Советининг депутати ипакчи Акрамова отпуска олиб, курортга кетаётган эди. Комбинат хотинларнинг бу талабини эшитгач, курортга эмас, тўппа-

тұғри Москвага йүл олди. Москвада уни ҳеч ким кутмаган әди. СССР Олий Совети Президиуми маҳкамасыда дафъатан ундан «путёвка керакми? Қаерга? Қачонга?» деб сұрадылар.

— Михаил Иванович отани күргани, келдим,— деди Акрамова.

Уни Михаил Ивановичнинг ўзи кабинетга бошлаб кириб кетди.

— Хуш келибсиз Инобатхон Акрамова, хуш келибсиз!— деди Михаил Иванович ўзига хос оталарча меҳрибонлик билан. Қалай, сизни моталчи деб эшитардим, қўлингиз қайнок сувда куймайдими? Соғлиғингиз қалай? Отпускага бораётган бўлсангиз керак?

— Отпускадаман,— деди Инобатхон.

— Жуда соз, жуда соз. Қайси курортни хоҳлайсиз? Неча путёвка берайлик?

— Курортни истамайман. Илтифотингиз учун раҳмат. Менинг бошқа илтимосларим бор.

— Қандай, масалан? Қулоғим сизда.

— Ёғоч сўраб келдим... Тиш ковлагудай ҳам ёғочимиз йўқ.

Михаил Иванович кулди.

— Ёғочни нима қиласиз?

— Ясли билан боғча курамиз, болаларимизга қарайдиган одамлар йўқ.

Михаил Иванович унинг елкасига қоқиб қўйди.

— Баракалло қизим, сизни билиб Олий Советга сайлашган эканлар. Ясли билан боғчани ўзимиз курдириб берамиз. Москвани томоша қилинг, сунгра Боровихада дам олиб келинг.

— Ёғоч бермагунингизча томоша татийдими?

Михаил Иванович Давлат планига, министрликларга телефон қока бошлади...

— Кўпроқ бўлсин,— деди Инобатхон отахонга яқинлашиб,— уй-жой ҳам курамиз, шерикларим мачитда ётиби.

Шу куни унинг қўлига ўн беш вагон ёғочга наряд келтириб бердилар.

— Ёғочнинг ўзи боради, энди сиз Боровихага жўнанг,— деди оқсоқол Калинин.

Инобатхон яна кўнмади:

— Ёғочни юклатиб устига ўзим ўтириб кетаман,

эндигина фабрикага ўрганган хотинлар уйда қолиб кетишиади.

Михаил Иванович уни ёнига ўтқизиб олиб комбинат хотин-қизларининг иш шароити билан қизиқди. Ўша суҳбатнинг тафсилоти ҳали-ҳали унинг ёдида.

— Марғилонлик хотинлар комбинатга нимада қатнайдилар? — деб сўради Михаил Иванович.

— Пиёда... — деб жавоб қилди Инобат.

Михаил Ивановичнинг қули яна телефонга югурди. Шундан кейин ёғоч ортган вагонлар ёнига учта кўк автобус билан бешта грузовик қўшилди.

— Клубларингиз борми?

— Йўқ. Кинони ҳам мачитда кўрамиз...

Шундан кейин Марғилонга ярим миллион сўм берилиши ҳакида ҳукуматнинг қарори чиқди.

Инобатхон «катта улжалар билан кетяпман» деб юртига телеграмма юборди. Барча дугоналар, танишибилиш, ҳатто нотаниш хотин-қизлар ҳам уни кутгани чиқдилар.

Марғилон ипакчиларининг маданий-маиший қурилишларининг йилномаси ана шу кезлардан бошланди. Ипакчилар, шаҳарчасида пайдо бўлган клуб, кутубхона, болалар муассасаларини хотин-қизлар ўзлари бошқарадиган бўлдилар. Орадан сал ўтмай ипакчи қизлар делегацияси яна партбюорога келиб, Мунисхонга учрадилар.

— Тўй қилмоқчимиз...

— Кутлайман, кутлайман, — деди Мунисхон. — Тўйлар бўлаверсин!

— Тўйни қаерда ўтказамизу, келин-куёв қаерда яшайди?

Комбинат кенгаймокда. Уй-жой фонди ҳам ўсмокда. Лекин тобора кўпайиб бораётган ишчиларни таъминлаш кийинлашмокда эди. Дирекцияга мурожаат қилган билан бефойда: «Навбатга туринг», дейди. Тўйларни ҳадеб навбатга қўяверишга ёшларда тоқат йўқ.

Мунисхон уларни яна Ибодатхон ҳузурига бошлаб келди. Комбинатнинг хотин-қиз ташаббускорлари СССР Госплани раиси ўртоқ Коғигинга учраб эллик олти фин уйи ундириб олдилар. Фин уйидан яралган кварталга асосан янги уйланган ёш оиласлар кўчиб кирдилар. «Шундан кейин комбинатда уйланувчилар кўпайиб кетди» деб ҳазил қилди Мунисхон.

Хотин-қизлар ишлаб чиқаришдагина эмас, жамият

ҳаётида ҳам катта күч экани энди Марғилонда ҳеч кимга сир эмас эди. Эндиликда хотин-қизларга «ҳукуқингни таниб ол» деб ташвиқот қилишга ўрин қолмади, балки улардан «жамият олдидаги бурчингни қандай бажаряпсан?» деб сўрашга навбат келди. Мунисхон ўзининг коммунист сифатидаги фаолиятининг иккинчи даврини ана шу масалага бағишилади.

— Одамнинг ҳурмати меҳнатдан,— деди у ипакчи хотинлар билан ўтказган навбатдаги суҳбатида.— Одамни меҳнат яратди, одам ўз бахтини ҳам меҳнат билан яратади. Меҳнатда ҳам меҳнат бор. Шунчаки кун ўтсин учун ишлаш билан одамлик бурчини бажариб бўлмайди. Ўрнак булиб яшаш учун ўрнак кўрсатиб ишлаш керак. Кимки ўрнак кўрсатиб ишлаш ва ўрнак булиб яшашни истаса рўйхатга ёзилсин.

Аста-секин катта бир рўйхат пайдо бўлди. Ипак фабрикасида биринчи бўлиб хотин-қизлардан коммунистик меҳнат бригадаси тузилди...

Шу орада партиямизнинг XXII съездини чакириш тўғрисида хуш хабар келиб қолди. Ҳамма съездга муносаб совға тайёрлаш ўтида ёнди. Бу ўт алангасида Марғилон ипак комбинатида ҳам янги типдаги социалистик мусобака ҳаракати бошланиб кетди.

— Ҳар бир қозонда кўп ва соз пилла пишириш учун курашамиз!

Мунисхон моталчилари ўзларининг бу аҳдини бекамиқуст бажара бошладилар. Эртасига ипак йигирувчиларнинг серияларида алвонлар пайдо бўлди. Унда қуйидаги сўзлар ёзилган эди:

— Ҳар бир дастгоҳдан нормадан камида ўн процентдан 1-сорт маҳсулот берамиз!

Бу ерда ҳам ташаббускор хотин-қизлар отилиб чиқдилар. Ваъда алвонининг ёнида мажбурият натижалари жадвали пайдо бўлди. Қайси станок нормадан ташқари қанча процентдан аъло сортли маҳсулот бераётгани ёзиб борилди. Станоклар, йигирувчиларнинг номлари ҳар куни ҳар жойда пайдо бўлар, гоҳ баландда кўриниб, гоҳ пастга тушиб қолар эди. Аммо коммунист Мунисхон Тешабоеванинг номи бу жадвалда ҳам мустаҳкам ўрнини топиб олди: унинг станок номери энг тепа жадвалдан пастламади.

Бу ҳаракат шойи тўкувчилар орасида ҳам кенг ёйи-либ кетган эди. Ташаббусни тўкувчи Татьяна Иванова

бошлаб берди. У, уч станокда ишлар эди. Татьяна мусобақага күшилган куни биринчи станокдан икки нормадан ортиқча икки метр, иккінчи станокда уч метр, учинчи станокда чоракам беш метр крепдешин тұқиди. Борабора унинг күрсаткичлари ортиб, съездолди кунлари үрта ҳисобда ҳар станокдан беш метрдан ортиқча крепдешин түкій бошлади. Үнга уч бригада тұкувчилари Валентина Сергеева, Мария Загребальная уртоклар эргашдилар. Улар бир хил машина — ускуналарда, бошқа-бошқа сменаларда ишлаб, ажойиб ватанпарварлық ташаббусини бошладилар. Тұкувчилар станокларга тұғри маршрут бүйіча хизмат қилиш, ишлаб чиқариш операцияларини бажаришда рационал приёмларни құллаш, станокларни яхши ва озода тутиш орқали учала сменада ҳар бир станокдан нормадан ташқари газлама олмокдалар.

Мана, тұқувлар учун одатдаги иш кунларидан бири — 11 январь. Шу куни Мария Загребельная эрталабки сменада ишлаб, битта станокда 17,4, иккінчисида 19, учинчисида эса йигирма метр крепдешин тұқиди. Валентина Сергеевна ҳар станокда 17,7, 19,6 ва 18,6 метр, учинчи сменада Татьяна Иванова эса 19,3, 20,7 ва 19,4 метр газлама тұқиди. Нормада ҳар бир станокдан сменада 15,05 метр газлама олиш белгиланған.

Кейинги кунда, 12 январда Татьяна Иванова рекордлик ишлабчиқаришга еришdi: у ҳар бир станокдан 19,4, 20 ва 20,7 метр газлама олиб, сменада нормадан ташқари деярли 15 метр крепдешин ишлаб чиқарди.

Тұкувчилар кисқартирилған иш кунига үтгандан кейин үз ишларини шундай ташкил қылдиларки, бу етти соатда 8 соатга мұлжалланған даражадан анча ортиқ газлама ишлаб чиқарышга ёрдам бермокда.

Бу ҳаракат иштирокчиларининг иши комбинат партия комитетида муҳоммада қилингач, илфор коммунист ипакчилар ва тұқувларнинг бу ҳаракати бутун комбинат коллективининг жонажон ишига айланиб, етти соатлик ишни олти соатда бажариш ва охирги бир соатлик иш куніда нормадан ортиқча маҳсулот ишлаб чиқариш учун кураш қизиди. Ҳар куни, ҳар сменанинг еттинчи соатида ишланған маҳсулот XXII съезд фонди омборига ғараланаверди. Натижада, комбинат маҳсулот ишлаб чиқариш бүйіча үз зымасига олған йиллик мажбуриятини олти ойда бажариб күйди.

Шу даврда комбинатда коммунистик меҳнат зарбдорлари номи учун курашаётган ипакчиларнинг отряди олти минг кишига етди. Мунисхон Тешабоевани партиямизнинг шонли XXII съездига делегат қилиб юборган кишилар ана шу ипакчилар.

Мунисхон узоқ ва шарафли сафар тараддусида эди. Тожи она уни ёнига ўтқизди-да:

— Йўлга чиқсанг ёриқ юлдузларни кўзлаб чиқ,— деди.— Баландда ярқираган юлдузларга бок. Негаки, паstdаги чироқ қанчалик ёруғ бўлмасин, нурини ўз атрофигагина тўқади...

Йўл тараддуси битгунча ҳам, сафар давомида ҳам, манзилга етган кезларда ҳам Тожи она айтган ёруғ юлдузлар Мунисхон кўз ўнгидаги эди. Қотмагина Мунисхон хаёлан ва фикран она накази таъсирида яшади. Қани ўша юлдузлар?

У одимламоқда — кўзига фақат Кремль юлдузлари кўринади. У, саройнинг силлиқ, қора тошларини тақиллатиб ўтмоқда — унга одамларнинг кўкракларидағи юлдузлари кулиб боқаётир. У съездлар залида. Кўзи атрофда. Зал лиммо-лим. Балконларда ҳам чақнаган кўзлар прожектори ёнади. Президиумда кулаётган қорачиғлар ҳам Мунисхонга қараб учқунламоқда. Минбарда сўзлаб тез-тез алмашаётганларни айтмайсизми!

Тожи она айтган юлдузлар шулар эмасми?

— Юлдуз эмас, мисоли қуёш! — деди ўзига-ӯзи Мунисхон.— Йигирма иккинчи съезд нури қайси қуёш нуридан кам?!

Мунисхон ана шундай хulosса билан юлдуздай чараклаб, қуёшдай порлаб юртига қайти. Марғилонликлар уни, партиямиз тарихий XXII съездининг делегати Мунисхон Тешабоевани қандай қайноқ кузатган бўлсалар шундай қайноқ, оташдай жозиба билан кутиб олдилар. Айниқса ипакчилар, айниқса хотин-қизлар...

Ахир, у ўз ҳамкасларига, дугоналарига катта совға олиб келмокда...

Очилган совға чамадони ҳали ёпилгани йўқ.

Мунисхон съезддан қайтиб келгач, ҳаммадан аввал уни мухбирлар ўраб олдилар. Кимdir, область ёки шаҳар газетасининг мухбирларидан бири, шошилиб қолганиданми ёки съезд делегатининг режаларини билиб олишга ошиққаниданми тўмтоқрок вазнда «энди нима қилмоқчисиз?» деб суради.

— Ўз ишимни давом эттираман,— деди Мунисхон,— сўнгра ҳал қилинмаган ишларимизни бартараф қилишда партия ташкилотига ёрдам бераман.

Албатта тарихий съезд делегати келгандан кейин уни тинч қўярмидилар. Учрашувлар кетидан учрашувлар, митинг ва мажлислар, хонаки ва колектив суҳбатлар, савол-жавоблар бўлиб турди. Мунисхон бундай хизматдан зерикмади, чақирган жойдан қолмади, чақирмаган жойларга ўзи борди.

Ҳаммадан аввал у билан дугоналар учрашдилар. Унинг дугоналари, комбинатнинг жонажон колективи Мунисхоннинг эсидан чиқмайдиган иш қилган эдилар. Мунисхон съезд залида ўтириб, делегатлар билан бирга коммунизм куриш программасини муҳокама қилаётган кезда унинг дугоналаридан уст-устига телеграммалар кела бошлади.

— Моталчилар съезд шарафига олган социалистик мажбуриятни бажардилар.

— Ипак йигирувчилар ўз аҳдларини шараф билан бажарганикларини сен, делегатимизга кувониб хабар қиласмиш.

— Шойи тўқувчилар яна икки миллион етти юз минг сўмлик маҳсулот ишлаб чиқардилар. Съезд делегатлари га алангали салом!

Мунисхон залда, фойеда, меҳмонхонада ва йўлда, қаерда бўлмасин, ким билан учрашмасин шу хушхабарларни мароқланиб айтиб юрди. Съезднинг бошка делегатларига худди шу хилда телеграммалар келиб туради. Тез орада ҳамма ўз хурсандчилигини бир-бирла-ри билан баҳам курадиган бўлди. Съезд қизғин иш олиб бораётган кезда Мунисхоннинг бошини осмонга етказадиган воқеа юз берди. Раислик қилувчи Марғилон ипакчиларининг партия XXII съездига юборган ғалаба рапортини ўқиб берди. Қарсаклар янграб кетди. Гўё ҳамма Мунисхонга қарагандай, ҳамма қарсак атайлаб унинг кулоги тагида чалинаётгандай. Унинг кўзлари чакнаб, қорачиғлари остидан кувонч ёши бўртиб чиқди.

Уша дугоналар ўзлари учирма қилган съезд делегатининг қайтиб келишига яна янги рапорт тайёрлаб қўйдилар. Комбинат ўн бир ойлик программани муддатидан олдин бажарди. Цехларда нормадан ортиқ маҳсулот фарамланмоқда.

Икки минг жуфт кувноқ кўз Мунисхоннинг оғзига

қараб турибди. Аввалига у, гүё бу ерга тўсатдан кириб қолган қизчадай уялиб, қизариб, оғиз очолмай турди. Кейин ўзини кўлга олиб: «Уртоқлар» деди... сўзни бошлаб олгунча экан, бир оздан кейин сўз қаёқдан ёғилиб келаётганига унинг ўзи ҳам ҳайрон. Ёзиб олган «нутқ» варақларини нарига суриб кўйди. Съезддан аввал ўз дугоналари билан қайси тилда, қандай гаплашган бўлса, ўша маром билан шошилмай, аста ва салмоқ билан ҳикоя бошлади.

— Сўзимнинг бошида айтиб қўяй: Коммунизмни сизларга бир ёқлама тушунтириб юрган эканмиз. Коммунизм мисоли бир жаннат, кимки унга етиб олса жаннатда яшайди, деган эканмиз. Бу бир ёқлама гап экан. Съезд кўзимизни очиб қўйди. Коммунизм одамга нима беришини айтардик-ку, ҳар бир одам коммунизмга нима беришини айтмас эди. Роҳатнинг калити меҳнат. Кимки ўрнак бўлиб меҳнат қиласа, роҳат тополмайди. Ҳар ким ўз улушкини белгилаб олсин.

Хотинлар орасида ғала-ғовур бошланди. Лекин уларнинг нималар ҳақида гапираётгани Мунисхонга қоронғи. Мунисхон бир оз эсанкираб қолди. Хато гапириб қўймадимикин? Адашиб кетмадимикин? Бу хотинларга гапнинг нимаси ёқмади экан? Мунисхон тўхталиб қолди. Ғала-ғовур жимиди. Яна ўша икки минг жуфт қувноқ кўз унинг оғзига қадалиб қолди. Мунисхон сўзни қандай бошлаган бўлса, шундай давом эттириди ва ўзини босиб олгач, ҳамманинг кўзига баробар карагандай деди:

— Съезд ҳаммамизни коммунизм ғалабаси учун янада яхшироқ ишлашга чақириди. Биз бу чақириққа жавоб бергани тўпландик. Қани, ким «лаббай!» дейди?..

Одамлар бир-бирларига қараб олишга улгурмай, Мўътабар Ҳамирова минбарга чиқиб олди. Коммунистик меҳнат бригадасига бошчилик қилаётган бу қиз «мана бизлар лаббай, деймиз-да!» деди. Унинг бригадаси кунига пландан ташқари тўрт юз-беш юз граммдан ипак беряпти. Съезд шарафи фондига йиғилган ипак икки тоннадан ошди.

Мажлис раиси, сизлар нима дейсизлар дегандай яна кимдир пиллакашларга қараган эди, уларнинг вакили Ноила Обидова «ўз фикримизни қофозга ёзиб берамиз!» деди.

Учрашувнинг эртасига биринчи мотал цехи ўн иккичи сериясининг иккинчи сменасидан Мунисхонга таклиф-

нома келди. «Яна учрашувгами? Ҳамма нарсаны кече гаплашиб олган эдик-ку», деб ўйлади Мунисхон. Ахир унинг ўзи ҳам станокда, унинг ҳам нормаси, зиммага олган қўшимча мажбурияти бор. Ахир у етти йилликнинг тўртинчи йилига белгиланган ўз нормасини биринчи августгача бажаришга, декабрга бориб бешинчи йил мўлжалини ҳам уринлаб қўйишга ваъда бериб қўйган-ку!

— Смена алманиш вақтида борсам ҳам майлими?— деди Мунисхон улардан ижозат сўраб.

— Майли.

Ўз ишини тугатиб, чамалаб қараса унинг бугунги иши ярим кунликдан ошмабди. Оз. Жуда оз! Ахир ваъдани ўринлаш учун ҳар сменада икки кунлик ишни бажариш керак. Бу аҳволда қачон тонг отади?

Мунисхон юрагида ғаши билан ўн иккинчи серияга келди. Юзи ҷарчоқ, кўзи ҳорғин. Лекин серия ёшларининг ишини қўриб унинг ҳорғинлиги ҳавога учди.

— Кечаги гапингиз бизга жуда маъқул тушди,— деди Люба Фоменко, комсомолка, моталчи қиз ва қўзларини ўйнатиб съезд делегатининг жавобини кутди.

— Қайси гап?— деб сўради Мунисхон.— Қеча анча гаплар гапирилган эди шекилли.

— Кодекс ҳақидагисини айтяпман,— деди Люба чуғдай ёниб.— Коммунизм қурувчилариниг маънавий кодекси ҳақидаги гап-чи, ўшани айтяпман. Биз кодекс бўйича яшаб ва ишламоқчимиз.

Мунисхоннинг юзидағи майдаги тиришлар ёзилиб кетди, кўзи ярқиради.

— Яхши ўйлабсизлар. Менга қандай хизмат бор?

— Шу ғояни маъқулласангиз бас, деди Ноила Обидова.— Колганини ўзимиз гаплашамиз, йиғинда иштирок этсангиз бошимиз осмонга етади.

Бу кизнинг кечаги гапи Мунисхоннинг эсида эди. «Лаббай сўзини қофозга ёзиб бермоқчи бўлган қиз ўз мажлисида нималар дер экан?»

— Жоним билан иштирок этаман,— деди Мунисхон.

Обидова билан Люба сериялар томонга қараб сигнал берди. Икки серия станоклари қатори орасидаги узун йўлакча бир зумда одамга тўлди. Таниш ёшлар.

— Шу кундан эътиборан коммунизм қурувчиларининг маънавий кодекси бўйича яшаб ва ишламоқчимиз — деди Люба.— Бизга қўшиладиган кишилар қўлларини кўтарсин.

Ўртада Мухтор Каримов пайдо бўлди. Цех комсомол ташкилотининг секретари икки қизнинг ташаббусини қизғин қувватлади.

— Коммунистик партия ҳозирги авлодни, сиз билан бизни коммунизмда яшайди, деб тантанали эълон қилди. Коммунизм даврида яшашга тайёрмизми, йўқми? Тайёр бўлсақ, коммунистик меҳнат қиласайлик. Тайёр бўлмасак ўйлаб, чамалаб кўрайлик. Менингча ҳали биз бу даражага етганимиз йўқ. Шу сабабдан бугундан эътиборан партия чизиб берган кодекс асосида яшашга ва ишлашга ўрганайлик. Ахир коммунизмни бизга ҳеч ким куриб бермайди, уни ўзимиз курамиз!

Ёшлар бирин-кетин ўртага чиқа бошладилар. Баъзиларн турган жойида, ҳатто ишлаб турган станоги ёнидан туриб ўз фикрларини айта бошлади. Л. Фоменко билан Н. Обидова таклифларни ёзиб турди. Мунисхон ҳам ҳар бир таклифни бош қимирлатиб маъқуллаб турди. Чунки бу оддий таклифларда йигирма иккинчи съезд қўйган ҳамма нарса, программада чизилган барча ахлоқ нормалари ўз ифодасини топаётгандай эди. «Одамларимиз нақадар ўсиб кетибдилар, онгимиз шу қадар юқорилаб қолибди» деб ўйларди қувонган Мунисхон.

Таклифлар давом этди. Икки қиз ёзиб улгурмаяпти.

— Бизларни бундан бўён кодексчилар, деб атанглар,— деди Рўзихон Абдуллаева.

Мунисхон бу қизни жуда яхши танир эди. У комбинатга яқинда келган. Ота-онаси колхозчи. Унинг ўзи ҳам яқиндагина колхозда етти йиллик мактабни битирган. Унинг дугоналари ҳали ҳам колхозда. Ана шу собиқ колхозчи қизнинг таклифи билан ўн иккинчи серия колективи «кодексчилар» деган ном олди.

«Кодексчилар»нинг ҳаммаси ўттиз олти киши. Партия аъзолигига кандидат бир киши, комсомол аъзоси — йигирма тўққиз киши. Комсомолда бўлмаган ёшлардан тўрт киши. Хотин-қизлар — йигирма олти киши. Йигитлар — ўн киши...

Ташкилий йиғилишда шу ўттиз олти кишининг ҳаммаси гапирди. Ўз оғзи билан «ёзиламан» демаган ва «кодексчиларнинг аҳди» га юракдан чиқариб таклиф қўшмаган киши қаторга олинмади. Таклифлар шу қадар кўп, ҳатто қарама-карши фикрлар билан чалкашиб кетган эдики, уни шу ҳолича бирорга кўрсатишни уят, деб билдилар.

Обидова құлидаги қалинлаб кетган таклиф қофозни күрсатиб деди:

— «Кодексчилар»нинг советини сайлайлик, бу таклифларни шу совет қараб чиқсан.

Мухтор Қаримов, Люба Фоменко, Ноила Обидовалардан иборат совет тузилди. Үнга «Коммунизм қурувчила-рининг ахлоқ кодекси бүйича яшайдиганларнинг совети» деб ном күйдилар.

Ҳамма тарқалиб кетса ҳам совет аъзолари цехда колдилар. Съезд делегати ҳам уларнинг ишидан четда турмади. Ёшларнинг таклифларига асосланган кодекс қоидаларига мосланган «Кичик устав» ишлаб чиқилди.

«Кодексчилар устави» деб ном олган бу ҳужжатга ўттиз олти йигит-қизнинг ҳаммаси құл күйди. Үни картонларга ёзиб, цех деворларига ёпиштириб, сериялар стунларига илиб күйдилар. Комбинатда чиқадиган «Со-ветский шёлк» күп тиражли газетаси ҳам уни босиб чиқарди.

«Партиямизнинг йигирма иккинчи съезди қарорларидан руҳланған биз ёшлар, коммунизмнинг моддий-техни-ка базасини яратышни янада тезлаштириш учун, ўзимизда коммунистик ахлоқ ва дид сифатини вояга етказиш, коммунизм қурувчиси кодекси тавсия этгандай яшаш ва ишлашга аҳд қилдик», — деб бошланади уларнинг уста-ви.

Мунисхон «кодексчилар»нинг уставидан қуйидагиларни күчириб олди:

«...Юксак меҳнатимиз, социалистик мулкка муносабатимиз актив жамоатчилигимиз билан Ватанга социалистик мамлакатларга муҳаббатимизни, коммунизм ишига садоқатимизни изҳор қиласыз!

— Кунлик топшириқни бир юз беш процентдан камайтирамиз!

— Маҳсулотнинг етмиш беш процентини (уттиз етти процент үрнига) аъло сорт билан чиқарамиз. Учинчи сорт маҳсулотни йўқ, қиласыз!

— Меҳнат унумини беш процент пландагидан яна беш процент оширамиз ва уни ойдан ойга, йилдан йилга кўпайтирамиз!

— Ўттиз олти киши — ҳаммамиз малакани ошириш кружогига қатнаб сериямиздаги учала ихтисосни: моталчилик, запалчилик, уловчиликни баб-баравар эгал-лаймиз.

— Ҳаммамиз дружиначилар қаторига қўшиламиз... Ҳаммамиз бир киши учун, биттамиз ҳамма учун жонни ҳам аямаймиз!..

— Хотин-қизларга бой-феодалларча муносабат сарқитларига қарши ўт очамиз!.. Ҳамма тўйларимизни комсомол тўйи шаклида клубларда ўтказамиз...»

Съезд делегати Мунисхон Тешабоева қаерга бормасин, кимлар билан суҳбатлашмасин, «кодексчилар» ҳакида гапирадиган ва улар тўғрисида сўз очилиб қолган кезларда, албатта қўйин дафтари вараклаб ёш ипакчиларнинг ана шу аҳдини ўқиб берадиган бўлди.

Комбинатга келишимиз ҳамон партия комитетининг секретари А. Козоқов ҳам, съезд делегати Мунисхон Тешабоева ҳам «кодексчилар»дан гап бошлади.

— Уставда қандай ёзган бўлса худди шундай яшамоқдалар,— деди Козоқов мамнунлик билан.

Мунисхон унга қўшимча қилди:

— Катта ташвиқот учун зўр намуна топиб олдик. Қани энди ҳамма шулардек яшаса эди, яқин йиллардаёқ коммунизмга кириб олардик.

Кейин у қўйин дафтарини вараклаб фотосурат олди ва мамнунлик билан менга узатди. Комбинат ҳаваскор фотографлари олган суратда ўттиз олти йигит-қизнинг ҳаммаси баб-баравар кулиб турибди. Уларнинг чеҳраларидаги ғайрат ўти «ваъдамизга вафодормиз!» дегандай товланиб турибди.

— Уларни ишда кўринг,— деди Козоқов.

— Юринглар!— қўшимча қилди Мунисхон.

Цехга кирдик. Ун иккинчи серияга яқинлашдик. Бир хил кийимдаги ўттиз олти қиз-йигит гўё бир мақомда ҳаракат қилаётгандай ишламоқда. Запалчилар қаторига қарасангиз бармоқ гимнастикаси бораётганга ўхшайди. Моталчилар қаторига кўзингиз тушса — оммавий ипракси бораётгандай туюлади, уловчиларнинг ҳаракати ҳам одамга бадиий завқ бағишилагандай завқли...

Моталчилар рўпарасида кўргазма тахтасига кўзимиз тушди. Унда тўрт графалик, тўрт кўрсаткич ёзилган. Козоқов уни изоҳлай кетди:

— Кодексчиларнинг иши билан қизиккан киши шу тахтадан жавоб топа олади. Буни қизларнинг ўзлари ёзиб турадилар.

Биринчи кўрсатгич «кодексчилар устави» туғилган кунгача бўлган ойлик кўрсаткич эди. Унда тўрт рақам:

плани — 102,5. Биринчи сорт маҳсулот — 18,2. Ортиқча харажат — 31.000. План бажарилгани билан маҳсулотнинг сифати ёмон, исрофгарчиллик катта... Иккинчи кўрсатгич «кодексчилар»нинг беш кунлик ишни қандай бошлаганига характеристика эди. План — 103,8, биринчи сорт — 33,3 иккинчи кўрсатгич — бир ойлик иш якуни. Ундан кодексчилар ҳаёти мустаҳкам изга тушиб олгани кўриниб турибди. План 103,5, биринчи сорт маҳсулот 46,7, учинчи сорт йўқолган. Ортиқча харажат юз баравар камайган. Етти йилликнинг тўртинчи йилини улар балоғатга етган кодексчилар сифатида бошладилар. Январнинг биринчи ҳафтасида план — 106, биринчи сорт — 80, учинчи сорт бутунлай йўқолди. Хом ашёдан ортиқча харажат битирилди.

«Бундан пасайиш йўқ. Прогресс орқада эмас, олдинда!»

«Кодексчилар» нинг ҳар бири ҳакида ҳам алоҳида учёт.

— «Устав» нинг ўн икки моддасида нимаики айтилган бўлса, ҳаммаси бажарилмоқда,— дейди Обидова.

— Ҳаммаси бирдекми?— деб сўрадик.

Ноила Обидова ўзбек қизларига хос иффат билан кулими сираб деди:

— Албатта беш қўл баробар эмас. Ҳаммаси ҳоли бақудрат интиляпти. Издан тойиш йук...

— Бутунлай йўқми?

— Батамом битиб кетди, деб бўлмайди, бор, лекин арзимайдиган, майда-чуйда. Тилга оладиган гаплар ҳам эмас, аммо биз зигирдек бўлса ҳам уни ЧП, яъни фавқулодда ҳодиса деб эълон қиласиз. Дарҳол серия оркасига тўпланиб интизом бузувчини ўртага оламиз-да, шолғомдек қизартириб яна ишга қайтамиз. Яхши гапни ҳам, ёмон гапни ҳам навбатга қолдирмаймиз, пайсалга солмаймиз.

Смена тугади. Ҳамма шошилиб кийинмоқда.

— Булар мунча шошилмасалар?

Козоков соатига қаради.

— Сиёсий тўгарак машғулоти бошланишига етти минут қолди.

Ҳамма кетди. Олти киз цехда қолди.

— Сизлар нега бормадиларингиз?

Улар учун Мунисхон жавоб қилди:

— Бу қизлар ўрта мактабга борадилар. Кодексчилар

мактаб пионерларини оталиққа олғанлар. Навбатта-навбат вожатийлик қиладилар.

— Мәхнатга ҳам үзимиз ўргатамиз,— деди уларнинг бири.— Ўкувчи қизларни тұкувчи қизлар қылмоқчимиз.

Сафардаги одамга тунда ёруғ юлдуз йұлчи бұлур, кундузи қуёш...

Мунисхоннинг истикбол йұлини қуёш ёритиб турибди: мен бу сатрларни тамом қилаётган кезда Марғилон ипакчилари Мунисхон Тешабоевани СССР Олий Советига үзларининг номзоди килиб күрсатдилар.

Хайрли йўл сизга, Мунисхон!

1962.

ҚҰШКЕЧИК

Заргар билан бириңчи марта олтмиш иккинчи йил ба-
хорида учрашғанман.

Газчилар орасыда қолиб кетиб, күпдан бери қишлоқ-
ка чиқмаган эдим. Шу орада қишлоқ қиёфасини ўзгар-
тирадиган воқеа юз беріб қолди. Файласуфлар тили би-
лан айтганда «қишлоқда сифат ўзгариши» бошланди.

Воқеа билан изма-из баҳор кези Найнавога жұнадим.
Шу күннинг ўзида жуда құп танишларни учратдым: бири
қувнок, бири ўйчан, баъзилари бушашған, айримлари та-
жанг эди.

Кім билан гаплашмайин, қишлоққа тұсатдан отишлиб
кирган янгиликдан сүз очади. Ўзаги бир бұлса ҳам, ўз-
гача талқин, ўлчовига яраша хулоса... Чиндан ҳам қишлоқдаги янги вазиятта турли қарастерлар қаттық түкна-
шиб қолғани сезилиб туарди.

Гилосзорда гурунглашиб ўтириб әдик. Қишлоқ кучасыда «газик» күриниб қолди.

— Икромхұжаев келяптилар,— деди колхоз раиси
Мерганов суҳбатни бўлиб ва уни кутмоққа шошилди.—
Обкомнинг парторги!..

Гапнинг очиғи, унинг келишидан кувониб кетдим. Ик-
ромхұжаевни күпдан бери танир әдим. Унинг анчагина
хислатларини биламан. Ҳушфөйл одам. Яхши ўртоқ. Ул-
фатчиликда ҳам танты йигитлардан. Ҳамроҳини сира зе-
риктirmайди. Вакти келса аскиячи-ю, аммо жаҳли чикса
заҳар. Энг муҳими — яхши воқеанавис, яъни хуши келса,
тонг отгунча ҳаммани оғзига қаратиб чиқади. Еш бұлса
ҳам, күпни күрган, турмушни билади. Ахир, неча йил-
ларки, давлат ва партия ишида. Айни вактда янги иш-

нинг бошида тажрибакор миробдай: «Қаерга борсанг ҳам изинг қолсин» деб юрадиган ва борган жойида, ал-батта бирор из қолдириб кетадиган одам. У Найнавода қандай из қолдирмоқчи экан. Мени шу масала қизиқти-рарди.

«Газик» биздан анча узокда тұхтаб, Икромхұжаев қаршымизга яёв келди. Колхозчилар билан күришиб бұлғач, менга тегажаклик қилиб:

— Ізувчиларнинг күзи үткир бұлади-да,— деди.— Найнавода гилос қизарганини қандай күрдингиз?

— Гилос қизарганини қишлоқ күшлари хабар ки-лишиди.

Икромхұжаевнинг юзидаги кулдиргичлари үйнади. У, ёнида турған Мергановга бундай деди:

— Үн бир кишилик жой тайёрлатинг. Бир кунга эмас, бир ҳафтага ҳам эмас...

Мергановнинг күзи жавдиарди. Икромхұжаев гапи-ни аниклаш учун құшимча қилди.

— Күзингизнинг ҳаракатидан бизни гилосзорга жой-ламоқчига үхшайсиз. Йүк, идоранинг бирор хонасига тапчан қўйдириб берсангиз бас. Аnavи йиғма каравотлар қўйилса, янада соз бұлади. Таомни ошхонада еймиз.

Мерганов кулди-да, таажжубланғандай сұради:

— Үзингизни ҳам ҳисобга күшиб гапиряпсизми?

— Бўлмасам-чи. Ишимиз битмагунча ҳеч қаёққа жилмаймиз.

Мергановнинг ранги оқариб:

— Бошимга ревизия етаклаб келяпсизми, дейман?— деди.

Икромхұжаев жилмайиб қўйди.

Мерганов буйрукни ижро қилиш учун бұлса керак, ичкарига кириб кетди. Кўчада Икромхұжаев иккимиз қолдик. У, нимадир эсига тушиб, колхоз парторгини йўк-лади. Парторгни раис қаёққадир ишга юборганини айт-дилар. Икромхұжаев унга машина жўнатди. Ундан ха-бар келгунча боғда сайр қилдик.

Текис йўлакча. Атрофика қалин яшил барглар ораси-дан гилос шокилалари бизга қизариб қарамоқда. Ҳар бир тупда гала-гала чумчук. Нуқул қизилини чўқийди. Ҳамроҳимнинг икки күзи чўқилган гилосда. Қули тинмай чумчук ҳайдайди.

— Үн бир киши бир колхозда нима қилади?— сұра-дим ундан.— Бир кун эмас, бир ҳафта ҳам эмас...

Икромхўжаевнинг кўзлари негадир ялтираб кетди. У ялтираш олисда қорачиғнинг ичкарисида эди. Бу—унинг ўйлари, режалари, ҳали ойдинлашмаган фикрлари эди. Унинг кўз олдида ечилмаган тугунлар, хаёлида жумбоклар, қаршисида очилмаган қўриқ ётарди. «Ҳар бир қадам, эксперимент» дерди у ўзининг янги фаолияти ҳакида.

У менинг саволимга ҳам ўйчанлик билан жавоб берди.

— Юрадиган йўлимизни тозалаб, қиласиган ишимизни равшанлатиб олмоқчимиз.

— Бир қишлоқда ўн бир киши нима қиласи? Бутун бошқарма кучиб келяптими?

— Хўжаликни ғалвирдан ўтказамиз,— деди у лўнда қилиб.— Бошқарманинг мутахассислари ишлаб чиқариш билан шуғулланади. Менинг одамларим эса, ғоявий таъминот масалаларига назар ташлайдилар. Ҳамма ишни ўрганиб чиқсан, қандай одимлаш кераклиги равшан бўлади.

Унинг қалин киприклари пардадай пастга ташландида, кулиб турган кўзларини тўсиб кўйди. Ҳаял ўтмай киприклари аста кўтарилиб кўзларида жонланиш пайдо бўлди.

— Бирданига ҳам бошқарма, ҳам парторг аппаратининг Найнавога ёпирилишидан сиз ҳам таажжубланаётгандирсиз,— деди Икромхўжаев менга ўгирилиб.— Сизга дўстона айтиб қўяй: бунинг новаторлик эканлигига ҳали ўзим ҳам унча амин эмасман, аммо шундай эксперимент зарурдай бўлиб туюлмоқда. Бу иш янги ташкилотнинг хусусиятидан келиб чиқадиган зарурат, билдингизми! Бошқарма қишлоқ ишлаб чиқариши билан шуғулланади, биз сиёsat билан. Ўзингиз биласиз-ку, бизда иқтисод билан сиёsat ака-ука, яъни башқарма — базис, биз — усткурма... Ана шу икки категорияни Найнавода солиштириб кўрмоқчимиз.

Мен унинг назарий масалаларда унча-мунча машқ килиб юришидан хабардор эдим. Унинг бу гапидан сунг хаёлимда саволлар жамлана бошлади, лекин дарҳол ўртага ташламадим. Аввало уларни етилтириб олмоқ зарур эди. Бу орада бошқармадан келган автобус сұҳбатни кесиб қўйди. Икромхўжаев келганларни кутиб олишга кетди.

Автобус колхоз идораси эшиги олдида тўхтади. Автобусдан ўн киши тушди. Бошқарма бошлиғи Пардаев ҳам

шулар орасида экан. Раис кабинетидаги қисқа маслаңатдан кейин саккиз киши ҳар томонга тарқалиб кетди. Кейин билсам, уларнинг бирни фермада, иккинчиси пахта бригадасида, учинчиси пиллада, яна бирни маккажұхорикорлар орасида юрган экан. Икки киши бош бухгалтер кабинетида архив тита бошлади. Икромхұжаевнинг инструкторлари партбюро билан комсомол комитетларида эди...

Областда бир вактлар «Карим экономист» деб ном чиқарған Пардаев Мерганов билан юзма-юз үтириб аста суҳбатлашарди. Унинг сўровларига Мерганов эриниб жавоб қиласарди. Афтидан Мерганов бундай саволларни ундан кутмаган, «бу соҳа бош бухгалтернинг қўлида-ку» деётгандай эди. Мерганов ҳам анчайин бечут одамлардан эмас, хўжаликдаги ҳар бир чўт унинг ҳисобида: у кучок-кучоқ ракамларни ёддан билади. Коллектив рўзгорнинг қайси нинаси қаерда ётганини уйқусида ҳам билиб ётади. Нимани нимага уриштирса қанака нарса келиб чиқишини ҳам чамалаб юрадиган одам. Лекин Мерганов Пардаевдақанги экономист эмас.

Бир вакт партбюро кабинетидан Икромхұжаев қизаруб чиқди-да, менинг олдимга келди: нимадандир кўнгли ҳижил.

— У мени кўлтиқлаб олди.

— Битта илтимосим бор.

— Марҳамат, қўлимдан келганича...

Кўздан нарироқ борганимиздан кейин Икромхұжаев секин гап бошлади:

— Қишлоқ одамлари билан гаплашган бўлсангиз керак.

— Гаплашдим.

— Колхозчилар билан ҳамми?

— Ҳа, албатта.

— Ундей бўлса, бизга ёрдамингиз тегиши аник.

— Колхоз парторги ўз одамларини яхши танимас экан. Одамларнинг дилидаги гаплардан сўрасам, «Тилидагини базур айтадилар, дилидагини қаёқдан билай?» дейди. «Билишинг керак, одамларнинг дилидагини билишдан бошқа нима ишинг бор, ахир» десам, мийифида кулиб, кўзини лўқ қиласди. У бечорада ҳам айб йўқ...

— Одамлар бундай парторрга очмаган дилини сизга очгандир. Мен ёзувчиларни биламан, улар одамлар дилига калит топа олади, тил устаси — дил устаси...

Икромхўжаев жавоб кутиб кўзимга тикилиб турибди.

— Эшитганимни айтаман,— дедим мен унга.— Дили-даги гапми, тилидагими, ҳар ҳолда анча-мунча гапдан хабардорман.

У жонланиб:

— Қани, қани, эшитайлик,— деди.

Шу чоқ бу одам кўзимга гўё жонга-жон суқадиган раҳбар ходнмдай эмас, бирорларнинг гапи билан бирорлар ҳақида ҳукм чиқарадиган, бутун ишни ахборот йи-финдиси асосига қурадиган тўрадай кўринди. Қолоқ колхозга кўрпа-тўшак кўтариб келгани нимаси-ю, турмушни бирорларнинг блокнотидан ўрганиши нимаси? Қишлоққа хўжа кўрсинга келишдими? Бу ҳолдан үйланиб қолдим. Кейин ўзимга маълум бўлган кишиларнинг номинигина унга билдиридим.

Бундай қилишимнинг сабаби бор эди. Эҳтимол, Икромхўжаев ўша жонкуяр одамларнинг дилига мендан кўра чукурроқ кирав. Эҳтимол, ўша одамларнинг янги ташкилотга истаклари ёки Икромхўжаевнинг шахсан ўзига айтадиган гаплари бордир. Эҳтимол, Икромхўжаев шу гапларни колхозчиларнинг ўз оғзидан эшитса, ўз жойида оқини оқка, қорасини қорага ажратиб уларга тегишли жавоб топиб берар, деб үйладим-да:

— Бу кишилар билан ўзингиз гаплашиб кўринг,— дедим.

Икромхўжаев одамларнинг номларини эшитгач, менга қараб қулиб қўйиб, деди:

— Яхши одамлар билан гаплашибсиз. Буларнинг гапига ишонса бўлади. Аммо энг зарур киши билан сирлашмабсиз. Раиснинг шоферини танийсизми? Шу йигит билан бир гаплашиб кўринг. Исми сал ғалатироқ: Заргар... Одамнинг заргари. Олдиндан келишиб олайлик, Заргар ҳақидаги таассуротингизни менга айтиб берасиз. Шу шарт билан сизга уни таништираман.

II

Заргар билан танишиб олдим. Икромхўжаевнинг мақтаганича бор экан. Қишлоқда Заргарни танимаган одам йўқ. Устида кўк комбинезон, бошида кепка, оёғида қора ботинка. Урта бўйли, буғдой ранг, истараси иссик, кўзи жозибали. Гап тинглагандада одамнинг юзига тики-

либ туради, гапирганда ҳам шундай. Овози ширали. Уққанини унутмайдиган, күрганини күздан қочирмайдиган одамохун экан.

Мендан ётсирадими ёки ўзим қулф-дилини очолмадими, дастлабки учрашувда у билан қисқа гаплашдик. Саволларимга жавоб қилди, холос. Ўша куни ундан күра күпроқ ўзим гапирдим. Баъзан луқма, баъзан савол ташлаб турди. Эринмай жавоб қилдим. Эртасига сирдош бўлиб қолдик. Жойимиз ҳам бир ерга бўлди. Тунги гурнгларнинг бирида таниш-билишлар ҳақида гап очилиб қолди. Найнавога келиб кетадиган жами одам унинг хотирасида экан. Шофер эмасми, қишлоққа келиб кетадиган одамларнинг бирини қишлоққа олиб келса, иккинчисини ўз жойига элтиб кўяди, айрим одамлар колхозга келгач, куни бўйи раиснинг машинасида юради. Ўз машинасида келганлари ҳам Заргарга салом бермай кетолмайди: бирига бензин керак, иккинчисига домкрат, баъзан буксирга олишга ҳам тӯри келади.

Найнавога бугун автобусда келганларнинг ўн бирорини ҳам Заргар беш панжасидай билади. Уларнинг кўплари шу районда ишлаб кетган, айримлари эса, Найнаводан чиққан одамлар.

Мен Заргардан сўрадим:

— Ҳаммани машинада олиб юрган одам нега Икромхўжаевни пиёда юргизиб қўйдингиз? Ёки раис машинасини аядими?

— Пиёда юрадиган бўлиб қолибди,— деди Заргар.

— Бензинни иқтисод қилаётгандир...

— Эҳтимол, Икромхўжаевни шу қишлоқда юзинчи марта кўришим,— деди у.— Райижрекомда ишлаган кезлари ҳафталашиб Найнавода ётарди, аммо ёзда даладан, кузда сушилкадан бери келмасди. «Бирон из қолдирмагунча кетмайман» деб мени ҳам ёнидан жилдирмасди. Муддати битгунча шу кишининг ихтиёрида бўлардим. Райкомга биринчи секретарь бўлгач, кунига бир келиб кетарди. Баъзан машинасининг чангини куриб қоламиз, баъзан «фалон бригаданинг даласидан утибди» деб эшитамиз.

— Гастролчи раҳбар бўлиб қолди, денг?

— Йўқ, Найнаво катта йўлнинг бўйида эмасми, бошқа қишлоқларда ҳам бизнинг даламизни босиб утадилар. Шунинг учун Мерганов доим йўл бўйига куч беради. Ўғитнинг зўрн ҳам, одамнинг сараси ҳам йўл бўйи-

да. Бир куни, Мергановнинг йўғида, Икромхўжаев келиб колди. Мотоциклга ўтқаздим-да, машина юрмайдиган, катталар қадам қўймайдиган далаларга олиб бордим. «Нега буларни илгари кўрсатмадинг?» деб Икромхўжавининг кўзи ўйнаб кетди. «Машинада юрардингиз-да...» дедим. Шу-шу, Икромхўжаев далага чиқса машинасини Найнавога ташлаб кетадиган бўлди. Бу гал бутунлай пиёда юрибди. Дуч келган киши билан оғиз-бурун ўпшиб гаплашяпти...

Заргар ниманидир кутгандай қўзимга қараб турди. Унинг гапи охирига етмагани учун мен ҳам фикрини бўлмай, индамай турдим. Заргар юқорида айтганларини шарҳлагандай, деди:

— Бу нимадан экан: раҳбар ходимлар тобора содлашяптими ёки шароит шунака бўлиб қолдими?

Эртаси куни эрталаб, ҳали қуёш чиқмасдан Мерганов хонамизга кириб, Заргарни уйғотди. Улар шивирлашиб, ғойиб бўлдилар. Кун кўтарилиб қолгач, Заргар бир чойнак чой олиб кирди. Заргарнинг гапидан уларни Пардаев безовта қилганлиги маълум бўлди. Пардаев кечаси экин плани ва экилган ерлар картаси билан танишаётib, Мергановнинг ишидан хато топибди. Кузда квадрат-уялаб экишга ажратилган картага баҳорда ёппасига чигит ташланган экан. Пардаев шу картани буздириб, бошқатдан сеялка солдирибди. Мерганов: «Чигит исроф бўлади, қайта экишнинг чиқими кўп!» деса ҳам Пардаев «Интизом ўрнатгани келганман!» деганимиш.

Бу ишдан Заргарнинг мамнунлигини, аммо Мергановнинг тепа сочи тиккалигини пайқадим.

— Кўйчивон кўп бўлса, қўй ҳаром үлади, деганлари бежиз эмас экан,— деди ғазабланган Мерганов менга.— Кечкурунги иш эрталабга тўғри келмай қолди. Район улуғлари Тожиев билан Охуновлар шошириб эктириди. Областдан келганлари ҳам «чигитни намига тики!» дейишди. Ўртада турганларга эса «интизом» керак эмиш.

— Ўртада турганлар кимлар?

Мерганов жонланиб кетди.

— Пардаевнинг бошқармасини айтиман-да. Унинг ташкилоти район билан областнинг ўртасида... Уни бу ерда кўпинча бошқарма эмас, бошқотирма дейишади...

Дераза олдида Пардаев кўринди. Унинг мириқиб ношта қилгани чеҳрасидан билиниб турарди. У Мергановга соатини кўрсатди. Ишорани тушунган Мерганов

билан Заргар шошилиб ташқарига чиқиши. Эшикдан чиқаётган Заргар менга:

— Дала маликаларини кўриб келамиз,— деди.

Туш чоғи улар маккажӯҳори бригадаларидан тажанг қайтдилар. Мерганов оғзига толқон солиб олгандай жим эди.

— Яна бузиб экишми?— сўрадим Заргардан.

У жилмайди:

— Дала маликасини хўрлаган эмишмиз... Пардаев маккажӯҳори карталарини кўрибоқ раисдан «Келинингни қайси уйга туширгансан?» деб сўради. «Албатта энг яхши уйимга туширганман-да» деган бўлди. Пардаев яна: «Ундаи бўлса бу маликани нега ёмон ерга суриб чиқарибсан? Келинингни сомонхонага ҳайдаб қўйганинг йўқдир-ку!..» деди.

Заргарнинг юзи жиддийлашиб бормоқда эди. Аста сўрадим:

— Тўғри талабми?

— Одамни ўйлантириб қўядиган талаб. Пардаев бу ерларни энди кўраётгани йўқ. Маккажӯҳорини илгари ҳам экканмиз. Уни «Қора экин» деб атар эдик. Пардаевнинг узи ҳам сводкаларда «Қора экин қанча экилди?» деб сўрарди. Энди бўлса «Дала маликаси» деганда оғзидан бол томялти.

Заргарга зарур иш чиқмади шекилли, ҳадеганда уни чақиришмади. Суриштирсам, унинг хўжайинлари колхозда ер тузилиши тарихига шўнғиб кетишибди. Шу туфайли бўлса керак, Заргар менга:

— Зерикдингиз шекилли, бир шабадалатиб келайми?— деб қолди.

Бу айни муддао бўлди.

— Донохоннинг даласига олиб бораман. Ажойиб дала,— деди Заргар ўзгача оҳангда.— Бекаси даласидан ҳам яхши! Қизларнинг сараси!..

Мен Донохон тўғрисида кўп яхши гаплар эшитган бўлсам ҳам, узини кўрмаган эдим.

— Қани, ўша қизларнинг сарасини менга бир курсат,— дедим.

Заргарнинг кўзлари чараклаб, бирпасда «Победа» сини йўлимга кўндаланг қилди.

Найнаво марказида бир туп кекса қайрағоч бор. Унинг ғуж шохлари кўчага зонтдай соя солиб туради. Танаси кучоққа сиғмайди. Қорамтири пўсти тўрлаб кет-

ган. Атрофи гулзор, Найнавонинг ҳамма кучалари шу ердан бошланади.

Қайрағоч атрофини секин айланиб ўтиб, ундан таралиб чиқкан түғри күчага тушиб олдик.

Тикка бормоқдамиз. Заргар Найнавонинг тарихини сўзлаб бермоқда.

Найнаво кишлоғи яқинда курилган. Унинг ўрни қамишзор экан. Заргарнинг отаси бу ерларда пода ўтлатган. Ҳар куни тонгда ва шомда шу томондан най навоси янграрди. Қамиш найни сайдратувчиси эса, Заргарнииг отаси Ҳамдам бобо эди. Кейинча у, атрофдаги болаларнинг ҳаммасига қамишдан най ясаб берган. Шундан кейин теварак-атрофдан най овози ўчмайдиган бўлиб қолган. Қамишзорлар чекиниб, ўрнига янги қишлоқ курилгандан кейин ҳам таг жойнинг ўз номи сақланиб «Найнаво» бўлиб қолган.

— Бу кишлоқнинг нусхаси гўзал Фарғонадан олинган,— деди Заргар мағурурланиб.

Ҳақиқатан, Найнаво сўлим Фарғонанинг кичик бир синглисидаи чаман эди. Кучалари ўқдай түғри, текис, икки томони дараҳтзор. Кўчатларини Фарғонадан Заргарнинг ўзи келтирган эмиш. Ҳар икки кўчанинг оралиғи бир участкага бўлинган. Участкада уч-тўрттадан бригада. Уйлар, боғлар, жамоат иморатлари, мактаб, боғча — буларнинг ҳаммаси ҳозирги замон шаҳар курилишидаги микрорайонни эслатади.

Найнавонинг бош планини тузган кишини ҳам Заргарнинг ўзи «Победа» да олиб келган экан.

— Агрошаҳар курилиши ўша кезда бошланган эди,— деди Заргар.— Лекин тез орада тўхтатиб қўйганмиз. Нега десангиз, бунга ҳам мана шу Пардаев сабаб бўлган. Бу киши ўша вактда МТСда ишларди. «Халқ маблағии деворга чапляптилар» деб устимиздан райкомга ариза берган. Икромхўжаев: «Пул сарфлашни билмас экансизлар» деб банкдан нақд пул бергизмай қўйган. Мерганов ҳам ўжарлик қилди-да, кузда даромаднинг мўмай қисмини меҳнатга тақсимлаб юборди. Бўлди жанжал, бўлди жанжал.

— Нега?

— «Моддий манфаатдорлик» деган гап энди чиқдида. У кезларда «Қорнинг тўймаса ҳам, қопинг тўлсин» дердилар. Бўлинмас фондга берардик. Кейин нима бўлди-ю, хўжалигимиз пастлаб, бир бошдан бўлинмас фонд-

ни қашлаб ейишга тушдик. Банкка үзим қатнардим, ҳамма гапдан хабарим бор. «Дебитор» деган гаплар пайдо бўлди. Касса колхозчидан қарздор, колхозчи кассага қарздор. Бир-бирига чатишиб ётаверса ишнинг унуми бўлмас экан.

Заргарнинг машинаси текис йўлда равон оқиб бормоқда. Тепамизда зумрад осмон. Қаршимизда кўм-кўк тоғ. Ундан майин шабада эсиб турибди.

— Бир вақт Пардаев яна пайдо бўлиб қолди,— деб гапида давом этди Заргар.— Сочини юлгудай бўлиб: «Нега колхозчини оқсатиб кўйдинг?» дейди, лекин нима қилиш кераклигини айтмайди. Устимиздан ариза тушибди. Раисимиз кўнгилчан одам, сўраганга пул, фалла бераверган. Таксимот ҳисобида ҳар меҳнатга фалонча пул, лекин ҳаммаси ҳар кимларда. Биридан ундириб, иккинчисига тўладик. Хайр, бу ҳам ўтди. Лекин одамлар орқа-олдига қараб ишлайдиган бўлиб қолди. Бунинг сирини синчиклаб қарасам, социализмнинг асосий қонунига риоя қилмаган эканмиз. Ишламаган ҳам тишлайверибди...

Йўлнинг белбоғидай икки томонга ҷузилиб кетган текис дараҳтлар кўриниб қолди. «Бу ердан канал чиқаришибди» деб ўйладим. Яқинлашдик. Канал эмас, йўл, тасмадай асфальт олис-олисларга чорлаб турибди. Унинг икки томонидаги дараҳтларнинг ҳаммаси мева — бодомдан тортиб жийдагача муҳайё. Бодом гуллаб бўлган, жийда гули энди бўртмоқда.

— Дараҳтларни ҳашар килиб экканмиз. Йўлни Мерганов асфальт қилдириб берди.

Мевазор дараҳтлар орасидан дала шийпони куринди. Машина секинлаб бориб, шийпон рўпарасида тўхтади.

Шийпонда бир неча қиз ашулани варанглатиб ўғит коришитирарди. Биз айрим-айрим куплетларни эшиitmокдамиз. «... Тўлин ой бўлай дейман...», «... Турсуной бўлай дейман...»

Шийпон орқасидаги текис далада сузиб юрган «универсал» лар даланинг нариги бошига етиб, аста бурилди-да, биз томонга кела бошлади. Агрегатлар яқинлашиб, уларнинг ҳайдовчилари ҳам кўзимизга равшан куринди. Эгниларида комбинезон, бошларида дурра... Бирин-кетин агрегат бошқариб келаётган бу қизларни Заргар менга танитди. Олдиндагиси Донохон экан.

Донохон рўпарамизга келаркан, шийпондаги ашулачи қизларнинг бирини имлади:

— Кумрихон, Кумрихон-у! — деди.

Тўдадан ўрта бўйли, хушрўйгина қиз унинг ёнига борди-да, Донохоннинг ўрнига ўтириб, унинг ишини давом эттириди.

Донохон кулимсираб олдимизга келиб, кўл бериб куршиди. Заргар унга тикилиб турарди. Донохон ўнғайсизланиб унинг назаридан қочар, аммо Заргарнинг назаридан паноҳ тополмас эди.

Заргарнинг мени шу далага бошлаб келишининг боисини энди тушундим... «Иккиси бир узукнинг кўзида» деб ўйладим.

Гапимиз энди қовушаётган паллада рўпарамиздан Пардаев билан Мерганов чиқиб қолишиди.

Улар ҳам чарчаган экан, канал бўйида ҳаммамиз бирга дам олдик. Мажнунтолнинг кокиллари сувда чайкаларди. Қирдан эсган шабада сувда чўмилиб, соҳилга ёйилади. Оромижон сабога бағримизни бериб, роҳатланниб ўтирибмиз.

— Мана шу ерга кейинги беш йил ичида қандай ва қанча микдорда минерал ўғит солинган? — деб сўради Пардаев.

— Ўғитни бригадалар олади. Биз ҳосилини сўраймиз. Ҳисобини Доно билса эҳтимол, аммо билса ҳам тахминан билади... — деб жавоб қилди Мерганов.

— Тўғри, тўғри, тахминан биламан, — деди Донохон. — Бу ер қақраб ётган қўриқ эди. Ўғитнинг кучи билан пахтазор қилиб олдик.

— Маликани қаерга экасан? — сўради Пардаев.

— Қамишзордан жой қиляпмиз.

Пардаев нималарнидир блокнотига ёзиб қўйди-да:

— Сиёсий саводсиз экансан-ку! — деди.

Донохон ҳайрон бўлиб сўради:

— Бу нима деганингиз?

— Сиёсий саводинг бўлса, дала маликасини қамишзорга ҳайдармидинг. Шунча эътиборли нутклар, қанчадан-қанча чақириқларни ўқимабсан-да? Шу ерингни маликага берасан, қамишзорга пахта экасан. Шундан кейин саводинг чиқади.

Бу тўғрида Мергановнинг ҳам фикрини билмоқчи бўлдим. Мерганов ерга қараб олди. Унинг ҳамма гапи ичида қолди.

Донохон уларга разм ташлаб олгач, дилидаги гапини ошкора қилди:

— Ота-боболаримиз ер-ер деб унга етишолмай қора ерга киришди. Мана энди ҳукуматимиз ердан керагини ундириб ол, деб икки қўллаб ўзимизга бериб қўйди. Ундан нима ундиришни ўзимизга қўйиб беринглар-да!

— Ер бошқариш ҳуқуқи бизга берилган!— деди Пардаев ва шу билан баҳсни шарт кесиб қўйди.

III

Кечқурун Заргар «Икромхўжаев бугун кизларнинг шийпонида бўлармиш» деган гап топиб келди.

Мен ҳам етиб бордим. Қизларнинг ҳаммаси шийпонда эди. Суҳбат бўлишини эшишиб, яқин ўртадан колхозчилар, шу кизларнинг ота-оналари ҳам келибди. Икромхўжаев улар билан дарров нон-қатиқ бўлиб олибди.

— Бу янги ташкилотнинг номай аъмоли қандай бўлади?..— деб сўраб қолди колхозчиларнинг бири суҳбат давомида.

Чордана куриб ўтирган Икромхўжаев чўкка тушиб, ихчам ўтириб олди-да:

— Ўзларингиздан сўрамоқчи эдим,— деди.— Ўзларингиздан эшитсан.

Даврадагиларнинг бири атрофга қараб олиб, секин гап бошлади:

— Ҳар хил миш-мишлар юрибди...

— Уялмай айтаверинг!— Икромхўжаев унга далда берди.

Ўша йигит қизларга яна бир қараб олди-да:

— Колхозлар билан совхозларни кўшиб юборадиган ташкилот тузилибди, дейишияпти, йириклиштирадиган ташкилот эмиш... Ростми?— деди.

Унинг ёнидагилардан бири луқма ташлади:

— Икромхўжаев билан Пардаевни бошқармага бекорга юборганлари йўқдир, қайта қуришларнинг усталиари бўлганликлари учун юборгандирлар...

Икромхўжаев Найнавонинг яқин ўтмишини кўз олди-га келтирди. 1929 йили Найнавода юз хўжалик колхоз бўлған эди. Келаси йили Темир Тожиев келиб Найнаво атрофида ўн иккита колхоз тузиб кетди. Ҳар бир кўрғонча мустакил колхоз... Қирқинчи йиллари Пардаев келдида, уларнинг бирини бирига қовуштириб, ўн иккитани

түртта қилиб кетди. Эллигинчи йили Икромхўжаев тўртовини бир жуфт колхоз қилиб қўйди. Йигирманчи партсъезддан кейин учовлан келишди-ю, Найнаво битта йирик рўзгорга айланди.— Ер-сув, меҳнатга ҳақ тўлаш ўзгаришлари... Ишқилиб, Найнавода йилига битта-иккита ташкилий ўзгаришлар, қайта қурилишлар юз бериб турарди.

— Биз бошқачароқ гаплар эшидик,— деди соқолини силаб ўтирган деҳкон — Донохоннинг отаси Ҳайдар ака.— Бу гапни қўшни райондан топиб келишди. Районларнинг чегараси бузилармиш-да, ҳозирги беш район таомила Пардаевлар тасарруфига ўтармиш. Ҳар бир колхознинг ери яхлит бир дала бўлармиш-да, тракторлар атом зарраси билан юармиш. Ростми шу гап?

— Шу гапга ишондингизми? — кулиб қўйди Икромхўжаев.

— Ишонмасанг ҳам ишонгинг келади,— деди Ҳайдар ота соколини силаб.— Чунки, бир вақтлар одам осмонда учармиш деса ишонмаганмиз. Энди Андижонга борадиган бўлсак ҳам, поездга қаноат қилмай, самолётга югурамиз. Атом трактори бугун чиқмаса, эртага чиқади. Шамол бўлмаса, дараҳтнинг учи қимирлармиди!..

Икромхўжаев қўйин дафтирига нималарнидир ёза бошлади.

Ҳайдар ота гапида давом этди:

— Колхознинг хўжайини битта бўлармиш — ҳамма раислар Пардаевга, ҳамма парткомлар Икромхўжаевга итоат қиласмиш деб эшидик. Икромхўжаев учун бу янгилик эди. Шунча гап қаёқдан чиқди-ю, качон тарқалди ва уни ким таркатди?

Булар ҳали холва экан. «Ер-сув шуъбаси... Ер бўлими... Техника экинлари бўлими... Қишлоқ хўжалик бўлими...»

Миш-мишлар ёғилиб туша бошлагач, Икромхўжаевнинг қоши чимирилди, лаби жуфтлашди, қалами тез-тез қимирлай бошлади. Унинг тиззаси толдими, ёки бемалол ўтигиси келдими, барча қатори чордана қуриб олди. «Шунча гап йиғилиб қолибди, бундан бехабар эканмиз,— деб ўйларди Икромхўжаев.— Агитаторларга ишонибмиз. Райкомларга суюнибмиз... Энг яхшиси шуки, бу янги ташкилотнинг тақдири ҳақида омманинг ўзи ўйлаётган экан...»

— Бу ташкилот қишлоқдаги турли манфаатларни бир қозонда қоришириш учун тузилган,— деди ниҳоят у,— сұхбатдошларига қараб.— Қишлоқни тезрок шаҳарға етказиб олишимиз керак.

Даврадагилар бир-бирларига қараб олдилар.

— Бундан чиқди, бояги ғап түғри экан-да,— деди Донохон ғапга аралашып.— Қишлоқда коммунизм куриб берадиган ташкилот тузилибди-да, шундайми үртоқ Икромхұжаев?

— Шундай. Назарияни амалиётта айлантирадиган ташкилот, деса бұлади...

— Бундай бұлса, нега ишчи билан деңқоннинг ижро-комини бұлак-бұлак қилиб қўйдингиз?— деди Донохон қўшимча савол ташлаб.

— Шоферлар ҳам ғалати ғап топиб келишди,— деди Заргар, Донохоннинг фикрини қувватлаб.— Шаҳрисой қўпригига иккита автоинспектор тик туриб олиб, қишлоқ машинасини бир кечикка, шаҳар машинасини иккичи кечикка ҳайдайтганмиш...

— Кўприк бузилибдими?

— Йўғе! Бут-бутун!

— Ундай бұлса, қўшкечик нега керак?

— Биз ҳам шунга ҳайронмиз-да,— деди Заргар қўлларини икки ёққа кериб.— Областимиз ишчи ва деңқон областларига бўлинганда қўприкни кимга беришни билмаган эмишлар. Қўшкечик ана шундай пайдо бўлганмиш. Ана шунинг учун түғри йўлнинг яхши қўприги бекорга чанг босиб ётганмиш... Дарҳақиқат, бу қўшкечик кимга керак, үртоқ Икромхұжаев?

Булар Икромхұжаевнинг етти ухлаб тушига ҳам кирмаган гаплар эди. Шунинг учун у дафъатан бунга жавоб тополмай бир оз гангид қолди.

— Сұхбатимиз тамом,— деди у ноилож.

Одамлар жим қолишиди.

Икромхұжаев ўз далиллари ҳеч кимни, шу жумладан ўзини ҳам қониқтирганини сезиб, лабини тишлади.

IV

Машинанинг сигнали ширин уйқумиздан уйғотиб юборди.

— Райкомнинг «газиги»,— деди сигнал овозини таниған Заргар.

У эшикка югурди, мен деразадан қарадим: құчада ҳеч ким йўқ. Даражтларнинг барглари қизғиши товланиб турибди. Қутарилиб келаётган қуёш нури япроқларни ёриб, Найнавони нурафшон қилмоқда. Икки чинор остида тұхтаган «газик» нинг соябонига парча-парча нур тушиб турибди. Шу нурнинг шуъласиданми ёки түлин ойнинг аксиданми шофернинг ёнида үтирган одамнинг бир бети ғалати күринади.

— Темир Тожиев-ку. Нега машинадан тушмади?— деб сұрадим.

— Иши зарур шекилли,— деб жавоб қилди Заргар, мотор гуриллаб машина үрнидан жилиши билан:— Ишлаб өткізгендегінде кейин... Ана, раис билан парторгни олиб кетди,— деди.

— Чой ичгани кетишгандир?

— Неча йилдан бери Найнавога келади, аммо бир пиёла чой ичганини күрганим йўқ.

— Уставни бузишдан құрқадими?— деб ҳазиллашдим.

— Үз обрусида туришни истайдиган эҳтиёткор одам.

— Икромхўжаев билан учрашдими?

Заргар бош чайқади.

Темир Тожиев қадимдан Икромхўжаев билан бирга ишлаб келарди. Уларнинг жамоат ишидаги фаолияти таҳминан бир вақтда бошланган. Аввалда иккаласи ҳам комсомол ходими, Икромхўжаев — район комсомол комитетининг секретари, Темир Тожиев МТС сиёсий булими бошлигининг комсомол ишлари бўйича ёрдамчиси эди.

Ораларидан қил ўтмасди. Битта майизни ҳам икки булиб ейишарди. Нима бўлди-ю, ораларида низо чиқиб, жўжакхўрозлардай олишадиган булиб қолишиди. Комсомол активлари ҳам иккига бўлинниб қолди. Бюро бежанжал ўтмасди, пленум можаросиз тугамасди. Суриштириб қараганларида Темир Тожиевнинг обру талашгани маълум бўлди. Масала «ё сан тур, ё ман турай» га етиб қолгач, иккаласини ҳам бошқа районга жилдириб юбордилар. Келиб-келиб, хизмат уларни Чаман районида яна бир-бирига дуч келтирди. Икромхўжаев райижроком раиси, Темир Тожиев райкомнинг иккинчи секретари. Дастребларда тинч-тотув кун ўтказишиди. Кейин

яна нимадир юз берди-ю, бири тузатган ишни иккинчиси бузадиган бўлиб қолди.

Колхозларнинг йириклиши даврида эса, Икромхўжаев райкомнинг биринчи секретари бўлиб қолди-ю, Темир Тожиевнинг тили қисилди. Унча тўқнашувлар юз бермаса ҳам, фикр олишувлар вақтида секин гапирсалар ҳам, юзлари қизариб турарди. Колхозлар йириклишга, Чамандаги колхозларни бюро аъзолари биттадан бўлиб олдилар. «Вакиилликка эмас, оталиққа» дедилар. Тақсимот вақтида Найнаво колхозига Икромхўжаев беркитилди. Эътибор кучайганиданми, ёки ишлар яхши уюштирилганиданми, бюроларда Найнаво намуна тарзида оғиздан тушмади. Икромхўжаевни областга олиб кетдилар. Район раҳбарлиги Темир Тожиевга қолди. Анъана бўйича Найнаво унинг оталиғига ўтди. Уч ҳафтадан кейин раис янгиланди. Эртасига парторг ҳам ўзгарди. Янги раҳбарлик эскиларнинг иш тутишини рад этиб, унинг аксини қилди...

«Илфор Найнаво» тез орада «Колок Найнаво» бўлиб қолди. Икромхўжаев обкомнинг «Чаман территориал ишлаб чиқариш бошқармасидаги парторги» бўлиб ўтгач, «чўкиб қолган колхозларни тиклаш ишини Найнаводан бошлаймиз» деди. Шароити аён, одамлари таниш. Буни Пардаев ҳам маъкуллади. Битта илфор, битта қолок колхозга йўл олдилар. Чамандаги илфор колхозда иш бошлаганида Мерганов: «Тажрибамизни ёймоқчилар» деб кеккайиб юрди. Бошқарманинг автобуси Найнавога йўл олган куни эса, у кабинетига кириб-чиқаверди, аммо, бир дақиқа ҳам столда ўтиrolмади: «Икромхўжаев мени шарманда қилмоқчими?..» деб ўйлади.

Темир Тожиев бошқарма автобуси изидан Найнавода ҳозир бўлиб, Мергановни олиб кетди.

Пардаев колхоз агрономи билан Мергановнинг иштирокида бугун алмашлаб экиш масаласи билан шуғулланмоқчи эди. Мергановдан дарак йўқ. Мергановни излаб борган одам Темир Тожиевнинг «Мерганов мен билан банд» деган қисқа жавобини олиб келди.

Икромхўжаевнинг инструкторлари эса, партбюро остонасида куни бўйи ер чизиб ўтирилдилар. Икромхўжаев парторгга Заргарни юборди. Шофернинг машинаси ҳаял ўтмай орқасига қуруқ қайтди: «Парторг Темир Тожиевга керак эмиш».

Инспектор-ревизорлар ҳам күчада жавдирашиб юришиди.

— Нима гап?

— Жавоннинг калити раисда экан...

Пардаев Икромхўжаевга қаради. Икромхўжаев зийрак одам эмасми, унинг қиё боқишидан нима демоқчилигини тушунди.

Темир Тожиев қишлоқдан анча олисдаги Лабгардоннинг ёнбошида турарди. Ўнг ёнида Мерганов, чап ёнида парторг... Улар сув масаласини муҳокама қилмоқдалар. «Неча гектар ердаги чигитта сув берилди?», «Яна қанча сув керак?», «Ортиқчаси қанча?», «Бошқа колхозлар сўраб қолса Найнаводан олаверинглар деяверайми?»

Сув масаласи ҳам тугагач, Темир Тожиев пиллага доир гапларни бошлади: «Қанча қути уруғ тутган эдингиз?», «Бир минг қути», «Озроқ уруғ берган эканмиз...», «Барг етарлими?», «Ортиқчадир...», «Қанчаси ортиқча?», «Қўшни колхозларда етишмай қолса, мурувват қилиб юбораверасиз-да. Майлими?..»

Чорвага навбат келди шекилли. «Сут кўпайдими, йўкми?» деб сўради Тожиев.— «Сигирлар кўк бедага тўйяптими?.. Силос етишмадими? Қерак бўлса қўшни колхозлардан сўраб беришим мумкин. Қанча керак? Накд пулгами, қарзгами?..»

Лабгардон остидан сув шариллаб оқмоқда. Тошлар орасида пуфакчалар камалакдай айланиб сўнмоқда. Аммо Темир Тожиевнинг назарида вакт секин ўтияпти.

Қани, машинага ўтиринглар!..— деди Темир Тожиев.— Кўйчилик фермангизни кўриб келамиз...

Уларни қидириб Лабгардонга келган Икромхўжаев билан Пардаев ҳеч кимни тополмади.

Бу вакт Темир Тожиевлар йўлда эди. Лабгардондан кўйчилик фермасигача қир ёқалаб бориларди. Ўнгда адир, чапда дала. Далалар шундок қир остидан бошланарди. Адирни пахтазор қувлаб бораётгандай эди. Машина йўли эски арава йўлидек тор ва қинғир-қийшик. Бу йўлда уста шоферларгина юра олади. «Газик» чангда биланглаб жуда секин бормоқда.

Ярим йўлга боргандада Темир Тожиев Мергановдан сўради:— Бошқармачилар нималарни сўрашяпти?

Мерганов ютиниб олди-да:

— Ҳозирча дело титиб ётишибди...— деди.

— Пардаев-чи?

— Далама-дала юрибди. Ер ковлагани-ковлаган. Юмронқозиқ нима-ю, у нима!..

— Нима қилишларини үзлари ҳам билмайди. Бошқарма тузилгандан бери райижрокомга құнғироқ қилишади. Маълумот йиғищдан құллари бұшагани йўқ,— деди Тожиев ҳамсуҳбатига қайрилиб.— Баҳор билан ёзни Найнавода үтказишса, у ёғи куз... Үроқ-машоқни ҳам, йигим-теримни ҳам ўзимиз эплаймиз. Бари бир, биздан ташқари бир одим ҳам силжиёлмайдилар. Райком — есть райком!

— Бу гап Мергановларга қараты айттылган эди. Мерганов нима учун безарурат Лабгардонга боргани ва қир бағирлаб юрганининг сабабини эндигина тушунди-да, тишини-тишига қўйиб: «Гап бу ёқда экан-ку. Бундан буёғи нима бўлади?..» деб ўйга чумди.

V

Кечаси, эл ётар олдида Пардаевнинг хонасига бош инспектор Баёзов кириб келди. Негадир унинг юзи ташвиши эди. Баёзов анча ёшга кирган тажрибали киши эди. Пардаев уни сермулоҳаза одам деб билар ва унинг мулоҳазаларига кам эътибор билдиарди. Баёзов хом гапни тилга олмас, тилга олган гапини эса, исботсиз гапирмас эди. Папка тўла исбот, чўт унга ёрдамчи.

— Кадрлар состави мени ташвишга солиб қўйди,— деб гап бошлади Баёзов.— Найнаво шароитида ишлаб чиқариш бошида шундай кишиларнинг туришига ишонгинг келмайди. Музей экспонатига ўхшайди. Баёзов кутариб кирган папкаларнинг биридан узундан-узун рўйхат олди-да, Пардаевнинг рўпарасига, столга ёзиб қўйди.

— Бригадирлар орасида ўрта маълумотли факат битта Донохон ... Чаласаводлари йўқ. Омбордан нима олаётганига имзо чека билади. Аммо ундан нарига ўтолмайди. Паҳтани билсалар ҳам паҳтачиликни ташкил қилишни билмайдилар.

Пардаев рўйхатни қўлига олиб, кўз югуртириб чиқди. Уларнинг кўплари билан шахсан таниш эди. Бир вақтлар асосий оғирликни елкаларида кўтариб келган деҳқонлар шулар. Лекин, улар ернинг берганинги олади-да, Донохон айтгандай, ернинг бериши мумкин бўлган нарсаларнинг ҳаммасини ундириб олишдан ожиз. Бундай ки-

шилардан ўз даласининг биографиясини яратишни та-
лаб қилиб бўладими!

Пардаевнинг ўйланиб қолиши Баёзовга кўл келди. У иккала папкани ҳам катта очиб қўйди-да, ичидан қатма-
қат коғозларни олиб кўрсата кетди. Унда ўн йиллик мак-
табни битирган йигит-қизларнинг рўйхатидан тортиб
олий ва ўрта маҳсус маълумот олган, турли-туман
курсларни битириб келган кишиларнинг номларигача
бор эди. Колхоз ишлаб чиқаришининг асосий тармоқла-
рига раҳбарлик қила оладиган мутахассислар, улар идо-
рада, идора атрофларида, қишлоқ билан шаҳар орали-
фида, аммо қолхоз ишлаб чиқаришида эмас.

Рўйхат Пардаевнинг қўлига ўтди. У синчиклаб ўқи-
гач, дами ичига тушиб кетди. Шу одамларни билар эди-
ку-я, лекин, юзаки биларди. Ким бўлиб ишлашини билар
эди-ю, лекин ўз ўриндами, ўз илмига амал қиляптими, у
ёғи билан қизиқмади. Зоотехник — экспедитор. Агротех-
ник — кутубхона мудири. Механик — омбор мудири. Ме-
ханизатор — раиснинг шофери... Қишлоқ кадрларини
жой-жойига қўйиш кимнинг қўлида эди?

Баёзов яна папка титкилаб қолди. Бир оздан кейин
коғозлардан бошини кўтариб,— деди:

— Амалдорларнинг мана бунақанги антиқа қизлари-
га қаранг: «Асалари мудири... Ҳаммол мудири... Зап-
частлар мудири»... Ҳисобчининг ўзидан йигирма бир
хил...

Пардаев папкаларни Баёзовга қайтариб берди.

— Сизга уч кун муддат. Бу ҳақдаги ўз таклифлари-
нгизни ёзиб беринг.

Бошлиқдан топшириқ олганда доим жим турадиган
Баёзов бу сафар негадир ўз одатини бузди.

— Таклифим тайёр!— деди у.— Ижозат бўлса, шу
амалдорларнинг олтмиш процентини далага ҳайдайман.
Ейдиган оғиз камаяди. Ишлайдиган қўл қўпаяди,— деди.

Пардаев қаҳқаҳлаб кулиб юборди. Унинг жулгисини
Баёзов ўзига берилган танбеҳ деб тушунди-да, қизарип
кетди.

— Ишлаб чиқариш билан шуғулланадиган бўлсак,
ишлаб чиқарувчи биринчи ўринда турсин-да!..

Эшик ғижирлади.

— Мумкинми?

— Э, келинг, келинг, бормисиз?— Пардаев келувчи-
га пешвоз чиқди.— Камнамосиз, ўртоқ Охунов.

— Охунов аста тебраниб ичкарига кириб, үзини диванга ташлади.

— Бирор пиёла сувингиз борми? Кун исиб кетди. Куртхоналардан пёчкани улоқтириб ташлатдим. Үтёкарлар чопикқа солинса, ұх-хұ, қанчадан-қанча иш битади!

— Иссиклаб қолибсиз, пиёда келибсиз шекилли?..

— Шунча жойни пиёда босиб бұладими. Гүшт үлгур күп. Вазминман. Ориқлатадиган дори чиқиби-ю, лекин районга етиб келганича йўқ.

— Яқинда тинчиб қоласиз,— деди Пардаев ҳозиломуз.— Ҳар қанча иш бұлса бошқармадан ортмайди.

Охунов устма-уст икки стакан совуқ сувни симириб олди-да, ҳансираши босилмай туриб, деди:

— Ишлаб чиқаришни тезроқ үз тасарруфингизга олганингизда эди, вакилликдан кутулардик.

Пардаев түсатдан сүради:

— Борди-ю, қишлоқдаги ишларни үзимизга қаратиб олсак, унда сизлар нима қиласизлар?

— Қимлар?

— Масалан, райижроком,— деди-да, кулимсиради:— қишлоққа пропуска билан кирадиган қилиб құямыз.

Уининг ҳазилига Охунов ҳам ҳазил билан жавоб қилди:

— Ҳе, биродар, райижрокомга қатнайдиган пенсионерларнинг үзи үнта Охуновни чарчатади. Чиндан ҳам ишимиз күп. Кабинетга кираману қочаман. Бир ҳафта үтирсам ҳам қабулдан құлым бүшамайди... Үзингиздан қолар гап йўқ. Қўйди-чиқидан тортиб паспорт масаласигача бизга келади. Милиционер үттиз тийин штраф олса ҳам балогардон үзимиз. Докторлар ташвиши, үқитувчилар ғами, банк, молия, кооператив, военкомат, йўл курилиши, уй-жой мажароси... Санайверайми? Ҳамма иш маҳаллий ҳукуматда-да, биродар.

— Шунча ишни саркотибга ташлаб үзингиз Найна-вода ётасизми?

— Саркотиб ҳам идорада үтиrolмайди.

— Нега?

— Билмаган одамдай сўрайсиз-а, Пардаев. Извошдан чиқкан отдай бўлиб қолдик-ку...

Пардаев ҳамсуҳбатини яхши биларди. Охунов ўткир фикрли одам. Ҳар бир масалада үз фикрига эга бўлгани учун райком бюроларида ундан: «Сизнинг фикрингиз қандай?» деб сўраб турадилар. Бундай вақтларда Оху-

нов пухта фикр айтар, баъзан унинг гапидан кейин ё муҳокама оқими ўзгариб кетар, ёки таклиф бир овоздан маъқулланган ҳисобланарди. Кадрлар тўғрисида ҳам унинг фикри кўп вакт дикқатга сазовор бўларди. Шу сабабданми, Пардаев ётиғи билан гап бошлади:

— Янги ташкилот бўлгандан кейин унинг келажак одимлари ҳақида иложи борича кўпроқ фикр тўплаб олгим бор. Темир Тожиевнинг ўзи билан гаплашолмадим, афтидан у бошқарманинг келажагига умидсизроқ қараётганга ўхшайди.

Охунов ҳам Темир Тожиев билан бу ҳақда йўл-йўлакай гаплашиб олган эди. Қишлоқ хўжалигига раҳбарликнинг шу дамгача ҳукм сурган жорий тартиби Темир Тожиевнинг суюк-суюягига сингиб кетган. «Ҳамма сводкалар райкомда тўпланади. Ҳамма ишни райком якунлайди» дерди у. Темир Тожиев ўзининг бутун фаолиятини шунга қаратарди. Март Пленуми олдидан бу масалада райкомларга маслаҳат солинган кезда ҳам, Темир Тожиев жорий тартибни қувватлаб, унга факат битта: «Ер ишлари шульбалари тиклансин, уни райком аъзоларидан бири бошқарсин», деб таклиф қилган эди.

Пленумда бу хил таклифлар ўтмай қолганидан Тожиев хафа бўлгани йўқ. У, колхоз-совхоз ишлаб чиқариш бошқармалари тузилишига ҳам қарши эмас, лекин, нима тузила ҳам районда тузила, райком аъзоларидан бири унга бошчилик қилса. Темир Тожиев партия ходими бўлгани учун март Пленуми қарорига бўйсунди, аммо бу ишга ҳали ичидан ишонганича йўқ. Шу омилларнинг ҳаммасини эътиборга олибми, Охунов қишлоқдаги ишлаб чиқариш янги бошқармалар қўлига ўтиб кетса, Тожиевлар нима иш қилади, улар янги вазиятда, янгича шароитда қишлоқда ишлашга тайёр эмас-ку, деган фикрда эди.

— Райкомларнинг роли пасайиб кетмасмикин, деган хавф йўқ эмас,— деди Охунов.

Пардаев лабини тишлади...

VI

Блокнотлардаги ёзувларни тартиба солиб ўтирган эдим, ҳузуримга Заргар кирди-да, эшикка қараб: «Келинг, келаверинг», деб кўздан фойиб бўлди. Бир оздан

кейин Донохонни бошлаб кирди. Уларни диванга ўтқазиб, олдилариша шаҳардан келтирган ширинликларимни қўйдим. Улар бир-бирига қарайди-ю, ерга боқади. Бирор муҳим иш билан киришгани маълум, лекин айтишга ботинолмай туришибди. Гапга йўл очиш учун ўзим: «Келинглар: афтидан, менга бирон хизмат борга ўшайди», дедим. Уларнинг кўзлари ялтиллаб кетди.

— Сизга хизмат йўғу, битта илтимос бор,— деди Заргар дадилланиб.

— Марҳамат, қанақа илтимос экан?

Заргар қўлтиғидан дафтар олиб менга узатди.

— Шуни бир кўриб берсангиз. Эпақага келса, атбатини тузатиб беринг. Ярамайдиган бўлса ўчоққа ташлаймиз!

Қўллёзманинг биринчи саҳифасиёқ мени ўзига жалб қилди. «Қишлоқ саҳнаси учун бир кўринишили инсценировка».

— Ўзингиз ёздингизми?

— Кўплашиб ёздик. Баъзан Донохон билан шунчаки машқ қилиб турамиз.

Ҳусниҳат билан чиройли қилиб оққа кўчирилган асарни авторларнинг кўз олдида ўқиб чиқдим. Тили равон, қизиқ эди.

Заргар, асаримиз маъқул тушармикин, ёки мазах қиласмикин, дегандай ташвиш тортиб ўтирибди. Донохоннинг икки кўзи дафтарда, у ҳам сатрларни мен билан баравар ўқиб боряпти.

— Шу колхозда бўлган воқеами?

— Ўз кўзимиз билан кўрганмиз,— деди Донохон.

— Шу персонажлар — бор одамларми?

— Томсшага ўзларини ҳам олиб келамиз,— деди Заргар қувониб.— Ростини айтинг, шуни саҳнага қўйса бўладими?

— Бўлади,— дедим-да, қўлимдан келганича таҳрир қилиб бердим.

Заргар қувониб кетиб:

— Ҳаваскорлар концертига келинг,— деди жилмайиб.— Бу асарни иккинчи бўлимда кўрсатамиз.

Донохон ҳам шодланиб:

— Ҳали сўзлари унча ёд эмас, эртагача ёдлаб оламиз,— деди.

Эртасига Икромхўжаев «Қишлоқдаги маданий ҳаёт

билан танишиб қўйинглар» деб Бошқармадан келган-
ларнинг ҳаммасини концертга бошлаб борди.

У мени ҳам клубга таклиф қилди. «Қайси клубга?»
деб сўрасам, «Қайси клубга бўларди, Найнавонинг бит-
та клуби бор» деб кетаверди.

Найнавонинг бутун водийга таърифи кетган данғил-
лама битта клуби бор эди. Унинг биносини қувалик би-
нокорлар тиклаган, эшик, деразаларини Мерганов қў-
қонлик дурадгорларга ясатган. Колхозчиларнинг қурул-
тойига вакил бўлиб борган йили Мерганов Навоий театр-
рининг нақшларига ҳаваси келиб: «Шунаقا клуб кур-
моқчи эдим, аттанг, иморати битиб қолди» деганда, унга
хайриҳоҳ кишилар: «Бундан ҳам чиройли қилиб нақшлаб
берамиз», деганлар. Шундай қилиб, Мергановнинг ма-
шинасида бир кеча-кундуз йўл юриб, Тошкентдан келган
рассомлар клубнинг шифти ва деворларига уч ой деган-
да гул солиб нақшлаб берганлар. Уларнинг турли-туман
бўёкларидан бу бино клуб эмас, қасрга айланган. Шун-
дан кейин унинг ичига ҳатто, Мергановнинг ўзи ҳам ўй-
лаб кирадиган бўлиб қолган эди.

«Бундай бинога антиқа жиҳоз керак», дейишди. Темир
Тожиевнинг ёрдами билан Ленинграддан тўқсои пудлик
қандил олиб келишди. Бир минг саккиз юз қўзлик бу
«сершоҳ қўёш»дан клуб нурга тўлиб-тошди. Локланган
тахта полларга Лъвовдан келтирилган юмшоқ жиҳозлар
териб қўйилди.

«Клуб битди», дейилган куни район билан областнинг
катта-кичиклари тўпланишди-да, «Клубмисан клуб бу-
либи, мағриб билан машриқдан келганлар курса ҳам
қўзи ўйнайди», деб кетишди. Шундан кейин бу клубнинг
эшиклари фақат келди- кетдига, кўрманага очиладиган
бўлди. Унинг калити Мергановнинг сейфида туради. Ка-
ни бирор ундан калит сўраб кўрсинг-чи!

Ҳисобот-сайлов йиғилиши бўлган йили, серлой қиши
кунларидан бирида Мергановнинг ўзи клуб эшикларини
катта очиб қўйди. Ёшу қари клубга тўлиб, ҳар хил бўёқ-
ларда ясалган гул нақшларни томоша қилиб ўтирилар-
да, «Клубнинг эшигига қулф тушмасин», дедилар. Мер-
ганов бунга эътироҳ билди. Бироқ, йиғилиш тарқа-
гандан кейин лойни кўриб унинг тепа сочи тик бўл-
ди. «Яна икки марта шунаقا бўлса, қасрнинг сири тўки-
либ битади», деб йиғилишларни ташқарида ўтказадиган
қилиб қўйди.

Қўшни колхозларнинг клубида баҳорда пилла курти тутилади, Баёзов айтганидай, хўжаликка нафи тегади, Мергановнинг клуби эса бундан ҳам маҳрум. У Заргар билан Донохоннинг драма тўгараги билан музика тўгарагини ҳам шу чоққача унинг остонасига йўлатмас эди.

Шу клуб эшиклари ҳозир катта очилиб турибди. Бундан ҳамма ҳайрон. Бирпаста клуб одамга тўлди. Мерганов энг олдинги қаторда ўз саҳйилигидан ўзи мамнун бўлган кишидай хуштабассум ўтирибди. Унинг атрофидаги икки-уч қатор креслоларда ўтирган қишлоқ активларининг ҳам кайфи чоғ. Биринчи қаторда жойлашган Бошқарма одамларигина камгап. Улар гўё шифтга, деворга, люстранинг қош-кўзларига чапланган ҳал билан зарни пулга чақаётгандай эдилар.

Икромхўжаевнинг икки кўзи бу ҳашаматли залга қовушолмай, ўзларини ўнгайсиз сезиб ўтирган колхозчиларда эди.

Саҳна очилиб, Найнавонинг ўз созандалари, ашулачилари, ўйинчилари куриндилар-да, жон-диллари билан ҳунарларини намойиш қила бошладилар. Шундагина Икромхўжаев саҳнага қаради. Унинг назарида Найнаво артистлари ҳам ўз саҳнасига қовушолмай тургандай бўлди-да, кулиб кўйди. Унинг кулгисига кўзи тушган Мерганов «найнаволикларнинг қойил қилаётганидан хурсанд бўляпти» деб ўйлаб, янада ёйилиб ўтириб олди.

Мен иккинчи бўлимни кутмокда эдим. Иккинчи бўлим ҳам кулгили, ҳам қайгули бошланди.

...Авансценада конферансъе пайдо бўлди-да: «Бор экан-да, йўқ экан, бир қишлоқда зўр колхоз бор экан», деб гап бошлади. У барчани ўзига қаратиб олгач, гапида давом этиб: «У колхознинг баъзи амалдорлари куйидагича иш тутар экан. Тўғрими, эгрими, ўзингиз баҳоланг, куласизми, куясизми — у ёғи ўзингизга ҳавола...», дедида, саҳнадан фойиб бўлди.

Ҳамма саҳнага қараб турибди. Саҳна очилди. Саҳнада правление мажлиси боряпти. Раиснинг кабинетидаги ҳамма жиҳозлар шу ерда. Иштирок этувчилар: раис, икки ўринбосар, бош агроном, ферма мудирлари, курилиш бошлиғи, бош бухгалтер, агрономлар, бухгалтерлар, ҳисобчилар, экспедиторлар, омборларнинг мудирлари...

Масала битта: «раисга қайта маош белгилаш ҳакида».

Биринчи муовин ўртага чиқиб дам у ёққа, дам бу ёқ-
ка күз ташлаб гапирмоқда:

— Уставдан маълумки, раисларга экин майдонининг
гектари, қорамолниң туғига қараб ҳақ белгиланади.
Биз яна йириклашдик. Демак, гектаримиз ҳам, туғимиз
ҳам кўпайди. Раисининг иш ҳақи ҳам кўпайиши керак!

Экспедиторлар суюққина қарсак чалишди.

Иккинчи муовин: «Саккиз юз сўмдан ози камлиқ қи-
лади!» деб луқма ташлади.

— Ойлиги етарли-ку,— деди ҳисобчилардан бири.

Биринчи ўринбосар унга хўмрайиб караб қўйди. Бух-
галтер ўз ҳисобчисини туртиб қулоғига пичирлади:

— Ўз фойдангни билмайдиган махлуқ экансан, хап-
тур.

Биринчи ўринбосар ўгирилиб: «Пастдаги поғоналар-
ни кўзда тутиб шундай қиляпмиз», деди.

Шундан кейин ферма мудирлари, экспедиторлар ғи-
мирлаб қолишди. Унинг таклифига қўл кўтарганлар ҳам
ўшалар эди.

Раис ўз сафдошларига мамнун бокиб: «Энди навбат
сизларга келди», деди-да, қўлидаги қоғозларни варақ-
лаб, ўринбосарларга раис олаётган ҳақнинг саксондан
тўқсон процентигачаси берилишини, уқтирди.

Унинг гапи тугамай омбор мудири ўртага тушди:

— Таклифим шуки,— деди у энтикиб,— саксон про-
центи оз, юз проценти одобдан эмас! Чунки раис битта.
Ўринбосарларга тўқсон проценти берилсин!

Унинг ҳамфикрлари қарсак чалиб юборди.

Залга аста кўз қиримни ташладим. Бошқармачилар
жуда мамнун, Икромхўжаев саҳнадан қўзини узолмайди.
Пардаев қўйин дафтарини қўлига олиб, чұнтағидан қа-
ламини қидириб қолди. Аввалда қувнаб ўтирган Мерга-
нов энди безовталана бошлади. Залдаги одамлар бир-
бирларига «кўряпсанми?» дегандек мийигида кулишмоқ-
да. Бу сокин кулги кейин бирданига қайнаб, шараклаб
кетди. Саҳнага боқсам, навбат бухгалтерияга келибди.
Биринчи сўзни бош бухгалтернинг пинжида ўтирган ин-
вентаризация ҳисобчиси бошлади.

— Бош бухгалтеримизга энг юқориси белгилансин,
яъни масалан, «... фалончадан... фалончагача» деган
жойи бор-ку, ўшанинг «гача» деган еридаги маош берил-
син.

Шу чоқ бояги эътиroz билдириб ўтирган ҳисобчи: «Червонларни чиқараётган молия министри ҳам мунча пул олмас...», деган эди, унинг бу сўзини англамади шекилли, бош бухгалтер: «Менга шуниси ҳам етарли», деб кулиб қўйди.

— Энди бизники қанчаданга тушади? — деб сўраб қолди инвентаризация ҳисобчиси.

Бош бухгалтер унга юзланди:

— Менга берилганинг саксон проценти етадими? Етмаса, ҳам майли, тўқсон процентини олаверинглар, ўзи ҳаммаси ҳам тўқсондан бўляпти. Колхоз катта, давлати камайиб қолмайди.

Саҳнадагилар мамнун. Залда эса ғала-ғовур. «Уят!», «Номус!» деб қичқирди, охиристикда ўтирган бир кекса дәжкон.

Бош бухгалтер ўрнидан туриб кўп ишораси билан залдагиларни тинчлантирга:

— Мия иши билан ғизни иши...
Бизнинг ишимиз мия иши...

Раис ёнидан герб печатини билан бушилди, бош бухгалтернинг қўлидаги қоғози билан:

— Қарор тасдиқ! — деди.

Қўлида чамадони билан кассир саҳнага кириб кела-ди. Чамадонни столга қўяди. Уҳ тортиб ўтиради, ҳанси-раб гапиради:

— Зўрга олдим. Банкада одам минди-минди. Яхшиям бир челак гилос олиб борганим. Хонимлар гилосни кўришиди-ю, кўл қўйиб юборишиди. Орқа тешикдан пул сана-наб олдим. Қалай бўпти-а?

Бош бухгалтер унга тайёр ведомостни узатади.

— Қани, раисга бер. (Раис санамай олади). Энди менинг ойлигимни узат. (У санаб олади) — Бу ёғини тезда тарқат.

Аппарат ходимлари банкдан келган яп-янги пачка-ларни бўлашиб олади. Саҳнага колхозчилар кирадилар. Кассир чамадонни ёпиб қўяди. Пешанасини дурра билан танғиган бир колхозчи қиз кассирга учрайди. Қаламини кўл қўйишга тўғрилаб дейди:

— Ведомостни олинг-чи.

— Ведомост нега керак?

— Муллажиринг улашяпсиз-ку. Уч ойлик ҳақим ма-на бу чамадонингизда турибди.

— Ие, Донохон, жинни бўлдингизми?!— дейди-да, кассир чамадонни очади, ичини ағдариб кўрсатади — куп-қуруқ.

Кассир шошилиб чиқиб кетади. Колхозчилар ҳангманг бўлиб қолишади.

— Шу ҳам иш бўлдими?

— Инсофдан эмас-ку...

Саҳнадаги бу сўзлар залга ҳам кўчди.

— Ўзимиэда бўлган воқеа-ку!..

Икромхўжаев қотиб-қотиб кулади.

— Жуда боплашибди! Қойил қилишибди. Офарин!

Инспектор-ревизорлардан бири:

— Биздан сўрасалар бундан бўлак фактларни ҳам айтардик,— деб қолди.— Пъесачага яна битта кўриниш қушиш керак.

Мергановнинг қовоғи осилиб кетди. У ҳеч ким билан хайр-хўшлашмай уйига жўнади. Мергановнинг яқин кишилари — бугунги томоша қаҳрамонлари ҳам биринкетин пана-пана йўлаклар билан тарқалишди. Колхозчилар эса, тўп-тўп бўлиб томошадан олган таассуротлари ҳақида гурунглашиб, кўчани обод қилиб боришарди.

VII

Темир Тожиев бугун ҳам қуёшдан аввал уйғонди, шошиб-пишиб нонушта қилгач, кучага чиқди. «Газик» одатдагидек дарвозанинг оғзида кўндаланг турарди, шофер ҳуррак отиб уйқунинг чала қолган жойидан оларди. Темир Тожиев шоферга бир оз қараб турди-да, райкомга пиёда жўнади.

Райком қоровули йўлларни чангитиб супурмоқда эди. Темир Тожиев оғиз-бурнини беркитиб, ўтиб кетди. Коровул ундан узр сўраб, важ тополмай турган эди, Заргарнинг жигарранг «Победа»си гумбурлаб келиб, Темир Тожиевнинг оёғи остида фижиллаб тўхтади, ундан Мерганов отилиб чиқди. Темир Тожиев шошилиб сўради:

— Парторг қани?

— Уни машинангизнинг олдида қолдириб келдим.

Шоферингиз термосга бошини қўйиб ухляяпти...

— Кечаси нега телефон қилган эдинг?

Мерганов атрофига қараб қўйиб:

— Зарур иш чиқиб қолган эди,— деди.

Чайналиб гапиришидан ва атрофга аланглаб туриши-

дан бафуржа сўзлашадиган гап бўлса керак, деб ўйладида, Темир Тожиев уни кабинетга бошлади. Кабинетга кириб, столга юзма-юз ўтирилар.

Мерганов гап бошлади:

— Шошилинч телефон қоққанимнинг сабаби бор эди. Келинайимни безовта қилсан ҳам, ўз вақтида айтиб қўяй, дедим. Бир томони, ўзингиз ҳам тайинлаб келган эдингиз...

— Яна ўша Икромхўжаевларнинг оёғи остидан чиқкан гаплардир-да?

Мерганов қошини кериб, лабини дўрдайтириб олди.

— Унча-мунча гап эмас-да. Сиз билан биз бузғунчи эмишмиз...

Темир Тожиев ҳеч маҳал ўз шаънига бундай гаплар эшиитмаган эди. Унинг қони қайнади:

— Ким айтди?!

— Ҳамма ақл Пардаев билан Икромхўжаевда эмиш. Пардаев мутахассислари билан даламизни илма-тешик қилиб юборди. Район тасдиқлаган ишлаб чиқариш-мoliavий план ҳам ўтмас чақа бўлиб қолди.

Темир Тожиев ўрнидан сакраб туриб кетди.

— Эртага бўладиган машмашадан хабарингиз бордир? Улар райкомсиз бу ишни қилолмаслар, деб ўйлайман,— деди Мерганов.

— Қанақа машмаша?

— Ревизияни тамомлашди...

— Ревизия эмас, сендан иш ўрганишяпти,— деди Темир Тожиев унинг гапини шартта кесиб.— Ташкилот ҳам, унинг одамлари ҳам ҳали ўз жойини топиб олганича йўқ, шунинг учун иш ўрганишяпти, ревизия эмас...

Мергановга шу гап кифоя қилдими ёки Пардаевларга ошкор бўлган ишлардан ҳали бу одам бехабар экан, деб ўйладими, дамини ичига ютди.

Шу чоқ телефон жириングлади. Мерганов аланглади. Темир Тожиев беларво. Телефон яна қаттиқроқ жириングлади. Мерганов ерга қараб олди. Тожиев трубкага пуллади.

— Ҳа! Мен. Темир Тожиевман... Алайкум салом...

Трубкадан жаранглаган овоз эшитилди. Мерганов уни таниди: Икромхўжаев. Темир Тожиев: «Йўқ, ўёққа бугун йўлим тушмайди. Ўзларингиз райкомга келинглар», деди-да, трубкани илиб кўйди. Кейин Мергановга ҳўмра-йиб деди:

— Бошингній баландрок күттар, Мерганов, мунча буришиб кетмасан!

Мерганов ўрнидан турди. Нима қилай, дегандай жавдираб унга тикилди.

— Найнавога боравер, улар билан үзим гаплашаман. Менга қара, парторгингни олиб кет. Бошқа йўл билан юринглар.

Мерганов ҳамма нарсани тушунгандай бош қимиirlатиб чиқиб кетди. Темир Тожиев унинг кетидан қараб туриб, нимадир ёдига тушди шекилли, коровулга буюрди: «Тұхтатинг!»

Мерганов «Победа»га етиб борган жойида тұхтади. Темир Тожиев халлослаб келиб, машинаға чиқди.

— Бирга борамиз,— деди у ва ойнадан бошини чиқариб, коровулга буюрди:— Мени сұраганларға, ҳадемай келиб қолади» денг!

Заргарнинг «Победа»сини райком секретарининг дарвозаси рупарасида тұхтатдилар-да, машинаға парторгни ҳам үтқазиб олдилар.

— Чап йўлдан юрамиз,— деди Мерганов райком секретарининг бояғи гапини эслаб.

Заргар Найнавога борадиган асфальт йўлни үнгда қолдириб, эски арава йўллардан колхознинг чекка участкалари томон юрди ва қайта әкилган карта олдида тұхтади.

— Эсингиздами, экавер девдингиз, экувдик. Пардаев буздириб юборди. Интизом керак эмиш.

Тожиев қип-қизариб кетди, лекин индамади. Мерганов шоферига ишора қилиб бармоини чапга қаратди. Заргарнинг машинаси маккажұхори майдонига бориб тұхтади.

— Шу карталардаги әкин планини үзларингиз тасдиқлаб берган әдингиз. Пахта ўрнига маккажұхори экасан, деяпти...

Тожиев оппок оқариб кетди, лекин индамади.

— Қандай кунга қолдик?— деди Мерганов гапида давом этиб.— Ўтиранг тур, дейишади, турсанг үтир, дейишади.

Тожиев ҳамон жим.

«Победа» тракторчилар томон йўл олди. Эртанги ғұза пайкалларыда ягана бормоқда эди. Темир Тожиев машинадан тушди. Культиваторлар орқасидан бир-икки

одим юргач, тракторчига қўли билан тўхташ ишораси берди. Агрегат тўхтади.

— Анави панжаларини олиб ташла!

Универсалчи ҳайрон бўлди.

— Мутахассислар улатиб кўйдилар...

— Сенга мутахассис хўжайнми, райкомми? Дарров олиб ташла!—деди.

...Ягана қилаётган «универсал» шиддат билан тутун чиқариб ҳаккалаб кетди.

Заргар нима бўлаётганини тушунолмай ҳайрон: «Кечча приказ — бугун отказ. Қаерга бориб тўхтаркни бу гаплар», деб ўйлади.

«Победа» текис йўлдан равон йўрғаламоқда. Мерганов дам оқариб, дам қизариб ўтирибди. Парторгнинг рангида ҳеч ўзгариш йўқ. Бўлаётган ишларга бефарқлигиданми, ёки Темир Тожиевнинг кучига ишонганиданми унинг авзойидан ҳеч нарсадан қайғуриш сезилмайди. Темир Тожиевнинг хаёли нималар биландир банд. «Победа» Найнавога кириб боргунча ҳеч биридан садо чиқмади. Идорага яқинлашгандагина Темир Тожиев машинани тўхтатиб, раис ва парторг билан хайрлаши:

— Керак бўлсаларингиз чақиртираман.

Машинани қўрибми, идорадан Баёзов югуриб чиқди, Мергановга яқинлашаркан:

— Қидиравериб тинкамиз қуриди,— деди.

— Банд эдим,— деди Мерганов унга машинада ўтирган Темир Тожиевни кўрсатиб.

Баёзов эгилиб салом берди-да, Темир Тожиевнинг ёнига келди.

— Икромхўжаевлар йўлиқмадими? Улар райкомга кетишган эди.

— Телефон қоқса айтиб қўйинг: ишимни битиргач, етиб бораман.

Баёзов ўз ишига қайтмоқчи эди, Темир Тожиев уни тўхтатиб, ёнига ўтқазди-да:

— Ёзувчига пъеса материалыни сиз берганмидингиз?— деди.

— Йўқ. Ўзлари топишибди.

— Ўзлари кимлар?

— Авторлар колективи!

— Саҳнага қўйишга ким ижозат берибди? Ўртоқ Икромхўжаевга кўрсатиб олишган бўлсалар керак.

Баёзов билан хайрлашгач, Темир Тожиев районга шошилди. Лекин, Заргарнинг машинаси йўлда тобора секинлаб борди-да, қишлоқнинг четида, якка тол тагида такқа тұхтади. Заргар пастга тушиб, машинанинг у ёқ-бу ёғини қараб, қанотини кутариб қўйди... Темир Тожиев шошилиб ташқарига чиқиб: Нима гап?— деди. Заргар жавоб үрнига бошини қашлади. Тожиев энгашиб моторга тикилди. Ҳеч нарсани тушунмади.

Заргар пинагини бузмай турибди. Шошилаётган Темир Тожиев тажанг эди.

— Нега белингни ушлаб турибсан, тузатмайсанми буни?

— Нимасини тузатай?

— Бузук жойи йўқ бўлса, нега тұхтатдинг?

Заргар кўнглида: «неча йилдан бери машинада юради-ю, соғу касалини билмайди» деди-да, қўлларини белидан олди.

— Сиздан бир гап сўрамоқчи эдим, энди эсимга келди.

— Сўра,— деди Тожиев зўрға.

— Оддий коммунистнинг райком секретарига юрагидаги гапини очиқ айтишга ҳаки борми, йўқми?

— Ҳаки бор, албатта. Лекин, томдан тараша тушгандай тарзда эмас-да,— деди Тожиев бир оз юмшаб.

— Ҳаки бўлса, эшитинг: райком секретарининг даладаги иши мендай оддий коммунистга ёқмади. Тракторчига эса мутлако маъқул эмас! Ҳалқимизнинг: «дўст ачи-тиб гапирав» деган мақоли бор. Юзингизга айтиб қўяй: механизаторнинг ишини бузиб чакки қилдингиз. Ахир, шу ишга улар жавобгар-ку.

Темир Тожиев бир зумда неча рангда товланиб олди. Атрофига қаради, йўтали қистади. Бутун ғазаби тилига тўпланаётган чоқда ҳам Заргар бўшашмади.

— Ҳаваскорлар курсатган ҳажвияни ҳам Икромхўжаевга тўнкадингиз. Пъесани Донохон билан мен ёзганман. Артистлар ҳам ўзимиз эдик. Пъесани ўйлаб чиқарганимиз йўқ. Уни правлениенинг қароридан кўчириб олганимиз. Уша қарорни Охунов иккалангиз тасдиқлаб бергансиз. Мана, гапим тамом, энди кетамиз.

— Шошма, шошма,— деди Тожиев унга қараб.— Бу гапни Икромхўжаев ҳам биладими, йўқми? Ундан ҳам сўраб кўргандирсан?

— Бу гапни Донохон сұраган эди, ўртөк Икромхұжаев ҳам аниқ жавоб қилгани йўқ.

Темир Тожиев машинанинг орқа ўриндигига чиқиб ўтириди.

VIII

Найнаводаги ишлари тамом бўлгач, Пардаев колхоз ишлаб чиқаришига доир материалларни жамлади. Хулоса ва таклифлар лойиҳасини столга қўйди. Икромхұжаевнинг «Найнавода идеология ишларини яхшилаш» мавзудаги доклади столга қўйилди. Бошқарма ходимлари билан парторг аппарати бу иккала ҳужжатни баланд овоз билан ўқиб чиқдилар. Мухокама давомида ҳар иккала ҳужжат ҳам таҳрирдан чиқиб, бир бошдан оққа кўчирила борди-да, оқибат, улардан қўшма ва яхлит «Тавсиянома» пайдо бўлди.

— Бу масалани колхозчилар ўртасига ташлашдан аввал райком билан кенгашиб олайлик,— деди Икромхұжаев.— Эҳтимол, райкомнинг ўз фикрлари бордир.

Бу таклифни эшилган Пардаевнинг юзи буришди:

— Янги ишни яна эски изга солмоқчимисиз?

Икромхұжаев унинг нима демоқчи бўлаётганини сезди-да, ўз таклифини қувватлади.

— Район ташкилотлари билан контактда ишлаганимиз маъқул.

— Ундей бўлса қишлоқдаги қайта қуришларга нима ҳожат бор эди?!— Пардаев эътиroz билди.— Райкомларнинг айтгани-айтган, дегани-деган вактлар ўтди. Қишлоқнинг хўжайини ким эканлигини аввало узингиз билиб олишингиз лозим.

Орага бир оз жимлик чўкди.

— Биз билан ишламоқчи бўлса райком секретарининг ўзи бу ёқка келсин,— деди Пардаев қатъий қилиб.

Икромхұжаев телефон орқали Темир Тожиевни Найнавога таклиф қилди. Райком секретари уни нима масалада ҳадеб Найнавога чақиригаётганини тушунгач, нафсониятга борди-да, ўз навбатида улардан Найнавода қилган ишлари ҳақида райкомга доклад килишларини талаб этди. Темир Тожиевнинг талабини ўта кибрлик деб билса ҳам, Икромхұжаев райкомга бориб гаплашишдан бош тортмади. Пардаевга: «Тоғ Мұҳаммаднинг олдига келмагач, тоғнинг олдига Мұҳаммаднинг ўзи борган

экан. Темир Тожиев төг эмас, биз эса, пайғамбарлар эмасмиз, қани юринг, райкомга борамиз», деди.

Улар папкаларини құлтиқлаб Чаманга йүл олдилар.

Чаман райкомида уларни икки кишигина кутиб олди: коровул ва машинистка.

— Үртөк Темир Тожиев ким келса кутиб турсин, дедилар.

Коровулнинг бу гапига машинистка илова қынди:

— Ҳозир келиб қоладилар.

Иккінчи секретарнинг кабинети қулф. Учинчи секретарнинг кабинети очиғу, ҳеч ким йүк. Бўлимларда ҳам одам қораси кўринмайди.

Пардаев кўз қири билан Икромхўжаевга: «Нима қилдик, кутамизми? дегандек савол ташлади ва машинистканинг рўпарасидаги курсига ўтиреди. Пардаев дам соатига қарайди, дам папкасига... Икромхўжаевнинг икки кўзи дарвозада.

— Охунов билан гаплашиб турға қолайлик,— деди Пардаев.

Чаман район ижроия комитетининг идораси райкомнинг қаршисида бўлиб, яқинда қурилган «Советлар уйи» га жойлашган эди. Узун коридордан бораётганларида Охуновнинг ўзи дуч келиб қолди. У одатдагидек қувнаб-кувнаб ва ҳансираб кўришди.

— Яхшиям сугурта инспектори ушлаб қолди, бўлмаса сизларни кўрмай қоларканман. Ишларингиз битганга ўҳшайди. Папкалар жуда қалин-ку?

Кабинетга бошлишиб кирдилар. Охунов меҳмонларни ҳурмат билан диванга ўтқазиб, бир чойнак чой чақирди, ликопда қанд келтириб кўйди.

— Яхши конфетларимиз йўқ, айбга санамайсизлар. Бу печакқандни артеллар тугатилмасдан олдин ўз маҳаллий саноатимиз чиқарган эди,— деди-да, кулимсираб қўшимча қилди:— Яқин ўтмишдан эсадалик.

Чой ичиши. Пардаев дам-бадам соатига қараб кўярди. Охунов уларнинг ишини осонлаштириш учунми, телефонда қишлоқларга қўнғироқ қила бошлади. «Үртөк Тожиев борми? Кўрсаларинг тайинланглар: дарров Чаманга келсин, ҳурматли кишилар кутиб қолишди».

Икромхўжаев ҳам соатига қарай бошлади.

Пардаев папкасини очди.

— Мана бу гапларга маҳаллий ҳукумат нима дер экан?

Охунов унга яқин үтириб олди. Унинг икки кузи папкада.

— Қани эшитайлик-чи, райижрокомга алоқадор масалалар бўлса, қўлимииздан келганича жавоб қиласиз.

Пардаев ер тузилишидан бошлаб, молиявий интизом масалаларигача аниқланган фактларни санаб берди. Охунов тилини тишлаб қолди. Пардаев бу фактларни кўшни район колхозларидағи кўрсаткичлар билан солиштира бошлагач, Охунов тагин ҳам эсанкиради. Изоҳ бермокчи бўлиб неча бор оғиз ўнглади, аммо кўпроқ тинглаб, озроқ сўзлаш иштиёқи зўр чиқди шекилли, индамай үтираверди. Ниҳоят, Пардаевнинг хулосасини эшитгач:

— Мана бу фикрларга юз поиз қўшиламан,— деди,— колхозларга мана шунақанги ёрдам керак. Биз ҳам шундай ишларни қилгимиз келади, лекин сизларчалик мутахассисларимиз йўқ.

Телефон қисқа-қисқа жиринглади. Охунов дарҳол трубкани кутарди, жим қулоқ солди. Бошини қимиранлатди-да, хўп, деб қўйди.

Темир Тожиев ўз кабинетидан телефон қилган эдн. У Заргарнинг гапидан ҳамон караҳт бўлса керак, «Ҳеч кимни киритманглар», деди-да, кабинет эшигини тарақлатиб ёпди.

Охунов меҳмонларни бошлаб кирди.

— Аввал иқтисод, баъдаз сиёsat, қани ўртоқ Пардаевдан эшитайлик,— деди Темир Тожиев, ўзини қувноқ тутишга уриниб.

— Ҳамма гапни ўртоқ Охуновга айтдим. Мерганов ҳам батафсил билади. Хулосамиз мана бу қофозда...

Темир Тожиев Пардаев узатган папкани қўлига олди. Кейин Икромхўжаевга: сизда қандай гаплар бор?— деди.

Унинг бу саволи Икромхўжаевга эриш кўринди, гўё ўз инструкторларидан ҳисоб олаётгандай оёғини чалиштириб үтирибди. «Бу нима қилгани?— деб ўйлади Икромхўжаев.— Иzzатини билмаганиданми ёки қишлоқ хўжалигига раҳбарлик қилувчи кучлар нисбатидаги ўзгаришнинг маъносини тушунмаётганиданми? Вакт үтиши билан ҳамма нарса ўз ўрнига тушар, Темир Тожиев ҳам ўз қолипини топар...»

Ана шу мулоҳазалар таъсири биланми, Икромхўжаев райком секретарининг колхоз-совхоз территориал ишлаб

чиқариш бошқармаси бошлиғига нисбатан калондимоғ муносабатини дарҳол қоралаши эп күрмади. Пардаев эса, жигига теккан бу димоғдорлик Икромхұжаевнинг қаҳрига учрашини кутиб үтиреди. Икромхұжаевнинг қисқа ахборотидан кейин Темир Тожиев кимлар билан ва нима ҳақида сұхбатлашаётганини ҳам унутиб қўйди. Қнопкани босди. Эшик олдида ёрдамчиси пайдо бўлди. Тожиев унга бошқарма ҳужжатларинн узатди.

— Мана буларни олиб қўй, бюрова кўрамиз,— аввал Икромхұжаевга, сўнgra Пардаевга қаради:— Лойиҳани ҳам ўзларингиз ёзиб бера колинглар, тепасидан таҳрир қиламиз.

Пардаев папкани ундан қайтариб олди.

Икромхұжаев ҳам ўртага ташлаган қофозларини тахлаб қўйнига солди-да, бақрайиб қолган секретарь ёрдамчисига ишора қилиб:

— Майли, сиз ўз ишингиэни қилаверинг, кейин учрашамиз,— деди.

Кабинетда ўзлари қолгач, Темир Тожиев ҳужумга ўтди:

— Бу ер райком. Унинг сайлаб қўйилган раҳбари бу ёқда туриб, райком ходимиға нега сиз фармойиш қиласиз?

— Фармойиш қилаётгани йўқ-ку,— деди Пардаев.— Сизнинг олдингизга бош эгиб, хайр-эҳсон сўраб келганимиз йўқ, муҳим қарорни биргалашиб бажарайлик, деб келдик.

— Чакирган жойимизга бормадингиз,— деди Икромхұжаев ўз навбатида.— Мана, ўзимиз келдик.

— Райком битта, келиб-кетадиганлар сон мингта...— деди Тожиев.

Пардаевнинг қони қайнади шекилли, унга чакчайиб:

— Бизни келиб-кетадиган одамлар, деб ҳисоблабсизда. Марказком нима деяпти-ю, сиз нима деяпсиз... Баракалла, ўртоқ Тожиев.

— Йил ўн икки ой Найнавода ётмассизлар, ахир!— деди Тожиев унга.— Уша одамлар билан биз ишлаймиз.

— Биргалашиб ишласак, девдик.

— Биргаликда ишлайдиган бўлсак, ҳамма нарсани янгитдан бошланглар.

Пардаев ҳанг-манг бўлиб:

— Ишлаб чиқариш масалаларини ҳамми? — деб суради.

— Ҳаммасини,— деди Тожиев жиддий.— Экин-тикинни ҳам, ревизияни ҳам,— кейин Икромхўжаевга юзланди.— Сиз парторг қилмоқчи бўлган Заргарни тракторга миндириб келдим.

Охунов шафтоли шохидай эгилиб ўтирибди, шамол келса ҳам қимиргагиси йўқ. Пардаевнинг хаёли Найнавода: «Ростдан ҳам ҳамма нарсани чаппа ағдариб келдими?» — деб ўйлади.

Икромхўжаев эса, кўнглида: «Ҳар бир колхозни шунақанги жанг билан қўлга киритадиган бўлсак, ишимиз қандок бўлди?..» дейди.

IX

Шу чоққача райком секретарининг имо-ишора билан айтган гапини ҳам қонун деб билган ва ҳар қандай топширигини бажону дил ижро қилиб келган Мерганов негадир Темир Тожиевнинг Заргарни тракторга миндириш ҳақида лўнда қилиб айтган топширигини бажаришга шошилмади. Аввало, Заргардан унинг ўзи ёмонлик кўрмаган. Колаверса Найнавода Мергановнинг машинасини минадиган бошқа «содик» шофер йўқ. Ахир, Заргар ақлли, фаросатли йигит. Буюрилган ишни кўнгилдагидек бажо килади. Обрўси раиснинг обрусидан кам эмас. Бас, шундай экан, уни айбсиз айбдор қилиб, ўз қўлтифингдан ҳайдаб юборишинг инсофданми?..

Мерганов ҳеч вақт ва ҳеч қачон шу тундагидек хаёлга чўммаган эди. Кўз очса ҳам, кўз юмса ҳам икки одам кўринаверди: трубкани пуфлаб ўшқираётган Темир Тожиев, «Победа»ни артиб тозалаётган Заргар.

Мерганов эрталаб тўғри гаражга келди-да, мудирга «Победа»ни колодкага кўндириб кўйишни буюрди.

Шундан кейин у Тожиев буйруғини бажариб, унинг олдида юзини ёруғ қилиб олгандай кўчада шахдам одимлаб идорага кирди. Бухгалтерияни ис босиб кетган, нижотин димоққа урмокда. Столлар устида парча-парча қофозлар ётибди, поллар ифлос. Мерганов жагини ушлаб туриб қолди. «Бухгалтерия тонг отгунча ухламаган бўлса керак. Пардаев бу бечораларни ҳам қийнаб кўйди».

...Эрталаб қарасам Заргарнинг ўрни бўш. Унинг олма гулли сатин кўрпаси устига ойнадан қуёш нури тушиб турибди. Шу чоқ эшик тарақлаб очилди-да, ичкарига

Заргар отилиб кирди ва кўрпа-тўшагини юмалоқлаб, камари билан боғлай бошлади.

— Йўл бўлсин? — сўрадим мен.

— Далага! — деди Заргар.

Унинг овозидан кўнгилсиз бир гап ўтганини пайдадим.

— Сизни ким хафа қилди? — деб сўрадим.

— Мени хафа қиласиган одам ҳали туғилгани йўк! Узим хафа бўлдим.

— Нимага?

— Гаражга кирсан машинамни аристон қилиб қўйишибди. Уни Мерганов ўз кўли билан колодкага қўндириган эмиш. Менга ишонмаганидан қилган-да.

— Йўғ-е!

— Узимам далани соғиниб қолган эдим. Тракторда бағримни шабадалатганим минг марта афзал!

Мерганов оғир одимлаб дераза остидан ўтди ва ҳаял ўтмай эшик қанотини ёриб кирди.

— Бу кимнинг кўрпа-тўшаги? Тағии ким келди? — деди у хонамиздаги вазиятни кўриб.

Заргар жавоб қилди:

— Менинг кўчим...

Мергановнинг нафаси ичига тушиб кетди. У бундай бўлишини кутмаган экан. Заргарнинг гаражга одатдаги-дек беғам кириб, гараждан қалбида исён билан чиққанини кўриб турар эди.

— Қаёқка отландинг, Заргар? — сўради Мерганов.

— Донохоннинг даласида трактор минаман. Кўз очиб кўрган ҳунаримни соғиндим. — У бармоғи билан томоғини бўғизлаб кўрсатиб: — Мана, бундок, соғиндим. Менинг кўкрагимга шабада тегсин! — деди.

Заргарнинг бу гапи Мергановни ҳайрон қилиб қўйди. Демак, Темир Тожиевнинг Заргарни тракторга миндириб қўйиш ҳакидаги фикри қуруқ сўз эмас экан-да, таажжуб: идора атрофида юриб ўргангандан кишилар, айниқса раисга яқинроқ шахслар бирор лавозимдан қувилганда ўз майлича далани кўзламас, боғми, ошхонами, омборми, енгил ишга ёпишар, ишқилиб Найнаво марказидан нарига жилмасди. Ҳамма нарса қўлидан келадиган Заргар эса, тракторчи бўлармиш. Бу ишнинг тагида лойи йўқмикин?

— Тракторда ишлашингни Темир Тожиев айтдими ёки ундан шу ишни ўзинг илтимос килдингми? — сўради Мерганов.

Заргарнинг юзига ловуллаб қон югурди. Мерганов, хато қилиб қўйдим шекилли, деб тилини тишлади. Унинг тилндан тутилганини билдирамаслик учунми, Заргар деди:

— Шоферни тракторчи бўлиши билан Тожиевнинг қанчалик иши бор? Кўкрагимни шабадалатгим келди, деяпман-ку. Мана калит...

Заргарнинг «кўкрагимни шабадалатгим келди» дегани Мергановга жуда қаттиқ ботди. «Сен мени заҳлатиб қўйдинг, демоқчими? Авахтада сақлаганим йўқ эди-ку. У раиснинг ўнг қўлидай одам эди, қаерга борса, тагига кўрпача солиб, олдига патнус тузаб кўярдилар. «Раис айтди» деб гап бошламаса ҳам, бирор унинг сўзини иккита қилгани йўқ эди-ку...»

Мерганов шолғом бўлаёзган эди, Заргар қўшимча қилди:

— Кўнглингизга келмасин, такрор айтаман: штатни қисқартириш раиснинг шоферидан бошлансин. Машинани яхши кўрадиган раислар руль ушлаб, педаль босишни ҳам ўргансин.

Заргарни тракторчи қилиб юбориш ҳақида буйруқ берган Темир Тожиев бу ишнинг оқибати нима бўлишини ўйлагани ҳам йўқ эди.

Кечаги воқеадан бери Темир Тожиев билан Охунов ҳамон жиққамушт. Мунозарани бири бас қилса, иккинчиси бошлайди, иккинчиси тўхтаса, биринчиси гап кўзфайди. Чаман районининг икки раҳбари ўртасида давом этаётган бу мунозара Охуновнинг бир оғиз луқмасидан бошланиб, Темир Тожиевнинг жаҳл билан айтиб юборган эҳтиётсиз гапидан алана олди.

— Янги ташкилотнинг одамларига қалтисрок гап қилдингиз, Темир Тожиевич,— деди Охунов кабинетда иккови қолганда.

— Қайси гапим қалтис экан?

— Ҳар ҳолда янги пичоқнинг тифи ўткир бўлади.

— Райкомни ўтмас пичоқ, деб ким айтди сизга?

Охунов ютиниб-ютиниб олди-да, аста деди:

— Улар райкомни тан олганидан бу ерга келди, биз эса уларни тан олмадик...

Темир Тожиевнинг афти буришди. Ғаладонни очиб титкилади ва бир оздан кейин эски сигарета кутисини топди, қокишириб фильтрли сигарета олиб чекди. Туту-

нини бурнидан чиқараман деди шекилли, аччиғидан қалқиб кетди. Йұтал бақонаси билан дераза олдига бориб, Охуновга елкаси билан туриб олди.

Сүхбатдошининг бу туриши «Юзингни күргим йўқ дегани эмасмикин? Ундей бўлса очигини айтаверсин-да», деб ўйлаб, Охунов ҳам унга елкасини үгириб олди.

Сигаретаси тугагач, Темир Тожиев ўз жойига келиб ўтириди.

— Донохонларнинг гапига қулок солсангиз ёмон бўлмас эди. Ишчи билан деҳқонга алоҳида-алоҳида маҳаллий ҳукумат на даркор, деб сўрашяпти... Қани, бунга сиз жавоб топинг-чи, ўртоқ Охунов!

— У, жавоб айтишга улгурмай, телефон жириングлади. Трубкадан Охуновга таниш овоз эшишилди. Темир Тожиев гапни мужмал тинглаб, трубкани қўяркан: «Парторгларнинг қўнғироғи ҳам обком секретариникидай варанглайди-я», деди. Шундан Охунов гаплашган одам Икромхўжаев эканлигини пайқади... У «нима гап?» дегандай унга қаради.

— Икромхўжаев Чаманда обкомга лойик иш чиқаролмади шекилли, ярашайлик, тинч-тотув қўшничиликда ишлайлик дегандай гап қиляпти. Эртага Найнавода учрашадиган бўлдик.

Яна телефон жириングлади. Темир Тожиев шошилиб гапираётган одамнинг гапини шартта кесиб: «Эртага Найнавога эмас, районжрокомга келинглар», деди-да, трубкани қўяр қўймас Охуновга деди:

— Эртага жун тайёрлашнинг бориши ҳакида колхозларнинг маърузасини эшиting, қўлим бушаса, президиумга ўзим ҳам келаман.

Унинг юзидағи қувонч яна сўнди, яна ғаладонга югурди. У сигаретани тишига босар-босмас, яна телефон жириングлади. Бу сафар трубкада Мергановнинг овози эшишилди. Темир Тожиев уни жим тинглади-да, «ўзи кетган бўлса жуда соз бўпти, ақлли бола экан», деди.

Заргар ҳакида гап бораётганини Охунов тушунмади.

Заргар чўл бригадасига бориб, Донохонга учради.

— Ёнингизда ишлагани келдим.

— Бутунлайми?

— Умр бўйи!

— Партия чакириғига лаббай, дебсиз-да, шер йигит!— деди, бундан мамнун бўлган Донохон.— Хоҳлан «универсал»ингиз сизники!

Заргар тракторни юргизмасданок, кеча олиб ташланган мосламани дарҳол агрегатга тиркаб қўйишни талаб қилди. Донохон ҳайрон булиб елкасини қисган эди, Заргар қўкрагига уриб: «Қўрқманг, жоним, жавобини ўзим бераман!»— деди.

Донохон ҳам шу ишнинг тарафдори эди, аммо Темир Тожиевнинг буйругини рад этиш унинг қўлидан келмасди. Заргар «кагталаарнинг ичидаги юрган одам, бирон нарсани билмаса бу ишни қилмас», деган ғулоҳаза билан Донохон унга қаршилик қилмади, аммо бундан раисни хабардор қилиб қўйишни ҳам унумади.

Мерганов бу хабарни эшитгач, телефон трубкасини ерга ургиси келди. Аммо қарши буйруқ беролмади. Бошқармадан келган қўнғироқдан кейин унинг ўзи саросимада эди. «Кимнинг амри вожиб?» деб ўйларди Мерганов. «Кагталаарнинг ўзлари мунозара қиласкерсан, сен нафчиқадиган томондан, қолма!— деди унга ўз ақли, нафчиқадиган томонлари эса, уни дала шароити, қишлоқ ҳаёти тақозо қилган ишларни ёқламоққа чорлади.

Шундан кейин Мерганов бош агрономнинг машинасига ўтириди-да, кеңа Темир Тожиев юрган из билан ўз хўжалигини қайта айланиб чиқди ва ҳамма жойда ўтган куни Пардаев тавсия қилган ва кейинча Темир Тожиев рад этган тартиботни аввалги ҳолида қайта тиклай бошлиди...

X

«Ҳар бир янгиликни шундай жанглар билан қўлга киритадиган бўлсак қачон мақсадга эришамиз?..»

Пардаев ана шундай оғир хаёл билан райкомдан чиқди. Унинг назарида Темир Тожиев янги тузилган ташкилотни тан олгиси келмас, уни тан олганда ҳам, менсимаётгандай эди. Нима учун шундай иш тутмоқда бу одам? Партиянинг қишлоқда бошлаган янги ишига тўсқинлик эмасми бу?

Икромхўжаев ҳам Пардаевдай ўзи билан ўзи гаплашиб юрди: «Янги шароитда юз бераётган заруратни тушунмасликданми бу, ёки янги бошқарманинг кучига ишонмасликданми? Темир Тожиев нодон одам эмас эдику, нега Найнавода номаъқулчилик қилибди, таажжуб...»

Пардаев ҳам, Темир Тожиевнинг таноби тортиб кўйилмаса муҳим иш барбод бўлади, деган фикрда эди. У ўзининг бу ниятини Икромхўжаевдан яширмади.

— Бундай хуружларнинг олди олинмаса, кунимиз жанжал билан ўтади,— деди у Икромхўжаевга.— Партия бизни жанжал кўтариш учун эмас, маҳсулотни кўпайтириш учун юборган.

Икромхўжаевнинг фикрича ҳам янги тузилган ташкилот дастлабки кунларданоқ дадил ва пухта қадам ташлаши, нималарга қодир эканлигини кўрсатиши керак. Акс ҳолда узокни кўзлай билмаган, учқундан аланга чиқишини сезмаган одамлар унга ёнмай туриб кул бўлган кўсов деб қарашлари турган гап. Аммо айни вақтда шошқалоқлик ҳам хавфли.

Шу сабабдан Икромхўжаев Пардаевнинг оғзидағи чўфини ўчиришга уринди.

— Бу низони осойишта ҳал қилсак ҳам бўлади. Жаҳил чиқса, ақл қочади. Темир Тожиев жаҳлидан тушгандан кейин гаплашайлик. Найнавога борайлик, ҳамма нарса равшанлашади.

Пардаев ичиде унамаган бўлса-да, сиртда бу таклифга кўнгандай эди. У ҳам аслида ишни жанжалдан бошлини эп кўрмасди. Лекин Темир Тожиевнинг айтганлари рост бўлса, яъни у Пардаевларнинг Найнавода эккан кўчатларини чиндан ҳам кўчириб ташлаган бўлса бу бир зарбага ўн зарба талаб қиласиган росмана уруш эди.

— Майли,— деди Пардаев Икромхўжаевнинг таклифига кўнгач,— ўз кўзимиз билан куриб иш тутайлик, бир одамни жиловлаб қўйиш унча қийин иш эмас.

Улар Чаманга телефон қоқиб, Найнавода учрашиш ҳақида келишиб олдилар-да, Пардаевнинг машинасида йўлга чиқдилар.

Чаманга етиб келганларида Икромхўжаев «Райкомга кириб ўтайликми?» дегандек шеригига кўз қирини ташлади. Пардаев «йўқ!» дегандай юз ўғирди-да, машинани катта йўлдан арава йўлга буриб юборди. Пардаев Темир Тожиевнинг кечаги изидан бормоқчи ва унинг ғайри қонуний ҳаракатларини Икромхўжаевга исботлаб бермоқчи эди.

— Фермага ҳайди,— деди Икромхўжаев шоферга,— Темир Тожиевнинг лойи чиқса, шу ердан чиқади.

Уларни зоотехник қарши олди.

— Собиқ ферма мудири қаерда? — сұради Пардаев зоотехникдан.

— Бошқа ишга үтганмиш, күчини олиб кетди.

Икромхұжаевнинг юзига қизил югурди. У үзининг тахминлари түғри чиқиб, Пардаевнинг оғзидаги үтини учираётганидан шод эди, лекин бу шодликни ошкор қилишга ҳали әрта, деб үйларди. Пардаев ҳам «Сиз ҳақли экансиз, үртоқ парторғ», дейишга шошилмасди. У кейин-чалик бошқа фермаларда ҳам ишлаб чиқариш бошқармасининг тавсияси жорий қилинаётганини күргач, мамнун бўлиб томоқ қириб қўйди-ю, лекин ҳеч нарса демади. Икромхұжаев ҳам кўнглидаги гапини имо-ишора билан изҳор қилиб қўяқолди.

Донохоннинг квадрат уялаб қайта экилган ерларнда чигит уна бошлабди. Демак, ҳеч ким уни бузиб ташлагани йўқ. Янги маккажўхори картасида сеялка юрибди.

Бу бригадада кутилмаган ҳодисага дуч келдилар. Раиснинг шоferи гумбурлатиб «универсал» ҳайдарди. Универсалчи үзгаргани билан агрегат иш органлари үзгармаган — агроном қандай талаб қилган бўлса, үшандай ишлатилмоқда.

— Баракалла, азамат, баракалла! — деди Пардаев Заргарнинг ишини маъқуллаб. — Тракторга үтганинг жуда соз бўлибди. Партиянинг қарорини жуда яхши тушунибсан. Рансга шофер топилаверади, аммо сендей механикларнинг жойи ишлаб чиқаришда!

— Қўпчиликка үrnak бўлибсан, Заргар, — деди Икромхұжаев ҳам. — Найнавонинг бир неча мутахассислари ишлаб чиқаришдан ташқарида юрибди. Ана үшаларни бир қўзғаб юбормайсанми-а, шер йигит?

— Заргарнинг кўнглидаги гапни топиб бердилару, жон деб қилмасинми!

— Хизматга тайёрман! — деди Заргар маънодор бокиши билан.

Уларнинг олдига Донохон келди. У ишchan, чаққон эди. Одатгидай «салом-алик, ҳорманг — бор бўлинг»дан кейин Донохон Пардаевга юzlаниб:

— Кимнинг айтганини қилайлик? — деб сұради-ю, дарҳол илова қилди: — Мана шу пахтазор эди. Гоҳ беда эк, дейдилар, гоҳ оқ жўхори, гоҳ макка эк, дейдилар...

— Силос ҳам керак-да, — деди Икромхұжаев. — Сигирларни ўйламайсанми?

— Одамларни ҳам ўйлайлик! — деди Донохон. — Ко-ра экин бошқа ерда ҳам битаверади, деяпти деҳқонлар...

— Маккажӯхорига тил тегиза кўрма! — деди Пардаев унга жавобан. «Дала маликаси»га алоҳида ҳурмат даркор.

— Отни эшакка алмаштирган билан баробар-ку...

— Иккови ҳам керак! — деб Пардаев гапни кесиб кўйди.

* * *

Темир Тожиев бошқармачиларнинг (у Пардаев билан Икромхўжаевни ва уларнинг аппарати ходимларини ана шундай — «бошқармачилар» деб атарди). Найнавога ўтиб кетганини билибми, билмайми, йўлга чиқди-да, уларнинг маршрути изидан борди. Тупроқда янгиана баллоннинг калит нусха изини кўриб:

— Шу издан боравер, — деди шоферга.

Темир Тожиев қизлар бригадасига келиб, Донохонни топиб, «ҳорма — бор бўл» дегач, уни эркалаб елкасига қоқиб кўйди.

— Икромхўжаевни жуда боплабсан. Ўша кундан бери китоб титкилармиш. Ўшандай баланд мартабали одамдан устун чиқибсан. Бўшашма, қизим, бўшашма!

Заргарнинг куйиб-пишиб трактор ҳайдари ҳам Темир Тожиевни мамнун қилди.

Даланинг ҳавоси, ернинг бағрини ёриб келаётган Заргарнинг трактори унга яқинлашди.

— Ҳорманг, уста Заргар, — деди Тожиев табассум билан.

— Бор бўлинг, — деди-да, Заргар тракторини қайта-риб, тезлатиб кетаверди.

Темир Тожиев унинг дили оғриган деб ўйлади. Аммо райкомнинг биринчи секретари ўз коммунистларига ёмонликни раво кўрармиди: Заргардай одам раиснинг аравакашлигини ташлаб, масъулиятли ишга ўтган экан, коммунистик бурчни бажариш эмасми? Мул-кўлчилик яратишга ҳисса қушадиган коммунист ҳар қандай тақдирлашга лойик-ку. Шундай мулоҳазалар Темир Тожиевни шу чоқ тракторчи Заргарга қалбан яқинлаштириб кўйди.

Ҳаял ўтмай унинг хаёлидаги яхши ўйларнинг ҳаммаси кўкка учди. Заргар унинг, Тожиевнинг фармойишига

хилоф ишламокда эди. Тожиев олиб ташлатган мослама жойига солиб қўйилибди.

Темир Тожиевнинг бадани жимиirlаб кетди...

Айтган соатида Мерганов райком секретарини Найна-вода кутиб олди-да, гилосзорга етаклади.

— Нима гап? Яна меҳмондорчиликми? — сўради Тожиев.

— Йўқ. Маслаҳат бор.

Улар гилосзор йўлкасидан беғам, бепарво бордиларда, ўзларини бегона кўз-кулоқдан холи сезгач, Мерганов сўз очди:

— Темир ака, доим мустақил бўлишга ўргатар эдингиз. Битта мустақил иш қилиб кўйдим. Хафа бўлмайсизми?

Тожиев таажжубланди:

— Хурсанд бўлмай, хафа бўлайми! Катта рўзгорниг бошлиғи мустақил ишлаши керак-да.

Мерганов ланжроқ чайналиб гапида давом этди:

— Аслида сиз билан маслаҳатлашиб иш тутишим керак эди-ю, лекин илож топилмади, қолаверса, сиз ҳам шу ишдан хурсанд бўлишингизга ишониб қиласвердим. Такрор айтаманки, сизни ҳам хурсанд бўлади, деб қилдим. Ўйлаб қарасам, шу ишдан наф катта экан. Ўзингиз йўлда кўриб келгандирсиз.

— Заргар қилаётган ишни айтяпсизми?

— У ҳам, бошқалари ҳам...

— Фермаларда ҳамми?

— Фермаларда ҳам! Донохоннинг даласида кўргандирсиз...

Темир Тожиевнинг нафаси ичига тушиб кетди...

XI

Бошқармачилар Темир Тожиев билан Мергановнинг кабинетида учрашдилар. Кечаги аланганинг қўри турган экан шекилли, гап унча қовуша бермади. Пардаев: «Бошқарманинг тадбирларини чаппа қилиш қўлингдан келмас экан, дағдаға қилишнинг нима ҳожати бор эди», дегандек, Темир Тожиевга зимдан қараб қўярди. Икромхўжаев эса, ишлар обкомсиз тинч йўл билан битиб кетишни кўзлабми, ҳар икки томонга хайриҳоҳ бўлиб ўти-

рибди. Темир Тожиевнинг ташқи кўринишида кечаги дағдаға йўқ, лекин ичида қаттиқ кураш давом этмоқда эди. «Мергановни шу ишга мажбур қилмадилармикин? Сен маънавий омилга таянасан, булар эса, материали ва техникасига таянади. Рўзғорга керакли ҳамма нарса шуларнинг кўлида. Ревизорлари ҳам Пардаевнинг мўйлов бурашига қараб қимирладилар. Мергановни мажбур қилишмадимикин?..»

«Бошқармачиларнинг гапини қилишдан бошқа иложим йўқ. Қайси бошлиқ наф чиқадиган, рўзгор манфаатига мос тушадиган ишдан юз ўгиради? Зўр келса «секретарнинг айтганини қилмадинг» деб яна битта виговор беришади-да. Кўш-кўш виговорлардан ҳосилдорлик ошмади-ку. Сигирнинг сутига сут қўшилдими ё?.. Дағдағдан иш яхши...»— Ана шундай хulosага келгач, Мерганов бошқармачилар билан Тожиев уртасида жанг бошланса, қайси томон окопига ўтишни мўлжаллаб олди. Хайриятки, жанг бошланмади. Темир Тожиев Пардаевнинг тадбирларини хом чут қилиб чиккан бўлса керакки, ўзининг шахсий обрусига хилоф иш бўлса ҳам унга очик атака бошламади. Ер ишлари, ҳосилдорликни ошириш ва ферма масалаларида Темир Тожиев Пардаевнинг таклифларига унча қаршилик қилмади. У ҳар гал Мергановга қараб «маъқулми?» деб сўраб қўйди ва раис рози бўлгач жим қолаверди.

Маслаҳат битгач, қоғоздаги тадбирларни амалга оширишга киришдилар.

Икки машинада фермага жўнадилар. Сутчилик фермасига яқинлашгач, райкомнинг «газиги» устма-уст сигнал берди ва дарвоза очилиши ҳамон биринчи бўлиб ичкарига кирди. Темир Тожиев бу ерда боя ўтганида курмаган нарсаларни учратди: икки томонда тол ёғочдан кўра курилмоқда эди.

— Нега?— у Мергановдан сўради.

— Ҳалиги тадбирларни ижро қиляпмиз-да,— деди Мерганов.— Бу томонда сут, бу томон гўшт етишади.

Пардаев қурилишни айланиб чиқди. Ишнинг боришидан мамнун бўлди шекилли, эринмай изоҳлади:

— Чиқимни озайтириб, киrimини кўпайтиришнинг бирдан-бир йўли шу. Чорвачилик пахтанинг червонини ямлаб қўймасин деган хўжалик шу йўлни тутмоғи зарур. Айникса бизнинг шароитимизда. Уйлаб каранг, Темир Тожиевич, яйлови йўқ Найнавога кўй-қўтон на даркор?

Қорамоллар қирда сўқим бўлармиди! Кони заар. Ундаи чорванинг гўсти нима-ю, янтоқнинг тикани нима! Ёғини кўяверинг. Яллақаса чарви, бўлмаса чандир.

Темир Тожиевни эсноқ босгандай бўлди.

— Шунча қўйни қанорага оссинми?— деди у Пардаевга хўмрайиб.

— Кўйларни кўрганмисиз? Қанорага осадиган жойи йўқ. Юпқа тери-ю, сийрак жун билан ингичка туёклардан бошка ҳеч нарса йўқ. Шу қўйлар ўз эгасига ўтса, карт думба-жигар бўлиб кетади.

— Эгаси ким?

— Эгаси «Коммунизм» колхози. Бошқа районда бўлгани билан бир бошқармага қарайди. Мақсадимиз маҳсулот етиширишми? Уларнинг қорамолини Найнавога олиб берамиз. Ўзлари айирбош қилишади. Битта мугуз, ҳатто бир тола жун ҳам нари-бери бўлмайди. Аммо иккала хўжалик ҳам ютади, ишонинг! Найнавони «силос кони» деса бўлади. Қамиш, пичан, маккажўхори кўп! Сўқимнинг фабрикаси! Уларнинг яйловига туёқ экса гўшт-ёғ унади!

Пардаевга шу гап кифоя эди. Унга эксперимент керак. У блокнотидан бир парча қофозни йиртиб олди-да, нималарнидир ёзиб, Икромхўжаевга кўрсатгач, шоferига берди.

— Баёзовга етказ, тезда «Коммунизм» колхозидан вакил чақирсан.

Бошқарманинг машинаси ғойиб бўлгач, улар райкомнинг «газиги»да Найнавонинг сўқим базаси —«силос кони»га йўл олдилар.

— Кўрдингизми?— деди Пардаев керакли жойларни айланиб чиққач,— гўшт-ёғнинг хом ашёси шу ер. Мана шу қамишзорни чўчка гўсти комбинатига айлантириш мумкин... Салгина чиқим билан биноси битади. Самокормушкаларни ўзим етказиб бераман.

«Қалай?» дегандай Мергановга қараган эди, Мерганов бошини чайқади.

— Хомчўт билан ҳамма ишни бажариб қўйдингиз, ўртоқ Пардаев,— деди у бир оз жим тургач, айтмоқ осон, қилмоқ кийин! Бу ишларга муллажиринг керак. Бўлинмас фонднинг червонлари ҳам чорванинг туёғи остида ётибди. Туёқ оламизу, туёқ сотаётганимиз йўқ.

— Ҳа, бу гала-гала туёкларни бозорга ҳайдаб ўтяптилар-ку.

— Бозорга эмас, күшхонага. Күшхона давлатники. Кўй сотамизу, хўрот ҳам ололмаймиз.

Пардаев индаёлмай ўйланиб қолди. Икромхўжаевнинг ҳам боши котди. Темир Тожиев уларнинг жим туришини Мергановнинг гапи оғир ботди, деб тушунди шекилли, унга эътиroz билдириди:

— Давлатнинг ҳамёнига қўл солгунча, штатни камайтиринг, меҳнат унумини оширинг, маҳсулотни кўпайтиринг, ўртоқ раис. Ана унда чорвадан зарар кўрмаймиз.

Мерганов индамади.

— Буларга қолса пахтани ҳам давлатга қимматга сотгиси бор. Давлатдан юлаверсак, қачон коммунизм қурамиз? Бу гап онгли одамнинг гапи эмас-да! — қўшиб қўйди Темир Тожиев.

Пардаев гапга аралашди.

— Олди-сотди бор экан, муллажирингга эътиқод йўқолмайди. Буни экономистлар моддий манфаатдорлик омили дейдилар. Бу омилнинг кўз илғамас кучи зўр!

— Тайёрлов нархини ошириш керак, демокчимисиз?

Пардаев пешанасини тириштириб олди-да, ўйчан, лекин равшан кўз билан унга бокди:

— Биласизми, ўшандай қиссан кассоб ҳам «пулингга ярашасини тортаяпман-да», деб қийиққа нуқул сўнгак ташламасди. Бизнинг ҳам тилимиз узун бўлиб: «Пулини нўмай берганимдан кейин ёғлиғидан тортгин-да!» дердик.

Икромхўжаевнинг фикрича «Найнавода моддий бойликини оширишга монанд маънавий тиргак яратиш керак», буни партия ташкилотини мустаҳкамлашдан бошламок зарур эди.

Икромхўжаев бу масалада каттиқ қаршиликка учрашини ўйламаган эди. У ўз таклифларини ўртага ташлайди, Темир Тожиев ҳам ўз фикрларини баён қиласди, зарур бўлса мунозара, йўқса иккала томон мулоҳазалари бир битимга олиб келади... Йўқ, унинг ўйлаганича булмади. Темир Тожиев аввало парторгни узгартириш ниятида эмас эди, колаверса Заргардай одамнинг номзодига тиш-тироғи билан қарши чиқди.

— Бе! — деди у. — Раиснинг шофери бўлган одам раиснинг хўжалик фаолияти устидан контроллик қила олармиди!

Улар бош котиришиб турган пайтда Пардаевлар дадан қайтиб келишди.

— Раислар қаерга тұпланишыпти? Клубгами? — деб сүради Пардаев ҳеч нарасадан бехабар.

— Раисларнинг ҳаммаси ижрокомда эмиш,— деди Икромхұжаев,— Мерганов ҳам үша ёққа бориши керак эмиш.

Пардаев елкасини қисиб:

— Соат олтидаги йиғилишдан хабардор әдингиз-ку, Темир Тожиевич! — деди.

Темир Тожиев ҳам елкасини қисиб:

— Район ҳокимияти уларни бекорга чақирмагандир, Охунов ҳам районга жавобгар одам! — деди.

...Мусоҳабачиларнинг юзини қиын босгандай бүлди, улар орасида муздек елвизак изғиди.

XII

Сиртдан қараганда майда, жұн булиб күринган нарасалар бора-бора чигаллашиб муаммо масалага айланиб кетди. Пардаев Найнавога кенгаш чақирған куни Охунов Чаманда раисларнинг ҳисобини тинглади. Бошқармада ғұзаны үғитлашнинг янги усули тұғрисида инструктаж үтказилған кечада Чаман агрономлари Темир Тожиевнинг кабинетидан нарига жилолмадилар. Хуллас, бошқарма белгилаган тадбир чаманликлар тадбири билан тұқнашаверди.

Бундан Пардаевнинг жағли чиқиб: «Қишлоқ хұжалигига биз жавобгармиз-ку. Қачонгача Тожиевлардан сұраб иш қиласыз!» дейишгача борди. «Райком — есть райком!» деди унга Тожиев ҳам. Улар «сан-ман» га бориб гезаришиб қолған кезларда яна Икромхұжаев үртага тушди. «Мақсадимиз битта — биргалашыб ишлайлик», деди у.

Бундан кейинги ҳамкорлик узок давом этмади. Иккінчи қафтанинг бошида Икромхұжаев бошқармада агитаторлар кенгashi чақирди. Бу гал ҳам кенгашда чаманликлар күрингеди. Уларнинг йүлини Тожиев түсганды эмиш.

— Бу нима қилиқ? — деди Икромхұжаев телефонда Темир Тожиевга.

— Бу саволни үзингизга беринг! — деди Тожиев ҳам жағл билан. — Нега райком билан келишмадингиз? Семинарни үзимиз ҳам үтказяпмиз.

Худди шундай ҳодисалар бошқармага кирадиган

күшни районларда ҳам учрай бошлади. Бешта район, бешта райком...

Албатта, чаманликлар ҳам, бошқа райкомликлар ҳам бу ишларни ўзбошимчалик билан қилаётганлари йўқ. Райком секретари телефон қоқиб «семинар ўтказамиш» деса, обкомда ким «йўқ» дерди. Райижроком «жун тайёрлаш ёмон боряпти, раисларни қаттиқ қистамасак бўлмайди» деса, оближрокомдагилар «йўқ» демайдилар да. Бошқармалар ҳам ўзларини кўрсатиш учунгина тадбирлар белгилаётгани йўқ. Бас, шундай экан, бу ишга барча баробар ҳисса кўшсин да!

Шунга ўхшашиб масалалар кўпайиб қолгач, Икромхўжаев тўппа-тўғри обкомнинг биринчи секретари Очиловга йўликиб: «ипсиз бошвок, тугунсиз чигалларни ечмоққа келдим», деди.

Очилов унинг барча мулоҳазаларини тинглаб бўлгач, столдаги рангли ва рангсиз қаламларни тутамлаб, ўйланниб ўтирида:

— Бу янги гап эмас,— деди.— МТС сиёсий бўлимлари тузилган чоқлардаги низолар олдида бу тарикча ҳам эмас. Райкомлар билан сиёсий бўлимлар ёқалашган кезларда сиз ёш эдингиз. Неча-неча киши партбилетсиз колган. Аммо биз ярани газаклатиб қўймаймиз. Чаманликларни чақирирамиз...

Кечга якин ҳар икки томон вакиллари жам бўлишиди. Тожиев билан Икромхўжаев қабулхонада анча вактгacha юзма-юз сўэсиз ўтиришиди.

Ниҳоят, чарм қопланган эшик катта очилиб, ундан Очиловнинг ўзи чиқиб, қабулхонада ўтирганларнинг ҳаммаси билан кўришиди. Кейин Икромхўжаев, Темир Тожиевларни кўлтиқлаб кабинетга бошлаб кириб кетди.

Очилов одатдагидек хушчақчак эди. У кабинетга кираркан гоҳ Икромхўжаевга, гоҳ Темир Тожиевга кулиб қараб, уларни ичкарига кираверишдаги диванда икки ёнига ўтқазиб олди.

— Найнавода жуда яхши ишлар бўляпти экан, эшитиб бошим осмонга етди,— деди у Тожиевга табассум билан.— Донохон билан Заргар қилаётган ишларнинг келажаги катта!

Темир Тожиев қайси ишлар ҳақида гап бораётганини тушуниб етмаса ҳам, узини бу мактовли ишдан четда эканлигини билдиримаслик ниятида шеригидан аввал гапга аралашиб:

— Улардан умидимиз катта! — деб кўйди.

— Уларнинг бу ишларини кўллаб-куватлаш керак,— деди Очилов гапида давом этиб.— Нега ўша куни Донохоннинг ўзи кенгашда кўринмади? Заргарни ҳам кўрмадик. Ўша ишларини ўзлари ҳикоя қилиб берганларида, жуда ҳам бошқача бўларди. Шундайми, уртоқ Икромхўжаев?

— Яхши бўларди, лекин...

— Лекинсиз иш қилиш мумкинми? — деб сўради Очилов ундан.

— Мумкин, аммо...

— «Лекин»дан қутулсак «аммо»си ҳам бор экан-да... Ана шу «лекин» билан «аммо»нинг сирларини билмокчиман. Иккала қулоғим сизларда. Қани, бир бошдан гапириб беринглар-чи.

— Чамамда, Икромхўжаев менинг устимдан анчамунча гаплар айтиб улгурганга ўхшайди,— деб гап бошлиди Темир Тожиев.— Буни жуда яхши тушуниб турибман. «Лекин» билан «аммо» деган муаммоларни Икромхўжаев билан Пардаевнинг ўзлари чиқарганлар. «Тажриба ўрганамиз», деб бориб Найнавони тафтиш қилишди. Охири Донохон билан Заргарни райкомга қарши қўйиб келишди. Шу ишларнинг бирортасини биздан сўраганлари йўқ.

— Нимани сиздан сўраймиз? — деди Икромхўжаев.— Хўш, нимани сўраш керак эди?

— Ленин тузиб кетган районом ўз жойида турибди-ку! Секретарлар ҳайт-ку! — деди Тожиев жаҳли чиқиб.— Ленинча иш услубига амал қиласиган бўлсак, дурустрок амал қиласиган-да.

— Янги шароит янги кишиларни олға суряпти.

— Шароитни қачонгача янгилаймиз?

— Изланиш керак.

Очилов икки қули билан уларнинг елкаларига қоқиб қўйиб:

— Икки қўчкорнинг калласи бир қозонга сифмаяпти, шекилли-а, шундайми? — деди.

Тожиев кўз кири билан Икромхўжаевга қараб қўйди. Бу унинг: «обруимиз неча пулдан тушди?» дегани эди.

Икромхўжаев ҳам унга тикилиб бокди, у гўё Тожиевга «ноурин фалсафанг билан Очиловнинг кўнглида жуда ёмон из колдирдинг-ку!» демокда эди.

Тожиев ерга қараб олди.

Икромхўжаев қаддини ростлаб Очиловга ўнгланди:

— Талашадиган нарсамиз йўк. Иккимиз ҳам бир эгатдан юрайлик, деяпман. Тожиев эса «обрўни бирор билан бўлишмайман», дейди. Бошқарманинг бошлаган ишлари бу кишининг обрўсини тўкармиш.

— Менга эртапишар обрў керак эмас. Икромхўжаевнинг обрўси бамисоли гилос: бир ойда қизаради-ю, чумчук чўкигунча шохида туради. Йилнинг ўн бир ойи қурук савлат...

— Муроса қилиб ишланглар,— деди Очилов.

Тожиевнинг назарида Очилов унинг гапларини маъкуллаётгандай эди. Бундан у руҳланиб кетди.

— Янги ташкилот бўлгандан кейин дастлаб обрў учун ишлайсан-да. Кейин обрў буларга ишлайди. Мана биз нега шу чоққача коқинмай юрибмиз? Ўз вактида обрў орттирганмиз. Донохоннинг даласида ёшларга кулги бўлибсиз. Бунақа обрўга шерик бўлмайман.

Икромхўжаев аввалига дудукланиб қолди, кейин ўзини ростлаб, деди:

— Ҳар қандай янгиликнинг дарҳол одамга эл бўлиши қийинда. Ана шу боисдан чиқкан англашмовчиликлардан бири... Лекин эътибордан четга қўядиган гап эмас. Обкомлар билан оближрокомларнинг иккига бўлиниши деҳқонларга эриш кўриняпти.

Очилов ҳанг-манг бўлиб қолди. Бир оздан кейин сўради:

— Чиндан ҳам-а?

— Чигал жумбоклар жуда кўпайиб кетди.

Очилов аста бошини қашлади.

— Дарҳақиқат, бу чигал жумбок...— деди у ўйга толиб.

Икромхўжаев билан Тожиев жавоб кутгандай унинг ўйчан кўзларига қараб қолдилар. Деҳқонлар ўртага ташлаган бу жумбокни ечишга Очилов ўзини ожиз сезди. Шу сабабдан у ҳар иккаласига «муроса қилиб ишланглар», дейишдан нарига ўтмади. Чунки янги обкомлар, қишлоқда янги бошқармалар тузилгани билан ҳали кўп нарсалар унинг ўзига, қишлоқ обкомининг биринчи секретарига ҳам коронфи эди. Масалан, у янги обком ва янги бошқармаларнинг бурчларини яхши тушунса ҳам, ҳуқуқларини тўла тасаввур килолмасди.

Вақтингча муроса билан иш битмагач Пардаев, «Ёрайком турсин, ё бошқарма...» деган тарзда түппа-түфри Москвага мактуб йўллади. Бу орада Тожиев ҳам бекор тургани йўк.

Шунга ўхшашиб муаммолар кўпайиб, қишлоқда ҳамманинг боши қотган кезларда Пардаев билан Икромхўжаевларни Москвага чақириб қолишиди.

Пардаев билан Икромхўжаев Москвадан қайтиб келган замони бешала райкомнинг ўн беш секретарини бошқармага чақиртирилар-да, райкомларнинг биринчи секретарларини шу бугундан эътиборан парторгнинг ўринbosарлари қилиб тайинладилар.

«Бир парторгга беш ўринbosар. Қандай бадавлат бўлиб кетди бу Икромхўжаев?— деб ўйларди Темир Тожиев.— Бешта райком унинг измида. ... Ўн бешта секретарь унга итоаткор...»

Темир Тожиев қишлоққа раҳбарлик қилиш системасида юз берган бу ўзгаришларни ўзига сингдиролмай ҳайрон эди. Очифини айтганда, Темир Тожиевдай тажрибали одамнинг Икромхўжаев измида бўлгиси келмасди. «Сенинг кўлингда катта бўлган одам кўпчиликнинг олдида сени дастёр қилиб «Тожиев у ёқка бор, Тожиев бу ёқка кел», деб турса кўрган кўз, эшитган қулоққа яхши эмас-да! Сендан ўч олмоқчи бўлиб қолса-чи?.. деб попуги пасайди-да, аввалгидай куюниб-пишмай салмоқлаб ишлаб юраверди.

Икромхўжаевнинг фикрича, қишлоқдаги ҳамма кучлар бирлашди. Улар энди ҳар томонга эмас, бир томонга босиб, зарбасини бир нуктага уради, бундай куч ҳар қандай тоғни ҳам талқон қила олади.

Орадан сал кун ўтмай у Найнавога келиб коммунистларнинг йиғилишини ўтказди. Коммунистлар Заргарни партбюро секретарлиги вазифасига сайдилар. Шундан кейин Икромхўжаев клуб калитини Мергановнинг пўлат сандигидан олдириб Заргарнинг қўлига берди.

Заргар ўша заҳотиёқ радиоузелга кириб:

— Эшитмадим деманглар, бугундан эътиборан Найнаво қасрининг эшиклари доимо катта очиқ. Ҳар шомдан кейин клубга марҳамат!— деб эълон қилди.

Кечкурун, ишдан қайтган одамлар мармар зални лик түлдириб үтирган паллада саҳнада Йкромхўжаев пайдо бўлиб:

— Бугунги суҳбатни Заргар утказади,— деди.

Заргар минбарга чиқди. У «Ишлаган тишлайди!» деган темада суҳбат бошлаб, аввало социализмнинг бу қонунини қандай тушунмоқ даркорлиги ҳақида бир оз назарий гапларни айтгач, Найнаводаги яққол мисолларга кўчди. У, Найнавода «папкадор»ларнинг учдан икки қисми эртагаёқ далага чиқажагини маълум қилди. Сўнгра: «Бундан буён идора ходимлари даромад ва буромад тарозисининг шайинига қараб ҳақ олади, яъни қозондагига қараб чўмич соладилар», дер экан, зал қарсакдан жаранглаб, унинг тўлқинидан ҳатто тўқсон пудлик биллур люстра чайқала бошлади.

Заргар унинг кунгуруларига қараб туриб, ҳаммани келаси шанба кунига шу клубга келишга даъват этиб: «Рус мўъжизаси» фильмини кўрсатамиз, тўққиз яшардан тўқсон яшаргача ҳамма келаверсин», деди.

Найнавода бошланган ишлар тез орада бошқа хўжаликларда ҳам жорий қилина бошланди.

Бошқарманинг ташкилий ишлар йили якунига келганда кўпчилик соҳадаги ишлар дуруст уч бера бошласа ҳам, асосий соҳада — пахта тайёрлашда план бажарилмай қолди. Бунга объектив-субъектив сабаблар етарли бўлса ҳам, «пахта плани тўлмагандан кейин тушингни сувга айт» деб таъна қилди Тожиев. «Қишлоқ тизгинини қўлимиздан тортиб олиб нима қилиб қўйдиларинг?!»— деди у Пардаевга.

Бошқарма партия конференциясида ҳам Тожиевнинг тили узун бўлди.

— Қаттиқўллик етишмай қолди,— деди у.— Қишлоқ хўжалигини кўтариш учун мутахассисликнинг ўзи кифоя қилмайди, зўр қаттиқўллик керак. Бошқармалар тузилишидан кутилган мақсад барбод бўляпти. Сиёсий маориф, маданий оқартувчиликни уддалаётганимиз йўқ. Оддий колхозчи қизнинг саволига жавоб топиб беролмаган одам шундай катта бошқарма деҳқонларига раҳбарлик қила оладими?— деди у эски гапни янгила.— Сўнгра таклиф қилди:— раҳбарликни мустаҳкамлаш зарур!

Унинг шу гаплари таъсир қилдими ёки пахта ғами босдими, конференция охирида Очилов бошқарма парт-

комининг секретарлиги вазифасига тажрибали секретарлардан, деб Тожиевни тавсия қилиб кетди. Икромхўжевни эса, обком ихтиёрига чақириб олдилар.

XIII

Ўзининг янги постдаги ишини Темир Тожиев райкомларни тугатишдан бошлади. Қанчалик қийин ва оғир бўлмасин, шундай қилишга мажбур эди. Унинг бу соҳада тажрибаси ҳам бор эди. У неча марта бирлашган районлар ва ажралиб чиқсан районларда партия хўжалигини бартараф этиш ёки ташкил қилишда қатнашган. Бу гал ҳам районма-район юриб бошқарма парткоми ҳисобига ўтаётган ҳар бир коммунистнинг ҳужжатини бирма-бир синчиклаб қабул қилди-да, бешала райком партия хўжалигини бошқарма комитети сейфига қулфлади.

Бу орада у партбюороларнинг секретарлари рўйхатини туздириб, бир нусхасини чўнтағига солиб олгач, уларнинг ҳар бири билан шахсан танишиб чиқиши мақсадида бир неча кун қишлоқма-қишлоқ юрди. У собиқ қўшчилик районидаги «Коммунизм» колхози партбюросининг иши билан танишаётган вақтида партбюро сёкретари:

— Бошқарма тузилгани яхши бўлди-ку, лекин ўзимизга қўйиб бермаяптилар-да,— деб арз қилиб қолди.

— Масалан?

— Чунит топшириш планини бажара олмаб бўлди. Қора молларимизни Найнавонинг қўйлари ориқ имизга қўймагани шу-да. Парторгни эмас, раисни қидирда. Кабинетида Донохон билан можаро қил га учратди. «Нима жанжал бу?» деди Тожиев кира солиб.

— Донохонни дорига тўйғизиб бўлмаяпти,— деди Мерганов.— Бошқарма резервидан шу қизга лойик азот топдириб берсангиз-чи, Тожиев ака.

— Нега уни зориқтириб қўйдинг?

— Паҳтаси ориқ ерга экилиб қолди. Яхши ерларни «дала маликаси»га бўшаттиридилар-ку.

— Ҳа, ҳа, эсимда. Ёшлар бригадаси ҳар жиҳатдан илфор бўлиши керак.

Донохонни ёшлар бригадасига бош қилиб қўйган Тожиевнинг ўзи эди. «Ҳар қишлоқнинг ўз қаҳрамони

бўлсин, Донохонни Турсунойдай машҳур қиламиз. Унга эътибор берсаларинг, обрўсини кўтарсаларинг бас, иши юришиб кетаверади», деган эди Тожиев. Шуни эслаб телефон трубкасини олди-да, бошқарма телефонларидан бирига тўғрилаб: «Пардаевнинг ихтиёридаги азотдан беш тоннасини Донохоннинг даласига юборинглар!» деб буюрди. Бундан мамнун бўлган Донохон гўё беш тонна азот далада уни кутиб қолаётгандай, «Раҳмат», дея шошилиб чиқиб кетди.

— Гўшти нима қилдинг, Мерганов? — деб сўради Тожиев, кабинетда иккаласи қолгач.

— Аллақачон бажо қилиб қўйганман. Энди жуннинг ҳаракатидаман.

— Бузоқнинг ҳаки бор, деб сигирнинг сутини ичмайдиган ўша Мерганов сенми ё бошқами?

— Найнавода бошқа Мерганов ҳам бормиди?

— Бошқаси чиқиб қолибди. Эсинг борида этагингни ёпгин. «Коммунизм» учун бугунок ўн икки тонна гўшт тортиб қўй. Эртага қолса ҳам кечикасан.

Мерганов бунинг боисини суриштириб ўтирмади. Аммо кичкина эътироҳ айтишни зарур топди-да: «Сўқимларимизнинг етилишига бир оз вақт бор эди», — деди.

Тожиев: «Эртага қолсанг ҳам кечикасан», — деб унинг галини шартта кесиб қўйди.

Мерганов сўқимчилик фермасининг мудирини чақириб тегишли топшириқларни бергач, эшикни беркитиб, Тожиевнинг ёнига ўтирди.

— Парторгни бошқа қилиб бермасангиз бўлмаяпти, Тожиев ака.

— Заргарними?

— Аввалгиси яхши эди...

— Буниси сенга ёрдам бермаяптими?

— Буниси қилган ишларини ўз кўзингиз билан кўрингу, ўзингиз баҳо беринг.

Мерганов Темир Тожиевни тўппа-тўғри отхонага бошлаб борди. Собиқ отхонанинг буш бурчагида тўқсон пудлик баҳайбат ва ҳашаматли люстра ярадор туйдай гўё инграб ётарди.

— Заргарнинг ишими бу? — деб сўради ғазабланган Тожиев.

— Ўшанинг иши!

Тожиев шу ондаёқ Заргарни топдириб келди.

— Бу нима қилганинг, Заргар? — деди унга Тожиев. — Чет элликлар келса, отхонага олиб кирасанми?

— Клубни колхозчилар учун курганмиз, — деди Заргар. — Уларга кинони шу ерда кўрсатяпмиз.

Тожиев унинг бу ишини район раҳбарларининг обруйга чангал солишдан бошқа нарса эмас, деб тушунди. Ўзбошимчаликка барҳам бериш мақсадида буюрди:

— Шу бугунок люстрани жойига ўрнатиб қўй!

— Люстра кинога халакит беряпти. Шунинг учун олиб ташлатдим.

— Кино деб клубнинг ҳуснини бузасанми? Не азоб билан келтирганмиз уни!

Тожиев билан Мерганов Заргарни шу ерда қолдириб, отхонадан чиқиб кетишиди. Заргар ўлик филнинг жасадидай баҳайбат чўзилиб ётган люстрага ўқрайиб қараб тургач: «Сенинг ҳуснинг шу ерга ярашибди», деди-да, отхонанинг эшигини қулфлаб кўйди.

Мерганов Темир Тожиевни Найнаводан кузатаётib ундан сўради:

— Заргарни ўзгартириб берасизми?

Тожиев бош чайқади.

— Бу иш қўлимдан келмайди. Уни яширин овоз билан сайлаганлар.

Бошқарманинг резервидан Донохонга ваъда қилинган азот ҳадеганда келавермади. Донохон бу ҳақда «қани ваъдаларга вафоларинг?» дегандай қилиб Тожиевга хат юборди. Тожиев: «Гапимни иккита қилган одам ким бўлди?» деган эди, унга Пардаевнинг номини айтишиди. Донохоннинг ғўзаларини яқиндагина кўриб кетган Пардаев: «Унга азот керакмас, ҳатто зарар», деб Найнавога жўнатилаётган ўғитни тўхтатиб кўйган эди. Бундан жаҳли чиққан Тожиев ўғит кетса ҳам, обру кетмасин дедида, беш тонна эмас, ўн тонна юборилишини буюрди. «Донохон қаҳрамон бўлмоқчи, нега унинг ўлини тўсамиз?» — деди кейинча Пардаевга танбек бериб.

Азот даласига етиб келган куниёқ Донохон ҳамма ғўзаларини азотлаб, устидан сув бериб юборди.

Шу орада найнаволикларга оид яна бир воеа юз берди. Пардаев «Заготскот»га топширилаётган қорамолнинг ориқ-семизлигини текшириб юрган эди. Найнаволикларнинг ориқ молларни гўштга тортаётганини кўриб қаттиқ хафа бўлди-да, «Тожиев айтган», деса ҳам қишлоққа қайтариб юборди.

Бу хабар Тожиевнинг қулоғига етгач, у Пардаевни ўз кабинетига чақириб:

— Ўз стратегия ва тактикамизни белгилаб олайлик,— деди.— Ҳар ким ўз ўрнини ва мавқенини билиб олсин.

Пардаев ҳам шу фикрда бўлса-да, Тожиевнинг парткомдаги ташкилий ишларни бартараф қилиб олишини кутарди. Энди бу ишга фурсат келган экан, фикрлашиб олмоқ шарт, деб ўйлади-ю, бир томонини ҳазилга йўйгандай, гапнинг лўндасини айтиб қўя қолди:

— Мен таом билан, сиз қалом билан...

Тожиев унинг бу гапини бачканалик деб тушунди шекилли, унинг кулиб турган қўзига ўқрайиб боқиб:

— Қандай таому, қандай қалом?..— деди.

— Бу гапнинг ҳеч қандай жумбоғи йўқ, Темир Тожиевич, мен маҳсулот етиштириш ишлари билан шуғулланаман, сиз ишлаб чиқарувчиларни ғоявий етилтириш ишлари билан. Икки ёрти — бир бутун!

Тирсаклари билан ёзув столи ойнасига юк ташлаб ўтирган Тожиев қўлларини столдан йифиштириб олди ва нимадандир ҳушёр тортган одамдай қўзларини катта очиб, ҳамроҳига қараб:

— Иқтисодни сиёsatдан ажратиб бўлармиди?! Иқтисод давлатнинг қўл-оёғи бўлса, сиёsat — унинг мияси! Иқтисод меники, сиёsat сеники, деб чегаралаб қўйиш ярамайди. Ўртоқ Пар-да-ев! — деди.

«Ўртоқ Пардаев» деган охирги сўзини Тожиев атайлаб чўзиб, алоҳида урғу билан айтди. Бу Пардаевга қаттиқ ботиб, ичида: «ўзини ҳурмат қилган одам бошқани ҳам ҳурмат қилсин», деб қўйди.

Пардаев шу гапини айтмоқчи ҳам бўлди-ю, унинг бу журъатини бошқа бир мулоҳаза босиб кетди. «Дастлабки қадамларда англашилмовчиликлар ҳам бўлади», деб ўйлади. Шундан кейин Тожиевнинг бу соҳадаги режаларини билиш мақсадида:

— Сизнингча қандай бўлиши керак? — деб сўради.

— Менимча, иқтисодни ҳам, сиёsatни ҳам бирга кўшиб бориш керак.

— Бу аксиома. Мен айтаётган гап бошқа нарса. Ким ниманинг пири бўлса, ўша соҳани бошқарсан демоқчиман. Бошқармамизнинг тузилишидан мақсад шу бўлса керак деб ўйлайман.

— Унда бебошлик бўлиб кетади-ку. Унда раҳбарликнинг обруси қоладими?

— Нега?

— Негаки, ҳамма коммунистларнинг учёти ана бу битта сейфда турганидек, барча ипнинг учи битта қўлда туриши керак. Салмоқ, билдингизми, салмоқ керак!

Пардаевнинг гапи Тожиевни тутоктириб юборди.

— Иккимиз ҳам иш план тузайлик. Кўплашиб мулоҳаза қилайлик. Уни ҳамжиҳат жорий этайлик,— деди Пардаев.

Бу таклифга Тожиев ҳам рози бўлди. Лекин Пардаевнинг эътирозини ўзига бўйсунмаслик ҳаракати деб тушунди-да, унинг ўрнини белгилаб қўйиш мақсадида бўлса керак навбатдаги партком мажлисида Пардаевнинг бошқарма бошлиғи лавозимиға қайтадан тасдиқлади. Бўлим мудирлари, инспекторларни ҳам тасдиқдан ўтказиб, колхозарга доимий биркитиб қўйди.

Бу масалада ҳам Тожиев билан Пардаев тарозининг икки палласига ўтириб олишди. Пардаев: «Мутахассислар географияга эмас, соҳаларга жавоб берсин», деса, Тожиев: «Мустақил хўжаликларга жавобгар бўлсин», дерди. Тарозининг шайнини гоҳ у томонга, гоҳ бу томонга оғиб турди-да, охири Тожиев томони босиб кетди. Мутахассис инспекторлар, ҳатто Пардаевнинг ўзи ҳам колхозларга доимий биркитиб қўйилди. «Парткомнинг ижозатисиз Бошқармага келиш йўқ», деди Тожиев уларга.

XIV

Ёз аста-секин чекинади. Япроқларни сарғайтириб ҳадемай куз кириб келади. Ана энди Донохоннинг пахтлари чараклаб очилади.

Донохон бу ширин хаёллардан мамнун бўлиб, фўзаларидан мағрур, дала бўйлаб юрибди. Унинг фўзалари ҳамон кўкка интилмоқда...

Афсуски, унинг бу севинчи қанча тез бошланган бўлса, шунча тез сўнди. Уватда кўринган чирой эгатда айнади. Фўзаларнинг қоқ белигача шип-шийдам бўлиб қолибди. Ҳашарот офати уни эртагача емириб ташлаши турган гап эди.

Бундан Донохоннинг тепа сочи тик бўлиб, юраги орқасига тортиб кетди. Кўрқинчдан кўзи тинган Донохон: «Вой шўрим!» деганича Найнавога югурди.

Найнаво чойхонасида Бошқарманинг доимий вакили Баёзов чой ичиб ўтиради.

— Шўримиз қуриди,— деди. Донохон ундан шошилинч мадад сўраб.— Ҳашарот ғўзамизни еб битиряпти... Тездан чора кўрмасангиз, меҳнатим барбод булади.

— Оббо, Донохон-э,— деди Баёзов унинг жигибий-ронлигини эркаликдан деб билиб.— Темир Тожиевичлар сизни эрка қилиб юборишди-да. Ой туғса ҳам сизга, кун туғса ҳам сизга туғсин. Химикатни ҳам барчадан аввал ўз далангизга сепдириб олмоқчисиз...

— Ҳашарот босиб кетяпти, деяпман-ку! Ҳашарот бир йиллик меҳнатимиизни ризқ-рўзимиз билан бирга емириб кетяпти!

Баёзов кулимсираб деди:

— Ваҳима қилманг, Донохон, ҳашарот битта сизнинг ғўзангизга тушмагандир... Барча қатори навбати билан тадбирини кўрамиз.

Донохоннинг йиғлаб юборгудай бўлиб турганини кўрган Баёзов насиҳат қилди:

— Эл қатори бўлинг, синглим, албатта ёрдам берамиз. Ғўзангизни дорилаймиз, сиз тезда боринг, аъзоларингизни офатга қарши курашга сафарбар қилинг.

Баёзов Бошқармага келиб Пардаевни тополмади-да, ноилож Темир Тожиевга учради.

— Бе, ҳозирги фан билан техникага шу ҳам муаммо булибдими,— деди Тожиев унинг докладини тинглагач. Кейин қўшимча қилди:— Тажриба-таянч колхози, айникиса, Донохоннинг бригадасидай машъал бригаданинг тақдирига партбилетинг билан жавоб берасан! Менга қара! Донохоннинг обрўси — бизнинг обрўйимиз, уқдингми? Ҳашаротнинг жазоси заҳар-да. Боплаб заҳарла уни..

Тожиевдан бундай буйруқ олгач, иккита «ОДН»ни заҳарли химикат — мелкотопосга тўлдирди-да, Донохоннинг даласига юборди...

Ғўзага заҳарли моддалар парашоги сепаётган «ОДН»чиларга Донохон: «Кўпроқ! Қалинроқ сепинглар!» деяверди. Унинг илтимосини иккита қилгиси келмаган «ОДН»чилар ҳам химикатни сира аямадилар. Кечга яқин заҳарланган пахтазорлар сап-саррайиб қолди.

Донохоннинг назарида ерга сепилган ҳар бир зарра мелкотопос ҳашаротни қираётгандай, гүё ҳа демай унинг ғўзалари иллатдан мусаффо бўлиб яшнаётгандай эди. Бу ширин хаёллардан у беҳад шод эди.

Афсуски, унинг бу қувончи узокқа бормади. «ОДН»чилар овози ўчиб, чанглар тўзони ҳали босилмай

туриб, Донохон пайкалда бутунлай бошқа нарсага дуч келди. Унинг кўзига қирилаётган ҳашарот ўрнига қирилаётган ҳосил кўринди, «хонавайрон бўлдик, ёрдам бeringлар», деб гўё бошқанинг овози билан қичкириб юборди.

Унинг фарёдини эшитган Кумрихон югуриб келди.

— Бир йиллик меҳнат куйиб кетяпти!— деди дугонасига жигибийрони чиқиб, Донохон.— Таёқ келтир, Кумрихон, ғўзаларни қоқиб юборамиз.

Улар қўлларига калтак олиб, ғўзалардан заҳар чангини қоқишига тушдилар.

Донохоннинг даласига мелкотопос сепилаётганини Баёзовдан эшитган Заргарнинг юраги орқасига тортиб кетди. «Кони заҳар-ку!» деди у Баёзовга. «Ҳашаротнинг давоси шу-да», деди,— Баёзов пинагини бузмай. «Донохон умрида ишлатмаган эди уни»... «Донохон эмас, «ОДН»чилар сепяпти...», «Дозасини билишадими?», «Техникадан бехабар одамдай гапирасан-а, Заргар?..»

Заргар гаражга юурди. Шошилганда лаббай топилмагандай, шу долзарбда қишлоқда бирорта ҳам машина топилмади, ҳатто доим чанг босиб ётадиган мотоцикл ҳам йўқ эди. Заргар мактабдан велосипедда қайтаётган болаларнинг бирини тұхтатиб, унинг велосипедига минди-да, кўздан ғойиб бўлди.

У далага етиб келганда Донохон билан Кумрихон дориланган ғўзаларни калтак билан уриб химикатни туширмоқда эдилар. Ҳар иккисиниг афт-башарасига қараб бўлмасди... Заргар овозининг борича қичкира бошлади:

— Заҳар! Заҳар! Пайкалдан чиқинглар, калтакни ташланглар! Заҳар!..

Қанчалик қичқирмасин Заргар кечиккан эди. Унга қарайман деб юз үгирган Донохон уватга ағанаб тушди. Заргар уни четга олиб чиқди-да, Кумрихонга юурди. Оғзидан кўпиги оққан Кумрихон икки туп ғўзанинг устидага чузилиб ётарди...

— Ёрдам қилинглар! Ёрдам!— деб қичқирди Заргар.

Унинг овозини ҳеч ким эшитмади.

Заргар Донохонни опичлаб, Кумрихонни қўлтиқлаб катта йул томонга юрди. Туртиниб-суртиниб, терлаб-пизиб йул бўйига чиқди. Унинг баҳтига ел қувиб келаётган грузовик учради. Заргар машинани тұхтатиб, кузовига қизларни ётқизди-да:

— Чаманга ҳайды! — деди.

Эртасига эрталаб Заргар оқ ружали каравотда ётарди. У кўзини очиб атрофга қааркан, аввал оқ пардали кўш деразани, сўнгра қаршисида ўтирган оқ халатли Мергановни кўрди.

— Кизлар тирикми? — сўради Заргар.

— Тирик-тирик... — деди Мерганов ҳовлиқиб.

— Хайрият...

Бир оз вакт ўтгач, Заргар ётган палата эшиги очилди-да, терговчи пайдо бўлди.

У Заргарнинг рўпарасига ўтириб, аста сўради:

— Нима гап бўлганини эслай оласизми? Бир оғиз бўлса ҳам гап айта оласизми?

— Донохонни айбламанглар... — деди Заргар. — У билмаган... Дорини Тожиевнинг буйруғи билан Баёзов септирган... Мен кечикиб қолдим... Айб менда, Донохонда айб йўқ.

Терговчи бошқа гап сўраб улгурмасдан врачлар уни палатадан чиқариб юбордилар...

Заргар анча вактгача эшикнинг қиясидан қараб ётди. Коридорда юришлар тўхтаганидан кейин, у аста ўрнидан туриб, ўрнини тузатди-да, коридорга муралади. Ҳеч ким кўринмасди. Эшиклар берк. Гўё пилла қурти катта уйқуда ётгандай жимлик. У, эшикни овоз чиқармай ёпиб, оёғининг учидаги одимлади. Ҳар бир эшикка «Донохон, Қумрихон шу ердами?» — деб бокди, нафасини эшиктармикинман, дегандай эътибор билан қулок солди. Ниҳоят, фил суюги рангидаги бўяллган, икки қанотли озода эшик олдида тўхтади. «Қидирганларинг шу ерда», деди унга юраги. Калитнинг ўрни бўш эди. Ўша жойдан энгашиб ичкарига муралади. Ёнма-ён икки каравотда бир-бираига термилиб ётган икки қизни кўрди, кўнгли сокин топди...

XV

Донохоннинг даласида юз берган фожиа найнаволикларнинг тинчини бузди.

Мерганов ўша куни қишлоқда йўқ эди. У, Чаман пахтакорларининг ўзаро текшириш бригадаси составида Хоразмда юрган эди. Найнаво қизларини заҳарлаган оғат хоразмликлар фўзасига ҳам ёпирилган экан. Лекин хоразмликлар уни хуружга кирмай туриб қириб ташлабдилар. Мерганов мусобақадошларининг бу тажрибасини

Найнавога олиб келгунча, ўз қишлоғидан хунук хабар бориб қолибди. У Найнавога етиб келар-келмас касалларни бориб кўрди. Лекин улар билан гаплаша олмади. Уларнинг ичидаги бирдан-бир тетикроғи Заргар эди. Бироқ врачлар, беморнинг оғзиға пойлоқчидай турардилар. Шундай қилиб, Мерганов касалларнинг ўзидан бир оғиз ҳам сўз эшитолмади.

Найнавода кўрган-билган, эшитган-эшитмаган одамлардан тафсилот аниқлаб юрган вақтда Мергановни бошқармага чақириб, «Парткомда Тожиев кутяпти», дедилар.

Тожиевнинг кабинетида парткомнинг шошилинч мажлиси бўлмоқда эди. Мерганов қабулхонада пайдо бўлиши ҳамон уни ичкарига киритиб юбордилар. Партком аъзолари одатдагидек узун столнинг икки томонида юзма-юз, сўзсиз ўтирибдилар. Тик туриб олган Темир Тожиев билан Пардаев ўртасида шиддатли даҳанаки жанг бормоқда. Мерганов аввало нима ҳакда гап бораётганини билмаса ҳам, уларнинг гезариб туришидан, ўшқириб гапиришларидан нимадир газаклаб кетганини сешиб, бурчакдаги бўш жойга қисиниб ўтириб олди.

— Чумчук сўйса ҳам қассоб сўйсин дерди Пардаев.— Қассоб бўлмаган одам күшхонада нима қиласди?! Агроном бўлмаган одам нега агротехникага суқилади?! Ҳамма бало ана шунинг оқибати...

— Мамлакатнинг раҳнамоси ким? Партия!— дер эди Тожиев столга муштлаб.— Партком — Бошқармадаги партия! Билиб қўйинг, ўртоқ Пардаев!

— Парторг — Бошқарманинг ҳузуридаги парторг...— деди Пардаев ва атайлаб тақрорлади.— Ҳузуридаги...— Пардаев тирсаклари билан столга маҳкам қадалиб олди-да:— Прокурорнинг ажримидан кейин бу масалага яна қайтамиз,— деди.

Мажлис натижасиз тугади.

Ҳамма чиқиб кетгач, Мерганов Тожиевдан сўради:

— Мен нима қиласми?

— Найнавога кайт. Прокурорнинг ишига ёрдам бер.

* * *

*

Прокурорнинг Заргарга берган биринчи саволи шубўлди:

— Айбингга иқрормисан?

- Икрорман!
- Нега икрорсан?
- Чунки айборман...
- Айбдор эканингни исботлай оласанми?

Заргар ер остидан прокурорнинг ўйчан бокиб турган кўзига қаради.

— Ҳамма исбот «иш» да турибди-ку. «Икрорман» деб тилимдан тилхат берганман.

— Бу оз!— деди прокурор.— Нима учун айбни зиммангга олаётганингни айт. Мақсадинг нима?

— Тонганим билан қутулолмайман. Қасални яширанг, иситмаси ошкора қилади.

— Мен ўша иситмасини аниқ билишим шарт!— деди прокурор.

Заргар тўсатдан қизариб кетди.

Бу сирни тушунган прокурор яна сўради:

— Бироннинг айбини ўз зиммангга олишингдан кўзлаган мақсадиҳигни айт. Нега мендан яширасан, иккимиз ҳам совет кишисимиз-ку, ахир!

— Нега бўлмаса, совет кишисининг гапига ишонмайсиз?— деди Заргар.

— Касбимиз шунақа,— деди прокурор.— Исботи бўлмаса, отамизни ҳам тан олмаймиз. Ўзини-ўзи оклашга қанча исбот керак бўлса, ўзини-ўзи қоралашга ҳам ўшанча исбот керак. Балки ундан ҳам кўпроқ керак! Совет кишисини қоралаш — бўёқчиниг нили эмас, укам!

Заргар ўз фикрида катъий эканлигига ишонган прокурор унга йўл кўрсатди:

— Бор, гуноҳингга гувоҳ топиб кел! Агар ҳамқишлоқларинг бир оғиздан гувоҳ бўлсалар, сени жазолаш учун конун топилади.

Заргар прокуратурадан шаҳдам юриб чиқиб кетди.

Заргарни қамалди, деб эшитган Икромхўжаев: «Бу йигит туҳматга қолмадимикин, Мергановнинг иши эмасмикин?» деб ўйлади-да, Пардаевга телефон қокиб: «У йигитни ўзингиз билардингиз-ку, нега ҳимоя қилмадингиз?» деди. Пардаев воқеани унга баён қилгач, Икромхўжаев бошқармага, Тожиевнинг олдига келди. Икромхўжаев обкомда маъмурий бўлимнинг бошлиғи булиб ишлаётганидан Тожиев хабардор эди.

— Текшириш тугагач, обкомга батафсил хабар қила-
миз,— деди унга Тожиев.

— Заргарнинг жиноят қилишига ишонмаймиз,— деди
Икромхўжаев.— Ўйлаб кўринг, ўртоқ Тожиев!

Темир Тожиев унга кулимсираб қараб:

— Мен ҳам бошкарма парткомига қарашли ҳамма
коммунистларнинг пок бўлишини истардим,— деди.

Икромхўжаев Заргарни излаб Найнавога жўнади.

Шу пайт Заргар Найнавода ўз гуноҳига гувоҳ қиди-
риб юради. Буни эшитиб Икромхўжаев дастлаб, «гуноҳи
бордирки, виждон амрини қилаётгандир» деб иккиланиб
қолди. Кейинча шубҳаланиб: «Зўр бериб ўзини гуноҳкор
деб эълон қилишида бирор сир йўқмикин?..» деб ўй-
лади.

Икромхўжаев Заргарни топиб: «Бу қилиқнинг саба-
бини билсак бўладими?» деб сўради. Заргар очик жавоб
қилмай чап берди.

Прокурор ҳам уни гувоҳ топиб келишга юбориш би-
лан чекланиб қолмади. «ОДН» чилар билан учрашиб
«далага нима сепдиларингиз? Қанчадан сепдиларингиз?»
деб сўради. Улар дори Донохон айтганича сепилганини
билдирилар, холос. Бригада аъзоларидан ҳам шу хил
гапларни эшитгач, прокурор бошқармага йўл олди. Пар-
даев унга: «Шошқалокликнинг оқибати бу» деди. Ҳаша-
рот бўлимида эса: «Заҳарли моддани қолиб кетган усул
билин ишлатиб бўлмайди-да. «ОДН» билан таёқ на-
даркор эди?» дедилар. Шундан кейин у иккита агроном
кузатувида Донохоннинг даласига келди. Агрономлар
далани айланиб чиққач, «Заҳарнинг дозаси кўпайиб
кетибди» дедилар. «Билиб қилишганми?», «Ҳамма бало
бilmай қилишганида...»

Буларнинг ҳаммаси прокурорнинг елкасидаги юкини
тагин ҳам оғирлаштириб юборди. Идорасига келиб айб-
номани қайтадан кўра бошлаган пайтда унинг ҳузурида
Икромхўжаев пайдо бўлди. Прокурор папкаларни нари
суриб қўйди-да, меҳмонга кулиб бокди:

— Қандай хизмат билан?

— Заргарни ўз қишлоғига нега юбордингиз?

— Гувоҳ топгани юборувдим. Ҳамқишлоқлари уни
мендан кўра яхшироқ билсалар керак...

Эшикни тараклатиб очиб Донохон кириб келди ва
энтикиб туриб:

— Мана мен гувоҳ!— деди.

Прокурор билан Икромхўжаев ҳанг-манг бўлиб қолишиди.

— Донохонмисиз? — прокурор сўради.

— Ҳа, Донохонман.

— Касалхонадан нега чикдинг? — таажжубланди Икромхўжаев.

— Гуноҳсиз гуноҳкор бўлган одамни кутқаргани чикдим. Заргар акамнинг ўрнига мени қаманглар. Хими катни мен сепдиргандим. Қумрихоннинг қўлига калтак бериб химикат чангни мен қоқтиргандим. Қумрихоннинг заҳарланишига ҳам сабабчи менман.

— Ўн гулингдан бир гулинг очилмай туриб, шунча гуноҳ қилиб қўйдингми-а, Донохон! — кулди прокурор. — Бор, жойингга қайт, қизим, врачларинг билиб қолса, учаламизнинг ҳам адабимизни беради. Қолган гапни тузалганингда гаплашамиз.

Донохон сўзида қатъий эди.

— Заргар акани бўшатмагунингизча бу ердан кетмайман. Қетсам ҳам унинг ўрнига қамоқхонага бориб ётаман.

— Заргар акангиз ҳам орқангиздан боради. Ҳавотирланмай бораверинг... — деди прокурор уни тинчлантириб.

Уларнинг гапини диққат-эътибор билан тинглаб ўтирган Икромхўжаев: «Заргар Найнавода сенга гулдаста териб юрувди, эҳтимол касалхонада сени қидираётгандир» деди-да, Донохоннинг қўлидан етаклаб уни кўчага чиқариб юборди.

— Найнаволикларга тушунолмайман, — деди прокурор елкасини қисиб, — ҳеч тушунолмайман...

XVI

Уша кунларда Найнавога бориб қолдим. Таниш-билишлардан Заргарни суриштиридим. «Касалхонада бўлсалар керак» дейишиди.

Касалхонага бордим.

Заргар Донохон билан Қумрининг палатасига ҳозиргина кирган экан, одобдан бўлмаса ҳам, ярим очиқ эшик тиркишидан уларни кузатдим.

— Келинг, Заргар ака, бизни кўргани келдингизми? — деди Донохон, унинг истиқболига қўзфалиб.

— Бизни олиб кетгани келдингизми? — Қумри акасининг бўйнидан кучоклаб олди.

Заргар кўлидаги гулдасталарни узатиб:

— Буни сизларга Найнаво боғларидан териб келдим,— деди.— Тезрок шифоланиб боришлиарингизни кутяпмиз.

Кизлар гулдасталарини қўлларига олиши-ю, кўзларига севинч ёшлари тўлди.

Кумрихон сёкин ўрнидан туриб, қўшни палатага чикиб кетди.

Заргар Донохон рўпарасига ўтириб, жилмайди:

— Кетамизми?

Донохон кулиб ерга қаради. Заргар унинг ипакдай майнин соchlарини силади:

— Жоним... Умрбод бирга бўламиз!

XVII

«Найнаво иши» нинг ёпилиши Тожиев юзига қарсилатиб солинган тарсакидай жуда қаттиқ тегди. Бу ҳакда хабар топгач, унинг тепа сочи тикка бўлиб кетди.

Прокурор унинг бу саволларига жуда қисқа килиб «Найнаволикларда айб йўқ» деб жавоб берди.

Бу жавоб Темир Тожиевни ҳайрон қилиб кўйди. «Найнаволикларда айб бўлмаса, кимда бўлади?»

Шу саволлар унинг хаёлида айланавергач, унинг тилига ҳадеб, икки ном келаверди. Бири Пардаев...— иккинчиси Икромхўжаев... Нега улар прокурорнинг ишига аралашдилар?

Темир Тожиев ўзининг бу шубҳалари бежиз эмаслигига кейинча ишонди. Химикатларни нотўри ишлатишда ва унинг оғир оқибатига найнаволиклар айбдор эмаслиги ҳақида Пардаевнинг мутахассислари ажрим чиқариб берган эдилар.

Бу ҳужжатлар билан танишиб чиққач, Тожиевнинг жумбоқлари яна кўпайиб қолди. «Бундақанги ишлар оқибатсиз ёпилиб кетавермайди. Унга кимдир жавоб бериши турган гап. Пардаевнинг ҳужжатлари кимнингдир оёғи остига қўйилган копкон...»

Шу хил жумбоқларни ечиш мақсадила у Пардаев билан учрашди.

— Найнаволиклар жавобгар бўлмаса, бу ишга ким жавобгар?

— Сиз билан биз,— деди Пардаев иккиланиб ўтирамай.

Тожиев бу ҳакиқат олдида бош эгишга мажбур бўлди...

* * *

Чаманга келган обком комиссияси Тожиевнинг иш услубини ғалвирдан ўтказгандай синчиклаб текшириб чиқди-да, ўз хулосасида уни «куруқ маъмуриятчи» деб айблади. Партия ходими учун бундан ҳам оғир айнома бўлиши мумкин эмас. «Ҳеч бўлмаса «куруқ» деган сўзни ўчирсинлар» деб Тожиев ўз айини енгиллатиш учун комиссия хулосасида тизиб ўтилган фактларни камайтиришга уринди.

«Қарама-қарши йўлланмалар берилган бўлса айменда эмас, об-ҳавода...», «Фоявий ишлар билан шуғулланмайди, дейишларига қўшилмайман. Бунинг учун махсус бўлим тузиб кўйганмиз. Ходимлари катта маош оладилар...». «Мутахассислардан нотурги фойдаланган бўлсак, тўғри фойдаланиш қанақа бўлади? Бунисини бизга ҳеч ким уқтиргани йўқ-ку...»

Тожиев ўзининг бу мулоҳазаларини обком мажлисида ҳам такрорлади. Лекин унинг ҳар бир далили ўзига калтак бўлди, холос.

— Ҳар на десаларингиз ҳам,— деди у сўзининг охира.— «Куруқ маъмуриятчи» деманглар. Маъмуриятчиликка йўл кўйсам, баъзан кўйгандирман, аммо қуруқ маъмуриятчилик қилганим йўқ. Ҳеч бўлмаса, қарор лойиҳасидан «куруқ» деган сўзни олиб ташланглар. Шунча йил ишлаб деломга бунака дод туширганим йўқ эди...

Бюрони Очилов бошқармоқда эди. «Шаънингиздаги донни ювишингизга имконият берамиз»,— деди у. Тожиев куллук қилгандай сал эгилиб ўз ўрнига бориб ўтиреди. Заргарнинг назарида, Темир Тожиев анча кичрайиб колгандай эди.

Заргар билан учрашганимизда у Тожиевни «Қишлоқнинг шўри» деб атади. «Нега?» деб сўрасам, у менга кўчада кўндаланг турган етти тоннали «МАЗ» ни кўрсатди. Унинг кузовида минг йиллик чинорнинг тўнкасидай бесунақай бир нарса чўзилиб ётарди. «Нима бу», «Ўша афсонавий люстра шу-да!», «Утилсирёгами?», «Қаёққа! Тўппа-тўғри Ленинградга», «Эритиб юбориладими?», «Кичрайтириб келармишмиз», «Кимга керак бу азоб?», «Бошқарманинг буйруғини бажармай иложимиз йўқ...»,

«Бошқа ишлар қалай боряпти?», «Ҳаммасини йўлга соляпмиз... Лекин осон эмас...», «Ҳар ҳолда лекини бор денг?», «Ана шу «лекини»ни йўқотиб бўлмаяпти-да!..», «Сизнингча, нима қилса йўқолади?», «Ҳозирги деҳқон жамиятнинг чоракори эмас, у ҳам хўжайин. Унга ҳам ишониш керак. Ҳадеб деҳқон устидаги устқурмани қайта қуравергунча, деҳқонни ўз рўзгорига мудир қилиб қўйиш даркор! Ана шунда ҳамма шохлар бирдай мева-лайди!»

Заргарнинг бу гапларида жон бор эди. Ўша жонли гапни муфассалроқ билгим келди. Шу чоқ Охуновнинг ҳансираши эшитилиб қолди. У тебраниб, пишиллаб келаркан, Заргарга сўз котмоқда эди:

— Заргар, люстрани ҳали ҳам юбормадингми? Сенинг касофатингга Тожиев мени ўн чақирим ердан пиёда ҳайдади...

— Маҳаллий ҳокимият нега пиёда юрибди?— деб ҳазиллашдим.

— Эй,— деди Охунов пешана терини артаётган қўк рўмолчасини силтаб.— Маҳаллий ҳокимиятни қофоз билан интеллигенция тан олади, холос. Тожиев билан Пардаев эса бизни пиёда аскар деб билади. Райижрокомнинг машинасида бошқарма инспекторлари юришилти.

Шундай деб рўмолчаси билан бўйин терларини артаркан:

— Люстрани тезроқ юбор, Заргар ука, тўйинггача тузалиб келсин, қизил тўйингни клубда ўтказамиз,— деди.

— Тўйбоши ўзингиз бўласизми?

— Бундан бошқа ишимиз қолгани ҳам йўқ-да,— деди у кулиб.

Ўша куни Донохон билан ҳам кўришиб қолдим. У қалин муқовали катта дафтарни қўлтиқлаб олибди, қўлида китоблар.

— Ҳа, йўл булсин?— деб сурадим.

Даламизнинг таржимаи ҳолини ўрганамиз,— дейди.— Ҳамма тарих мана бу китобда.

Донохон қўлтиғидаги қалин муқовали катта дафтарни кувона-кувона қўлимга берди. Уни варакладим.

— Булар нимага керак?

Донохон содда саволимдан таажжублангандай менга
каради:

— Қайта куришлар оқибатини қайта қуряпмиз,—
деди,— яъни «Сенга-менга» жадвалини тузамиз.

Мен ўзимни тутолмай тұсатдан кулиб юбордим.

— Бу нимаси?

«Сенга» си — ерга едириб, ичирадиганларимиз, «Мен-
га» си ердан ундириб оладиганимиз. Ерни бир кун ҳам
бекор қўймаймиз... Интенсификация!

Донохон ўзига хос шўх қараш қилди-да, алоҳида урғу
билан тилини бурро қилиб «Интенсификация?..» деб так-
рорлади.

* *

*

Орадан бир неча ой ўтди. Халқ орзулари, қишлоқ
коммунистлари, барча деҳқонларимизнинг умидлари
амалга ошди. Бу орзу-умидларни партиямиз Марказий
Комитети ўзининг навбатдаги пленумида тұла күвват-
лади. Кейинги йилларда давом этиб келган «қўш, аж-
рат», «ағдар-тўнтар»ларга хотима берилди.

Ҳар тонг Найнаво кўкига куёш чиқади. Ёркин, буюк
куёш. Ҳаёт ҳақиқатини эслатади, у. Ҳа, халқ иши, ҳаёт
ҳақиқати куёшдай ёркин, агадий. Халқ истиқболнинг
янги қирғоқларига ягона кечикдан меҳнат, ижод, дўст-
лик, омонлик, баҳт кечигидан собит қадамлар билан ўтиб
боряпти!

1964.

КОММУНИСТ

Шу кузакда кўпдан бери соғинтирган қишлоққа бордим. Қуёш эндиғина ботмоқда эди. Дарахтларнинг сийрак барглари олтин сирғалардай товланар, уйларнинг томлари шафакда ёнаётгандай қизариб кўринарди. Ҳар бир дeraзада күёшнинг мистовоққа ўхшаш нусхаси турарди. Ойналарни тешиб ўтган бу нурдан ичкарида ўтирган одамларнинг юзларида найкамалак бўёкларининг турли-туман излари қолгандай. Буни айниқса чойхонада гурунглашиб ўтирган бир гуруҳ одамнинг юзида яққол кўриш мумкин. Даврада неча киши ўтирган бўлса, шунча хил ранг товланарди. Қуёш Сойгузар қишлоғининг ҳамма табиати намуналарини ранг ҳолатида унинг одамларига «бойлигингни куриб кўй» дегандек кўз-кўз килаётгандай эди.

Мен ҳам гурунгга қўшилдим. Ботаётган қуёш тоғ орқасидаги жарликка тушиб кетди. Одамларнинг юзларидаги ранго-ранг нур бир зумда йўқолди. Унинг ўрнини шифтдаги нур — электр чироклари эгаллади. Даврадагиларнинг кўплари таниш, кўплари қадрдон кишилар экан. Дафъатан кирганимда юзида тожиси бордай кўринган одам айниқса қадрли эди. Қишлоқнинг энг мұльтабар одами ёши анчаларга бориб колса ҳам соқол-мўйловини қирдириб, сочини тарашлаб юрадиган бу одам ҳамон ёш йигитлардай бардам, дадил, кувнок. У даврадагиларга нималарнидир маъкуллатмоқда.

Чойхонанинг эшиги тез-тез очилиб турди, давра тобора кенгая борди. Ҳамманинг кўзи, кулоги унинг оғзида. «...Уша кезларда нима бўлган эди?», «Қандай бўлган

эди», «Кейин нима бўлди?», «Улар кимлар эдилар?..» «Уларнинг тақдирни нима бўлди?», «Уз тўғригизда ҳам икки оғиз гапириб беринг».

Унинг атрофидан одам узилмасди, даврага кирганда ҳаммаси уни ана шундай саволлар билан тинч қўймасди. Айниқса шу кунларда, улуғ айём оқшомларида унда тинчлик йўқ эди...

У кўпдан бери шу қишлоқда яшайди. Исми Умрзок...

Номига яраша узоқ умр кураётган бу одамнинг фазилатлари шу қадар кўпки, ҳар гал у билан учрашганимда янги-янги хислатларини кўраман. Шу боисдан уни «вакт барометри» дегим келади.

Нега? Чунки у бир инсон ўз бошидан нималарни кечира олиши мумкин бўлса, шуларнинг ҳаммасини, яъни ширин хаёллар ва уйкусиз тунлар, ўтли муҳаббат ва қаттиқ мashaққат, гоҳ раҳмдиллик, гоҳ раҳмсизлик, баъзан садоқат, баъзан маломат — борингки ҳаётда қанчалик заҳмат ҳамда лаззат бўлса, барчасини бошидан кечирган, беҳад чидамли, доим юзидан кулгиси аримайдиган кувноқ, дидли, ҳушёр одам. Шу сабабдан, ҳаётда нимаики янгилик юз берса, қишлоққа у билан бирга кириб келади...

«Инқилоб», «Шўро» сўзларини ҳам қишлоққа шу одам олиб келган эди. Албатта, у вақтларда Умрзок бу сўзларнинг луғовий маъносини билмаса-да, унинг чин маъносини яхши биларди. «Инқилоб нима?» деганларга «Инқилоб — озодлик» дер эди. Уша кезларда уни «Инқилоб» деб атайдиган бўлдилар. «Шўро нима?» деб сўраганларга Умрзок, «Шўро — одамгарчилик» деб жавоб қиласди. Қишлоқдаги энг баланд жойга Қизил байрок осиб «Қишлоқ Шўроси шу байроқ остида яшайди!» деди. Шундан кейин батраклар, камбағаллар, ўрта ҳоллар тупланиб уни қишлоқ Шўросига раис килиб сайладилар.

Вилоят марказига бориб келган Умрзокнинг буз белбоғида ўроқ ва болға нусхали муҳр пайдо булиб қолди. Унинг назарида бу муҳр тоғни талқон этиб, қишлоқни ағдар-тўнтар қилиб юборишга ҳам қодир. Унинг кудратига Умрзокдан бўлак қишилар ҳам ишонардилар. Баъзилар ундан кўркарди. Умрзок баҳор тонгларининг бирида муҳрни белбоғидан чиқариб, тупугида ҳуллаб олгач, Нодирбойнинг болохонасиға чиқди-да, нақшдор қўш қанотли эшикларга, қават-қават ойнали деразаларига

муҳр босди. Бир зумда бойнинг ҳашаматли ташқариси Сойгузар қишлоқ Шўросининг маҳкамаси бўлиб қолди.

Маҳкаманинг тез-тез очилиб-ёпилиб турган эшикларидан заҳматкаш деҳқонлар кириб-чиқиб турадиган бўлди... Шу қишлоқда энг биринчи одам ҳисобланган «Умрзок шўро» эшикдан кирганнинг қўлини сиқиб, қайтиб чиқканга кушояишкор тилаб турди. Кейинча одамлар кўплаб йиғиладиган, турмуш муаммоларини қизғин муҳокама қиласидиган бўлиб қолдилар. Ана шундай суҳбатларнинг бирида 1925 йилнинг баҳор фаслида Умрзок қаламини нишлаб, дафтар очиб «Қўшчилар иттифоқига ким ёзилади?» деб сўраб қолди.

Одамлар ҳали бу ташкилотнинг чин маъносини унча тушуниб етмаган бўлсалар ҳам «Умрзок шўро» бизни ёмон йўлга бошламайди» деб, «Мени ёзинг, мени ёзинг!» дея бошладилар.

Рўйхатларни қаёқдадир тасдиқлатиб келган Умрзок шўро Сойгузарга «ислоҳот» сўзини кўтариб келди-да, «Қўшчилар иттифоқининг Сойгузар қўмитаси вилоятда биринчи бўлиб ер таксимлашга киришди. Ер-сув олган деҳқонлар бола-чақалари билан кетмон кўтариб далага чиқдилар. Тирноқ билан кудук ковлаб бўлармиди! Кетмонда қабарган қўллар ер тимдалашдан нарига бормади. Қўшчилар иттифоқи улашган улов билан омочлар ҳам деҳқон хирмонига барака киритмади. Ушанда Умрзок далама-дала юриб, «партия, энди деҳқон тракторга минса эди?» деяпти, шунга нима дейсизлар?» деди.

Ҳамманинг хурсандлигидан мамнун бўлган Умрзок Сойгузарга еру кўкни бошига кўтариб, тариллайдиган биринчи «ўт омоч»ни бошлаб келди. От-араваларни ҳуркитиб, паррандаларни тумтарақай қилиб қишлоққа кираётган «ўт омоч» ни кўргани бутун вилоят одами тўпланди.

Неча кунгача «ўт омоч»ни одамлардан, механикни бетўхтов саволлардан сақлаб турган Умрзок чопонини комбинезонга алмаштири-да, қишлоқнинг биринчи тракторчиси бўлиб олди. Ўша кезларда тракторчининг номи деҳқонга барча илм ва амалдан, барча улуғ номлардан ҳам улуғ эди. Қишлоқ ўчоқларида дамланган паловларнинг энг ёғлифи, тандирлардан узилган патир, сомсаларнинг энг қайноғи «Умрзок ўт омочига» жўнатиларди. Далада ҳам, кўчада ҳам доимо унинг атрофида юзлаб бола парвона бўлиб юрарди.

Сойгузарни энди ўша болаларнинг ўзлари обод қилмоқда. Колхоз инженери, бош механик, шофёр, тракторчи, «зангори кема» капитанлари, уларнинг болалари ҳам техниканинг бошида. Улар бир вактлар бутун мамлакат учун Ильич орзу қилган юз минг тракторни биргина Ўзбекистон далаларида бошқармоқдалар. Ҳа, чиндан ҳам шундай! Революциягача бутун Туркистонда пар билан юрадиган биттагина молотилка бор эди. Ҳозирги Ўзбекистонда юз мингдан ортиқ трактор, 16 мингга яқин терим агрегатлари гумбурлаб ишламоқда. Умрзоқ уларнинг овозидан беҳад шод ва ҳуррам!

Сойгузарликларни қишлоқ артелига уюштирган восита ҳам трактор эди. Тракторга ихлос қўйиб, уни севиб қолган деҳқонларга Умрзоқ «Якка бошга трактор сотиб олиш анойими!» дерди. Бу сўзнинг маъносини тушунгандар тўпланиб 1928 йили «Сойгузар» артели туздилар. Уттиз хўжаликнинг бирлашган кучи ҳар нарсага кодир эди. Орадан сал вакт ўтмай, Сойгузарнинг қок ўртасида машина-трактор базаси пайдо бўлди. Артелчилар ўша йили ерни тракторда ҳайдаб, чигитни сеялкада экдилар. Пахта теримидан бошқа ҳамма ишлар техника зиммасига юкланди.

«Теримни ҳам машинанинг бўйнига қўямиз!» деди Умрзоқ. Шу орада артель ерлари кенгайиб, аъзолари кўпайиб «Ленин йули» деб аталмиш катта колхозга айланди. Бу йирик рўзғорни бошкарадиган раҳбар органда Умрзоққа энг нозик ва энг муҳим постни топширдилар. Умрзоқ яна битта лақаб орттириди. Уни ёшу кекса ҳамма «Ячейка ака» деб атайдиган бўлди.

Умрзоқ кўз илғамас фронтда — одамларнинг дил ичкарисида ишлашга кўчди. Чунки унинг назарида синфлар битирилди-ю, аммо уларнинг қолдик иллатини дилдан халос қилмоқ, яъни деҳқонларнинг ички маданиятини оширмоқ зарур эди. Бу масъул ишни Умрзоқ чаласаводликни битиришдан бошлади. «Саводсизлик — ваҳшийликдир!» деди у, Карл Маркснинг маълум ва машҳур меҳнат ва санъатга қаратса айтган гапларидан ўзига мос нусха кўчириб.

Хат-саводи чиқкан катталарни сиёсий тўгаракларга жалб қилиб, Умрзоқ уларга «мамлакатнинг хўжайини бўлганларингиздан кейин сиёсатда ҳам иштирок этинглар-да» деди.

Сойгузар сиёсий тұғарагида сиёсатдан таълим олган деңқон ёшларининг күплари ҳаёт. Уларнинг бир гурухи якинда Сойгузар клубида савол-жавоб кечаси үтказдилар. Файласуф олим: «Бахт — халққа содик фарзанд булишдадир. Бошқаларни баҳтли қылған одамгина баҳтли бўлади» деди. Шундан кейин у ўзи билан бирга келган дўстларини танишиди. Бири — дипломат, чет элда совет элчиси, иккинчиси — академик — изотоплар ижодчиси, учинчиси — химик, тўртингчиси — офицер, бешинчиси пахтакор — селекционер, олтинчиси партия ходими...

Шу чоқ Умрзок ўтирган ўрнидан туриб кетди:

— Мана шуларнинг ўзлари баҳт. Бизнинг баҳтилиз,— деди.

Умрзок ўз ҳамқишлоқларидан: «Ўзбекнинг ифтихори нима?»— деб суради-да, «Ифтихоримиз — пахта!» деб яна ўзи жавоб қиласди. Бунинг том маъносини дўстларига тушунтиришдан сира зерикмасди.

Пахта учун курашнинг ҳамма фронтларида у ҳозири нозир эди. Аввало ер керак эди. Ер сувсиз унум бермаслиги ҳаммага аён. Шу боисдан ҳамма ариқлар қазилгани, каналлар очгани кетмон билан белкурак, арра билан болта кўтариб чиқкан йилларда у Охунбобоев номли каналнинг бош тўғонида эди. Халқ курилиши Лоғон каналидан то Каркидон сув омборигача у курувчиларнинг олдинги сафида келди, янги-янги ерларга сув оқизиб борган мироблар қаторида юрди.

Ҳосилдорлик масаласига келганда ҳам худди шундай манзара.

Пахта коммунизм учун керак. Коммунистик фаровонлик, мўл-кўлчилик эса одамлар учун керак. Коммунизмни ўзимиз учун ўз кучимиз билан курмокдамиз. Пахта корнинг бир туп ғўзани авайлаб парвариш қилишидан тортиб, металлургнинг мартенда пўлат тоблашигача, тракторчининг бир эгатни оралашидан тортиб, космонавтнинг ойга сафаригача ҳаммаси коммунизмга хизмат қиласди. Умрзок отанинг қишлоқ келажаги ҳақида ўйлари чукур, режалари катта!. Қишлоққа янги кўз билан қараган одам унинг ўйлари, катта режаларини сўзсиз пайқаши мумкин. Унинг ўйлари устқурмани қайта куришлари ҳақида эмас, совет деҳконининг мустақил булиши ҳақида «ҳозирги деҳқон жамият чорикори эмас, унинг ўзи жамият...» дейди Умрзок. Ердан нимаики ундиришнинг иложи бўлса, шуларни ундириб олиш — деҳконнинг

күлидан келади. Умрзокнинг режалари ана шу имкониятларни ҳақиқатга айлантиришга қаратилган. У бунга эришади, албатта. Унинг улуғ мададкори — Партиямиз бор!

Умрзокнинг ўзи ким? У ҳамманинг шодлигига шерик, ғамига ҳамдард, ҳар ишда ҳозир, ҳар нарсага жавобгар, жонкуяр, меҳрибон одам. Биз зикр қилган Умрзок — тўплама ном: Умрзок — қишлоқ коммунисти! Унинг қирқ етти йиллик стажи бўлса ҳам ҳамон жанговар сафда. Чунки қишлоқ коммунисти истеъфони билмайди!..

ЮГОСЛАВИЯ САФАРИ

ДҮСТЛАР ЯНА УЧРАШДИ

Биз югослав халқининг ҳаёти билан уч ҳафта танишдик.

— Ҳаётимиздаги энг муҳим воқеа,— деди Югославия раҳбарларидан бири ўртоқ Влахович,— янги фазилатли янги одамнинг туғилғанлигидир. У қийинчиликларда үсисб тобланмоқда.

Босниянинг Ябланица шаҳрида қурилган гидростанция бунинг далилидир. Бу станция курилишига ёш югослав бошлилик қилди. Илгариги вактларда бундай ишни югославга ишонмасдан, хорижийларга топширишарди.

Ёш инженеримиз гидроэлектростанция ишга тушгунча ҳадиксираб юрди. Қурилиш анча чўзилиб кетган ва қимматга тушган бўлса ҳам, гидроиншоотни югослав инженерининг ақли, югослав ишчиларининг қўли курди. Инженернинг ўзи бой тажриба орттириди. Бунақанг иншоотни у, энди дадилрок, тезрок ва арzonрок куряпти. Бизни қувонтираётган нарса шу...

Босния ва Герцеговина Халқ Республикаларининг пойтахти — Сараевога Зеницадаги металлургия шаҳридан маҳаллий вакт билан соат ўн иккиларда етиб келдик. Баланд иморатлар тушган тор кўчалар катта проспектларга туташган. Тош рангдаги қават-қават иморатлар квартал-квартал бўлиб тизилиб кетган. Мана, принц кўприги — принц Фердинанд 1914 йили шу ерда үлдирілган эди. Бу ҳодиса биринчи жаҳон урушини аланглатиш учун империалистларга бир баҳона бўлган эди.

Сараево ўзига хос қадимий шаҳар. Унинг меъморчилик намуналари бир хил эмас. Самарқанд ва Хива ёд-

горликларидаги нақшларни, нил бүёкларні бу ердаги ұрпақтарда, мінорада күриш мүмкін. Уларнинг ёнида эса, күхна қалъа деворларининг харобалари үшшайиб ётибди. Бу харобаларни баққол дүконлари, ҳунармандчилик цехлары ұраб олған. Катта-катта магазинлар, маданият муассасалари ва томошахоналар шаҳарнинг европа қисміда жойлашган.

Сараевода янгилик нишоналари ҳам яққол сезилиб турарди. Мана, республиканинг янгидан қурилған фанлар академияси биноси. Бу ерда университет корпұслары бүй чүзған. Республиканынг китоб бойлиги — кутубхона ҳам бор. Дарвоке, Босния ва Герцеговинада урушга қадар битта ҳам кутубхона бұлмаган...

Шаҳар заводларыда, фабрикаларыда Босния ва Герцеговинанинг ёш ишчилар синфи етишмокда. Үтмишдаги қишлоқ хұжалик үлкесини саноат республикасига айлантираётган оддий кишилар шулар. Бу ерда йилига қарийб икки миллион тонна темир маъдан, түрт қызыл мінг киловатт-соатдан күп электр құввати ҳосил қилишмокда. Бутун мамлакатта шу ер пүлат ва прокат беради.

Биз Зеницадағи металл заводи — «Железара у Зенице»да бўлдик. У Босния ва Герцеговина республикарнинг металлургия юраги, янги Югославия оғир индустриясининг фахрий.

— Бу — бизнинг Магнитогорск,— дейишиді югослав дўстлар, комбинат ҳақида гап очилганда.

«Железара у Зенице» Вапара билан Лисаца тоғлары туташадиган икки тоғ оралығынан бутазорлар қоясіда жойлашган. Унинг осмонга санчилиб турған трубалари олисдан арча таналарига үхшайды. Тутун бурқситиб, хом ашё ва қуйма металлар ортилған платформаларни енгил суриб юрган кичик паровозлар күзга ташланади. Қиздирилған кокс қуёш ёғдулари остида порлаб турибди. Печлардан оқиши-кул ранг буғ күтарилемокда, газ ҳиди димокқа урмокда. Буларнинг ҳаммаси яшил водийда сонсиз кокс батареялари ишләётганидан дарак берарди.

Югослав ишчилар ва мутахассислар курган металлургия комбинатининг улуғвор күриниши бизни, совет кишиларини ҳам ҳаяжонлантириди. Ҳамроҳимиз Радаван Папич оғир индустриянынг ана шу корхонаси янги Югославияда қанча қийинчиликлар билан қад күтарғанини сұзлаб берди.

— Югославия индустрия мамлакатига айланмокда,—
деди у ифтиҳор билан.

Биз озод Югославия металлургия индустриясининг
ана шу түнғич цехларида кезиб юрганимизда, дўстлар
кувончига шерик бўлдик.

Иқтисодий ривожланишнинг энг қийин шарт-шароит-
ларида мамлакат капитал қурилишга ҳар йил ўртacha
икки юз олтмиш миллион динар ажратиб турган. Халқ
ҳамма оғирликни ўз елкасида кўтарди ва пировардида
муродига етди — мамлакатнинг оғир индустрияси ву-
жудга келди. Босния ва Герцеговина тоғларининг ям-
яшил этакларида югослав халқи зўр ғайрат кўрсатиб,
илғор техника билан таъминланган янги корхонани бар-
по этди. Бу корхона 1957 йилда мамлакатга саккиз юз
минг тонна чўян ва етти юз минг тонна пўлат етказиб
бериши керак. Комбинат тўла қувват билан ишласа, бир
йилда урушгача бўлганидан ўн баравар кўпроқ пўлат
эритиши мумкин.

Қаёқка бормайлик, қаерда тўхтамайлик, бизни юго-
слав металлурглари қуршаб олишар эди. Улар совет ме-
таллургия саноати ҳақида, илғор пўлат қуювчиларимиз
ҳақида, ишлаб чиқариш новаторлари ҳақида ўта қизи-
қиб сўрар эдилар.

Ишчилардан бири яқинимизга келди, бризент қўлко-
пини ечди ва қора кўзойнаги устидан қошларини чими-
риб қараб, кулимсираганча қўл узатди:

— Дўстлар яна учрашди, салом, биродарлар!

— Бу — комбинатнинг илғор ишчиси Чучич эди. У
комбинат қурила бошлагандан бери ишлаётган экан. Рус
тилини тузуккина билар ва бемалол сўзлашар эди.

— Русча гапиришни қаерда ургангансиз?

— Мен Белград остоналарида ва қўчаларида немис,
итальян фашистларига қарши руслар билан елкама-елка
туриб курашганман. Солдатларингизнинг довюраклиги
ҳали-ҳали эсимда.

Кейин у совет дўстларини узоқ вақт кўрмаганини,
улар ҳақида ҳеч нима эшитмаганини орзиқиб сўзлаб
берди.

Совет кишиларини қаттиқ соғинган Чучич комбинат-
га совет журналистлари келганини эшитибди-ю, биз би-
лан учрашмокка шошилибди.

Бизни комбинатнинг техника директори Николай Гос-
тиша цехларда айлантириб юрди. У ўзининг комбинат

ҳақидағи гапини Совет Иттифоқи билан Югославия Федератив Халқ Республикаси ўртасидаги алоқа узилиб қолғандан кейин յоз берган қийинчиликлардан бошлади. Югославия хўжалигининг янада равнақ топиши учун бизнинг мамлакат билан тенг ҳукуқлилик ва ўзаро фойда негизида ҳамкорлик қилиш жуда мақбуллиги ҳақида комбинат цехларида халқ фикрини эшитдик.

— Донбасс кўмири — кўри зўр кўмир! Биз кули кўп Европа кўмиридан зарар куряпмиз,— деди техника директори.— Сизнинг мамлакатингиз билан иктисадий алоқа ўрнатиш оғиримизни енгил қиласди. Кишиларимиз сизнига Донбасс кўмиридан олиб келгани кетишид,— деб сўзини давом эттириди Николай Гостиша.

Улар камчилик ва қийинчиликларини хаспушламасдан айтдилар, бор бисотларини, бойликларини бизга кўрсатдилар.

Кизиган ёғ хиди анқиб турган темирчиллик цехи бизни тақ-тук ва металларнинг янгрок жаранги билан кутиб олди. Гидравлик пресс қиздирилган катта болванкани тишида тутиб турарди. Пресс икки минг тонна оғирлик билан босмоқда. Болванканинг кадди тұғриланғач, яна аллақандай босиқ жаранг чыкади. Прессда мастер Мусиф Ковалчик навбатчилик қыммоқда эди. У ўзини мусулмон, деб ҳисоблар экан. Менинг Совет Ўзбекистонидан келганимни билгач, йўғон товуш билан сўради:

— Сизларда ҳам metallurglar борми?

— Бор!— дедим мен товушимни барада кўйиб.

— Ҳа-ҳа... Биламан, хабарим бор. Бекобод заводида? Уруш йилларида қургансиз.

Мен унга ўтмишда чор Россиясининг чекка ўлкаси бўлган Ўрта Осиё республикаларида энди социалистик индустрия гуркираб кетганини айтиб бердим. У қозоқ ва ўзбек металлургларига, барча совет пўлат қуюччилирига салом айтишимни сўради.

Бизни комбинатда такрорий ишчи кучлари, мутахасислар тайёрлаш йўллари билан таниширишди. Комбинат Босния ва Герцеговина қишлоқларининг дехқонлари ҳисобига ўсмоқда. Биз темирчилардан серб Геаргия Душан, хорват Перю Буковас билан танишдик. Яқиндана омоч суреб юрган бу дехқонлар эндиликда тажрибали ишчи бўлиб етишибди. Комбинатда ўн бир минг ишчи бор — уларнинг аксари кечаги қишлоқлillardir.

Биз металлургия корхонасини планлаш системаси билан қизиқдик. Комбинат плани бевосита шу ернинг ўзида, коллектив орасида, эҳтиёжлар ва буюртмалар тушиши, ишлаб чиқариш планларнинг бажарилиш тажрибаси ҳисобга олиниб тузилар экан.

Маъмурият қайси завод ёки фабрикага қачон, қанча металл кераклигини олдиндан билиб олади. Металлургия корхоналари уюшмаси комбинатни маҳсулотни қаерда ва қандай пуллаш кераклигидан хабардор қилиб туради.

Комбинат маҳсулоти ҳам ташки, ҳам ички бозорга мўлжалланган. Маҳсулотнинг чамаси беш проценти ташки бозорга, қолганлари ички бозорга чиқарилади. Ҳар йилги иттифоқ ва республика планларида маҳсулот ишлаб чиқариш пул билан ифода қилинади. Кейин манфаатдор корхона раҳбарлари металлургия корхоналари уюшмасига йиғилади, қайси корхонанинг қанча маҳсулот чиқаришини аниқлаб олишади. Сўнгра бу маълумотлар корхона ишчилар кенгашида муҳокама қилинади ва тасдиқланади, район ҳалқ отборининг ишлаб чиқарувчилар Вечеси (иккинчи палатаси) да кўриб чиқилади. Завод ёки фабриканинг бюджети тузилиб, унда ишлаб чиқариладиган маҳсулот микдори йилига динар ҳисобида кўрсатилади, тушадиган соф фойда аниқланади. Ана шу кўрсатгичлар учун, мамлакат эҳтиёжига керакли маҳсулот ишлаб чиқаришдан тушадиган фойда учун кураш завод коллективининг муддаоси бўлиб қолади.

Буларнинг муайян ижобий томонлари бўлса ҳам, қалтис томонлари ҳам борки, югославлар тили билан айтганда, бу нарса «партикуляр ва монополистик кайфиятлар»ни жонлантириб юборармиш. Чунончи, 1954 йилда Босния ва Герцеговинадаги маҳаллий ҳалқ комитетларининг аксари бюджетни корхонага фойда тушириш ҳисобига, ўз буюмлари таниархини кўпайтириш ҳисобига кенгайтироқчи бўлишибди.

Иттифоқ ҳукумати ва Югославия коммунистлар союзи, ҳалқ республикалари ҳукумати маҳаллийчилик кайфиятини тугатиш чораларини кўрмокдалар. Бу тадбирлар жамоат манфаатларига мос тушмайдиган кайфиятлар — нарх-навони ошириб юбориш ва кўпроқ фойда олиш йўлларини беркитиб қўяди.

Биз Босния ва Герцеговинадаги бошқа йирик корхоналарда ҳам, Сербиянинг машинасозлик ва транспорт

корхоналарида ҳам бўлдик. Ҳаёт ҳақиқати «Зенице» металлургия комбинати, мамлакатнинг бошқа корхоналари халқ мулки бўлиб қолганига бизни ишонтириди.

Урушдан кейинги даврда Югославиянинг саноат ишлаб чиқариши урушдан аввалги даражага нисбатан 2,5 баравар ошди. Бу ўсиш асосан оғир саноатда бўлди.

Электр куввати ишлаб чиқариш урушдан аввалги даражадан 3,7 баравар ўсди, кичик-кичик, примитив ва бир-бири билан боғланмаган электростанциялар ўнига ҳозирги замон йирик электр хўжалиги вужудга келтирилди.

Кора металлургия маҳсулоти урушдан аввалгига қараганда 3,5 баравар кўп ишлаб чиқарилмоқда. Яқин келгусида янги металлургия корхоналари ишга туширилади. Улар урушдан аввалги даражага нисбатан деярли олти марта кўп қора металлургия маҳсулоти ишлаб чиқариш имкониятини беради.

Ҳамма рудани концентратларга айлантириб бера оладиган янги рангли металлургия корхоналари қурилди. Бу рудалар урушдан аввалги йилларда хом ашё сифатида чет элларга чиқарилар эди.

Машинасозлик ва электр қурилиши саноатлари ҳам тез суръатлар билан ривожланмоқда. Югославиянинг машинасозлик саноати мамлакат қишлоқ хўжалигига ҳар йили 15000 тоннага яқин турли машиналар ва асбоблар етказиб бермоқда. Югославиядаги трактор заводлари қишлоқ хўжалигига ҳар йили икки минг трактор бермоқда, яна озроқ маблағ сарфлаш билан йилига саккиз минг трактор ишлаб чиқариш мумкин. Темир йўл ҳаракати состави — паровоз, пассажир ва юк вагонлари ишлаб чиқарадиган саноат ҳам барпо этилди. Кемасозлик саноати ҳозирнинг ўзидаёқ турли хил кемалар чиқармоқда.

Химия саноати ҳам тез ривожланмоқда. Урушдан аввалги Югославияда сунъий ўғит ишлаб чиқарадиган корхона биттагина эди. Ҳозир мамлакатда урушгача бўлганидан уч баравар кўп ўғит ишлаб чиқарилмоқда, ўғит ишлаб чиқаришни урушдан аввалги даражага нисбатан ўн баравар ошириш имкониятини берадиган янги заводлар қурилмоқда.

Буларнинг ҳаммаси аҳоли жон бошига маҳсулот ишлаб чиқаришни жуда ошириши мумкин. Урушдан аввал Югославияда аҳоли жон бошига етмиш уч киловатт-соат

электр қуввати ишлаб чиқарилар эди, ҳозир эса икки юз кирқ етти киловат-соат электр қуввати ишлаб чиқарилмоқда. Ҳозир урушдан аввалги бир юз саксон килограмм шартли күмір үрнига беш юз үттіз килограмм күмір, үш беш килограмм чиниқтирилмаган пұлат үрнига қирқ олти килограмм пұлат ишлаб чиқарилмоқда.

Шу ракамлардан күриниб турибдикі, Югославия қолок, саноати ривожланмаган мамлакатдан саноати нисбатан ривожланған ва саноат ишлаб чиқариши жиҳатидан тинмай олдинга босаётган мамлакатта айланди.

Югославиялик үртоқларимизнинг бизга рүйи-рост айтишларича, оғир саноат билан енгіл саноат бир текис ривожланмаётір. Саноатнинг кенг истеъмол товарлари ишлаб чиқарувчи соҳалари оғир саноатта нисбатан бірмунча секинроқ ривожланди. Масалан, ишлаб чиқариш воситалари ва ишлаб чиқариш урушдан аввалги дараҗага нисбатан түккіз баравар ошди. Истеъмол воситалари ишлаб чиқариш эса факат икки баравар күпайды. Шунинг учун ҳам Югославия раҳбарлари бу мутаносибиззикни тугатиш чораларини күрмокдалар.

Гуркнраб үсаётган Югославия саноати бизда унтуилмас таассурот қолдирди.

* * *

*

Македония билан Чернигорияни айланиб чиққаң, Динор тоғлари чүққиларидан Адриатика соҳилларига қараб кетдік. Йўл илон изи бўлиб, ўнгирларга шўнғиб кетар, машинамиз айлана-айлана, харсанг тош парчаларини шағирлатиб борар эди. Бирон машина дуч келиб қолса машинамиз баъзан юз метрлаб, километрлаб изига қайтар ва йўл кенгайған жойда уни үтказиб юборар эди.

Шоферимиз «Опель» маркали қўнғиз нусха қора машинани үтказиб юбориб, бизга ўгирildи:

— Ким үтиб кетганини биласизларми? Үтиб кетган йўловчи — фашист офицеридир. Югославларга қарши ўқ узган одам. Энди у, ўз автомобилида мамлакатимизда изғиб юриб, хонимчасига қаерда, қачон, қайси партизанди үлдирганини айтиб беряпти. Бети қалинда!

У чўнтағидан «Морава» сигаретини чиқарип, зажигалкаси билан тутатди, стартёрни босиб, машинани

юргизиб юборди ва оғзидан тутун бурқситиб, ҳикоясида давом этди:

— Айтмоқчи, биз қарздор булиб қолибмиз. Бизга доллар керак. Уни қаёқдан олардик? Валюталарни туристларнинг чўнтағидан оляпмиз. Ҳечқиси йўқ — қиси-либроқ яшаяпмиз.

Муюлишдан енгил машинанинг сигнали эшитилди. Шоферимиз машинасини қояларга тақаб, дуч келган автобусни ўтказиб юборди. Унда пижамалар кийган эркаклар ва хотинлар қўшик айтиб кетишаётган эди. Кейин чамадонлар билан тўлган ва америка тамғаси бўлган «Шевролет» пилдираб ўтиб кетди. Кўрпа-тўшаклар ортган яна бир «Опель» ни ўтказиб юборгач, шофер йўлга чиқди:

— Ўтмас матоҳларини сотишяпти.

Биз тоғдан тушиб, денгиз қирғоғи бўйлаб бормоқдамиз. Адриатика соҳилга тик тушиб келган бронза тусли қояларни денгиз тўлқинлари билан эркалаётгандай туяларди. Денгиздан илиқ шабада эсди ва у, Динор чўққилирига кўтарилиб кетди. Шинамгина курорт шаҳри — Будва, фуқароси — етти юз киши бўлса ҳам, у шовқинсурон ичидаги қайнар эди. Шаҳар катта пляжга ўхшарди.

Мана, курорт шаҳри — Дубровник. У, бир замонлар «Етти байроқ республикаси» деб аталган. Хорват ўртоқларнинг ҳикоя қилишларича, «Дубровник республикаси» етти империалистик давлат байроғини ўз ғазнасида саклаб келган ва шу давлатлардан бирон-бирининг қўшини унинг соҳилларига ёки қурғоқдаги сарҳадларида курингудай бўлса, қалтираб, ўша армия кўтариб келаётган туғни баланд илиб қўя берган...

Адриатиканинг беғубор, табиий ва дилдор қирғоқларида Дубровник қалъаси қад кўтариб турибди. Унинг бир неча гектаргина бўлган территориясидаги қурғон хавф-хатар йили одамларни тош уйларга яширган. Энди қурғон атрофидаги ғуж-ғуж савдо расталарида, ресторанларда, қаҳвахоналарда, кино-театрларда ва музейларда одам қайнарди. Қалъа деворларига америка картиналарининг дабдабали рекламалари осиб қўйилган.

— Ҳайрон бўлманглар бунга,— деди шофер.— Америкаликлар бизга берадиган бир бурда нонларига ҳам иккита иффатсиз картинани қўшиб беришади.

Шаҳарлардаги каби, қишлоқларда ҳам дўстлар яшарди. Биз Черногориядаги «13 июль задругаси» да бир кун меҳмон бўлдик. Қексалар ва ёшлар ўз қишлоқларидан чиққан партизанларнинг мардлик қиссаларини, задругаликларнинг фидокорона меҳнатини мароқ билан сўзлаб беришиди. Совет колхозчилари ҳаёти тўғрисида, Олтой ва Козофистон ерларида кўриқ очаётган ёшлар ҳаёти хусусида уларнинг кўп нарсаларни билиб олгилари келарди.

— Гитлерчи фашистлар муқаддас тупроғингизга ҳужум қилганини эшишиб, Совет Иттифоқи билан ҳамкорлик белгиси сифатида Кокоти қишлоғимизни Кичик Москва деб атаган эдик. Жим турмадик — қишлоқда партизанлар отрядини туздик,— дейди икки комсомол-партизан ўғилнинг отаси.— Отрядимиз кун сайин ўса борди ва кўп ўтмай, бутун қишлоқ партизанлар қишлоғига айланиб кетди. Уруш тамом бўлди дегунча, тирик қолган ҳамқишлоқлар ишлаб чиқариш кооперативини туздилар ва уни жанговар отрядимиз умумий душманга қарши биринчи марта ўқ узган кун шарафиға «13 июль задругаси» деб атадилар.

Яқинда сизларнинг кўриққа қатъий ҳужум бошлаганларингни эшишиб, биз ҳам бўз ва ташландик ерларни тирилтиришга бел боғладик. Бу ишда ҳам задруга ёшлари биринчилигини кўрсатди. Лекин бизда ҳали техника танқисрок. Эшакда узок йўл босолмайсан, шундай бўлса-да, кўриқлар бағрини очяпмиз. Мана, задругамизнинг ҳам партизанлар кураши қаҳрамонлари, ҳам тинч меҳнат қаҳрамонлари бўлган ёшлари...

Биз задруганинг илфор кишиларидан Тасанка Миронович, Люба Асанович, Люба Мироновичлар билан суҳбатлашдик. Улар задругада аъло иш учун бошланган курашга етакчилик қилишар экан. Янги ерларни ўзлаштиришга отланиб, биринчи марта эгат олганлар шулар эди. Улар комсомоллик меҳнатининг аълочилари булишибди. Люба Асанович пишлоқ тайёрлашда, Любанович тамакини ишлаш ва қуритишда ўзи билан тенглашадиганни ҳали кўрмабди.

Раисникидаги кечки овқат олдидан ва овқатдан кейин задруга ёшлари бизга миллий рақсларни кўрсатди-

лар, чёрногор, рус ва серб қүшиқларини жарапнатиб куйлаб бердилар. «Катюша» қүшигини айтиб бўлишгач, Люба ёнимга келди ва менга шуларни айтди:

— Биз рус қўшиқларининг ошифимиз. Улар суяк-сугимизга сингиб кетган. Менинг акам мўйловини қираётганданда ҳам, хомуш бўлганида ҳам, ҳамма вақт ва ҳамма ерда рус қўшиқларини куйлаб юради. Биз ўз қўшиқларимизни ҳам совет қўшиқлари оҳангига солиб айтмоқдамиз...

Улар тонггача куйлаб чиқиши. Жанговар партизанлар тўғрисидаги, Ватан тўғрисидаги, партия тўғрисидаги, Тито тўғрисидаги, янги ҳаёт куртаклари тўғрисидаги таниш қўшиқлар, таниш оҳанглар булок сувларидай қўйилиб мавжланарди.

Югославия халқи халқ ҳокимияти раҳбарлигига янги ҳаётни мустаҳкам қилиб курмокда. Бу ҳаётнинг аён нишоналари ҳаммаёқда — Федератив Халқ Республикасининг шаҳарларида ҳам, қишлоқларида ҳам яққол кўрипади.

ҲАЁТНИНГ КУЧИ

Мамлакатни айланиб қайтаётганимизда Белград якинида бизни болалар қуршаб олди. Булар Земун шаҳар-часининг ўқувчилари эди. Улар ўзларини Янги Боғдаги халқаро қишлоқ хўжалик виставкасига олиб борадиган поездни кутиб туришган экан. Үндаги совет павильонини кўришга бўлган иштиёқни болалар ёзилиб гаплашар, қизғин баҳслашар, ёдан шеърлар ўқишар, қўшиқлар айтишар эди. Бизни кўрганларида «Советские новинири»— «Совет журналистлари» деб қичқириб юборишиди. Икки ўртада самимий сухбат бошланди.

Ўғил болалар ва қизчалар болалик йилларига хос бўлган эҳтирос билан халқ қаҳрамони Петр Коичномидаги етти йиллик мактабларини мактаб кетишиди, бир-бирларининг ғапларини бўлиб, совет болалари ҳақида, уларнинг қандай ўқиб дам олишлари ҳақида саволлар бера бошладилар. Югослав болалари совет меҳмонларининг ҳикояларини чурқ этмай тинглашар эди. Биз уларга совет мактаблари ўқувчиларининг саломларини ва истакларини топширганимизда, ёз куёши ҳоврида корая бошлаган юзларида табассум ёйилди, қўзларида шодлик ўйнади. Улар «Живио! Живио! Живио!» деб қайта-қайта такрорлашар эди.

— Югослав болалари баҳтли бўлиб қолишиди,— деди экскурсиячи кекса ўқитувчи.— Илгари вақтларда меҳнаткашларнинг болалари кулгидан, қўшиқдан, оромдан маҳрум эди. Ўқиш ҳақидаги орзулар амалга ошмайдиган хаёл бўлиб қола берарди.

Эски Югославияда мактаб ёшидаги болаларнинг қарийб тўртдан уч қисми ўқишга муваффақ бўла олмаган. Мактабга мулкдор оиласаларнинг арзанда, инжиқ, болаларигина қатнарди. Башарти, ишчи ёки деҳқоннинг боласи мактабга кириб қолгундай бўлса, шуида ҳам тўрт синфгина ўқий олар, ўрта мактабни тамомлаган тақдирда ҳам олий ўқув юртига кириш ҳукуқига эга бўла олмас эди: шаҳар мактабларини тамомлаб чиққаи камбағал болаларнинг университетга киришларига қонун йўл қўймас эди.

Эски Югославия мактабларида дарслар ҳукмрон миллат тилида ўқитиларди. Кўп миллат ўз она тилида ўқишидан маҳрум қилинган эди. Бунга Македониянинг македон тилида бирон мактаби бўлмаганини айтиш кифоя. Албанлар, турклар ва болгарлар ўз тилларида ўқий олмаганлар.

Гитлерчилар мамлакатни босиб олиши биланоқ, Югославия мактабларида фашист тартиби ўрнатилди. Ўқитувчилар синфга кира туриб ўқувчи билан гитлерча саломлашишлари лозим эди. Болалар фашист тартибига бўйсунмадилар. Гестапочилар Крагоевац шаҳрида ўқувчиларни ўқитувчилар қаторида отиб ташлашди. Шу куни мамлакатда саккиз мингдан кўп ўқувчи отилди. Эртасига мактабга ҳеч ким келмади. Кўпгина болалар ертўлаларга яшириндилар, кўплари тоғлардаги партизанларга қўшилиб кетдилар.

Халқ ҳокимияти билим эшикларини, баҳтли келажак йўлларини кенг очди. Югославия болалари ҳаётнинг ҳамма ноз-неъматларидан баҳраманд бўла бошладилар. Оддий кишиларнинг болалари учун фашизмга қарши жанглар бораётган кунлардаёқ, Динор тоғидаги ўрмонларда ва партизанларнинг дараларида янги мактаблар очилган эди.

Мамлакат озод қилингач, халқ ҳокимияти вайрон бўлган мактабларни, гимназияларни, университетларни тиклашга киришди, мактаблар куришни авж олдирди, янги ўқитиш системасини ишлаб чиқди. Ҳозир мамлакат-

да ўн тўрт мингга яқин мактаб бор. Уларда бир ярим миллиондан ортиқ бола таълим олаётир.

Тўғри, халқ маорифини ташкил этишда кўп қийинчиликларга ҳам дуч келинмоқда, маориф ва маданият советлари, тажрибали раҳбарлар этишмайди. Бир қанча фанлар бўйича мўътабар дарсликларга танқислик сезиляпти. Педагогик кадрлар кам, ҳукумат буларнинг ҳаммасини билиб, катта тадбирларни амалга ошираётир. Мактаб реформаси ҳақида конун лойиҳасини тайёрлайдиган маҳсус комиссия иш олиб бормоқда.

Биз, Югославияга озодлик келгандан кейин қурилган гимназия, техникум ва бадиий мактабларнинг чиройли иморатларини кўрдик. Югославияда ўрта мактаб ва гимназиялар урушдан аввалгига нисбатан икки-уч баравар кўп. Мамлакатда 1947 йилда техникумлар очилди, бундай ўқув юртлари Югославия тарихида ҳеч қачон бўлмаган. Уларда мамлакатдаги ҳамма миллат фарзандлари ўқиб, ўрганмоқда.

Эски Югославияда аҳолининг 45,2 проценти хат-саводсиз эди. Халқ — озодлик уруши йилларида саводсизликни тугатиш учун бошланган кураш ҳамон муҳим масала бўлиб турибди. Бу борада нималар қилинмоқда?

Шаҳар ва қишлоқларга, завод ва қурилишларга ишлагани аксари саводсиз деҳкон ёшлари келмоқда. Табиий, уларнинг техникани ўрганиши қийин. Бундай ишчилар учун заводлар ҳузурнда уч ойлик, олти ойлик ва бир йиллик курслар, ҳунар мактаблари, ишчи техникумлари ва университетлар очилган. Ёш ишчилар қисқа муддатли курсларни тамомлагач, ҳунар мактабларига кирадилар. Ҳунар мактаблари бошланғич мактабларга тенгdir. Сўнг, ишчи ёшлар техникумга кириб ўқий бошлайдилар. Техникумни тамомлаганларни ишчи университетларн ўз бағрига олади. Республиканинг техник интеллигенцияси сафлари шу тарика тўлдирилмоқда. Бугунги Югославиянинг ўн бешдан ортиқ ишчи университети бор.

Олий таълим системаси халқ Югославиясида сезиларли мувваффакиятларга эришди.

Биз Белград университетида бўлдик. Ректорнинг беҳашам, кенг кабинетида узок вақт эсда сакланиб қоладиган суҳбат қизиди. Машҳур физиолог-профессор, академик Ильч Докуририч Югославиядаги энг йирик университет босиб ўтган йўлни, унинг тарихини сўзлаб берди. Юз йилдан олдинроқ бунёд қилинган бу университет-

да уттиз минг студент, сиртдан эса олти минг студент ўқыйди. Университет ўн тўқиз факультетни бирлаштирган, факультетлар эса кўп институтларни, лабораторияларни, клиникаларни бирлашириди. Булар биргина Белградда эмас, балки Сербия Халқ Республикасининг бошқа шаҳарларида ҳам жойлашган.

— Университетлар ҳақида 1945 йилда қабул қилинган қонунга мувофиқ,— дейди ректор,— университетимиз жамоат бошқаришига топширилган. Университетга факультетларнинг вакилларидан, профессорлардан, студентлардан, шунингдек Вече ва Коммуна вакилларидан сайланган кенгаш раҳбарлик қиласди. Бундан ташқари университет бошқармаси ҳам сайланади. Бу бошқарма факультетлар ишини мувофиқлашириди, ўқиш жараёнини ва илмий ишни муайян йўлга солиб туради.

Югославиялик ўртоқларнинг фикрича, раҳбарлик ва бошқаришнинг бундай методи университет фаолиятини яхшилар экан.

Етуклик аттестатини олган болалар университетга кирадилар. Янги ўқув йилида унга 9877 киши, яъни Сербия ўрта мактабларини тамомлаган болаларнинг тўқсон процентдан зиёдори қабул қилинган.

Белград университети халқ хўжалиги ва маданият мутахассисларини етиштириб чиқарувчи катта даргоҳдир. Унинг еттига техника факультети мамлакатга ҳар йили урушдан илгариги бутун Югославияда бўлганидан кўпроқ мутахассис тайёрлаб беради.

Университет ўзи тарбиялаган студентларнинг революцион анъаналарини қимматли ёдгорликдай муқаддас сақламоқда. Факультет биноларидағи ёдгорлик лавҳаларида ҳаётини озодлик йўлига тиккан, фашизмга қарши Ватани озод қилиш жангларида ҳалок бўлган кишиларнинг номлари ёзиб қўйилибди. Югославиялик ўртоқлар университет студентларининг революцион намойишлар вақтида ҳамма вақт байроқдор бўлганликларини, партизанлик қилганликларини фаҳрланиб сўзладилар. Жанглар вақтида университетни урушгача тамомлаб чиқсан студентларнинг ярмидан кўпроғи — тўрт минг беш юз йигит-қиз ҳалок бўлган.

Халқ Югославиясидаги олий ўқув юртларининг ҳаммаси беш университет билан Бадий академияга бирлашган. Халқ ҳокимияти йилларида кўпгина лабораториялари ва факультетлари бўлган олий ўқув юртлари

очилган. Уларда салкам эллик беш минг студент таълим олмокда. Ўтган йил биргина Загребдаги олий ўкув юртларига урушдан аввал барча олий ўкув юртларига қабул қилинган студентларга нисбатан тўрт минг киши кўп кирган.

Давлат фан ва маданиятни ривожлантиришга катта маблағ ажратмокда. Юgosлавия халқлари адабиёти ва санъати барқ уриб яшнамокда. Мамлакатда озодлик шабадаси эсгандан кейин ёзувчилар ва рассомлар анча жозибадор, ҳақоний асарлар яратдилар.

Юgosлавия ёзувчилар союзининг раиси Иосиф Видмар айтганидек, Юgosлавия адабиёти ва санъати қисман антиреалистик йўналиш таъсиридадир. Лекин халқ бу йўналишни хоҳламаётир. Модернистларнинг Загребдаги халқаро графика виставкасида бўлдик. Бу виставкада оддий кишилар — ишчилар, деҳқонлар ва меҳнаткаш интелигенциянинг образлари кўринмас эди. Халқ модернистрларнинг асарларини сотиб олмаётир, ўқимаётир, кўрмаётир. Модернизм тарафдори бўлган баланд марта-бали бир арбоб: «Модернизм — ҳозирги замон жамиятининг чириб бориш аксидир, буни бизда тушунмайдилар ва эътироф килмайдилар», деди.

Юgosлавияда адабиёт ва санъатни социализмга сидқидил хизмат қилдириш тадбирлари кўрилмоқда. Юgosлавия ёзувчилари союзининг тузилиши бу борада кўйилган дастлабки катта қадам. Шу вақтгача мамлакатда турли марказлари бўлган бир неча хил адабиёт ҳукм суреб келган экан. Эндиликда ёзувчиларнинг бутун кучи ягона уставли ягона марказга — Юgosлавия ёзувчилар союзига бирлаштирилган. Илфор арбоблар адабиёт билан санъатни халқقا, социализмга хизмат қилишдан четга тортаётган кучларга қарши чидам билан курашмоқдалар. Албатта, бу кураш ҳали ғоявий санъат учун, халққа яқин бўлган ва халқ севадиган санъат учун курашнинг бошланғичидир, холос.

Эски Юgosлавиянинг кино санъати йўқ эди. Юgosлавия ўз фильмларини чиқармас эди. Эндиликда аҳвол тубдан узгарди. Мамлакатда миллий кино санъати яратилди. Халқ ҳокимияти бир неча киностудияларни ташкил қилди. Истеъдодли режиссёrlар, артистлар ўсиб этишди. Улар бакувват, таъсирили кинофильмлар яратмоқдалар. Фалати туюлса ҳам шуниси ҳақиқатки, Америка ковбай фильмларини юgosлав фильмлари аксари

вақт экрандан суриб чиқариш ҳоллари ҳам учрайди. Коммерция мулҳазасига бориб, америка кинокартиналарига йўл очиб берилган. Биз фоҳишабозликни ва қотилликни тарғиб қилувчи америка фильмларидан ғазабланган ишчиларни, интеллигентларни кўрдик.

Югослав ўртоқлар ҳайрон бўлганимизни кўриб, бундай дейиши:

— Буржуазия бизнинг демократиядан ўз мақсадларида фойдаланмоқчи. Биз бунга тўсқинлик қилиш йўлларини қидирмоқдамиз. Чунончи, кўпгина коллективлар ўз кутубхоналарига ириб-чириб кетаётган буржуа идеологиясини тарғиб қилувчи китобларни киритмаётирлар.

Югославияда 617 та илмий, 4200 та оммавий ва 10.568 та мактаб кутубхонаси бор. Бундан ташқари, маданият саройларида ва уйларда, заводларда ва фабрикаларда, задругаларда ва йирик қишлоқларда ўқишибхоналар ишлаб турибди. Меҳнаткашлар югослав ва жаҳон классикларининг асалари билан бир қаторда, Пушкин, Лермонтов, Толстой, Горький, Достоевский, Шолохов, Леонов, Тихонов китобларини ҳам ўқимоқдалар.

— Маданиятимизни ўзаро бойитмасдан туриб, олдинга қадам босиш мумкин эмас,— деди Белграддаги сұхбатдошларимиздан бири.— Югославия — тоғлик мамлакат. Сизлар умрбод кўкариб турган тоғларимизни кўрдингиз. Бу тоғлар табиат стихияларига қарши бир-бирларини суюб, бир-бирларини тўсиб турганлиги учун бақувватдир. Сизлар тоғлар тизмасидан ажралиб қолиб, табиат кучларига бардош бера олмаган, ҳар қандай ҳаёт нишоналарини йўқотиб қўйиб, ўлик қалъаларга айланган тоғларни ҳам кўрдингиз. Жамият ҳаётида ҳам шундай бўлади. Агар биз олимлар ғайратни бир ерга тўпласак, мамлакатларимизаро илмий ва маданий ҳамкорликни мустаҳкамласак, келажагимизнинг таъминлаши шак-шубҳасиздир.

Югославиялик ўртоқлар — фан ва маданият ходимлари халқларимиз ўртасида дўстликни, кўп йиллар муқаддам бошланган дўстликни мустаҳкамлаш ҳақида мароқланиб гапирдилар.

АБАДИЙ БИРЛИКДА

Емғир томчиламоқда. Атроф-теваракни Македония кузига хос бўлган кул ранг туман қоплаган. Туман пардаси ичида тош чўкки тоғлар парча-парча булатларга,

заводларнинг баҳайбат корпуслари эса тепачаларга ўхшаб кўринади. Биз Македония Халқ Республикасининг пойтахтидан шаҳар четига чикдик. Кўп ўтмай, Тито заводининг бошқармасига етдик. Бизни — совет журналистлари делегациясининг аъзоларини — ишчилар кенгаши, маъмурият, партия, касаба союз ва ёшлар ташкилотларининг вакиллари кутиб олишди.

Сергайрат, уддабурон киши — завод директори бизни кабинетидан тутиб турмасдан, корхонага, цехга таклиф қилди.

— Ҳадемай, цехларда иш тугайди, одамлар тарқалиб кетишади. Сизларни тутиб қолгудай бўлсам, улар ўпкаланишлари мумкин...

Биз токарлик цехига кирдик. Одамлар заводга делегация келганини пайқамаган каби ҳеч нимага ва ҳеч кимга парво қиласдан станоклари ёнида хотиржам ишлашарди. Бу «совук» учрашув кўп чўзилмади. Ико деган ёш ишчи совет журналистлари эканлигимизни билдириб, ёни берида ишлаётган қушниларига хушхабар етказди. Бу хабар тилдан-тилга кўчиб, дарров бутун заводга тарқалди. Ажиб бир жонланиш бошланди.

Биз ишчилар даврасидамиз. Шундай дилкаш учрашувки, ҳатто ёмғир куяётганини ва ҳамма ёқни туман қоплаганини ҳам унунтуб, биз цехдан цехга ўтар, дўстлар баҳсига дуч келар эдик.

— Совет кишилари, сизларни жуда соғиниб қолдик,— деди македониялик ёш ишчи Лазо.— Етти йиллик жудолик дўстлар учун ҳазилакам эмас. Лекин биз, ахир учрашажагимизни билар ва шунинг муҳаббатида ёнар эдик. Мана, учрашув дақиқалари ҳам келар экан. Бизга совет ишчилари, хусусан ёшлар қандай яшаб, қандай ишлаётганлигини тезроқ сўзлаб беринглар.

Биз бу таклифни кониқиб қабул қилдик ва ишлаб чиқариш новаторлари қўрик ерларни ўзлаштираётган ёш қаҳрамонлар, студентлар, совет ёшларининг авангарди бўлган Ленин комсомоли тўғрисида билганларимизни бир-бир айтиб бердик.

Завод бир меъёрда ишларди. Ҳикоянависсининг товуши агрегатларнинг шовқин-суронига қўшилиб, эриб кетгандек бўларди. Югослав ишчилари атрофимизда йўғон камар бўлиб туришарди. Ҳикоянавис ёнида шунчалик одам тўпландики, гўё Совет ва Югославия халклари дўстлиги шарафига қудратли намойиш пайдо бўлгандай.

Бошқа цехларда ҳам дўстона баҳслар бўлди. Цехлардан бирида мен ёш ишчи — турк Аҳмадни учратдим. Мен у билан туркча саломлашганимда, унинг юзида табассум ёйилди ва у овози борича, совет мусулмонини учратганини айтиб, шу цехда ишловчи туркларни ёнига чорлади. Заводда бир юз элликка якин турк ва ўзини мусулмон деб ҳисобловчи бошқа миллат фарзандлари ишлар экан. Улар атрофимга тизилиб, совет Туркистони ҳақида қизиқиб сўрай бошладилар. Мен уларга Туркистон энди географик тушунчагина эканлигини, кўхна Туркистон терриориясида Ўзбекистон, Қозогистон, Тоҷикистон, Туркманистон ва Қирғизистон Совет Социалистик Республикалари, саноати ғоят тараққий қилган, қишлоқ хўжалиги коллективлашган ва механизациялашган, маданияти юксалган республикалар гуллаб яшнаётганини, ҳалқлар дўстликда тотув яшаётганиларини сўзлаб берганимда, улар маъқуллаб, самимий кулиб қўйишиди.

— Бизда ҳам ҳалқлар тенг ҳукуқлиги ва дўстлиги ўрнатилган,— деди Аҳмад.— Ҳалқ ҳокимияти Юgosлавия тарихида биринчи марта туркларга она тилларида мактаб ва техникумлар очиб берди. Авваллар қандоқ эди денг... Туркларгина эмас, бутун Македония миллати ҳам ўз миллий мактабига эга эмас эди. Энди уларнинг завод ва фабрикалари тугул, мактаблари ва гимназиялари, университети ва академияси бор...

Кўхна Юgosлавияда деҳқон болаларининг қарийб ҳаммаси, шаҳар ёшларининг тенг ярми ўқимасди.

— Эндиликда аҳвол бошқача,— деди Лазо.— Ишчи ёшлар ҳатто ишлаб чиқаришдан ажрамай туриб ҳам билим ола биладилар. Заводимизни мисолга олинг-а! Кўраяпсизки, ишчиларимиз асосан ёшлар. Улар қишлоқлардан тўпланишган. Бир вактлар бу ерда саноат корхоналаридан ном-нишон ҳам йўқ эди. Ҳалқ ҳокимияти ўрнатилгач, янги завод ва фабрика корпуслари қад кўтарди. Урушдан кейин ёш ишчилар синфи шаклланди ва ҳозир у хат-саводни танимаган қишлоқ ёшлари ҳисобига яна шаклланмоқда. Уларни заводнинг ўзида ўқитиб ўргатишмоқда. Анови Аҳмад ҳам ҳарфни заводда таниди, завод техникумida ўқиди, яна билимини чукурлатяпти.

Юgosлавия саёҳатида тоғларнинг қоқ тагида буралиб-буралиб кетган темир йўллардан ўтиб бордик. Поездимиз гоҳ коронфи форлар ичига кириб кетар, гоҳ авто-

машиналарда довон ошар, гоҳ денгиз соҳилларида доирага тушгандаи айланиб-айланиб юрар, гоҳ самолёт ё гидропланда Адриатика устидан учиб ўтиб, ҳаммаёқда югослав дўстларнинг қардошлиқ юраги уриб турганини сезар эдик. Ана шу қадимги славян мамлакатининг эртаклардаги каби афсонавий табиати, жиддий ва улуғвор тоғлари, зангори чўкқилари ва дўнгликлари, билурдай тиник тоғ дарёлари, «самовий» кўллари мени ниҳоятда мафтун этди. Мени ҳаммадан ҳам ҳайратда қолдиргани ўз еридаги ҳамма нарсани ўз иродасига бўйсундирган ва уни эгаллаб олаётган меҳнатсевар югослав халқи эди.

Завод ва фабрикаларнинг трубаларидан бурксиб турун қўтарилимоқда. Тоғлар ёнбағридаги сайхонларда ва водийларда маккажӯхори, сули, узум, олма, нашвати, нок пишяпти. Тоғ дарёлари жиловланмоқда, электростанциялар курилмоқда. Мард ва эркесвар халқнинг меҳнати, ўз мамлакатида ҳавас-иштиёқ билан социализм кураётган халқнинг меҳнати қайнаб жўшаётир.

Югославлар билан бўлган шодиёна учрашувлар ва самимий баҳслар хотирада узоқ вакт муҳрланиб қолажак.

Хорватиянинг Сплит шаҳридаги «Юновиниль» заводида илфор ишчи Юрас Шиме билан танишдим. У, энди йигирма бешга кирган бўлса ҳам, ҳаётда кўп нарса кўрибди. Йигитлигига ёқ партизанлик ҳаётининг аччиқ-чучугини татиган, душман емирилгунча босқинчиларга қарши курол кўтариб юрган. Кейин уруш хонавайрон қилган хўжаликни тиклашда ғайрат кўрсатган. Завод курилиши бошланганда, маҳаллий ҳокимят уни Боснияга ўқишга юборган ва у қисқа муддатли курсда мутахассис бўлиб олган. Етти йилдирки, у энди химия цехининг аппаратчиси. Завод ёшлари уни ёшлар союзининг завод ташкилотига раис қилиб сайлашибди. Бу ташкилот беш юз йигирма йигит-қизни ўюштирган.

Юраснинг кўкрагида «Рада» ордени — Ватан ордени яркирайди. Унумли меҳнат қилгани ва ёшлар орасида ударниклик ҳаракатини бошлаб бергани учун шундай юксак мукофотга сазовор бўлган.

«Югославия» заводи денгиз тузидан йилига етти юз минг тонна буюм ишлайди. Бу буюмлар — клеёнкадан тортиб болалар ўйинчоғигача, мармар ва трубаларгача — ҳар хил. Завод иттифоқ аҳамиятига эга, унга завод кол-

лективининг умумий йиғилишида сайланган ишчилар кенгаши раҳбарлик қиласи, уни ишчилар кенгашида сайланган бошқарма комитети бошқаради. Ишлаб чиқаришнинг оператив ишлари билан директор, бош инженер ва унчалик катта бўлмаган техник аппарат шуғулланади.

Завод олган соғ фойданинг бир қисми (давлатга, республика бюджетига ва коммуна фондига ажратилгандан кейинги қолдик) йил охирида бир ойлик ёки икки ойлик қўшимча маош тариқасида ишлаб чиқарувчиларга тақсимланади.

Айтишларича, бошқариш методи ва колективнинг фойдани тақсимлашда қатнашуви ҳаққониятсизликни туғдирав, бу эса ишлаб чиқариш тармоқларини нормал таъминлаб туриш ишига халақит берар ва давлат манфаатларига зиён етказар эмиш. Шунга кўра, партия ташкилоти, касаба союз ва ёшлар комитетлари заводда майдада буржуа майларининг кўринишига қарши курашмокдалар. Ёшлар союзи аъзоти ўчунака элементларга қарши курашда ўсиб тоб.

— Биз марксизм-ленинизмни
деди Юрас Шимонов
тўгаракка келганини
классикларини.

Урганяпмиз,—
аъзолари
марксизм
ургана-
дилар.

Юрас бизни цехдан узата турио, қўлимизни қаттиқ қисди ва бундай дейди:

— Совет комсомолига салом топширинглар. Ишлаб чиқариш илфорлари ўз муваффақиятларини бизга хабар қилсинлар, ўз тажрибаларини биз билан баҳам кўрсинглар. Миннатдор бўламиз. Сизлар социализм қурдингиз, биз бу билан фахрланамиз. Биз ҳам социализм курмокдамиз — сизларнинг кўмагингиз лозим. Биргалashiб ишлайлик, курашайлик!

Унинг фикрини бошқа югослав ўртоқлар ҳам қувватлашди.

— Хато тузатилди, яна биргамиз,— деди электрик Блага Иованович, СССР билан Югославия ўртасида нормал муносабатлар тикланганидан мамнун булиб.— Энди бизни бир-биримиздан ҳеч ким айириб ташлай олмайди. Бизнинг қалбларимизни коммунизм шуълалари иситиб, маслакдошларнинг бир бутунлиги бақувват қилиб турибди.

Биз юраклари коммунизм шуълалари билан исиётган бундай кишиларни, янги ҳаёт ташаббускорларини, Совет Иттифоқи халқлари билан дўстлик тарафдорларини Сербияда ҳам, Черногорияда ҳам, Словакияда ҳам, Боснияда ҳам учратдик.

ОЛЕКО ДУНДИЧ ВАТАНИДА

Дон даштларида жанг қилган Биринчи Отлик армиянинг жангчилари ва командирлари довюрак полк командири серб Олеко Дундични яхши хотирлашади. У бургутдай эркин ва қўрқмас эди, халқига сидқидил эди, душманга шафқатсиз эди. Шу сабабли Олеко Дундич ватанига — Биринчи Отлик армиянинг қаҳрамони ватанига сафар қилиш бизни ҳаяжонлантирас, хаёлда жанговар йилларнинг саҳифалари варакланар эди.

Биз Қалемагдан қальясининг минорасига кўтарилидик. Кўз олдимизда бепоён яланглик. Олеко Дундич шу ялангликни кўмсаган ашуаларини граждан уруши жангчиларига айтиб берган эди.

Қадимий қалъя денгизда қоядай кўтарилиб, тиккайиб турибди. У Сава ва Дунай дарвозасининг соқчисидай бедор. Шу ердан икки дарё оралиғидаги бутун водийни яхлит кўриш мумкин. Мана, сербларнинг тошқин Саваси. У, Дунайга қараб югурмоқда ва унга қўшилгач, оқиминигина эмас, тусини ҳам ўзгартмоқда... Сарғиш сув зангори тусга киради. Фрушка Гора чўққиларининг этакларини ўпид, илондай кайрилиб, Дунайнинг зангори лентаси денгиз томон чўзилиб кетади. Дунай куёш бағрида толпинаётгандек. Кумуш тангалар ялтирайди. У чиндан ҳам болқон шеъриятининг илҳоми бўлишга ҳакли. Олеко Дундич бу дарё ҳақида бепоён Дон даштларида куйлаган эди.

Йўлдошим — Дон казаги Петр Никитин менга бир қўшиқни айтиб берди. Унинг мазмуни эсда қолибди.

Узоқ замонларда нуқул куч-кувватдан бино бўлган Русь паҳлавони яшаган экан. уни Дунай Иванович деб чақиришаркан. У паҳлавон хотин Настасьяни яхши кўриб қолибди ва унга уйланибди. Лекин кўп ўтмай, баҳтсизлик юз берибди. Дунай Иванович ўқ ёйдан узган камалаги билан ўз хотинини бехосдан үлдириб қўйибди. Фам одамни тилка-пора қилиб юборади. Дунай Иванович хотинининг кўксидан камалакни тортиб олиб, ўз юрагига

санчибди. Унинг қонидан Дунай дарёси пайдо бўлиб, тошиб, оқиб кетганмиш.

Калемагдан қалъасининг мўйсафид деворлари ва Вардар дарёси водийсидаги «Чела-кула» ёдгорликлари ана шу Дунай соҳилларида юз йиллар бўйи славян халқларининг хорижий босқинчиларга қарши кураш қуюни босилмаганидан гувоҳлик берарди.

«Чела-кула»да одамларнинг гўштсиз бош чаноқлари ҳўмрайиб тургандек бўларди. Чаноқлардан баландда бир неча метр чорси минора қурилиби. «Чела-кула»га кира беришда турган қоровул бизни «Даҳшатхонага болаларни олиб кирманглар» деб огоҳлантириб қўйди. Кираверишда бизни яна бир манзара ҳайратда қолдирди. Мармар тахтада «Зиёратгоҳ, тўхта! Сен тарихимизнинг шу кўхна эҳромига кирад экансан — Чегаранинг шаҳид қаҳрамонларининг бош суюкларидан бунёд бўлган шу минорага кирад экансан — ўғирилиб қара ва Чегра тоғлари яшариб турган анови томонга бок. У ерда 1909 йили озодлик учун курашда Стеван Синделич билан 80 минг серб ҳалок бўлгандир».

Хорижий босқинчилар шу даҳшатхонани қуриб, халқни ваҳима сиртмоғига солмоқчи бўлганлар. Лекин халқ кўрқмаган, тиз чўкмаган. Захматкаш қаҳрамонларининг болалари, неваралари ва эваралари довюрак ватанпарварлар бўлиб ўсдилар. Бизнинг Олеко Дундич ҳам шундай бўлиб ўсган эди.

Бизни Олеко Дундич ватанига поезд олиб борди. Йўлимиз яшил водийлар ва тоғлар орасидан ўтарди. Йўлгоҳ булатлар бағрига кириб кетар, гоҳ илондай буралиб, сайхон ерларга тушар, гоҳ дарё ва ирмоқ соҳилларига олиб чиқар эди. Бошимиз устида баҳайбат тоғлар осилиб турарди. Бу тоғларнинг айвончаларида мева оғочлари, арпа, буғдой, маккажўхори ўсяяпти.

Куз Маккажўхориларнинг поялари сарғая бошлиган, сўталаридан қизғиш мўйлаблари осилиб турибди. У ёқ-бу ёқда кечки гуллар сариқ, яшил, қизил бўлиб товланмоқда. Бедапоя кўм-кўк гилам бўлиб ёзилган. Кизлар вазмин узум шодаларини узишмоқда. Куз ҳаракати чаккон. Деҳқонлар ерга яхоб бериш билан банд. Ёлғиз от йўлакдай узун ер парчасида омочни ҳорғин судраб кетаётир. Биз уни кузата туриб, бу ерда якабош деҳқон меҳнати техникасиз, колективсиз оғир эканлигини туйдик.

Сербиянинг маркази, Олеко Дундич қўмсаган томон — Шумадия кўринди. Жасур серб граждан уруши йилларида гулхан ёнида ўтириб, революцияни ҳимоя қилган дўстларига ана шу яшил далалар ва тепалар ҳакида, баланддаги зангори осмон ҳакида, қабариб турган кул ранг тоғлар ҳакида қўшиқлар куйлаб берган эди.

Олеко Дундич революцион Россияда ўси ва тобланди. Куролдош ўртоқларига у: «Революцион Россия далаларида ўз халқимнинг, жонажон Сербиянинг баҳтини қўлга киритмоқдаман», деган эди. Унинг қаҳрамонлиги бадий адабиётда, саҳнада, совет кишиларининг юракларида абадий ўрнашиб қолди. Унинг биографиясини ҳар бир совет ўқувчиси билади. Климент Ефремович Ворощилов Семён Михайлович Будённийга: «Олеко Дундич нинг юраги чақалоқнинг юрагидай юмшоқ бўлса ҳам, ўзи арслон эди», деган эди. Ватанимизнинг озодлиги учун курол кутарган жангчилар серб Олеко Дундичнинг тилларда достон бўлган қаҳрамонликлари ҳакида шундай дейишади.

Рус жангчилари ҳам ўзларининг серб иниларига бир неча бор кўмак қўлини чўзганлар. Бизнинг қўшинларимиз 1944 йил кузида фашист босқинчиларини тор-мор этаётиб, Югославиянинг давлат чегарасидан ўтган ва Югославия Халқ озодлик армиясининг партизанлари ва жангчилари билан ёнма-ён туриб, гитлерчиларни мамлакат тупроғидан суривчиқарган эдилар. Югославия озод мамлакат булиб олиб, эндиликда социализм негизларини кўймокда. Серблар ва хорватлар, македонлар ва черногорлар бу ҳақда озмунча қўшиқлар тўки-ганларми!

Мен Сербия тупроқларида курашиб, Олеко Дундич қаҳрамонлигини такрорлаган совет паҳлавонлари мозорини кўрдим.

Жонли гуллар ичида қаҳрамонлар номи ёзилган қабр тошлари кўринарди. Бу ерда «танкист Мишка», «ўзбек жангчиси Абдураҳмонов» ва «Айрилмас дўстлар — Ангелина Юбич, Любаша Толич, Милан Маркович» кумилган. Бу ерда Югославия халқ қаҳрамони Милослав Боронич ва Совет Иттифоки Қаҳрамони лейтенант Федин, совет қизи — солдати Зинаида Чакмак ва серб Стево Сердар, бизнинг йигитлардан Исмоил Ҳасанов, Зокир Мираҳмедовларнинг хоклари дағн этилган. Бу коплон юракли кишилар улуғ дўстлик билан яшаган эдилар.

Улар халқларимизнинг биродар булиб яшashi учун, Югославияда эркин нафас олиниши учун, болаларимизнинг кулимсираши учун, оналарнинг эса ана шу болалар ҳаётидан ташвишланмасликлари учун қўлларидан келган бутун ишни қилдилар. Оқ тошларга ўйиб ёзилган ҳар бир ном «Халқларимизнинг улуғ дўстлигини кўз қорачиғидай асраниз, мустаҳкамлангиз» деяётгандай бўларди.

Биз Олеко Дундичнинг ватандошлари билан танишдик. Улар бизга пешвоз чиқдилар ва кўзларига ёш олиб, қисқа танаффусдан кейин яна тикланган биродарликнинг гўзаллиги тўғрисида, совет раҳбарларининг Югославияга келиши, халқлар дўстлиги тарихида янги саҳифа очгани тўғрисида ҳаяжонланиб сўзладилар. Бир хотин: «Софинтириб қўйдинглар, азиз дўстлар», деди ва ҳурмат белгиси сифатида бизга гулдаста тақдим этди.

Серб фарзанди Олеко югославларнинг эркин бўлишларини, Югославиянинг ривож топишини орзу қилар эди. Бир вақтлардаги гўзal орзу энди ҳақиқатга айланган: Буни биргина Ниш шаҳри мисолида ҳам кўриш мумкин.

Мана, Ниш шаҳри. У, Жанубий Морава дарёсига куядиган ва Нич-Лексковат ўнгирлари бўйлаб оқадиган Нишава дарёси соҳилида ўрнашган. Ниш — Жанубий Сербиянинг тарихий, маъмурий, иқтисодий ва саноат маркази. Унинг юқори даражада тараққий қилган кўн-пойафзал, тамаки саноати, қишлоқ ҳўжалик машинасозлиги, вагон ремонт ва паровоз ремонт заводлари бор.

Урушдан кейин шаҳар янгила яшай бошлади. Янги заводлар курилди ва курилмоқда. Биз тикланган Ниш радио заводида бўлдик. Унда икки мингга яқин ишчи меҳнат қилар экан. Унинг унча баланд бўлмаган кул ранг корпуслари тўрт бурчак шаклида. Заводни яшил дарахтлар ҳалкаси ўраб олган. Ҳовлисида алвон гуллар очилиб ётибди. Югославия шу заводда биринчи марта приёмниклар, рентген аппаратлар ишлаб чиқармокда. Бу маҳсулотларни БАР, Бирма, Ҳиндистон ва бошқа мамлакат бозорларида кўриш мумкин.

Бизни заводдаги ишлаб чиқариш жараёни ва бошқариш иши қизиқтириди. Завод ўз маҳсулотини планлаштиришда ва сотишда ўз билигича иш қилади. Лекин, завод раҳбарларининг икрор бўлишларича, бу системанинг қалтис томонлари ҳам бор. Маҳсулотни эълон қилиш ва сотиш иши билан заводнинг ўзи шуғулланади. Унинг со-

тиш бюроси бор. Бу бюро «харидорни» қидириб топади ва савдо-сотик палаталари орқали халқаро бозорлар билан боғланади.

— Реклама қимматга тушаётирми? — завод директорининг ўринбосари Иван Андриядан сўрадик.

— Ўтган йили рекламага ўн миллион динардан зиёдроқ сарфланди, — деди Андрия. — Нима ҳам қила олардик. Халқаро бозорнинг ўзига хос раҳмсиз қонунлари бор. Бозорни курашиб қўлга киритиш мумкин, йўқса маҳсулотингни сотолмай, доғда қоласан. Капиталистик рақобат кучлидир, шу сабабли рекламага маблағни аямаётирмиз.

Суҳбатда завод раҳбарлари, ишчилар кенгаши аъзолари қатнашдилар. Улар, ўз навбатида, Совет Иттифоқида саноат ва ташки савдонинг ташкил этилиши билан қизиқдилар. Биз бу ҳақда гапириб берганимизда, улар бир-бирларига қараб қўйишли...

Ҳокимият халқ қўлига ўтгач, Югославияда янги медицина муассасалари, касалхоналар ва шифохоналар очилган. Уларга медицина асбоб-ускуналари лозим, лекин Югославия заводи бундай маҳсулотга чет эллардан харидор изляяпти. Биз ана шу зиддиятни айтганимизда, бундай жавоб қилишли.

— Қаёқда ортиқча ҳақ тўлашса, ўша ёқда сотамиз. Завод аввало фойда билан яшайди.

Тамаки фабрикасининг ишчилари бизни жуда самимий кутиб олиши, қалин дўстлардек қизғин табриклашди, совет кишилари ҳақида қизиқиб сўрашди. Кейин бизни цехга таклиф қилишли. Тамакининг аччиқ ҳиди гул ва кўкат хушбўйлари билан қўшилиб, аллақандай ёқимли туюлар эди.

— Хуш келибсизлар, совет меҳмонлари!

Бизга ҳамма нарсани кўрсатишди. Фабрика станокларни Чехословакиядан олар экан.

— Чех станоклари, — деди югославлар, — инглиз фирмаларининг станокларидан ҳам арzon, ҳам пишиқ, ҳам кулади.

Қайнок ҳаёт ичидаги кеч тушганини сезмай қолибмиз. Осмонда юлдузлар тўпи чаракларди. Фабрика дарвозасидан чиқмоқдамиз. Олисларда дилбар кўшиқ жаранглаб ёйилар, унда серб қаҳрамони орзу қилган халқлар дўстлиги ва озодлиги мадҳ этилар эди.

Илон изи булиб, айлана-айлана тик чиқиб кетган тор сўқмоқларда ўн соатча айланаб юргач, қирра чўққилик Динор тоғлари водийсига кирдик. Бир-бирига қалашиб ётган харсанг чўққилар уфқдан ғойиб бўлди-ю, денгизнинг кенг бағри очилди. Сувдан кутарилаётган буғ уфқда секин эриб кетмоқда. Денгиз гўё осмон билан кўшилганга үхшайди.

Денгизга яқин бордик. Адриатика ёздаги каби сокин, оромбахш. Сувлари қуёш нурларини синдириб, заррарпа бўлиб жимирамоқда, қирғоқларни ювмоқда. Унинг шуртанг сувлари кишини ўзига чорлайди ва мастиллади. Адриатиканинг илиқ ва меҳрибон қучогига ташланмасдан бўлармиди! Биз сувга шўнғидик ва рангбаранг чўмилиш костюмларини кийган нотаниш одамлар орасида қулочлаб сузиб кетдик.

Бу денгиз ўз тарихида қанча-қанча чақирилган ва чақирилмаган меҳмонларнинг гувоҳи бўлмиш. Уларнинг орасида римликлар ҳам, византияликлар ҳам, французлар ҳам, австрияликлар ҳам, венгерлар ҳам, славянлар ҳам бор эди.

Саккизинчи асрда, грек мустамлакалари пайдо бўлган замондаёқ, Адриатика соҳиллари савдо-сотиқнинг гавжум жойига айланган. Адриатика ва унинг соҳиллари Наполеон урушларини, Рим ва Византия подшоликлари урушларини, талай озодлик жангларини ва икки жаҳон урушини бошдан кечирган.

Хозир биз турган ерда славян халқларининг қони дарё-дарё бўлиб оқкан. Мана, қадимий қалъалар. Тоғлар тагида уларнинг харобалари ётибди. Қалъаларнинг кул ранг деворлари устида баланд миноралар, ўт-ўлан ўсган. Улар сувда могор билан қопланган. Ҳолбуки, ана шу девор ва миноралар бир замонлар кучли истеҳком бўлган. Уларнинг шинакларида кўршапалаклар, денгиз ҳашаротлари ғужон ўйнарди.

Денгиз соҳилини кезиб, Далмация, Хорватия ва Словакияда бўлдик.

Сайёҳлар Далмацияни «минг ороллар гўшаси», дейишади. Чиндан ҳам, у ўз ичига олган соҳилларнинг узунлиги тўрт юз километру кенглиги икки километрdir. Ўқтин-ўқтин бу кенглик тўрт километрга ҳам етади. Соҳил бағридаги мингдан ортиқ орол Далмацияга ажиб бир гузаллик ва жозиба бағишлаб турибди.

Черногория Далмациясида қоя тошлари денгиз туби-дан күриниб туради. Йўл чўққиларидан ўйилган тоғ-ларнинг ингичка раҳидан тепага айланиб-айланиб чиқиб кетади, кейин у яна айланиб-айланиб, ҳисобсиз оролчалар ёнига ва майда тоғ кўлларининг қирғоқларига тушади, сўнгра, соҳил ёнидаги шаҳарларнинг нарвон каби пофона-пофона булиб кетган кўчаларига бориб туташади. Бу шаҳарлар туристлар пунктига айланибди.

Адриатика соҳилларидағи шаҳарларнинг деярли ҳаммаси денгиз портлари атрофларида аскарий қалъалар қилиб солинган. Уларнинг меъморчилиги ҳам ўзгача. Узунчоқ иморатлар оқ ғиштдан териб ишланган. Лойтупроқ камчил бўлгани учундир, бутун соҳил бўйлаб, тик қоялар сари иморатларнинг устига иморатлар қалаштириб ташлана берган. Бу ерда ҳар уй қалъа. Бу ердаги теграси ўраб олинган майдонлар, жин кўчалар ўрта асрнинг кўхна изларидир.

Мана, Далмациянинг йирик шаҳарларидан бири — Дубровник. Бу шаҳар қадим замонларда порт ва қалъа сифатида юзага келган. Энди у, Югославия Федератив Халқ Республикасининг курорт шаҳри. Унинг ажойиб меҳмонхоналари, сайргоҳлари, боғлари ва заповедниклари бор. Улар кўзни тиндирмайдиган электр нурлари билан ёритилган. Ана шу нурлар денгизи ичидаги шаҳарнинг янги ва кўхна ҳаётини ажратиш қийин эмас. Янги Дубровник байрамона яшамокда, қалъа шаҳар бўлган кўхна Дубровнидека ҳам ҳаёт суронлари тинмайди. Узунчоқ дарвозалар, тош йўллар эски шаҳарни янги шаҳар билан қўшади. Қалъа ичидаги порт чиройли денгиз қўлтиғига туташган. Бир замонлар савдо кемалари карвони ана шу қўлтиқда денгиз қароқчиларининг босқинларидан жон сақлаган. Энди бу ерда кўп туристик катерлари ва хилма-хил қилиб бўялган қайиқлар йўловчиларни кутиб турибди.

Қалъа-шаҳар сайёҳларнинг савдо-сотик жойига айланди. Ўйларнинг эшиклари тепасидаги нақш солиб ишланган қўйма фонарлар тагида магазин ва дўконларнинг ёркин вивескалари кўзга ташланади. Бу магазин ва дўконлар суюқдан, ёғочдан, тошдан ва теридан жуда нафис қилиб ишланган қимматли буюм-бисотлар билан тўла.

Меҳмондўст мезбонлар бизни қалъанинг тарихий жойлари билан таниширишди. Мана, Жомий гумбазига ўхшаш айланма ҳовуз. Византиянинг, Венециянинг чоп-

қир отлари ана шу ҳовуз сувини ичган, қадим славянларнинг аскарлари унинг сувида чўмилган. Қалъа дарвозасига бир кошин эркак билан икки кошин хотиннинг тасвири туширилган. Бу, қачонлардир шаҳарда эркакларнинг иккита ва хотинларнинг олтига ибодатхонаси бўлганига ишорадир. Қалъа иморатларининг эшиклари олдида, йўлакларида Венеция аскарлари курол-аслаҳали билан тош қотиб турибди. Ибодатхоналардан бирида айланиб юриб, шу ерли синдикатлар хонасига — порт ишчилари, хизматчилари, кемачилари, слесарлари, тош йўнувчилар, кўнчилар бирлашган касаба союз хонасига кирдик. Одамлар тик туриб, ниманидир муҳокама қилишмоқда эди.

Улар совет журналистлари эканлигимизни билгач, биздан курорт ва шифохоналаримиз ҳақида сўрай бошлидилар. Биз уларга Совет Иттифоқининг курорт районлари ҳақида, ишчилар учун СССР сарҳадларидаги дengiz бўйларида очилган санаторийлар ҳақида, ишчилар, деҳқонлар ва хизматчилар текин даволанадиган ва ўз отпускаларини кўнгилли ўтказадиган дам олиш уйлари ҳақида сўзлаб берганимизда, чеҳраларида табассум ёйилди.

— Бизда ҳам шунаقا имкониятлар бўлишига аминмиз,— дейишди улар.— Ҳозирчалик курортларимизда ажнабий туристлар роҳат қилишаётир, негаки, бизга валюта керак.

Адриатиканинг иқлими юмшоқ. Ҳавода қарағайларнинг ёқимли хушбўйи анқийди. Қуёш нурлари мўл-кўл. Буларнинг ҳаммаси меҳнат аҳлларининг дам олиши учун жуда қулай. Лекин бунда «Красная звезда» деган эллик ўринли санаторийдан бошқа даволаш муассасаси йўқ. Тўғри, меҳмонхоналар палатаси яратилган, хоҳлаган киши йўлланмасиз келиб, бир неча кун яшаб, кўнгил очиши мумкин.

Биз Далмациянинг қуи минтақаларида умрбод кўкариб турган буталар чангальзоридан ўтдик. Ер бағирланган буталар совур арчалар, писталар, эманлар, токлар, анжиirlар билан алмашинади. Кейин тақир бошланади. Уларда ҳаётдан асар йўқдай, лекин уларнинг қаърида бой босқит, мармар ва ганч қатламлари бор. Дарёлар ёнидаги сувлоқ водийларда субтропик экинлар ўсмоқда, ғўза кўкариб турмоқда, асаларилар ғўнғиллаб учмок-

да — халқ ҳукумати буларнинг ҳамасини шаҳар ва қишлоқ мәҳнаткашлари ихтиёрига топширган.

Биз Дубровникдан Сплитга қирғоқлар бетида сочилиб кетган катта-кичик ороллар ёймасидан ўтиб бордик. Далмация ерларининг Шипан, Млет, Корчуба, Хват ва бошқа бўлаклари қирғоқлар бўйида қалашиб тошларга ўхшаб ётибди. Улар бу ерда қадимий подшоликлар ва сулолалар билан абадий йўқ бўлиб кетган. Улар оқсуякларниг кўргонларини, қасрларининг харобаларини эслатади.

Биз Сплит йўлида мәҳнат мевасини шаҳарга олиб кетаётган далмацияликларни ва хорватларни учратдик. Қирол Юgosлавиясида Далмациянинг унумдор ерлари, қарийб бутун боғ-роғлари ва токзорлари помешчиклар ҳамда қулоқлар қўлида эди. Халқ ҳокимияти йилларида бу ерларда коллектив мәҳнат куртак ёйди. Қишлоқ хўжалик кооперативларн далмация деҳқонларидан узум, май каби қишлоқ хўжалик маҳсулотларини сотиб олиб, қишлоқдан шаҳарга элтиб сотади, ҳаттоки, чет элларга ҳам чикаради. Кооперативнинг тушган даромади асбобускуналар, транспорт сотиб олиш ва жамоат бинолари қуриш учун жамоат фондларига берилади. Бу хилдаги кооперативлар куч ва маблағ тўплаб, секин-аста ишлаб чикариш кооперативларига айланади.

Йўлда кета туриб, кооператив ерларида ишлаётган деҳқонларни кўрдик. Узум узиш пайти эди. Қизлар қўшиқлар билан бутун водийни жаранглатиб, узум узишар, йигитлар эса шу ернинг ўзидаёқ узумларни эзиб, ширасини бочкаларга қўйишар, ҳачирларга ортиб ёки араваларга чикариб, қишлоққа жўнатишар эди.

Тоғ йўлидаги сўқмоқда ёшгина хотин чўққи тошларга ёпишиб турарди. У бизга: «Ўта қолинглар» дегандай ишора қилди. Биз тўхтаб танишдик. Оти Мелена экан, у миллий деҳқонча костюм кийибди. Белидан боғлаб олган қора камари сумбатини яна ҳам чиройли қилиб юборган эди. Эри шаҳарда ишлар экан. Ер ислоҳоти вақтида теккан бир гектар узумзорга ўзи кааркан. Узум теришда унга қўшнилари — кооператив аъзолари кўмаклашадилар. Ҳозир у, қўшни йигитлар узиб берган узум ширасини олиб кетяпти. Баҳор паллаларида ўзи ҳам шу йигитларга қарашибди.

Биз билан иссиқ хайрлаша туриб: «Совет деҳқонла-

рига, колхоз далаларининг меҳнатсеварларига салом айтинглар!» деди у.

Кеч тушганда Далмациянинг савдо маркази бўлмиш Сплитга — порт саноати шаҳрига кириб келдик. Сплитнинг катта революцион традицияси бор. Октябрь революциясидан кейин Сплит пролетариати кўҳна режимга қарши бир неча бор исён кўтарган ва неча марта ғолиб чиқкан, лекин ҳар гал ҳам реакция Сплит кўчаларини исёнчилар қонига ботирган.

Сплит ишчилари иккинчи жаҳон уруши даврида Югославияда биринчи бўлиб партизан отрядини ташкил қилдилар. Гитлерчи ва итальян фашистларини қақшатдилар. Улар Сталинград воқеаларидан кейин Сплитда яшовчи ҳар тўрт кишидан бири миллий-озодлик курашининг актив катнашчиси бўлганини, душман устидан ғалаба қозонишга катта ҳисса қўшганини фахр билан сўзладилар.

Шаҳар халқ отборининг раиси Рада Думанич совет меҳмонларига Сплитнинг қайноқ ҳаёти тўғрисида гапириб берди. Урушдан кейин янги завод ва фабрикалар қад кўтарган, эскилари жиҳозланган, кемасозлик саноати модернизациялаштирилган. Бу корхоналардаги ишчилар сони урушгача бўлганидан анча кўп. Сплит цемент заводи юқори сифатли машҳур далмация цементини чиқаради. Европа мамлакатлари уни талашиб оладилар. Бу цемент ташқарига чиқариладиган экспорт цементнинг тўқсон процентини ташкил этади.

Сплит ишчилари билан бўлган учрашувлар бизни бениҳоя қувонтирди. Улар бизга чет эл меҳмонларига қарандай эмас, узларининг биродарларидек, қадрдон дўстларидек яхши муомала қилдилар.

Биз Далмация соҳилларининг ўз қиёфасини ўзгартиб, бир вақтлардаги дов-жанжаллар ва кон тўкишлар соҳилидан баҳт соҳилига айлананаётганини кўрдик.

ЯНГИ МАКЕДОНИЯ

Македония Халқ Республикаси — қорли тоғлар, яшил даралар, унумдор водийлар ва ойна куллар ўлкасиdir. У, тарихий Македониянинг бир бўлаги бўлиб, Болгария билан Грецияга ҳам қарайди.

Биз Македониянинг энг тўкин райони бўлган Вардар водийсига йўл олдик. Дарёларнинг бари шу ерда Маке-

донияни икки булакка — Шарқий ва Фарбийга ажратиб турувчи Вардар ҳавзасига келиб қуяр экан.

Йўлда табнат стихияси ясаган тўсиқларга, қуюк буталар, асрий қорақайин ва эманлар билан қопланган харсанг чўққиларга дуч келдик. Ора-сира хушбўй ҳид анқитувчи қарагайлар учраб қоларди. Тоғлар тўшида эса яйловлар кўкарган. Қишда уларга қалин қор тушади. Бу кор-девор ўпирилиб, қулаб тушиб тоғликлар бошига мусибат солиши мумкин.

Булутлар ичидаги йўл бизни пастга, дарёлар водийсига, тоғ пасттекислигига олиб тушади. Бу ернинг ҳаёти бутунлай ўзгача. Маккажўхорилар ғўза ва тамаки билан алмашади, токзорлар тизмаси бошланади.

Биринчи дуч келган қишлоққа кирдик. Тикка қиялида, олисдан паҳтазорни эслатадиган пастак токзорлар устида қадимги славян қўшиғи майин таралади. Биз тўхтаб, қўшиқ мисраларини ёзиб олдик.

Оқяпсанми Донгинам, Вардарнинг дилбар қизи,
Сувинг сутдай тиниқми ё лойқалаб кетдими?

Ҳа, ҳа, сувинг оқарди лойқаланиб, қонталаш,
Македонлик ботирлар жасадини оқизиб.

«Вардаржоннинг донгинаси»дан кейин замонавий қўшиқ янгради. Биз унгэ жўр бўлиб, яна йўл босдик.

Биз ўтган қишлоқ кимсасиз эди: деҳқонлар экин-тиқинларини йифишаяпти. Хутор қишлоқлари бўлак-бўлак бўлиб кетган. Бир қаватли уйларнинг четан деворлари лой билан сувалган. Томлар ҳар хил: похол том, камиш том, черепица том. Бу уйлар бир-биридан олисда жойлашган. Айтмоқчи, икки қаватли уйлар ҳам бор. Уларнинг биринчи қавати сарой ё омбор бўлади, иккинчи қаватида эса хийла бой табақали ер эгаларининг оиласи туради.

Турғун жойларнинг, бошпаналарнинг ҳаммаси мудофаабоп, кулагай ерлар паноҳида яширинган. Уларнинг тепасида қачонлардир чорси йўлларни ва тоғ дарбозаларини маҳкам тўсиб турган қадимги қалъа харобаларни кўринарди. Булар македонларнинг ажнабий босқинчиларга карши олиб борган тарихий кураш ёдгорликларидир.

Бу ерлик қишлоқларнинг уй деворларига ердан томгача қалампир шодалари осилган. Ўткир ҳидли та-

маки уйларнинг у бурчидан-бу бурчига ипга тизиб куритилмоқда. Пахса-пахса тупрокда токлар түрлаб ётибди. Олма пишмоқда. Чоррахаларга ёғоч бочкалар кўйилган. Улардан кайф қилдирадиган май ҳиди анқийди.

Биз йўл бўйидаги уйдан сув ичиб олмоқчи бўлдик. Уй бекаси, истараси иссиқ хотин бизнинг Совет Иттифоқидан келганимизни билиб, дарров косачада май тутди. Енгига ироқи тикилган «кошули»— оқ кўйлаги ўзига ярашибди. Устидан бели хипча қилиб тикилган гулдор кофта кийган. Фартуғи ҳам чиройли — белбоқчасига қизил аралаш гул туширилган. Ипакдай юмшоқ қора сочларини «Маҳарала» билан бостириб қўйибди. Македония буш кийимини «маҳарала» дейишар экан.

Бош айлантирадиган чорси йўллардан довон ошдикда, қияликларда олти соат чамаси кезганимиздан кейин, республика пойтахти — Сноимга етиб келдик. Янги шахарга кирмокдамиз — кучалари энли, асфальт ётқизилган. Ҳозирги замон маъмурчилигининг безаги — баланд иморатлар ёрқин бўёқда товланяпти. Ҳаммаёқда бор ва гулзорлар. Кўприклардан ўтишимиз билан кўхна қалъалар майдони бошланди. Унинг кучалари эгри-бугри, торгина йўлларга чақиртош тўкилган. Кучалар устида посбон болохоналар. Ҳовлиларга сийқаланиб кетган оппок тоштахталар терилган. Турк босқинлари замонидаги баланд минора қўққайиб турибди. У, ҳозир ҳам мусулмонларнинг муқаддас жойи. Минора олдидан ўтаётганимизда электр чироғлари ярқ этиб ёнди ва биз нур шуъласида қўлларини қулоғига қўйганча аzon айтиб, мўминларни хуфтонга чорлаётган муллани кўрдик. Аммо унинг чўзиқ, вазмин товуши гудокларнинг акс-садоси ичиди, шаҳар транспортининг суронлари ичиди чўкиб кетар эди.

Македония — қироллик Югославиясида миллий зулм ўлкаси эди. Аҳолининг учдан икки қисми хатни танимасди. Македонларнинг болалари она тилида ўқий олмасди. Бутун Македонияда бор-йуғи еттита касалхона бўлгани аччик ҳакиқатни кўрсатса керак. У, темир маъданга, хромга, кўрғошинга, ганчга ва гидроэнергия манбала-рига бой бўлса ҳам, лекин саноатсиз яшар эди.

Биз республика раҳбарлари билан учрашдик. Улар социализм асосларини куришдаги муваффақиятларини мароқ билан сузлаб беришди.

— Македония Федерациянинг teng ҳукуқли респуб-

ликасиدير,— деди Македония Халқ Республикаси ижроия советининг раиси Любче Арсов.— Халқларимиз дўстлиги тош-метиндай мустаҳкамланмоқда. Хийла илфор бўлган республикалар ўтмиш мероси — маданий ва иқтисодий қолоқлик чангалидан қутулишимизда бизга биродарлик қўлини чўзмоқдалар. Сўнгги етти йил ичидаги республика хўжалиигига яқин юз миллион динар ажратилди — шундан салкам олтмиш миллиони саноатга, қарийб йигирма миллиони қишлоқ хўжалигигадир.

Халқ ҳокимияти йилларида хўжалик қурилишида катта муваффақиятларга эришилганлиги жуда кувончлидир. Саводсизликни тугатиш мактаблари очилган, янги мактаблар барпо қилинган, миллий интеллигенция кадрлари тайёрланмоқда. Урушгача уч юз ўқитувчи ишлаган бўлса, ҳозир уларнинг сони тўрт мингдан ошиқ. Скопледа беш факультет ва тўққиз бўлимли университет тикланган. Македон тили ўсмокда, ривожланмоқда. Янги грамматика нашр этилган. Халқ тарихида биринчи марта тузилган луғат босилиб чиқяпти. Яқиндагина тузилган опера, филармония ва ўн учта театр ижодий иштиёқ билан яшамоқда. Барча маданий муассасалар бир юз элликта маданият жамиятига уюшган.

Халқ ҳокимияти йилларида меҳнаткашлар соғлиғини сақлаш борасида ҳам катта силжишлар бўлди. Ҳозир йигирма тўртта касалхона, икки юзга яқин амбулатория бор. Улар шаҳар ва қишлоқ аҳолисининг хизматида. Илгарилар ўн уч минг кишига бир врач тўғри келарди, энди бўлса, бир врач тўрт минг кишига қарамоқда.

Македония қишлоқлари секин-аста ўзгариб, киёфасини очмоқда. Саксон учта давлат экинзорлари, етти юз элликта задруга уюштирилган. Деҳқонларнинг маданий ўғитларга бўлган эҳтиёжи урушдан аввалгига қиёсан йигирма баравар ўси. Деҳқонлар тракторни, молотилкани, трактор сеялкаларни ишга солмоқдалар. Илгарилар бу ширин ҳавасгина эди. Ёғоч сўқадан бошқа деҳқоннинг оғирини енгил қиласиган асбоб йўқ эди. Аммо ёғоч сўқа ҳали ҳам деҳқон еридан бутунлай сиқиб чиқарилгани йўқ. Ў ҳамон Македония қишлоқларида ер чизмоқда.

— Қийин, деҳқонга қийин,— дейишади,— ёлғиз ўзи техникани, ақалли темир сўқани сотиб олишга ҳам курби етмайди.

Югославиядаги ўртоқларимиз тортинаасдан очигини айтиб қўяқолдилар: мамлакат қишлоқ хўжалигининг ишлаб чиқариши урушдан олдинги даражага етди. Кишлокда ишлаб чиқариш кооперативига негиз солинган, лекин салмоғи ҳали кам. Ерларнинг саксон процентдан зиёди ҳануз якка хўжаликлар қўлида. Шахсий хўжалик-ларнинг кучли техника билан таъминланмагани ва уларда кам ҳосил олинаётгани мамлакатда озиқ-овқат танқислигини туғдирмоқда. Аҳолини озиқ-овқат маҳсулотларига, саноатни эса хом ашёга мўл-кўл қилиш учун қишлоқ хўжалик ишлаб чиқариши кучларини юксалтириш борасида жуда катта ишлар қилиниши лозим. Тито ва Кардель ўртоқлар ўз баёнотларида қайд қилганларидек, Югославия коммунистлар союзи қишлоқ хўжалигини социалистик асосларда қайта ўзгартишни ўзининг вазифаси деб ҳисоблади.

Югославия қишлоқ хўжалигини социалистик йўлга солиб юбориш учун ҳамма имкониятлар муҳайё.

Бизга қолоқ Македониянинг қандай индустрлаштирилаётганлигини сўзлаб беришди. Республикада химия комбинатлари: «Югохром» комбинати, Тито номидаги металл заводи, холодильниклар ва буғ билан иситила-диган батареялар заводи, трубопрокат заводи, изоляторлар, ойна, цемент, чинни, кўн заводлари курилди ёки курилмоқда. Янги-янги тўқимачилик корхоналари барпо қилинмоқда. Мамлакат мева консервалари ясадиган корхоналарга ҳам эга. Гидроэлектростанциялар курилишида иш кўлами катта.

Биз шундай иншоотлардан бирида — тоғ устида, кал чўққилар қиялигига жойлашган «Маврово» гидроэлектростанцияси курилишида бўлдик. Бизни давлат курилиш бошқармасининг директори Григорий Чунич кутиб олди. Узи далмациялик экан. Автобиографияси жанговар йиллар хотираси билан тўла. У йигитлигига ёқ яширин ишда қатнашган, Югославия ва Италиядаги фашист тоғларидаги партизанларга қўшилган. У бу ерда руслар билан учрашган ва елкама-елка туриб, фашистларни қирган. Кўп ўтмай, у партизан отрядларининг ташкилотчиси бўлган, уруш тамом бўлгунча машҳур партизан дивизиясига кўмондонлик қилган.

Биз тоғлар қатламида қазилган ажойиб галереяларда ва залларда бўлдик. Қияликтаги галереялар устидан, сим арконлардан вагонеткалар сузуб, вагирлаб

ўтарди. Биз бу ерда македон инженери Александр Анастосоцкий билан танишдик. У Ленинградда билим олибди. Бизни инженер Петр Василевский албан бригадир Али Самед билан ҳам таниширишди. Улар гидроэлектростанциянинг проекти ҳақида мароқ билан сўзлаб бердилар.

Маврово гидротурбиналарининг проект қуввати йилига тўрт юз йигирма уч миллион киловатт-соат энергия беришга мўжалланган. Қоялар ичидаги қазилган етти километрлик ғордан тоғнинг сунъий кўл суви вағирлаб оқади ва баланд чўққидан отилиб тушиб, узининг бутун кучини турбиналарга беради. «Маврово»га турбиналарни ва асбоб-ускуналарни Хорватия билан Словениядаги заводлар етказиб бермоқда.

Қурилишда тўрт мингга яқин киши банд. Улардан етти юз киши Югославия коммунистлар союзининг аъзоси. Курувчиларнинг аксарияти Маврово, Ничефорово ва Муново қишлоқларининг дехқонлариридир.

Бу қишлоқларнинг шонли революцион сахифаларини ўқиб кўринг-а. Сўнгги уруш йилларида бутун фуқаро фашистларга карши курашган.

— Тоғлар ичини ўйиш ва дарёни янги изга оқизиб юбориш кимнинг хаёлига келибди,— дейди Али биз билан хайрлаша туриб.— Мен ҳам ишонмас эдим. Энди билсан, ҳаммаси ҳақиқат экан. Родока дарёси илгари Адриатика денгизига бориб куяр эди, энди у, Эгей денгизига куяди. Маврово дарёси ҳам шунака...

Албан бригадир ҳар хил миллатлардан тузилган бригадасини тўплади ва бутун бригадаси билан совет курувчиларига энг яхши тилаклар топширишни илтимос қилди. Биз улар билан қалин оғайнилардек кучоқлашиб хайрлашдик.

Кўл ёнидан ўтиб кетяпмиз. Унинг оч зангори суви қуёшнинг ҳовуч-ҳовуч нурларида тиник жило берарди.

ПАРТИЗАНКА

Бу ҳикояни черногориялик Милананинг ўзи айтиб берди:

1941 йил, қаҳратон қиш. Немис-фашистлар бутун Европани босиб олган, Югославияни талаётган ва ҳаммадан ҳам даҳшатлиси, Москва дарвозасини икки оёқлаб тепиб турган пайт. Гимназиямиздаги парталар кун сайин

сийраклаша борди. Кўп ўтмай, ўғил болалардан ўн-ўн беш кишигина қолди, қизлар ҳам тобора камайиб кетди. Улар ишонган ёронлари билан жуфт-жуфт бўлиб ёки якка-якка ҳолда яширинча, партизанлар ёнига қочар эдилар. Айтишларига қараганда, гимназиядан ғойиб бўлганларнинг баъзилари шаҳарда эмишу, аммо нима учундир, уларни кўриб бўлмас эди. Мен билан бирга гимназияга кирган, доим ёнимда ўтирадиган Сергей Вошняк ҳам бирдан ғойиб бўлди-қолди. Мен унга жуда ўрганган эдим. Сергейнинг кўзи кўзимга тушмаса, нафаси нафасимга тегиб турмаса, хаёлим қочар эди. Дарсдан кейинги вақтларни у билан бирга ўtkазар эдик. Отонам ҳам уни ёқтиришарди — азиз меҳмонимиз эди. Сергей ғойиб бўлгач, ўзимни йўқотиб қўйдим. Уни қидириб тоғларга чиқмоқчи, ғорлар ичига кирмоқчи бўлдим.

Шу орада шаҳар бесаранжом бўлиб қолди. Уч кунгача кечалари гоҳ у кўчада, гоҳ бу кўчада жанглар бўлиб турди. Шу кунлари гимназиямиз ҳам ёпилиб қолди. Жанглар сурони босилгач, формамни кийиб, папкамни кўлтиқлаб гимназияга борсам, дарвозасида соқчи турибди. Деразадан қарай деган эдим, икки патруль югуриб келиб, автоматини биқинимга тақади. Ичкаридан бир офицер қараб турган экан, имо қилди.

— Бу ёққа олиб кир.

Ичкари кирдик. Парталар, доскалар, лаборатория ускуналари ҳовлида ағдар-тўнтар бўлиб ётибди. Гимназияга қандайдир штаб кўчиб келибди. Офицер менга кулиб қаради-да, немисчалаб гап сўради. Мен немис тилини билмаслигимни айтиб бош чайқадим. У билан муомалада ўзимни дадил тутиб, хушчакчак бўлишга тиришдим. Бу офицер черногориялик кўп хотин-қизлар билан гаплашгану, лекин ҳеч бирини ёқтиргмаган экан. Черногориялик аёлларнинг кўпи унга нафрат билан қарабди.

— Сен учинчи империяга хизмат қиласанми?

У мендан таржимон орқали сўради.

— Йўқ! — дедим, — ёшман, ўқиб олай.

— Ёшинг жойида, — деди у юзимга шапатилаб, — урушдан кейин ўқийсан. Бор, бугун кундузи, кечқурун, кечаси ўйла, эрталаб жавобини бер.

Уйга қайтдим-да, отамга ҳам, онамга ҳам рўпара келмай, ичкари уйга кириб каравотга ташландим. Кўз

ёшимдан парёстиклар ивиб кетди. Ҳиққи авжига чиқиб, ҳалқумни буға бошлагач, онам ёнимга келди.

— Нима гап? Сергейни тутиб олишдими?

— Сергей? У нима деганингиз?

Онам гап Сергей тұғрисида әмаслигини билиб ҳаяжонини босди:

— Бұлмаса нега йиғлаяпсан, қизим?

Қош корайди. Құчада қатнов тұхтади. Онда-сонда фашист патрулларининг овозигина әшитилади. Онам ҳамон юрагимга құл солиб, күзларимга тикилмоқда.

— Айт болам, айтавер.

Шу чоқ Сергей кириб келди. Қаравотнинг оёғида тұхтаб, тұсатдан сұради:

— Немис офицери сендан нима сұради?

Мен ҳайрон бұлдым.

— Қаёқдан билдинг?

— Билдим-да, тезроқ айт.

— Учинчи империяга хизмат қиласанми деб сұради. Сергей нимагадир хурсанд бұлиб кетди.

— Сен нима дединг?

— Йүк!— дедим.

Сергей жаҳли чиқиб, үшқириб юборди.

— Нега йүк,— дединг, фашист ҳаммага ҳам ишона бермайди. Құлингга баҳт қуши келиб құнған экану учиреб юборибсан.

Жаҳлим чиқиб, тепа сочим тикка бұлди. Эң азиз кишин мени хоинликка чорлаяпти. Фазаб ёнған күзимга Сергей бир парча күмир бўлиб кўринди. «Жұна, бу ердан», деб қичкирдим. Сергей —«тисс» деди-да, ёнимга келиб, воқеани тушунтира кетди...

Шундан кейин мен немис штабида уборшица бўлиб ишлай бошладим.

Аввал бошда мени «ватанпарвар қиз» деб Михайловичлар бандаси чиқарадиган газеталарга ёзишди. Газеталарда расмимни курган кишилар мендан жирканиб юришди. Бирга үқиған гимназистлар тұпланишиб, мени үлдиришга ҳукм ҳам килишибди. Құчада бош күтариб юра олмай қолдим. Үйимга солдатлар олиб бориб, олиб келадиган қилинди. Шундан кейин штабистларнинг менгла бўлган ишончи янада ошди. Кейин-кейин уларга кофе келтириб турадиган бўлдим.

Сергейнинг топшириқларини бажариш анча осонлашиб қолди. Машинкадан чиққан эски копировкаларни,

Йиртиб ташланган қофозларни корзинкада гимназия боғининг бир бурчагига олиб бориб ташлайдиган бўлдим. Кечаси бу қофозларни Сернейнинг одамлари собиқ гимназистлар йифиб олиб туришди. Ҳар замонда Сергей билан уйимда учрашиб турдим. Унга штабда эшигдан гапларимни айтиб берардим. Бир кун кечаси Сергей келдида, мени ташқарига чақириб, «ҳушёр бўл, уйингга немислар гапни эшитиб оладиган аппарат ўрнатишганмиш» деб пичирлади. Шу-шу ҳеч ким билан учрашмайдиган бўлдим, айтадиган гапимни илгаритдан келишиб қўйилган белгилар билан ёзиб, боғ бурчагига ташлана-диган ахлатга кўмиб кўядиган бўлдим.

Немислар ҳар куни уч маҳал — олдин Берлин, кейин Москва радиосини тинглашади. Берлинни эшитиб қуво-нишади, Москвани эшитиб ғижинишади, Москва радиосини биз ҳам тинглар эдик. Фашистлар Москва осто-насида қирилмоқда, Қизил Армия ҳужум қилмоқда эди. Бу ҳол Югославия партизанларига ғайрат қўшса, бос-қинчиларни ғазаблантирас, оккупация режими тобора кучаяр эди. Зулм занжири қанча торайса, биз ғалаба яқинлигига шунча ишонардик. Чунки Қизил Армия ҳужуми қанча кучайса, фашистларнинг куюшқони шунча қисилар эди.

Бир куни жуда муҳим воқеа юз берди. Оператив бў-лимнинг офицерларига иккинчи нонушта учун бутерброд билан кофе кўтариб кирганимда, мени немис тилини билмайди деганлари учунми, менга парво қилмай, якин-дагина келтирилган маълумотни ўқиб қолишиди. Унда югослав халқининг баъзи хоинлари орқали исказ топилган партизан фори тўғрисида гап борар эди. Мен кофеларни столларга қўйиб, у ёқ-бу ёқни йифиширган бўлиб, уларнинг нима қилмоқчилигини билиб олдим. Кейин улар партизанлар форини қандай қилиб босиб олишни гаплашди-да, сунг машинисткани чақириб буйруқ диктовка қилишиди. Бугал мен буйруқнинг нусхаси тугул, копировкани ҳам ола олмадим. Копировка янги экан, машинистка олиб кетди, буйруқларни эса, оператив бўлимнинг офицери йифишириб олиб, маҳфий секторга топширди. Ҳужум кечаси бошланиши керак эди. Мен ишимни тамомладиму физиллаб уйга келдим. Сернейнинг одами оғилда мени кутиб турган экан.

— Штабга кирган икки четник нима хабар етказди, билдингми шуни? — деб пичирлади у.

Янги гапни эшитиб, ҳовлима-ҳовли жунади.

Эртаси ишга келсам, гимназия ҳовлиси офицерлар билан тўла. Ўртага гўр ковлаб бир неча офицерни кўмишяди. Бу, партизанлар горини олишга борган кечаги жазо отрядининг офицерлари эди. Мотамдан кейин узок вакт можаро бўлди. Ким айтди, ким қўйди, дейишиб текшириш бошланди. Мени ишга қабул қилган офицер кофе буюрган эди. Кофе олиб кирсам «Ширинми?» деб сўради. Мен индамадим. Кейин юзимга тиржайиб қараб туриб, ўз тилида айб гапларни айтди. Мен ўзимни тушунмаганга олиб, кулиб тура бердим.

Шундан маълум бўлдики, партизанлар кўлига тушган бир неча буйрукларни, очилган сирларни, ниҳоят, кечаги воқеани мендан гумонсирашган. Мен қандай бўлмасин, бу гумонни чиппакка чиқаришим керак эди.

Кечқурун, ишдан қайтай деб турганимда, хўжайним менга кулиб қаради-да, «буғун мен билан қол, черногория жаллодлари қиймалаган дўстларимнинг хотира кечаси бўлади» деди. Мен ноилож эдим.

Ошхонада столлар ясатилган. Янги френчларини кийган офицерлар хоин хотинларни, енгилтак кизларни ёнларига олиб ўтиришибди. Мен ҳам хўжамнинг ёнида ясаниб ўтирибман. Зиёфат бошлангач, хизмат қилиб турган фашист солдати бир коса шўрва келтириди-да: «ёнингиздаги жувонга» деб ўртага қўйди, кейин ёнимдаги майор Куртга қараб «ўзингиз ича кўрманг, ичига заҳар солинган» деб қўйди.

Қарасам, рўпарамда катта ойна. Ойнада юзим... орқамда фашист... Мен уларнинг нима қилмоқчилигини тушундим. Шўрвани ичмайман десам, сирим ошкора бўлади: немис тилини билишим ва уларнинг бошига тушган кўп балоларнинг сабабчиси мен эканлигим очилади. Шўрвани исчам заҳар бағримни тилади. Ярим дақиқа вакт ичиди юз хаёлга бордим, бир хил бўлиб кетдим, аммо сир бермадим.

Шўрвани қўлимга олиб, одатдагича Куртга кулиб бокдим, кейин ичдим. Томиримнинг ҳар бир уришини санаб, үлим дақиқаларини кутдим, ўзимни жўрттага хушчақчак тутдим. Орқамда турган иблис ғойиб бўлди. Атрофимдагилар бир-бирларига қараб-қараб тарқалишди.

Шўрвага заҳар солинмаган экан, мени синамоқчи бўлишган экан.

Синовдан ўтдим шекилли, мени ишдан ҳайдашмади, лекин гумонлари йўқолмади. Менинг олдимда кам гап бўлиб қолдилар, гоҳ-гоҳ ҳар хил баҳона билан корзинкамни ҳам текширадиган, баъзилари кўлимдан кофе ичмай, иккинчи ошхонада нонушта қиласидиган бўлдилар.

Немис штабида ишлашим қийинлаша борди. Ўзимнинг ҳам сабр косам тўлди. Ҳар куни юзлаб ватандoshларимни отиб, сўйиб, ҳатто тириклай ерга кўмиб кира бошладилар. Фашистларни қўргани кўзим йўқ эди. Таваккал дёдим-да, Сергейдан ҳам ижозат сўрамай, шундай иш қилдим.

Ҳар куни ишга кўтариб келасидиган сумкамда бир гал нон ўрнига динамит солиб келдим. Штабни супураётиб, уни генералнинг столи ёнида турадиган корзинкага жойладим-да, уни кундуз соат ўн иккита портрайдиган қилиб тўғрилаб қўйдим. Соат ўн бирда генерал кабинетида Черногориянинг ҳамма томонларидан келган немис офицерлари, итальян фашистлари ва югослав хоинларидан тузилган қисмларнинг командирлари тўпланди. Бу ерда иккинчи опонзив — ҳужум плани муҳокама қилинар эди. Икки графинда сув келтириб, ўртага қўйдим, секин қарасам, динамит ғижимланган қоғозлар тагида ётибди. Генерал корзинкага чала чекилган папиросни ташлабди. Юрагим орқамга тортиб кетди. Яхшиямки, чуғини учирган экан. «Мунча имирлайсан, жўна тезроқ!» деди штаб бошлиғи. Мен ҳам шуни кутиб турган эдим. Штабдан чикдиму шаҳар истироҳат боғидаги сўқмок йўл билан жўнадим. Кўлимда соатим йўқ эди. Тезроқ соат ўн икки бўла қолса эди, дейман. Бирдан портлаш эшитилди. Қадрли гимназиянинг вассалари портловда нақадар тез сачраган бўлса, мен ҳам шу қадар тез учиб, Кора тоғ бағрига отилдим. Шу-шу бўлди-ю, шаҳарга 1945 йилда — Совет Армияси душманни янчиди, бизни озод қилганда қайтдим. Отамни осишибди. Онам қийнока чидамай жон берибди.

Уч йил милтиқ ушлаб, Сергейнинг ёнида, жангларда катнашдим. Сергей билан никоҳ тўйимиз СССРнинг Фалаба куни — 1945 йил, 9 Май, соат ўн иккита бошланди...

ЎЗБЕК ПАРТИЗАНЛАРИ ЮГОСЛАВИЯ ТОҒЛАРИДА

Бу воқеани биринчи марта 1955 йил ёзида Совет Иттифоқига меҳмон бўлиб келган Югославия журналистла-

ри Тошкентдаги зиёфатда гапириб беришган эди. Иккинчи марта Сараевода Босния ва Герцеговина Коммунистлар Союзи Марказий Ижроия Комитетининг аъзоси, партизанларнинг бошлиқларидан бири Радован Папич ҳикоя қилиб берди.

— 1943 йилнинг ёзи эди,— деб сўз бошлади Радован Папич.— Биз Неретва дарёси бўйидаги Яблоница шаҳри бўсағасида жанг қилаётган эдик.

Немис-фашистлар ва итальян қисмлари югослав партизанларига қарши тўртинчи опонзив-ҳужумни давом эттирмоқда. Немис, итальян қўшинлари, усташийлар ва четниклар бизни куршаб олган. Бир томонда торгина очиқ коридор қолган, холос. Биз жанг қилиб, аста чекинмоқдамиз. Кучларимиз тобора озаймокда. Кучма лагердаги оғир ярадорлар беш минг кишига етди. Енгил ярадорлар куролини ташлагани йўқ. Неретва бўйидаги жанглар тобора даҳшатли тус олди. Кучимиз камая борди. Душман буни билар эди. Душман беш минг оғир ярадорни ташлаб кетмаслигимизни ҳам билар эди. Бизни Яблоница бўсағасида, Неретва бўйларида қириб ташлаш учун бизга қарши душман юз минг кишилик қўшин ташлади.

Бизнинг кучларимиз, фақат ўн етти минг киши, бундан ҳам беш минги оғир ярадор. Биз қуршовдан чиқиб олишимиз керак эди. Лекин силжишга илож йўқ. Бир парчагина партизан ери душман самолётларининг бомбалари ва замбарак снарядлари зарбидан ларзага келиб турибди. Бизнинг зенит батареяларимиз йўқ. Ҳаво ҳужумига қарши чорасиз эдик. Душман танкларни ишга солиб, чор атрофдан бизни қисиб келмоқда.

Куршовдан чиқиб олиш учун асосий зарба районини танладик. Прозора шаҳрида Раме дарёсигача итальян дивизияси, танк бригадаси ва ўзиюрар тўплар бригадаси турарди. Биз ана шуларни ёриб ўтишимиз керак эди. Кечаси тұсатдан уларга ёпирилиб, тонг отгунча Прозора шаҳрига кирдик ва ўн беш минг итальян солдатини кириб ташладик.

Ҳалок бўлган итальян солдатларини бирма-бир Неретва дарёсига оқиздик. Уліклар дарёда куни бўйи оқиб турди. Жасадлар Мостар шаҳрининг ичидан оқиб ута бошлагач, Мостар гарнизонидаги итальянлар шаҳарни ташлаб қочибди. Партизанлар Мостарга жангсиз кирдилар.

Бирок бу ерда яна қуршовда қолдик. Иосип Броз Тито ҳам биз билан бирга эди. Бу қуршовдан чиқиб олиш учун катта усталик керак бўлиб қолди. Иосип Броз Тито Неретва дарёсининг катта кўпригини намойишкорона портлатишни буюрди. Бу портлаш душманни гангиратиб қўйди. Чунки бу кўприк душмандан кўра, бизга керак эди, партизанлар манзилига шу кўприкдан ўтиб борилади. Шундан кейин душман, бизни орқага қайтмоқчи, деб ўйлаб, йўлимизни тўсиб турган кучларини ҳам орка томонимизга ташлади. Биз бир кечада дарёга бошқа жойдан кўприк солиб ўтдик ва душманни уйқусида босдик. Шундан кейин итальянлар корасини курсатмай тумтарақай қоча берди.

Ўзбек партизанлари билан ана шу вактда, душманнинг тўртинчи опонзиви барбод қилинган чоқларда учрашдик.

1943 йилнинг охирида, Албания ва Югославия чегарасида бир неча мусулмон партизанлар ҳаракат қиляпти, деган хабар келиб қолди. Маҳаллий аҳолининг ёрдами билан суришириб аниқладик: улар немисларнинг Плава билан Гусинадаги асиirlар лагеридан қочган жангчилар экан. Кизил Армия ҳужумга ўтиб, душман қўшинларини тор-мор қила бошлагач, фашистлар ҳарбий асиirlар лагерини ичкари томон кўчирган эди. Бир неча ҳарбий асиir жароҳатлари тузалиб, мадорга келгач, бир куни кечаси лагерь коровулини ўлдириб, офицерларни пичоқлаб, уларнинг кийим ва куролларини олиб ўрмонга қочибди. Кизил Армия қисмларига қушиламиз, деб тоғма-тоғ Албанияга ўтиби. Албаниядан Югославияга ўтәётуб, итальян қисмларига дуч келиб, жанг қилибди. Кейин уларга албанлар, хорватлар, болгарлар қўшилиб, интернационал партизан отряди пайдо бўлибди. Бу отряд билан алоқа боғладик. Отряд Югославия партизанлари билан бир сафда умумий душманга қарши курашиб тайёр эканлигини баён қилди. Отрядни қўшиб олдик.

Бизда бир фикр туғилди. Албанлар ўзбек партизанларини яхши қабул қилган эдилар. Чунки Албания мусулмонлари Ўрта Осиё мусулмонлари билан умумий тил топганди. Шунинг учун ўзбек жангчилари албан деҳқонларини умумий душманга қарши кўтаришда катта роль ўйнашлари мумкин эди. Шу сабабли биз уларни вактинча Албания қишлоқларида қолдиришни лозим топдик.

Улар орасида коммунистлар, офицерлар ва кичик командирлар ҳам бор эди. Улар немис ва итальян фашистлари га орқа томондан зарба бериб, катта иш қилдилар. Бирок, жазо отрядлари уларни ўз районларидан қисиб чиқарди. Шундан кейин улар Титонинг партизанлар армиясига келиб қўшилишди. Ўттиз тўрт ўзбек жангчисидан алоҳида бир рота тузиб, бешинчи ўқчи дивизиянинг бир бригадасидаги биринчи славян батальонига жойладик.

Мен ана шу бригада сиёсий бўлимининг бошлиғи эдим. Биринчи бўлиб уларни кутиб олган, биринчи бўлиб улар билан суҳбатлашган киши ҳам мен эдим. Улар менда жуда яхши таассурот қолдирдилар. Интизомли, хушчакъақ ва айтганини киладиган мард йигитлар эди. Улар славянлар батальонидагина эмас, бутун бешинчи дивизияда катта обрў қозондилар. Батальонда Болгария компартиясиниг аъзолари, поляк патриотлари, рус ва украин жангчилари ҳам кўп эди. Улар фашистлар поездда Туркияга олиб кетаётган асирлар вагонларини синдириб кочган кишилар эдилар. Шу кишилардан ташкил топган славянлар батальони ҳам душманга даҳшат солувчи кучга айланди.

Бу батальондаги ўзбекларга биз маҳсус топшириклар бера бошладик. Улар лагерда турган чоқларида бир оз немисча гапиришни ўрганиб олган эдилар... Уларни кўпинча пичоқ ва ханжарлар билан куроллантириб, немис формасини кийинтириб итальянлар лагерига, итальянча кийинтириб немис лагерига юборар эдик. Кечалари душман ичига кириб, уларни ханжар билан қирава баъзан душман офицерларини асир қилиб келар эдилар.

Бора-бора улар ботирликлари билан орамизда шухрат қозондилар. Югославия партизанлари уларни ўз қонкардошларидек севиб қолдилар.

Улар бирданига ана шундай ботир бўлиб қолганлари йўқ. Биринчи кунлари улар бизнинг тактикамизга кўнига олмадилар. Кичик-кичик группалар билан душманнинг катта кучларига ҳужум қилиш тактикаси уларга ғалати туяларди. Шунинг учун улар билан тез-тез учрашиб, партизанлик жанглари тактикаси тўғрисида суҳбатлашиб туришга тўғри келди. Сўнгра улар бу тактикани ҳам яхши ўзлаштириб олдилар.

Бир куни куйидагича воқеа юз берди.

Биз жангчилар билан Босниядан Сербияга келдик. Сербиядан Черногорияга ўтдик. Черногорияда фашист-

Бироқ бу ерда яна куршовда қолдик. Иосип Броз Тито ҳам биз билан бирга эди. Бу куршовдан чиқиб олиш учун катта усталик керак бўлиб қолди. Иосип Броз Тито Неретва дарёсининг катта кўпригини намойишкорона портлатишни буюрди. Бу портлаш душманни гангиратиб қўйди. Чунки бу кўприк душмандан кўра, бизга керак эди, партизанлар манзилига шу кўприкдан ўтиб борилади. Шундан кейин душман, бизни орқага қайтмоқчи, деб ўйлаб, ўлимизни тўсиб турган кучларини ҳам орқа томонимизга ташлади. Биз бир кечада дарёга бошқа жайдан кўприк солиб ўтдик ва душманни уйкусида босдик. Шундан кейин итальянлар қорасини кўрсатмай тумтарақай қоча берди.

Ўзбек партизанлари билан ана шу вактда, душманнинг тўртинчи опонзиви барбод қилинган чоқларда учрашдик.

1943 йилнинг охирида, Албания ва Югославия чегарасида бир неча мусулмон партизанлар ҳаракат қиляпти, деган хабар келиб қолди. Маҳаллий аҳолининг ёрдами билан суриштириб аниқладик: улар немисларнинг Плава билан Гусинадаги асиirlар лагеридан кочган жангчилар экан. Қизил Армия ҳужумга ўтиб, душман қўшинларини тор-мор қила бошлагач, фашистлар ҳарбий асиirlар лагерини ичкари томон кўчирган эди. Бир неча ҳарбий асиir жароҳатлари тузалиб, мадорга келгач, бир куни кечаси лагерь коровулини ўлдириб, офицерларни пичоқлаб, уларнинг кийим ва қуролларини олиб ўрмонга кочибди. Қизил Армия қисмларига қўшиламиз, деб тоғма-тоғ Албанияга ўтибди. Албаниядан Югославияга ўтётib, итальян қисмларига дуч келиб, жанг қилибди. Кейин уларга албанлар, хорватлар, болгарлар қўшилиб, интернационал партизан отряди пайдо бўлибди. Бу отряд билан алоқа боғладик. Отряд Югославия партизанлари билан бир сафда умумий душманга қарши курашишга тайёр эканлигини баён қилди. Отрядни қўшиб олдик.

Бизда бир фикр туғилди. Албанлар ўзбек партизанларини яхши қабул қилган эдилар. Чунки Албания мусулмонлари Ўрта Осиё мусулмонлари билан умумий тил топганди. Шунинг учун ўзбек жангчилари албан деҳқонларини умумий душманга қарши кўтаришда катта роль ўйнашлари мумкин эди. Шу сабабли биз уларни вактингча Албания кишлоказларида қолдиришни лозим топдик.

Улар орасида коммунистлар, офицерлар ва кичик командирлар ҳам бор эди. Улар немис ва итальян фашистлари га орқа томондан зарба бериб, катта иш қилдилар. Бирок, жазо отрядлари уларни ўз районларидан қисиб чиқарди. Шундан кейин улар Титонинг партизанлар армиясига келиб кўшилиши. Ўттиз тўрт ўзбек жангчисидан алоҳида бир рота тузиб, бешинчи ўқчи дивизиянинг бир бригадасидаги биринчи славян батальонига жойладик.

Мен ана шу бригада сиёсий бўлимнинг бошлиғи эдим. Биринчи бўлиб уларни кутиб олган, биринчи бўлиб улар билан суҳбатлашган киши ҳам мен эдим. Улар менда жуда яхши таассурот қолдирдилар. Интизомли, хушчақчақ ва айтганини қиласиган мард йигитлар эди. Улар славянлар батальонидагина эмас, бутун бешинчи дивизияда катта обрў қозондилар. Батальонда Болгария компартиясиниг аъзолари, поляк патриотлари, рус ва украин жангчилари ҳам кўп эди. Улар фашистлар поездда Туркияга олиб кетаётган асиirlар вагонларини синдириб қочган кишилар эдилар. Шу кишилардан ташкил топган славянлар батальони ҳам душманга даҳшат солувчи кучга айланди.

Бу батальондаги ўзбекларга биз маҳсус топшириклар бера бошладик. Улар лагерда турган чоқларида бир оз немисча гапиришни ўрганиб олган эдилар... Уларни кўпинча пичоқ ва ханжарлар билан қуроллантириб, немис формасини кийинтириб итальянлар лагерига, итальянча кийинтириб немис лагерига юборар эдик. Кечалари душман ичига кириб, уларни ханжар билан қирап ва баъзан душман офицерларини асириклиб келар эдилар.

Бора-бора улар ботирликлари билан орамизда шуҳрат қозондилар. Югославия партизанлари уларни ўз қонкардошларидек севиб қолдилар.

Улар бирданига ана шундай ботир бўлиб қолганлари йўқ. Биринчи кунлари улар бизнинг тактикализга кўнига олмадилар. Кичик-кичик группалар билан душманнинг катта кучларига ҳужум қилиш тактикаси уларга ғалати туюларди. Шунинг учун улар билан тез-тез учрашиб, партизанлик жанглари тактикаси тўғрисида суҳбатлашиб туришга тўғри келди. Сўнгра улар бу тактикани ҳам яхши ўзлаштириб олдилар.

Бир куни қўйидагича воқеа юз берди.

Биз жангчилар билан Босниядан Сербияга келдик. Сербиядан Черногорияга ўтдик. Черногорияда фашист-

ларнинг бизни куршаб олиш хавфи туғилди. Биз қишлоқни ташлаб кетмоқчи бўлдик. Ўзбеклар бундан жуда норози бўлдилар. «Нега кўлга олинган қишлоқни яна душманга ташлаб кетамиз» деб туриб олишди. Уларни телефон орқали кўндириш қийин бўлди. Штабдан алоқачи етиб боргунча итальянлар билан жанг бошлаб юборишибди. Шунда улардан икки жангчи ўлди, беш киши оғир ярадор бўлди. Биз уларга мадад юбориб кечгача мудофаа жангги олиб бордик, кечаси коронгида уларни форларга бошлаб кетдик.

* * *

Югославия компартияси мени 1944 йилнинг июль ойида бошқа ишга юборди. Мен бешинчи дивизиядан жўнаб кетдим. Ўзбек жангчиларидан йигирма тўрт киши қолган эди. Шундан кейин уларнинг тақдири нима бўлганини аник билмайман. Айтишларича, бешинчи дивизия Белградга киргандага ҳам унинг сафларида руслар, украинлар ва ўзбеклар бўлган. Уларнинг кўплари Совет Армиясининг қисмлари Югославияни озод қилишда иштирок этаётган чокларда совет ҳарбий қисмларига қўшилиб кетган.

— Афсуски, уларнинг рўйхати менда сақланмаган. Аммо архивда бор,— деди Папич,— номлари ҳам ёдимдан кўтарилиган. Абдураҳмон деган шўх бир жангчининг номи эсимда, холос. Унинг номини Белград қабристонидаги мармар тахтада ўкиш мумкин...

Папич ўзбек жангчиларининг Югославия партизанларига айтиб юрган ҳикояларини ҳам унутмабди.

— Биз Россия, Украина, Белоруссия, Кавказни яхши билар эдик-ку, лекин Ўрта Осиёни, хусусан Ўзбекистонни унча билмас эдик. Ўзбек жангчилари бизга доим Совет Ўзбекистони тўғрисида, унинг гузал манзараси, боғлари, пахтазорлари, мард кишилари тўғрисида қизиқарли ҳикоялар айтиб берар эдилар. Ўзбек халқининг баҳти Совет Иттифоқи халқлари оиласида очилган, дер эди улар.

Радован Папич ва унинг дўстлари бизни Босния ва Герцеговина тупроғидан кузатар эканлар, фарзандлари Югославия озодлиги учун жон берган совет халқига қизғин салом айтишни топширдилар.

1965.



МУНДАРИЖА

Оловкор. Лазиз Қаюмов 5

ҲИКОЯЛАР

Чегарадан ўтган «думсиз ит»	13
Оқ финлар ҳуружи	18
Кавказ	25
Икки ўқнинг алангасида	36
Икки минут тарихи	40
Айрилмас дўстлик	46
Барно	52
Пенсионер	65
Маржонхон	89
Думбул	95
Мадаминжоннинг орзуси	105
Пир	110

ОЧЕРКЛАР

Ўзбек халқининг содик фарзанди	117
«Совет Ўзбекистонининг 20 йиллиги» танклари	129
Куз лавҳалари	143
Тунги чувиш вақтида	161
Қаҳрамон ва унинг кенжаси	164
Механизаторнинг ўйлари	188
Жонкуяр	211
Турсуной ва унинг дугоналари	283
Ҳиммат ва зарурат	243
Жаводнинг жадвали	256
Пахтапарвар	271
Омборчи	275
Мунисхон	278
Қўшкечик	297
Коммунист	366
Югославия сафари	372



На узбекском языке
ИБРАГИМ РАХИМ
ИЗБРАННЫЕ ПРОИЗВЕДЕНИЯ
TРЕХТОМНИК
ТОМ 1

Редактор *Сайёр*
Рассом *П. Бродский*
Расмлар редактори *Э. Валиев*
Техн. редактор *М. Парнихұжаев*
Корректор *Ш. Зухриддинов*

Босмахонага берилди 1/VII 1966 й.
Босишига рухсат этилди 2/III 1967 й.
Формати 84×108¹/₃₂, Босма л. 13,0.
Шартли босма л. 22,2. Тиражи 15000.
Р. 09539. Нашр. л. 20,5
Faфур Ғулом номидаги бадинй адабиёт нашриёти. Тошкент, Навоий кӯчи
часи 30. Шартнома № 104—66.

Қозогистон ССР Министрлар Совети
Матбуот Давлат Комитетининг 2-босмахонасида босилди. Олмаста, Қарл
Маркс к. 63. 1967. Заказ № 446.
Баҳоси 80 т.

